



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






Vet. Span II. A-95








Vet. Span. II. A. 95





mentarii luce donarentur, cum mihi primum a Sacror. Rituum Congregat. Consultoribus non modo propositum, sed etiam persuasum est; statim me impulit ad rem perficiendam, & clarissimo Vestro Nomini dedicandam. Neminem quippe magis decebat, LOPESII scripta promulgare, quam eum, cui esset cura Scriptoris causam ad beatificationem, canonizationemque in hoc celeberrimo Senatu promovendi: neque alios Patronos tanti ingenii monumenta patiebantur, quam qui corporis reliquias apud se perpetuo colendas haberent. Jam vero illa merita, quae sibi potissimum vindicare solent, quotquot prodeunt, librorum inscriptiones, dignitas, doctrina, probitas, beneficentia, humanitas, tanta in Vobis esse intelligo, ut jure suo a me repetere videbantur istud officii. Nam ut de splendore Vestrae

Dignitatis, quam sublimioribus Urbis Ecclesiarum verissime comparo, nihil dicam; profecto morum, & doctrinae ea de Vobis non modo apud cives, sed etiam apud longinquos opinio invaluit, ut earum imaginem sibi potius ad admirandum, quam ad imitandum propositam putent. Id quoniam pluribus probari non eger, unum dumtaxat, quod est moderati animi, ac prope singularis argumentum, ne longus sim, proferam. Nuper enim aliqui Vestrum quum non industria, aut fortuna, sed adjumento virtutum, imprimisque earum, quae virum, qui praeest, maxime decent, ad summorum Episcopatum gradus fuerint evecti, inire prorsus recusarunt, de se ipsi tam demisse sentientes, ut ea opinio, quae erat de eorum in instituendis populis, regendisque facultate, mirifice aucta fuerit, & longe lateque propaga-

ta. Sed neque tacitus praeterire ullo modo possum, quod rem, de qua ago, magis spectat, eximiam omnium Vestrum pietatem, ac religionem: quippe omnia, quae in Vobis sunt, esse autem plurima intelligo, ita in LOPESIIUM confertis, ut magnus ad cultum, & publicos honores factus sit ejus causae progressus. Haec saepe mecum cogitans, & memoria repetens non satis esse Vobis factum videbam, istud muneris offerre, quod omnibus nominibus debebam; ideoque consilium coepi mittendi ad Vos etiam, dedicandique cum quinque selectis sancti THOMAE AQUINATIS Opusculis libellum NICOLAI ESCHII de spiritualibus exercitiis inscriptum, ut ex mea voluntate aliquid proficeretur non ad aequandam vestrorum magnitudinem meritorum, sed meum erga Vos studium perpetuo signi-

gnificandum . Nam quum Mexica-
 norum ingenium de rebus , iisque
 praesertim , quae ad bene, beateque
 vivendum pertinent , semper ali-
 quid audiendi , discendique cupi-
 dissimum , aptissimumque coram
 agnoverim : librorum tamen , un-
 de proficere possint , inopiam ani-
 madverterim ; facturum me Vobis
 rem jucundissimam , ac Vestris ho-
 minibus apprime utilem duxi , si
 parvi voluminis copiam facerem ,
 quod plurimorum loco esse potest
 tum propter doctrinae praestantiam
 cum summa brevitate, claritateque
 conjunctam, tum propter Authorum
 pietatis, ac sapientiae celebritatem.
 Hec meum consilium a Vobis eo
 animo susceptum iri confido , quo
 synopsis *De Studio Bibliorum* pau-
 lo ante suscepistis . Pro tanta au-
 tem in me benevolentia , & maxi-
 mis collatis beneficiis etsi nullam

x
habeo gratiae referendae facultatem , precor tamen a Deo Optimo Max., ut vos sospites, & incolumes diu esse velit, ac beatos efficere .

F. BERN.

F. BERN. MEMBRIVE ORD. PRAED.

Sac. Th. Mag: Scotiae Provincialis :

A P P O D

CATHOLICUM REGEM

Concionatoris :

AUGUSTI III. POLONIAE , ET JACOBI III.

BRITANNIAE REGUM

Theologi :

Sacrorum Rituum Congreg. Consultoris :

ET V. GREGORII LOPESII CAUSAE

In Urbe Postulatoris

AD LECTOREM

P R A E F A T I O .



*Q*um mihi semper usque ab adolescentia persuaserim , in edendis libris operam abuti , qui non publicae utilitati consulat , sed sui nominis famam quaerat ; illud esse consilii capiendum putavi , ut novas res saepe a veritate abhorrentes , aut saltem periculi plenas investigandi facultatem concedens aliis , ad eruenda , restituendaque nonnulla vetera , quae sapientum consensione virorum probata essent , quidquid operae , quidquid industriae possem , impenderem . Igitur postquam ex pluribus sa-

cro-

orum Rituum Congregationis Consultoribus accepi, factarum me pretium causae Venerabilis GREGORII LOPESII, si quos ille ab Hispano Religioso iussus absolvit diebus octo in apocalypsim commentarios, luce donarem; statim curavi ex Hispanico Authoris sermone latinos facere, & cum ad ejus privatas rationes, tum in commune hominum commodum, usumque proferre. Neque enim eos dubito, allacuros fore plurimum boni, quos summi viri, qui de rebus judicare possunt, honoris causa commemorarunt, studioseque legere, & admirari cupierunt (a). His opuscula quinque S. THOMAE AQUINATIS, & NICOLAI ESCHII de spiritualibus exercitiis libellum adjunxi: quorum doctrina proficere, magis experiendo cognoscere, quam ego possum dicendo explicare. Silentio tamen praetercundum non est; vel unum illud Opusculum, quod de articulis Fidei, & Ecclesiae sacramentis inscribitur, ita fuisse a Moguntinae Synodi Patribus commendatum, ut in cunctis suae Provinciae, vel Dioecesis Conciliis imposterum legi; atque eo uti omnes Paroeciarum rectores debere decreverit (b). Ac de Eschio quidem, si recteri deessent, Surium habeo, qui fere divinum illud opus appellat, locupletissimum testem (c).

Sed haec praeclare fuisse ab eis scripta, quos laudibus effero, inficiaturum arbitror neminem.

(a) Vid. Jac. Bossuetii praefation. in Apoc. inter alios oper. tom. 2. edit. Paris. 1747.

(b) Vid. Collection. Concilior. Labbeanam ad ann. 1451. tom. 19. edit. Venet. 1732.

(c) Vid. ejus Praefation. hic pag. 379.

minem. Mei autem consilii rationem, cur singu-
lorum adeo diversa conjunxerim, fortasse ali-
quis quaeret. Quod etsi frustra quaeri non vi-
deatur, tamen certum est, quid respondeam.
Ego enim sic sentio: universum hominum genus
ita esse veluti a natura comparatum, ut qui in-
genio plurimum praestant, hi ad res difficiles,
& perobscuras cognoscendas totum adhibeant
& tempus, & diligentiam. Aliis vero ea de
studiis sit firma sententia: Christiano viro nihil
esse tantopere inquirendum, quam, quae ad Re-
ligionem, & mores divinis praeceptis confor-
mandos conferre possit, disciplinam. Denique
ceteros pudeat, ita sese litteris abdere, ut nihil
inde animus caelestium contemplatione rescia-
tur, ac veluti corporis custodiis liberatus in
Dei Opt. Max. consuetudine conquiescat. Qua-
propter nemo potest me jure reprehendere, si
quantum plerique Scriptores multis libris ad
haec singula hominum studia, tantum ego ad uni-
versa excolenda uno libello susceperim. Nam si
liceat sententia Hieronymi sacra Biblia pelagus
appellare, quo Elephas ambulet, profecto nihil
a me amplius effici poterat ad obsequendum illo-
rum ingenio, quos primo commemoravi, quam
sapientis, atque optimi viri Commentarios pro-
ferre in eam Bibliorum partem, quae tum oc-
cultarum, tum mirabilium rerum copia, ac
magnitudine ceteras antecellit. Jam vero ad
selektis quinque Opusculis aptius, quid adferri
validius poterat? Quandoquidem totam eorum,
quae credere, quae optare, quaeque agere de-
bea-

beamus , scientiam continent, quam ipse Author principio constituit, saluti esse sempiternae necessariam . Postremo ut ad eam vitae rationem , qua Deo adhuc mortalis homo jungitur , perveniri facile possit , satis consultum esse arbitror eximio duce , ac praeceptore , sine quo inanis profecto ad res hujusmodi solet esse contentio .

Utere igitur , quae te , Lector , juvare magis possit , operis parte : meamque fidem in priore interpretanda , in altera vero illustranda diligentiam , quâ collata sacrarum Scripturarum loca , & notulae in margine quasi vinculo argumenti conjunctae maximam lucem afferunt , sic accipito , ut non aliam , quam tuae utilitatis mercedem postulent . Vale .

APPROBATIO.

M Andato Reverendissimi P. M. Joseph Augustini Orfi Sacri Palatii Apostol. Magistri obsequium summo animi oblectamento praeclarum Opus evolvimus, quod continet *ſ Venerabilis GREGORII Lopeſi Commentationes in Apocalypſim ex Hiſpano in latinum traducta*: a Reverendissimo P. M. Bernardino Membrive Ordinis Praedicatorum, ejusdem Beatificationis Causae vigilantissimo Postulatore; *Quinque Opuscula Doctoris Angelici S. Tomae Aquinatis*; & denique *Exercitia Nicolai Eschii cum Hymno Sancti Casimiri ad B. V. Mariam*. Inter perlegendas ea, qua licuit, diligentia, Lopeſii Commentationes nihil omnino Orthodoxae Fidei, bonis Moribus, sanaeque doctrinae dissonum, aut contrarium deprehendimus; quin potius putavimus, quod homo litterarum expertus ita profundos allegoricos Apocalypſis sensus explanare non valeret nisi a Patre luminum eisdem hausſſet. In Opusculis Doctoris Angelici, & Exercitiis Eschii undequaque fragrant purissimae Aescſis Dogmata, quae ad Fidelium mores formandoſ, virtuteſque omneſ comparanda aptiſſima ſunt; nam alioſ praestantioſ, tutioſque Magiſtroſ ingenii noſtri tenuitaſ hucuſque non novit. Idcirco digniſſimum cenſemus, & utiliſſimum, quod hoc Opus melioſibus typiſ & excudatur, & recudatur, vehementi deſideranteſ, ut praec omnium manibuſ habeatur; quia in eodem, ut ſanctuſ Ambroſiuſ ait: *plus eſt, quod probatur aſpectu, quam quod ſermone laudatur*. Ita, ſalvo melioſi &c.

Ex Aedibuſ ſ. Caroli ad quatuor fonteſ de Urbe die 28. Februarii 1756.

Fr. Franciſcuſ a Spiritu S. Ord. Diſcalc. Ss. Trinit. Sac. Congr. Indulgentiar., Sacraſumque Reliquiar. Conſult., S. R. & Univerſ. Inquiſition. Qualif. ejuſdemq; Ordin. General. Scriptoſ &c.

Datum in Domo Oratoſii S. Hieronymi Charitatis die 7. Martii 1756.

Joſepbuſ Catalanuſ ejuſdem Oratoſii Preſbyter.

I M P R I M A T U R ,

**Si videbitur Reverendissimo Patri
Sacri Palatii Apost. Mag.**

***F. M. de Rubeis Patriarcha
Constant. Vicesg.***

I M P R I M A T U R .

**Fr. Vinc. Elena Reverendiss. Patris
Magist. Sac. Pal. Apost. Sec.**

RERUM GESTARUM
 A VENERABILI SERVO DEI
 GREGORIO LOPE SIO
 COMPENDIUM CARMINE EXPOSITUM.

Grandia Lopeſſi, cui dives Iberia cunas,
 Et tumulum America extremis donavit in oris,
 Faſta cano. Sed quæ memoranda, inſuetaque Terris
 Exhibet, ac caelo primis ſpectacula ab annis?
 Integra luſtra duo nondum compleverat, bujus
 Pertaxiſ mundi illecebras, patriaque, domoque
 Clam ſeſe eripiens, & opes, ac comoda ſpernens,
 Navarræ fines, divo inflammatus amore,
 Impatiensque adit, atque Viro, quem fama canebat
 Sublimem meritis, inter loca inhospita, & altis
 Degentem in ſylvis, ac caeli luce fruentem,
 Seſe informandum tradit. Sex circiter annos
 Hic humilem vitam, ſtrepitu ſemotus ab omni,
 Solaque præguſtans caeleſtia gaudia mente
 Sorte ſua contentus agit. Sed, patre jubente,
 In patriam invitus revocatur, & inter ephæbos
 Hiſpani Regis dare nomen cogitur, antra
 Urbis cum ſtrepitu immutans, aulaque tumultu.
 Quam votis inimica ſuis foret aula, probavit
 Exitus; Inde fugam primis nam coepit ab horis,
 Et reditum in ſylvas meditari: Virginis ergo
 Praeſidium implorat, dubiisque in rebus ab ipſa
 Conſilium, lumenque rogat: duce Virgine, tandem
 Grande opus exequitur, quin illum curâ parentum,
 Vanaque ſpes, ſplendorque aulae remoretur euntem:

Conscendit navim , placidisque afflantibus auris ,
 Pergit in Americam : peragratis aequoris inde
 Immenſi ſpatiis , Veræ Crucis attigit oras .
 Hic veſtes , aurum , pretioſaque quaelibet , una
 Contentus tunica , divino & Codice ; donat
 Cetera pauperibus ; ſic pondere liber ab omni
 Hujus Regna novi ingreditur vaſtiſſima mundi .
 Hic ſeptem prope luſtra , cavis modo conditus antris ,
 Nunc inter populi ſtrepitus , ac Oppida , & Urbes
 Angelicam traxit vitam ; paulumque moratus ,
 Quæ prima Americae reperitur , Mexici in Urbe ,
 Chichimecos iter ad populos meditatatur , & explet .
 Eſt ea gens truculenta , ferox , qua mitior eſſet
 Ursa , Leaena , Tigris , formidandique Dracones ;
 Tanta quibus rabies , ac indignatio , tantus
 Livor in Hiſpanos , ut , ſi quem forte viderent ,
 Dentibus irruerent avidis , vivumque vorarent .
 Hos inter populos ſylvis exceptus , & antris
 Verſatur plures Juvenis ſanctiſſimus annos ,
 Et ſolo vivens contentus pane , cubanſque
 In nuda proſtratus humo ; caeleſtia ſemper
 Noctes , atque dies meditans , tot pandere caepit
 Virtutis radios , ut , quamvis eſſera primum
 Gens ea mirari , ſenſim manſueſcere , tandem
 Illi præſidio , paleis , & vimine textam
 Sylveſtrem , tenuemque caſam dum conderet , eſſe
 Debuerit ; tanto excellens rapit impete virtus
 Immanes etiam populos ; præclara ſed ejus
 Amplaq. facta quibus ſylvas dudum explet , & Urbes ,
 Innuo , non reſero , ſiquidem diſtinguere verſu
 Singula , quæ gerat intrepidus , quæ pectore forti
 Suſtineat , noſtris labor impar viribus eſſet .
 Nunc ergo latet in ſylvis , animoque beatas

*Ad caeli sedes assurgit ; plena ferarum
 Antra modo fugiens , spatiat in Urbibus , illum
 Sed vi consilii , medica sive arte juvando .
 Huic exponendo nostrae mysteria legis ,
 Seu loca Scripturae , quae sunt minus obvia captu ,
 Clare explanando . Vicinas , atque remotas
 Sed volat Americae jam nuncia fama per Urbes ,
 Atque novi extremis veniunt e partibus Orbis
 Certatim populi , quibus est spes una videndi
 Insignem pietate Virum ; jam plausibus illum
 Excipiunt , pendentque ejus dicentis ab ore ,
 Et quasi prodigium spectant ; communis at hostis
 Saepe etiam populorum animos avertere tentans
 Plura vomit contra , insimulans erroris , & illum
 Haereseos damnans : sed victrix denique virtus
 Clarius emergens palma majore triumphat .
 Ardua res esset , mihi si memorare labores
 Mens foret : insomnes quoties traducere noctes
 Debuerit : quoties sedare famemque , sitimque
 Exigua nec aqua , modica nec pane dabatur :
 Quot saepe aerumnas , quot saepe incommoda , & acris
 Sustineat dudum constanti robore morbos :
 Quot loca , quot sylvas , praecepta quot antra , quot urbes ,
 Quot populos adeat , quot ubique angusta relinquat
 Semina virtutum . Sed merces , atque corona
 Denique justitiae meritis reddenda ; beatas
 En felix Anima ad sedes , ac Numinis aulam
 More triumphantis pergit , dum flexile corpus
 Interea remanens caelestem spirat odorem .
 Continuo accurrunt populi , vestesque , sacrasque
 Exuvias avidi rapiunt , quae plurima patrat
 Prodigia Omnipotens : contactu vestis ab acris
 Hic febris liber , capitisque doloribus ille ,*

4

*Alter apoplexi , lepræ foetoribus alter ,
 Ille lue Veneris , mortis discrimine plures .
 At modo quid superest , nisi quod , sanctissime Princeps ,
 E Petri cathedra , morum , Fideique Magistra ,
 Eximio Heroi meriti reddantur honores ,
 Ac illum sacras tandem veneremur ad Aras ?
 Votaque non unus , geminus tibi porrigit Orbis :
 America id supplex , supplex Hispania poscit .*

Nadisti Mantinaei P. A.

PROTESTATIO.

P Rositeor obedientiam Decretis ab Apostolica
 Sede emanatis super iis , asseroque cuncta
 proponere , non ut a Sede Apostolica approbata ,
 sed solum tamquam Historiam humanam , nec inten-
 do cultum arrogare vel famam Sanctitatis inducere ,
 aut gradum ad Beatificationem , & Canonizationem
 facere , sed omnia in suo statu relinquere .

F I N I S .

GRE-



GREGORII LOPESII,

COMMENTATIONES

IN APOCALYPSIM SANCTI JOHANNIS

Ex Hispanico in Latinum conversa.

C A P U T I.



UNC librum Redemptor hominum
CHRISTUS ad septem Ecclesias
mittit, quas septem candelabro-
rum aureorum, earum vero Epi-
scopos septem stellarum, sive

Angelorum nominibus appellat.

APOCALYPSIS (quod verbum manifesta-
tionem significat) *Jesu Christi*, quam dedit illi
Deus, etenim redemptoris nostri humanitati di-
vinitas demonstravit, *palam facere servis suis* id
est Christianis, *quæ oportet fieri cito*; continuo
enim fieri cœpta sunt; & significavit significa-
tionibus ac figuris, *mittens per Angelum suum*
servo suo Johanni Evangelistæ, qui testimonium
perhibuit verbo Dei, quoad divinitatem, & re-

6 GREGORII LOPESII

simonium Jesu Christi, quod spectat humanitatem, quæcunque vidit. Ac de maxima hujus libri præstantia sic proponit: Beatus qui legit, & audit verba prophetiæ hujus; quodque non id fatis est, idcirco addit; & servat ea, quæ in ea scripta sunt: nimirum, quæ præcipiuntur, faciendo, quæque promittuntur, credendo; tempus enim est prope, ut fieri incipiant.

Nunc septem Ecclesias Asiaticas alloquens, quarum præcipue causa hæc scribit; *Johannes, inquit, septem Ecclesiis, quæ sunt in Asia. Gratia vobis, & pax ab eo, qui est æternum, & qui erat, ante secula, & qui venturus est judex vivorum, ac mortuorum; & a septem Spiritibus; significantur autem septem virtutes, quæ a sancto Spiritu proficiuntur, aut septem Angeli principes, qui in conspectu throni ejus sunt, & a Jesu Christo, qui est testis omnium, quæ fiunt, fidelis, ac verax, primogenitus mortuorum; nam primus fuit omnium, qui a mortuis excitatus fuerit, & princeps regum terræ; de his enim omnibus judicaturus est: qui dilexit nos, & lavit nos a peccatis nostris in sanguine suo, & fecit nos regnum, nam sunt probi homines regnum Dei, & sacerdotes, quod sacrificium justitiæ offerunt, Deo Patri suo; ipsi gloria, & imperium in secula seculorum. Amen.*

Jam de judicio, quod commissurus est Christus, hæc dicit: *Ecce venit cum nubibus, sunt autem nubes Sancti, & videbit eum omnis oculus, & qui eum pupugerunt, Judæi nimirum, & plangent super eum omnes tribus terræ, propterea quod Dei Filium humanam eorum natu-*

CAPUT I.

7

ram suscepisse, eorumque causa afflictum fuisse, intelligit. Qua de re, rursus eum laudat, etiam: Amen. Nunc Deus haec loquitur: Ego sum alpha, & omega, principium, & finis, dicit Dominus Deus, qui est, & qui erat, & qui venturus est omnipotens. Jam vero redit Johannis Sermo. Ego Johannes frater vester secundum Spiritum, & particeps in tribulatione, & regno, & patientia in Christo Jesu: fui in exilio, in insula, quae appellatur Patmos, propter verbum Dei, & testimonium Jesu: Fui in Spiritu in Dominica die, & audiui post me vocem magnam tamquam tubae, dicentis: quod vides scribe in libro; scilicet ad Ecclesiae solatium, & mitte imprimis septem Ecclesiis, quae sunt in Asia, Epheso, & Smyrne, & Pergamo, & Thyatirae, & Sardis, & Philadelphiae, & Laodiciae: Hae minoris Asiae urbes sunt, a Turcis occupatae, quae gens Gog, & Magog est. Et conversus sum ut viderem vocem, quae loquebatur mecum: & conversus sum, & vidi septem candelabra aurea, & in medio septem candelabrorum aureorum similem filio hominis. Erat is Redemptor hominum Christus, qui custodiam ibi Ecclesiarum agebat: erantque Ecclesiae aureae propter eam, qua continebantur, laritatem. Addit autem Johannes, fuisse Christum vestitum podere: qua veste, caritas, & patientia, & virtutes reliquae significabantur; quibus erat Christus a summo capite ad imos pedes quasi vestitus; & praecinctum ad mammillas zona aurea: nam zona pudicitiam, aurum caritatem demonstrabat: Caput autem ejus,

8 GREGORII LOPESII

& capilli erant candidi tanquam lana alba, & tanquam nix. Est enim Christi caput divinitas; cani vero aeternitatem ostendunt. *Et oculi ejus tanquam flamma ignis,* propter summam, quae inest ei, vim, facultatemque videndi, qua omnia perspicue cernit; *& pedes ejus similes aurichalco, sicut in camino ardenti:* nam si cum divinitate, quam caput designat, humanitas, quae indicatur pedibus, comparetur, haec quasi aes quoddam cum auro collatum videtur: sed eadem tamen humanitas incensa est caritate: *& vox illius tanquam vox aquarum multarum.* Quemadmodum enim ex multis aquis multi, variique soni existunt; ita multis modis vox Christi animis hominum sonat. *Et habebat in dextera sua,* id est sua complectebatur gratia, *Stellas septem:* quae Stellae harum erant Ecclesiarum Episcopi. *Et de ore ejus gladius utraque parte acutus exibat;* est autem gladius Dei verbum; *& facies ejus sicut sol lucet in virtute sua,* splendore videlicet, quem emittebat. Quamquam faciei nomine Christi etiam caritas intelligi potest, quae nimirum splendet. *Et cum vidissem eum, cecidi ad pedes ejus tanquam mortuus.* Et ut mihi animos adderet, *posuit dexteram suam super me, dicens,* amantissime suavissimeque: *Noli timere: ego sum primus, & novissimus,* propter aeternitatem divinitatis, *& vivus,* aeternum, *& fui mortuus,* nempe per humanitatem, *& ecce vivus sum,* ut homo sum, idque propter corporis restitutionem, *in secula seculorum, & habeo claves,* id est potestatem mortis tum animi, tum corporis; *& inferni,*

CAPUT I. 9

fieri, a quo nimirum integrum est mihi liberare quos velim. *Scribe ergo*, quae vidisti, & quae sunt, & quae oportet honoris mei, servorumque meorum utilitatis causa, *fieri post haec*. Ac de stellis quidem, & candelabris explanans, haec addit: *Sacramentum septem stellarum*, quas vidisti in dextera mea; & *septem candelabra aurea*: *septem stellae, angeli sunt septem Ecclesiarum*: vocat autem Episcopos Angelos, propterea quod Angeli nomen nuncium sonat; erantque ii Episcopi Dei nuncii, qui nimirum Dei imperata Ecclesiis nunciabant; & *candelabra septem, septem Ecclesiae sunt*.

CAPUT II.

*Ephesino, Smyrnensi, Pergamensi,
& Thyatirensi Episcopis scribit.*

ANgelo, nempe Episcopo, *Ephesi Ecclesiae* scribe; haec nimirum Redemptor Christus dictabat Johanni praecipiens ut scriberet: *haec dicit, qui tenet septem stellas*, id est Episcopos, *in dextera sua, qui ambulat in medio septem candelabrorum aureorum*, hoc est Ecclesiarum, quae ornatae sunt caritate. Est autem animadvertendum hoc loco, Redemptorem Christum ea sibi nomina sumere, quae singulorum Episcoporum, quibus cum agit, praeclare gestis rebus, incommodisque ab iisdem defendendae adversus haereticos Ecclesiae causa perlati, conveniant. Scio opera tua &c. Sed (neque enim eo secius monere te volo) *habeo adver-*
sum

sum te , quod propter tuas multas occupationes ; caritatem tuam primam erga me reliquisti , ut ovium tuarum amor servires ; quod etsi recte facis ; mihi que ipsi gratissimum est ; non fuit tamen committendum tibi , ut a mei amore recederes , qui tibi amor , ad res omnes recte , atque ordine , multaque cum tranquillitate , ac utilitate agendas , summo erit usui . Memor esto itaque unde excideris ; quae causa fuerit , quamobrem excideris , operamque dato , te ut restituas ; & simul age poenitentiam ; doleatque te , quod , neglectis obsecrationibus , a mei amore & consuetudine discesseris ; praesertim vero prima opera fac ; nempe ad pristinam caritatem revertere , nisi neglecti amoris dare mihi poenas velis , qui mihi amor gratus imprimis est , quoque officia omnia continentur , quae mihi praestare debes ; Sin autem , venio tibi , nempe hanc poenam repetam , & movebo candelabrum tuum , id est eam , quam tantopere diligis , Ecclesiam , de loco suo , qui locus fides , & caritas ejus est , nimirum nisi poenitentiam egeris , dolens , atque in pristinam mecum amicitiam rediens . Quo loco Christus non tam minatus Episcopo fuisse , quam eum monuisse videtur , eum ille Dei quidem causa ea faceret , amoremque aequis occupationibus distentus remisisset . Itaque ut eum rursus ad sui amorem convertat , Ecclesiae , quam ille nimirum in oculis , ac deliciis habebat , malum minitatur . Tum vero ut Episcopum consoletur , Sed haec habes , inquit , quia odisti facta Nicolaitarum , quae & ego odi . Erat genus hoc hominum , qui Nicolaum quen-
dam

CAPUT II. II

dam autorem secuti, omnia putabant, atque adeo rem, uxoresque hominibus communia esse debere; qua de causa ab his Episcopus abhorrebat. *Qui habet aurem*, id est qui bona est mente, *audiat quid Spiritus Sanctus dicat Ecclesiis*: nempe hominem hortatur ad colendam virtutem: *Vincenti*, nimirum cum strenue pugnaverit, *dabo edere de ligno vitae, quod est in paradiso Dei mei*. Est autem hoc lignum, sapientia, quae homines ad capiendum ex Dei aspectu, & consuetudine fructum ducit. Porro animadvertendum est, aliquando Christum ut Deum, nonnunquam vero ut hominem loqui. Atque ex homine quidem sunt ea, quae sequuntur: *Et Angelo Smyrnae Ecclesiae scribe: haec dicit*, jam ex Deo loquitur, *primus & novissimus*, qui neque coepit esse aliquando, neque esse unquam desinet, *qui fuit mortuus*, nempe humanitate, *& vivit*. Scio tribulationem tuam, nam te mali insectantur, *& paupertatem tuam*, nempe abs re familiari, *sed enimvero dives es*, scilicet animi bonis: *Blasphemaris ab his, qui se dicunt Judaeos esse*, id est probos, & consentientes Deo: *& non sunt*, cum non sint ejusmodi illorum facta, *sed sunt Synagoga Satanae*, quoniam veritati adversantur, (nam Satanae nomen adversarium significat) *nihil horum timeas*, id est ne te metus capiat tempestatum, aut incommodorum, *quae passurus es*. Ecce, nam te hoc scire volo, *missurus est diabolus*, quod vobis quidem utile futurum est, *aliquos ex vobis in carcerem, ut tentemini*. Fuerunt enim aliquando nostri in carcerem coniecti; (quam-

(quamquam corpus fortasse carcerem appellat) tulitque Deus, ut tempestates in pudicitiam nostrorum a daemone concitarentur: & *habebitis tribulationem diebus decem*, hoc enim duntaxat spatio permissa daemoni saeviendi facultas est. Itaque admoneo te, *esto fidelis*, neve a me decedas usque ad mortem & dabo tibi, nimirum si haec feceris, *coronam vitae*, idest sempiternam felicitatem. *Qui habet aurem, audiat, quid Spiritus dicat Ecclesiis: qui vicerit non laedetur a morte secunda*, nempe ab inferno, nam prima est mors, quam affert lethale peccatum, animi a Deo alienatio, exclusioque a divino conspectu.

Et Angelo Pergami Ecclesiae scribe: haec dicit qui habet romphaeam utraque parte acutam: Scio ubi habitas, ubi sedes est Satanæ, qui assidue inter malos versatur; & quamquam tu cum his degas, nihilominus tenes nomen meum a quo illi tantopere abhorrent; nam ubi quis de affixo cruci homine nuntiat, Judaeos offendit, atque Ethnicis irridetur; & nihilofecius non negasti fidem meam, quamquam te illi insectentur; & in diebus illis non ita pridem, Antipas testis meus fidelis, qui occisus est apud vos [eam ob causam; quod sequi se meam fidem profite retur] ubi Satanæ habitat, nempe inter malos, quibus cum vos ipsi versamini. Sed habeo adversus te pauca, in quibus negligenter fecisti, nimirum habes illic, quin, ita ut debueras, repugnaveris, tenentes Doctrinam Balaam Pseudo prophetæ, illius scilicet, qui docebat Balac Regem Moabitarum mittere Scandalum coram

coram filiis Israel; fuit autem scandalum, edere; ex quo alterum extitit, fornicari. Ita habes & tu, quin repugnes, tenentes doctrinam Nicolaitarum, qui eadem agunt; nam Balaam ante annos amplius mille fuerat. Similiter poenitentiam age negligentiae; Si quo minus feceris, neu falsae horum doctrinae restiteris, veniam tibi cito, nimirum in te animadvertam; & (praeterea) pugnabo cum illis in gladio oris mei; qui gladius scilicet verbum est meum, quo eos percellam; aliumque hominem, quo ad eam rem quasi instrumento utar, deligam, qui negotium multo, quam tu facis, diligentius curet. Qui habet aurem, audiat, quid Spiritus Sanctus dicat Ecclesiis. Atque ut eum consoletur, eique Spiritus addat, haec adjungit: vincenti dabo manna absconditum, id est, dum vitam mortalem hanc aget, animi gaudia; deinde vero, idque potissimum, sempiternam felicitatem, quae omnem continet delectationem, expletque omne desiderium: & dabo illi calculum candidum, nempe me ipsum, qui sum equidem propter humanitatem exiguus, maximus vero propter Divinitatem, & in calculo nomen novum scriptum, quod nemo scit (tanta ejus praestantia, est) nisi qui accipit; hujus enim nominis, nisi quis experiundo cognovit, suavitatem percipere nemo potest. Quo loco Christus humilitatis, quam dicimus, causa, se ipsum lapillum appellat: simul pro temporis consuetudine loquitur, nam qui in ludis vicissent, ii ad testimonium victoriae calculis, nominibus eorum inscriptis donabantur.

14 GREGORII LOPESII

Et Angelo Thyatirae Ecclesiae scribe: haec dicit filius Dei, qui habet oculos tanquam flammam ignis, & pedes ejus similes aurichalco. Novi opera tua, & fidem, & caritatem, & ministerium, & patientiam tuam, & opera tua novissima plura prioribus. Sed habeo adversus te pauca, quod permittis mulierem Jezabel, quae se dicit prophetem, docere, & seducere servos meos, fornicari, servire nimirum Deorum superstitionibus, & manducare de idolothytis. Fuit autem Jezabel, nam est id animadvertendum, Acabi uxor Regis Israelitarum, quae cum summam operam superstitioni daret, Prophetis cultui deorum addictis octingentis & quinquaginta stipendium pendebat, eademque Eliam prophetam vexavit. Itaque, quod deditos inani Deorum religioni plerosque homines in sua ditione Episcopus versari pateretur, propterea reprehenditur: itemque haec adduntur, & dedi illi supersticioso hominum generi tempus, ut poenitentiam ageret, sui criminis, & non vult poenitere a fornicatione, id est a superstitione, sua. Ecce (animi oculis inspicere) mittam eam in letum, id est occasionem praebere meis probandi sui finem. Sed tamen qui negligenter, disidiosaeque egerint, & qui moechantur cum ea, nempe qui fuerint superstitionem Deorum secuti (nam quod animus per superstitionem a Deo, qui sponsus illius est, recedit, ut lignea, lapideaque simulacra colat, superstitio ipsa animi fornicatio appellatur) in tribulatione maxima erunt, nimirum nisi poenitentiam ab operibus suis egerint; & filios ejus id est gentis supersticiosae interficiam in mor-

morte aeterna, & scient omnes Ecclesiae, quia sum scrutans renes, & corda, & dabo unicuique vestrum secundum opera sua. Vobis autem dico, & ceteris, qui Thiatyrae estis: quicumque non habebit doctrinam hanc pravam, quod est de Deorum superstitione intelligendum, & non cognoverunt * altitudines nimirum simulacra ^{Lopesius legit aliam} Satanae quemadmodum dicunt, contra vero caste mihi operam dederitis non mittam super vos aliud pondus rerum adversarum; tamen id quod habetis, doctrinae nimirum, tenete constanter donec veniam ad vos eripiamque vos ab ista peregrinatione, & ad patriam vestram vos, quae caelum est, ducam. Et qui vicerit & custodierit usque in finem opera mea, nempe caritatem, & fidem, dabo illi potestatem super gentes; nam sancti homines dominabuntur, & de nationibus constituent, (nimirum iudicium confirmantes, quod tulerit Christus) & reget eos in virga ferrea, scilicet prodigia patrans, quibus prodigiis impios puniam; & si opus fuerit, tanquam vas figuli confringentur; qua in re meae ego operae operam ejus vicariam supponam sicut & ego accepi a patre meo, & dabo illi stellam matutinam, quae stella ego ipse sum, propter humanitatem. Quum enim imitati me fuerint, aperiam eis diem divinitatis meae. Qui habet aurem, audiat quid spiritus dicat Ecclesiis.

CAPUT III.

*Episcopis Sardis , Philadelphiae , &
Laodiciae scribit .*

ET Angelo Ecclesiae Sardis scribe : haec dicit
qui habet septem Spiritus Dei (idest septem
virtutes , quae ab sancto spiritu proficiuntur)
& septem stellas , hoc est septem Episcopos :
Scio opera tua : atque de iis tute ut cognoscas ,
scito quia nomen habes quod vivas , nempe pro-
bus existimaris ; neque tamen probus es ; &
ideo mortuus es ; nempe vivae fidei calore desti-
tutus , quae vita est probi hominis . Esto vigi-
lans : cogita te inter hostes versari , & confirma ,
nimirum exemplo , atque oratione , cetera , quae ,
propter perniciosum exemplum , quod eis prae-
buiisti , moritura erant . Non enim invenio opera
tua plena caritatis coram Deo meo , qui , quo fine ,
& caritate res quaeque fiat , animadvertit .
In mente ergo habe qualiter acceperis , nam cui
plurimum tributum est , multorum ab eo officio-
rum ratio reposcetur ; & audieris nempe quae
promissa sunt ei , qui vicerit : serva , ut fidelis ,
quae tibi praecepi , & eorum , quae admissa sunt ,
poenitentiam age , ut veniam consequare . Si
ergo non vigilaveris pro te , tuoque grege ,
veniam ad te tanquam fur , ubi quempiam im-
prudenter offendit : & nescies qua hora veniam
ad te , quoniam non pro certo scis . Sed habes
(ut enim ne oblivisci ejus me , quam mihi prae-
stitisti operam , putes , hoc te scire volo) pau-
ca

COMM. CAPUT III. 17

ca nomina (electas animas) in Sardis , qui non inquinaverunt peccato vestimenta sua : nempe sua corpora , propterea quod integritatem , pudicitiamque suam servaverunt , & ambulabunt mecum imitatione in albis , limpiditatis , quia cum officia colant , quae debent , digni sunt tanto honore . Qui vicerit , nimirum pugnans viriliter , sic vestietur vestimentis albis ; deinde vero etiam splendentibus , nempe in aeterna beataque vita , & non delebo nomen ejus , id est memoriam , quoniam ea erit aeterna , de libro vitae , nimirum de meo conspectu , & societate , & confitebor nomen ejus , quod mihi operam dederit , coram patre meo , qui cito tales homines ornat honore , & coram Angelis ejus ; id est laudabunt Deum Angeli propter dona , quae suis ipse servis impertivit ; in sanctis enim laudandus est Deus . Qui habet aurem , audiat quid spiritus dicat Ecclesiis .

Et Angelo Philadelpiae Ecclesiae scribe : haec dicit sanctus , & verus , qui habet clavem nempe potestatem veri David ; significat autem David dilectum , estque dilectus Patris Redemptor hominum Christus , cui dedit sedem David , nimirum Regnum iustorum , qui aperis mentem , ut sit apta ad intelligendum , & fruendum divina ope , aeternaque felicitate , & nemo claudit , ei cui ipse aperuerit : claudit , nimirum ei , qui abs se discedit : & quoniam qui ad lucem accedit , illustratur , contra qui recedit , is in tenebris atque in obscuritate versatur ; propterea cui ipse clausit , huic nemo aperit . Scia opera tua quodque iis factis mihi satisfacis , ecce dedi coram

18 GREGORII LOPESII

te ostium apertum, nempe intellectum aperui
tuum ut veritatem intueare; quod nemo potest
claudere, depellit enim lux tenebras, quae te
oppugnant, nimirum daemones, hominesque
tenebrosos; idque obeam causam, quia modi-
cam habes virtutem, & servasti verbum meum,
quod verbum est fides; & non negasti nomen
meum, a quo Ethnici, atque Haebrei tanto pe-
re abhorrent. Itaque animadvertito: Ecce da-
bo de Synagoga Sathanae, idest, qui dicunt se Ju-
daeos esse & non sunt, sed mentiuntur; nam si-
gnificat iustos, eosve, qui Dei Religionem pro-
fitentur, & Judaeorum nomen, hi autem etiamsi
genere sint, factis tamen non sunt Judaei. Et
Ecce faciam illos, ut veniant ante pedes tuos,
& sciant quia ego dilexi te: nimirum, quoniam
servasti verbum patientia meae, hoc est sollici-
tudinum quas mei causa sustines; quamobrem
ego servabo te ab hora tentationis, & pugnae,
atque sollicitudinis, quae ventura est in orbem
universum tentare habitantes in terra; (qui lo-
cus de commota ab Trajano in christianos tempe-
state, deque terrae motu, ceterisque calami-
tatibus intelligendus est.) Porro animadvertite:
Ecce venio cito, ut te ex hac vita evocem, in-
que aliam inducam: itaque tene quod habes,
(fidem & facta) diligentiamque ne remittas,
ut nemo accipiat coronam tuam, id est praemium,
quod est tibi, si perseverantiam ad ultimum re-
tinueris, constitutum. Fac autem, de Juda ut
veniat in mentem tibi, cujus alter occupavit
Episcopatum. Qui vicerit faciam illum colum-
nam, id est reddam eum magnum in Templo.
 nem-

nempe in Caelo *Dei mei* & foras non egredietur amplius, & scribam super eum notis sempiternis nomen *Dei mei* quod nomen est vitae aeternitatis, & veritas, omnisque beatitudo, & nomen civitatis *Dei mei novae*, *Jerusalem* (significat autem *Jerusalem* tranquillum, pacificum, praefectumque conspectum) quae descendit de Caelo in Apostolos, inque homines, qui cum fide vivunt. Nam *Dei Regnum* in sanctis hominibus tamdiu consistit, donec ipsum palam intueantur, corporis concrezione soluti, qua impediuntur modo, quominus intueri possint, quoniam dum per fidem ambulant, videndi facultate carent. Atque hic quidem *Jerusalem* descensus erit *Deo meo*; neque enim aliud est quisquam, qui eam rem possit efficere. Praeterea inscribameis & nomen meum novum, quod nomen est *JESUS*, & servatorem significat; magnamque Sancti ex eo capient animo laeticiam; praesertim, quum sua ipsorum me indutum natura intuebuntur, qua ipsis salutem attuli. *Qui habet aurem audiat, quid spiritus dicat Ecclesiis.*

Et Angelo *Laodiciae Ecclesiae* scribe: haec dicit: *Amen*, testis fidelis, & verus eorum, quae ab hominibus, atque ab omnibus prorsus rebus fiunt; qui est principium creaturae *Dei*; quoniam eas sua ipse effecit sapientia. Scito opera tua aperte: ac video quia neque frigidus es, neque calidus: utinam frigidus esses, ad recte sancteque vivendum; nam verecundia te quidem, ac poenitentia inducerent, ut ex animo ad me redires; aut calidus, nempe incensus caritate. Sed quia tepidus es, & piger & negligens; &

20 GREGORII LOPEŠII

*nec frigidus, nec calidus, incipiam, nisi ad sanitatem reverteris, te evomere ex ore meo; nimirum te, quasi mihi stomachum moveas, a me ipso repellam; indulges enim prorsus ingenio tuo; quia dicis tanquam luce orbis: dives sum & locupletatus virtute & nullius egeo, cum te perfectum existimes; & nescis quia es tibi miser, & miserabilis aliis propter exemplum; & pauper quoque es in virtute, & cecus destitutusque lumine veritatis, & nudus a rectis factis. Itaque cum ita, ut dixi, te habeas, suadeo perspicue tibi emere obsecrationibus rectisque factis, ex me scilicet, qui solus tribuere possum, aurum caritatis, quod aurum ignitum sit, atque probatum igne conflictationum, ut cum conflictabere, illud ab hoste conspiciatur. Haec tibi ob eam causam suadeo, ut locuples fias bonis, quae ex mea gratia, atque ex felicitate aeterna existunt; & vestimentis albis, nimirum justitiae, induaris; & non appareat coram Deo, Angelis, & hominibus confusio nuditatis tuae; nam caritas vim obtegit peccatorum, atque animum ornat: simul, & precēs mihi adhibens, collyrio, nempe animi dolore, inunge oculos tuos nimirum ut videas considerans quasi oculis: nam ego quos veluti pater, amo, eos cum internis animi conflictationibus, tum externis, quae corpus afficiunt, arguo & castigo. Aemulare ergo, meoque honori servito, & poenitentiam age. Atque ut te facile receptum iri a me intelligas, sic habeto: ecce sto ad ostium cordis atque assensio-
 nis tuae, & pulso afflatu meo, si quis, quisquis is fuerit, audierit vocem meam, quam nimirum,
 aut*

COMM. CAPUT III. 21

aut per me ipse, aut alia quapiam re usus ad eum intrinsecus mitto, & *aperuerit mihi januam* intelligentiae, *intrabo ad illum*, atque ope ipse mea animo illius adero, & brevi hac exacta peregrinatione *caenabo cum illo*, itemque & *ipse mecum* caenabit, ex me fructum capiens sempiternum. *Qui vicerit*, *dabo ei sedere*, & *quiescere mecum in throno meo*, id est in mea beatitudine, *sicut & ego vici & sedi cum parte meo in throno ejus*. *Qui habet aurem audiat*, *quid spiritus dicat Ecclesiis*.

C A P U T IV.

Johannes Christum in throno sedentem in-
tuctur, a senibus viginti quatuor, at-
que ab Evangelistis quatuor circumda-
tum.

QUum ego Johannes ea, quae mihi Deus jufferat, in scripta retulisssem, subduxit ille se e meo conspectu; tum vero post haec continuo vidi: & ecce ostium apertum in Caelo: loquitur autem Iohannes accommodate ad humanam rationem. Et vox prima quam audi- vi, tanquam tubae loquentis mecum; fuerit au- tem vox ista Redemptor Christus, dicens: *ascen-*
de huc & ostendam tibi quae obsequii erga me hominum, meorumque servorum utilitatis caus- sa oportet fieri cito post haec; continuo enim per- duci ad exitum incipient; & statim fui in spiri- tu, & ecce sedes posita erat in caelo, & supra

sedem sedens . Et qui sedebat similis erat aspectui lapidis jaspidis (Js Redemptor erat noster , qui omnes continet perfectiones ; quemadmodum jaspis colores) & sardinis , quod est lapidis pretiosius genus , rubri coloris ac veluti flammei , isque color eam , quae in Christo est , caritatem significat : & iris erat in circuitu sedis , similis visioni sinaragdinæ : quae res summum ostendit Dei studium nostrae felicitatis : quam ob causam afflictationes Ecclesiae continuo missurus erat ; ex his vero plena laetitiae spes existit , quae smaragdinus est color , nam viridis color spem indicat . Et in circuitu sedis sedilia viginti quatuor : & super thronos viginti quatuor seniores sedentes . His senibus libros viginti quatuor demonstrari veteris testamenti , auctor est S. Hieronymus . Ac fuerint etiam Patriarchae principes viginti quatuor ; nam hi sequenti capite , Redemptorem , quod homines redemerit , laudant . Jam vero sedebant hi senes circumamicti vestimentis albis , quae beatitudinem sempiternam significant , & in capitibus eorum coronae aureae , quod strenue pugnavissent : & de throno procedebant fulgura , & voces , & tonitura , quae res imminentem Ecclesiae tempestatem , portendebat : & septem lampades ardentes ante thronum , qui sunt septem spiritus Dei ; nempe septem virtutes , quae spiritus sancti dona appellantur ; quamquam nihil impedit , quo minus hoc loco septem angeli principes intelligantur . Et in conspectu sedis tanquam mare quod est immensitas Divinitatis , eratque id mare veluti vitreum simile crystallo , nimirum propter
lu-

lucem , quae sustineri oculis non potest , quaeque Deus est , & *in medio sedis* , & *in circuitu sedis quatuor animalia* ; nempe Evangelistas quatuor , qui de recondita divinitate , deque humanitate , quae oculis patet , agunt : eaque animalia erant *plena oculis ante & retro*, propterea quod de iis , quae fuerunt , quaeque fiunt , demonstrant . *Et animal primum simile leoni* ; estque is s. Marcus , qui hoc Evangelii initium fecit : „ vox clamantis in deserto „ : scilicet instar leonis . *Et secundum animal simile vitulo* , nempe s. Lucas , qui ab Zacchariae sacerdotio orsus est , quo sacerdotio id genus animalis immolabatur . *Et tertium animal habens faciem quasi hominis* ; nimirum s. Matthaeus , quod ab humana Redemptoris procreatione exordium , descriptionis duxerit . *Et quartum animal simile aquilae volanti* ; haec ad s. Johannem pertinent , qui hunc librum descripsit ; nam is a divina Redemptoris hominum origine exorsus est ad hunc modum : „ In principio erat verbum „ . Est autem animadvertendum , Evangelistas hoc ordine fuisse ab Ezechiele descriptos , primum hominem , tum leonem , deinde vitulum , denique aquilam ; nimirum quo ordine iidem scripserunt : primus enim omnium scripsit s. Matthaeus ; quem postea secutus est s. Marcus , tum s. Lucas , postremo s. Johannes . Verum hoc loco ascensus quidam sit a minore ad majorem ; nam s. Marcus pauciora , quam reliqui , scripsit . S. autem Lucas plura quidem quam s. Marcus , pauciora vero quam s. Matthaeus ; ambo enim pleraque eorum , quae s. Matthaeus antea dixerat , sunt

persequuti. S. autem Johannes, quam ceteri omnes, altius ascendit. *Et quatuor animalia, singula eorum habebant alas senas; tria erant singulis alarum paria, nempe propter testimonium quod singuli Evangelistae Trinitati divinae dederunt. Et in circuitu, & intus, plena sunt oculis, propter interiorum lucem, qua sunt praediti Evangelistae: & requiem non habebant, id est non cessabant die ac nocte continenter dicentia* (in Evangeliiis, quae scripserunt, nosque etiam, ut eadem diceremus, invitancia) *sanctus est Pater, sanctus est Filius, sanctus est Spiritus sanctus. Qui tres, quod sint omnes unus Deus, propterea addit: Dominus Deus omnipotens, qui erat, & qui est aeternus, & qui venturus est iudicium institutum; & cum darent illa animalia, quae Evangelistas esse diximus gloriam, & honorem, & benedictionem sedenti super thronum, nimirum Redemptori nostro qui verus est Deus una cum Patre sanctoque Spiritu, viventi in secula seculorum, procidebant viginti quatuor seniores ante sedentem in throno, & adorabant Dominum viventem in secula seculorum; & ut ostenderent, a Deo beatitudinem proficisci, qua potiebantur, mittebant coronas suas, quas ab eo acceperant, ante thronum dicentes, quod verissime intelligebant, dignus es Domine Deus noster accipere gloriam, & honorem, & virtutem, nimirum quae tua omnino est; nos vero quod tribuamus tibi, nihil habemus; nisi ut gratulemur tibi, esse eum te, qui es, te ipso, perfectissimaque natura beatissimum: quia tu creasti omnia & propter voluntatem tuam, quae omnia potest, erant, & creata sunt.*

CA-

CAPUT V.

*Obfignatum septem figillis librum Redem-
tor noster aperit, & a Sanctis,
atque ab Angelis laudatur.*

Et vidi, mente, in dextera, id est in potestate,
& providentia, sedentis super thronum, nemo-
pe Dei, librum scriptum intus (quod ad provi-
dentiam Dei, ejusque operum rationem perti-
net) & foris (quod ad effectum, ejusdemque
rationis executionem referendum est ; quam-
quam possunt recte haec eadem de occulto Deo,
homineque manifesto explicari) signatum septem
figillis, quae septem sunt opera Dei, quae aut
facturus, aut certe permissurus est, ut fiant in
mundo. Et vidi Angelum fortem, qui aliquis
ex principibus caelestibus fuit, praedicantem
voce magna: quis, omnium qui in caelo, at-
que in terra sunt, est dignus aperire librum,
& solvere signacula ejus ? Id quoniam, nisi
Deus demonstrarit, nemo est qui possit, idcir-
co adjecit : & nemo poterat neque in caelo
(sancti atque Angeli) neque in terra homines,
neque subtus terram hominum animi, qui in pur-
gatorio sunt, ac daemones, nemo, inquit,
horum potuit aperire librum, neque respicere il-
lum ; nam quod Deus celavit, id a nemine co-
gnosci potest. Et ego Johannes cum haec viderem,
flebam multum, quoniam nemo dignus
inventus est aperire librum, nec videre eum. Et
unus

unus de Senioribus, ut ea sollicitudine, ac dolore liberaret, *dixit mihi*: bono animo esto. *Ne fleveris*: ecce qui mundum & daemonem *visit* *Leo de tribu Judae* (Jesus Christus Dominus, qui prout homo est, filius est Mariae Virginis, qua tu jam inde ab eo tempore matre usus es, quo eam tibi ipse, quum penderet e cruce, commendavit). ejusque, quoad humanitatem, origo est, *radix David*. Is ergo, quoniam, quoad divinitatem, Dei est sapientia, potens est *aperire librum & solvere septem signacula ejus*, id est mysteria. haec enuntiare. *Et vidi*: & ecce in *medio throni*, & *quatuor animalium*, sunt autem animalia Evangelistae; & in *medio Seniorum*, qui sunt Patriarchae, *agnum* id est Redemptorem nostrum agnum Dei *stantem tanquam occisum*; quoniam humana solum natura est mortua; *habentem cornua septem, & oculos septem*; cornu ad defendendi, oculus vero ad videndi facultatem pertinet; atque alterum fortitudinem, alter sapientiam significat. Itaque de his addit: *qui sunt septem Spiritus Dei missi in omnem terram*, nempe ea, quae dona Spiritus sancti appellatur, quaeque iis tribuuntur, qui se, ut iisdem augeantur, comparant; quam ob rem ubique gentium celebratur Deus. Atque huc quidem cornua pertinebant, quae gerere videbatur Moyses postquam in colloquium Dei venerat. *Et venit agnus, & accepit de dextera sedentis in throno* (thronus autem Dei Majestatem significat, cui Redemptor noster per humanitatem dextrorsus assidebat) *librum*, id est ea mysteria detegendi, enunciandique potestatem.

Et

Et cum aperuisset librum, quatuor animalia, & viginti quatuor Seniores ceciderunt coram agno, verum hunc esse Deum profitentes; habentes singuli citharas, quae sunt laudes sanctorum, & phialas aureas, idest caritatem, plenas odoramentorum, quae in Deum ferebantur, quae sunt orationes sanctorum. Et cantabant canticum novum de humana Redemptoris natura, quam paullo ante Dei filius assumerat, junxeratque divinitati; dicentes: dignus es Domine accipere librum, & aperire signacula ejus. Cujus rei hanc addunt causam: quoniam occisus es tua ipse voluntate, & redemisti nos Deo, idque non pecunia quidem, sed, in sanguine tuo; quae redemptio fuit ex omni tribu, & lingua, & populo, & natione; neque id solum; verum & fecisti nos Deo nostro regnum; nam sancti sunt regnum Dei, cui amanter obtemperant, & Sacerdotes, quoniam ei sacrificium justitiae obtulimus, quod ea in re consistit, ut eum; quam possumus, maxime diligamus; & regnabimus super terram in qua captivitatem tempestatesque subivimus; sed eam posthac per te totam in potestate retinebimus. Potest etiam hic locus in eam sententiam explicari, ut nostrorum ipsi corporum, quae ex terra concreta sunt, regnum obtenturi, iisque dominaturi dicamur, propterea quod consilio rationis omnino obsequentur. Et ego Johannes vidi, & audiui vocem Angelorum multorum in circuitu throni, & animalium, & Seniorum, & erat numerus eorum millia millium, (quae verba sunt pro numero infinito, atque interminabili posita) dicen-

dicentium voce magna, idest incredibili cum pietate, atque amore: dignus est agnus, qui occisus est, nempe quantum ad humanitatem pertinet, accipere virtutem, & divinitatem, & sapientiam, & fortitudinem, & honorem, & gloriam, & benedictionem; quae insunt omnia in Christo. Sed quoniam nihil est horum, quod sancti Christo tribuere possint, profitentur hoc quidem ipsi, eique, quod sit bonis omnibus ornatissimus, gratulantur. Et omnem creaturam, quae in caelo est, & super terram, & sub terra, & quae sunt in mari, & quae in eo: omnes audiui dicentes: sedenti in throno, quae divinitas est, & agno, quae Christi est humanitas: benedictio, & honor, & gloria, & potestas in secula seculorum. Et quatuor animalia (sunt hi Evangelistae, quorum opera Dei auctae sunt laudes, quae iisdem ex rebus proficiuntur, propterea quod suis evangeliiis illud demonstrarunt, junxisse sibi humanam naturam Deum; ac per eam nobis salutem attulisse) itaque contenta voce dicebant: Amen. Et viginti quatuor Seniores ceciderunt in facies suas grati animi testificandi, cultusque adhibendi causa; & adoraverunt Redemptorem nostrum viventem in secula seculorum.

CAPUT VI.

*Agitur de fame , de bellis , de pestilentia ,
de vexatis christianis , deque terrae
motu , quae omnia Trajano Impe-
ratore acciderunt .*

P Rincipio , ut quae describuntur hoc libro percipi facile possint , hoc est praemittendum , ab decem Imperatoribus Romanorum afflictam Ecclesiam universam , atque exagitam fuisse ; quarum vexationum , cum duae exactae , intermissaeque fuissent ; tum hunc fuisse librum ab Johanne perscriptum . Nam omnium primus in Christianos saevierat Nero , isque post , conscita sibi morte , miserrimum vitae exitum nactus fuerat . Post Neronem Domitianus Ecclesiam vexarat , atque a suis familiaribus interfectus fuerat ; qui quidem cum quartodecimo Imperii anno , Johannem in Pathmos insulam in exilium pepulisset ; anno , qui proxime secutus est , imperii quinto ac decimo , occisus fuit . Itaque Johanni cum ea in insula annum ipsum exul fuisset , facta potestas redeundi est . Mortuo Domitiano , Nerva Imperator est dictus ; qui quamdiu Imperium P. R. tenuit , tenuit autem mensibus sexdecim , nihil crudelius est actum in rempublicam christianorum . Adoptarat sibi filium Trajanum Nerva , ut is post se Imperio potiretur ; cujus ab tempore initium

sumit

sumit Apocalypsis, quo in libro duo sunt animadvertenda: ac primum quidem coepisse ea accidere, quae predicuntur hoc libro, anno post Christum natum centesimo; idque eo tempore, quum Princeps omnium fortissimus Imperium obtineret Trajanus. Neque enim alius fuit quisquam, qui aequae ac Trajanus imperium amplificavit. Is autem cum Coloniae Agrippinae cum exercitu esset, Imperator est appellatus. Jam vero initium possumus interpretandi facere; nam eorum rerum, quae superiori Apocalypsis parte continentur, nulla fuit, quae ad certum aliquod tempus pertineret. Ergo habet hoc modo: *Et vidi quod aperuisset Agnus Christus, unum de septem sigillis*; idest quemadmodum, unum septem mysteriorum explicasset, demonstrassetque, & *audivi unum de quatuor animalibus*, quod est de Evangelista intelligendum, *dicens tanquam vocem tonitruum*. Animadvertendum est, earum rerum, quae singulis septenis significantur, magnitudinem esse pro celebritate, & strepitu, ac fragore, qui in iis edicendis fit. Atque in priore hoc septeno tota celebritas unico tonitru continetur, itaque, quae res significantur, eae non adeo fuerunt calamitosae, ac illae, quae postea secutae fuerunt. Cum convertissem me ad eam vocem: *veni & vide* (nimirum haec primum animal Johanni dicebat) ipse autem Johannes & *vidi* inquit & *ecce equus albus*; equi autem nomine appellatur humanum corpus, ut infra constabit cap. 19, quo loco Johannes visum ab se equum album narrat, quae Christi humanitas esset; eique qui

infi-

insidebat, Dei verbum vocari, quod est divinitas filii Dei : tum addit vidisse praeterea se caelestes exercitus equis insidentes , iique sanctorum animos corporibus suis beatitudine donatis conjunctos significant . Nunc , ut ad equum album redeamus , qui Decebalus fuit Daciae Rex (quae jam regio Walachiae , ac Transilvaniae nomine appellatur ; & in qua propter maxima frigora corpore sunt homines candido) is princeps belli inferendi fuit , atque ab eo primum initium sumit Apocalypsis . *Et qui sedebat super illum habebat arcum* (consuetudo Dacis fuerit ea aetate , ut pro armis arcubus uterentur) *& data est ei corona , & exiit vincens ut vinceret* . Quoniam quae describuntur hoc capite , omnia Trajano Imperatore acciderunt . Adeunda est hujus vitae historia , quamquam multa ad eam desiderantur , perieruntque vetustate eorum virorum lucubrationes , qui de iis rebus scripserunt . *Et cum aperuisset sigillum secundum , audiui secundum animal dicens ; veni & vide . Et exiit alius equus rufus* . Fuit is quidem Trajanus , qui , quod magnam effuderit vim sanguinis christianorum , eo vocabulo appellatur . *Et qui sedebat super illum , datum est ei , ut sumeret pacem de terra* , nimirum multis bellis quae gessit ; primum autem bellum Decebalo eidem Daciae Regi intulit , *& ut invicem se interficiant* propter discordias , quae toto orbe concitatae fuerant , *& datus est ei gladius magnus* ; ac tantus quidem is gladius fuit , ut eo usus Trajanus orbem ab Dacia , a qua initium belli fecit , usque ad Indiam , quod mar-
jus

jus est spatium sex millibus millium passuum;
 victoriis peragraverit, atque in potestatem re-
 degerit. *Et cum aperuisset sigillum tertium,*
audiui tertium animal dicens veni, & vide. Et
ecce equus niger: nimirum hoc de Aethiopibus
 accipiendum est, nigri enim sunt: *& qui sedebat*
super illum (nempe animus) *habebat stateram*
in manu sua. Et audiui tanquam vocem in medio
quatuor animalium (potest hoc in eam senten-
 tiam intelligi, quod Evangelistae de fame, de-
 que annonae caritate, quae in terrarum orbe
 futura erat, egerint; de his enim rebus sermo
 est hoc loco) *dicentium: bilibris tritici dena-*
rio, & tres bilibres hordei denario, & vinum
& oleum ne laeferis, scilicet vini hordeique cari-
 tas significatur, qua maxime Aethiopes laborave-
 runt. *Et cum aperuisset sigillum quartum, audi-*
vi vocem quarti animalis dicentis: veni & vi-
de; & ecce equus pallidus, seu fulvus: indica-
 tur autem pestis, qua pallent, & fulva sunt ho-
 minum corpora. Sed de peste, deque annonae
 caritate in Aethiopia nihil conscriptae de Tra-
 jano historiae commemorant, quod summam,
 quae tum fuit tantis bellis, rerum perturba-
 tionem aut non animadverterunt historici,
 aut historiae perierunt. *Et qui sedebat super*
eum, nempe animus, *nomen illi mors,* ex quo
 intelligitur, ea pestilentia ethnicos laborasse,
 quorum sunt animi mortui apud Deum; *& in-*
fernus sequebatur eum; nam ut mors occidebat,
 infernus deglutiebat, gentem nempe ab vera
 religione alienam: *& data est illi potestas super*
quatuor partes terrae, interficere gladio (intel-
 ligun-

COMM. CAPUT VI. 33

liguntur autem bella) *fame & morte* (quod ad pestilentiam pertinet) *& bestiis terrae* . Sunt haec quatuor vulnerum , hoc est suppliciorum genera , quae minatus est Deus propter peccata hominum . *Et cum aperuisset sigillum quintum , vidi subtus altare* (est vero Redemptor Christus altare vivens , in quo gratum Deo sacrificium facimus) *animas interfectorum* , ab ethnicis scilicet , *propter verbum Dei* quod praedicabant ; *& propter testimonium quod habebant* : id de fide accipiendum est , quam Christo dederant , quaeque in visceribus eorum inclusa penitus haerebat . Animadvertendum est autem , quamquam sanctorum animi summa , atque incredibili felicitate fruuntur , longe tamen hanc esse inferiorem illa , quam Servatoris nostri humanitas obtinet . Atque huc pertinet quod dictum est de visis subtus altare , (quod altare Christus est) animis interfectorum . *Et clamabant* , iidem animi scilicet , *voce magna dicentes : usquequo Domine , sanctus , & verus , non iudicas , & non vindicas sanguinem nostrum de iis , qui habitant in terra ?* Non ita sunt haec accipienda , quasi sancti , beatique homines , inimicos ulciscendos putent ; verum ita , ut ipsa inimicorum in eos immanitas exclamare apud Deum intelligatur : quemadmodum dictum Caino fuit : sanguis fratris tui Abel clamat . *Et datae sunt illis singulae stolae albae* , significatur autem gloria , hoc est beatitudo sempiterna animorum , quae divinitatis aspectu continetur ; quod constat cap. 19 ; quo loco de uxore agni , nempe de Ecclesia , dicitur , eam candida , & splendida

veste fuisse indutam; tum illud praeterea intelligitur, sanctorum animos, quum exceßerint corporibus, frui Deo: & dictum est illis, ut requiescerent adhuc tempus modicum, donec complerentur conservi eorum, & fratres eorum, qui interficiendi sunt sicut & illi: nam septem adhuc restabant Imperatores, qui Ecclesiam, exagitant; tempestas autem, de qua est hic sermo, tertiis fuit initio numerandi summo a Nerone. Sed animadvertendum est, quod dicitur sanctis, ut requiescant adhuc tempus modicum, non eo pertinere, ut brevi illo tempore expleto, non amplius quieturi sint, verum perinde esse, ac si dixisset; quiescite aeternum; brevi autem numerus fratrum vestrorum explebitur, quibus ferenda sunt, quae vos tulistis. Breve enim tempus est seculorum cum aeternitate comparatum. Praeterquamquod ab ea tempestate, ad magnum Constantinum anni bis centum intercesserunt. Et vidi cum aperuisset sigillum sextum, & ecce terrae motus magnus factus est, factus est autem Traiano Imperatore, cum esset is Antiochiae, & sol factus est niger tanquam sacculus cilicinus, & luna tota facta est sicut sanguis. Tradunt Philosophi causam esse terrae motuum exhalationes terrae, quae, cum siccitas est, in ipsius terrae hiatus includuntur. Nam, hiante terra, hiatus illi aerem, unaque, cum aere calorem excipiunt. Post, ubi pluerit, hiatus clauduntur, sicque manet inclusus aer, itaque ut exitum inveniat, terram tentat, ac movet, magnæ vi, quam sentimus; non secus ac de castaneis, ovisque accidit, quae, cum assantur.

Ita-

COMM. CAPUT VI. 35-

Itaque ubi terra magnis caloribus concitata calidos ejusmodi vapores emittit, fit, ut, quemadmodum est hoc loco, sol turbidus, lunaeque sanguinolenta videatur. *Et stellae de caelo ceciderunt super terram, sicut fons emittit grassos suos, cum a vento magno moventur; & caelum recessit sicut liber involutus.* Haec quidem omnia ita sunt intelligenda, ut pro eo, quod hominibus videri, atque oculis aestimari solet, dicta accipiantur. Et enim cum magnus adeo, atque hic describitur, terrae motus esset factus, cum quateretur terra, videbatur caelum, stellaeque cadere. Itaque si quis a Traiano sciscitatus fuisset tum, cum corruires videbat Antiochiam Urbem, ubi degebat; suaeque palatium (quorum ex uno se per fenestram dejecit, quod ea ipsa ruerent) cequid sibi de ea ne videretur? Respondisset profecto; caelum & stellas cadere. *Et omnis mons, & insulas de suis locis motae sunt.* Atque ut est in Trajani historia, plerique montes in profundum demissi, & complasati sunt; exaruerunt flumina; & amnes, quibus in locis non antea fluxerant, manserunt, multaque oppida corruerunt, & magna vis hominum interiit. Addit praeterea hoc modo; *& reges terrae, & principes, & tribuni, & divites, & fortes, & omnis servus, & liber, absconderunt se in speluncis, & in petris montium.* Quae quidem ita fuerunt, Trajanus enim, qui cum eo erant, ad agros profugerunt, ibique se complures dies, positis tabernaculis, continuerunt. Nam etsi terrae motus cessarant, tamen tantus metus omnium mentes invaserat, ut

in urbem ingredi non auderent . Quamquam erat jam urbs ipsa labefactata . Quae autem de Trajano dicuntur , eadem sunt de aliis etiam regibus , aliisque gentibus accipienda : *& dicunt montibus & petris , cadite super nos , & abscondite nos a facie sedentis super thronum , & ab ira agni : quoniam venit dies magnus irae ipsorum : & quis poterit stare ?* Animadverso est opus , credibile esse , Johannem Evangelistam ut primum e Pathmos insula se Ephesum contulit , de Apocalypsi Episcopis , ceterisque Christianis demonstrasse ; perrexisse porro haec eadem demonstrare solatii Christianorum causa , qui eo tempore religionis causa supplicia ab ethnicis perferebant . Atque inter alia , quae Christiani praenunciabant , hoc fuerat ; terrae motum ejusmodi futurum , qui describitur hoc loco . Itaque cum intelligerent ethnici rem , ita ut fuerat a Christianis praedictum , accidere , hoc sibi persuaferunt , instare orbis terrarum exitum ; Jesumque Christum ipsum esse earum rerum auctorem : itaque metu perterriti , montes ad eum modum compellabant : *cadite super nos , & abscondite nos a facie Dei , & Jesu Christi , quem nos , cum Christianos vexaremus , insectati sumus .* Nam si tanta vis ejus est , ut mundum tremere faciat , quis eum audebit expectare ? Denique hoc caput morte Trajani absolvitur ; quae res sic fertur ; Trajano Phocam martyrem , quem ille supplicio damnaverat , apparuisse , mortemque denuntiasse : itaque triduo post Imperatorem decessisse , idque accidisse an. 119. , postquam annos novendecim imperium P. R. obtinuerat .

CAPUT VII.

*Ex singulis tribubus duodecim millia deli-
guntur ; eademque signantur : sancti
autem omnium gentium, atque una An-
geli Deum laudant .*

MOrtuō Trajano , jam inquit : *post haec vi-
di quatuor Angelos stantes super quatuor
angulos terrae , tenentes quatuor ventos terrae ,
ne flarent super terram , neque super mare , ne-
que in ullam arborem .* Hi Angeli non homines
quidem , sed naturae incorporeae , ut postea ex
capitibus XIV. & XVI. intelligetur , quibus lo-
cis sermo est de Angelis , qui igni , & aquae
dominentur . Iidem autem Angeli fuerint mo-
deratores , gubernatoresque ventorum . *Et vi-
di alterum Angelum ascendentem ab ortu solis ,
habita nimirum ratione regionis insulae Pathmos ,
ubi tum Johannes agebat , habentem signum Dei
vivi .* Fortasse is Michael erat , cuius nominis
haec interpretatio est . Quis ut Deus ? Signum
autem Dei vivi est fides , ex qua nimirum vita
animorum existit ; etenim iustus ex fide vivit .
Itaque signum est ipsum huiusmodi Quis ut Deus ?
*Et clamavit voce magna quatuor Angelis , qui-
bus datum est a Deo nocere terrae : vi enim ven-
torum fruges evelluntur , quas terra parit ,
aedesque corruunt ; & mari , nam ventis naves
deprimuntur , dicens : nolite nocere terrae , &
mari , neque arboribus , quoadusque signemus*
C 3 ser.

38 GREGORII LOPESII

servos Dei nostri in frontibus eorum: perinde ac si dicat: supplicia, quibus certum est Deo terram, & mare afficere, quibusque multa hominum millia peritura sunt, ne sumatis, donec baptismo intinear centum quadraginta quatuor millia filiorum Israel. Idcirco addit: *& audiui numerum signatorum, centum quadraginta quatuor millia signati, ex omni Tribu filiorum Israel*. Animadvertendum est hoc loco, quamquam, decem Israelis tribubus ab Salmanazare Assyriorum Rege abductis, tribus duae Judae & Benjamin, & pars maxima Levitarum in Judaea manserant: tamen ante abductas decem tribus Israeliticas, homines ex his, magno numero, sese ad Judae tribum contulisse, ut templi Hierosolymitani adeundi, (quo in templo cultus vero Deo adhibebatur) facultatem haberent, neve, . . . aurea, quae Jeroboam Israelitarum Rex fecerat, colere cogerentur. Itaque, quo tempore Judaeorum erat Rex Roboam Salomonis filius, ex qualibet tribu homines erant tribui Judae admixti; iidemque postea simul cum tribu ipsa Judae Babylonem deducti sunt; ac denique una in patriam reverterunt. Ergo sanctus Paulus ex Benjamin, Anna Prophetis ex Asseri tribu fuit. Fuerunt porro in singulis tribubus, qui Apostolis admonitoribus usi, nostra sacra susceperent; iique Ecclesiae initium fuerunt. Petrus enim ipsa die Pentecostes, haebreos ad tria hominum millia, ut Christi fidem sequerentur, adduxit. Ex quo intelligitur, eo tempore, de quo nobis nunc sermo est, cum primum Hadrianus impetium obtinuit P. R. & Trajano successit, mul-

COMM. CAPUT VII. 39

multa jam Christianorum millia ex omnibus tribubus fuisse . Quorum cum numerus multo esse deberet maior, tamen de centum quadraginta quatuor millibus solum, unaquaque tribu in medium adducta, scribit hoc modo: *Ex tribu Juda duodecim millia signati: ex tribu Ruben duodecim millia signati: ex tribu Gad duodecim millia signati: ex tribu Aser duodecim millia signati: ex tribu Nephtali duodecim millia signati: ex tribu Manasse duodecim millia signati: ex tribu Simeon duodecim millia signati: ex tribu Levi duodecim millia signati: ex tribu Issachar duodecim millia signati: ex tribu Zabulon duodecim millia signati: ex tribu Joseph duodecim millia signati: ex tribu Benjamin duodecim millia signati.* Recensentur autem tribus hoc loco, non eo servato ordine, qui ex origine singularum existit; fuit enim Ruben omnium Jacobi filiorum primus: verum, quia ex tribu Judae, ortus Servator est generis humani Christus, qui hominum sibi naturam adjunxit, propterea hanc reliquis anteponit. Præterquamquod tribus Judae ceteris tribubus regia dignitate antecelluit. Rursus Dani tribus praetermittitur. Cujus rei causa fortasse alterutra esse potest, sive quod ex ea tribu nemo ad Judam accesserit, sive, quod ut est ab Sibilla Tiburtina praedictum, ex eadem nasciturus sit Antichristus. Pergit autem Johannes: *Post haec vidi turbam magnam, quam dinumerare nemo poterat ex omnibus gentibus, & tribubus, & populis, & linguis stantes ante thronum, & in conspectu agni amicti stolis albis, quae multitudo est animorum, & quae Domini aspe-*

tu continetur, & palmae in manibus eorum; palmae autem victoriam significant. Ferunt enim, si asseri, aut tigno ex palma confecto, pondus aliquod imponatur, tignum, victoris instar, contra pondus assurgere. *Et clamabant Sancti voce magna dicentes: salus Deo nostro qui sedet super thronum, & agno.* Res est adnotatu digna, sanctos homines, qui mortalem hanc vitam duxerunt in quadam veluti aegritudine fuisse veratos. Nemo est enim quantavis virtute praestans, quin, quamdiu animus corpore inclusus detinetur, veluti aeger sit, si vita haec nostra cum sempiterna beatitudine comparetur. Itaque Sancti Deo offerunt, quod in hac quasi peregrinatione consequi ipsi non possunt. Nam etsi est Deus salus ipsa, idemque eam sanctis suis tribuit, nihilosecius hi fatentur, nihil habere se, quod Deo tribuant, eiue, quod salute ornatissimus sit, gratulantur. Contra Angeli, qui expertes ejus aegritudinis fuerunt, non salutem quidem Deo offerunt, sed ejusmodi cum laudibus efferunt, quae oriuntur ex divinae naturae perfectione. Quamobrem ait: *& omnes Angeli stabant in circuitu throni, & seniorum, & quatuor animalium*, de quibus supra demonstratum est, *& ceciderunt in conspectu throni in facies suas, & adoraverunt Deum dicentes: quasi tributas Deo a sanctis laudes confirmare vellent, Amen.* Itemque *benedictio, & claritas, & sapientia, & gratiarum actio, honor, & virtus, & fortitudo Deo nostro, in secula seculorum. Amen.* Sunt rursus ita accipiendae haec laudes, uti antea explicatum est; nimirum delectari

vehe-

COMM. CAPUT VII. 41

vehementer sanctos absolutissima naturae divinae perfectione. *Et respondit unus de senioribus*; nempe unus Patriarcharum Johannem est allocutus. Quod vero respondisse dicitur, eo referendum est, quod maxima innata erat Johanni cupiditas cognoscendi de iis sanctis. *Et dixit mihi: hi, qui amicti sunt stolis albis, qui sunt; & unde venerunt?* Scilicet Patriarcha, perinde ac si ignorasset, scireque averet, percunctatus est. *Et dixi illi ego Johannes: Domine tu scis. Et dixit mihi: hi sunt, qui venerunt ex tribulatione magna*, hoc est martyres, & *laverunt stolas suas* (stolae autem actiones sunt, ac virtutes, quibus vestitur, & ornatur animus) & *dealbaverunt eas in sanguine agni*: nam hominum actiones parvi sunt ipsae per sese, nisi cruciatibus, morteque Christi augeantur: iique, quoniam Christi causa calamitates perpeffi sunt, *ideo sunt ante thronum Dei*, eumque laudibus prosequuntur: qui enim in domo Dei habitant, ii laudare eum pergunt in infinitas aeternitates. Hoc enim significatur his, quae sequuntur, verbis, & *serviunt ei die ac nocte in templo ejus*: quod templum Ecclesia ejus est. *Et qui sedet in throno*, Deus, *habitabit super illos*. Et si enim Dei aspectu fruuntur sancti; adhuc tamen excedit vim omnem, facultatemque sanctorum natura Divina. *Non esurient, neque sitient amplius*; id autem non ad corpus modo, sed etiam ad animum pertinet, quemadmodum ait David, „satiabor cum aperuerit gloria tua,,. *Neque cadet super illos sol, neque ullus aestus*, qui eos possint molestia

affi-

42 GREGORII LOPESII

afficere; afficiebant autem, quando obnoxiam his malis vitam egerunt. *Quoniam agnus, qui propter Divinitatem, in medio throni est, nempe in sinu Patris (quamquam nihil impedit, quominus de humana Christi natura intelligatur, quae quasi medio in loco posita, sanctis cingitur, qui thronus Dei sunt) reget illos, & deducet eos ad vitae fontes aquarum.* Nimirum agnus, hoc est Dei sapientia ducet eos per eandem ipsam sapientiam ad fontes, qui fontes Personae divinae sunt. Nam hoc Christus dixerat.

Atque ut ostendat, eos omnis calamitatis expertes futuros, subdit: *Et absterget Deus omnem lacrymam ab oculis eorum.*

CAPUT VIII.

Agit de brevi temporis spatio, quo intermissa vexatio Ecclesiae fuit; aliaque mysteria demonstrare aggreditur. Continuetur autem hoc caput Hadriani, & Marci Aurelii imperio.

Et cum aperisset sigillum septimum, factum est silentium in caelo quasi media hora. Traiano mortuo, successit in ejus locum Imperator P. R. Hadrianus. Is continuo Ecclesiam exagitavit. Verum cum Quadratus, Apostolorum discipulus, & Aristides Atheniensis, qui Philosophus christianus fuit, libros nonnullos pro Religione christiana conscripsissent, factum est adeo horum

COMM. CAPUT VIII. 43

horum opera , ut Hadrianus a maleficio temperaret . Itaque reliquo Hadriani tempore , itemque Antonino Pio Imperatore , requievit a tempestate Ecclesia . Hoc autem spatium , quod amplius annorum quinque , & triginta fuit , dicitur hoc loco „ media hora „ perinde ac si diceret : facta est in caelo , idest in Ecclesia , pax ad exiguum tempus : ait porro : *Et vidi septem Angelos stantes in conspectu Dei : & datae sunt illis septem tubae .* Atque hi sunt septem Angeli , qui calamitates septem enunciaturi sunt , quae sequuntur . Ut autem demonstraret Evangelista , quam rem christiani agerent , quo tempore vexatio intermissa fuit ; addit : *& alius Angelus venit , & stetit ante altare habens thuribulum aureum ; & datae sunt illi incensa multa , ut daret de orationibus sanctorum omnium super altare aureum , quod est ante thronum Dei ;* tanquam si dicat : quamdiu requievit Ecclesia , christiani sese in precibus , quae incenso significantur , habendis exercebant . Hae vero preces summa cum caritate habitae , thuribuli aurei nomine significantur ; oblataeque ab angelo cuiusque hominis custode super altare aureum fuerant , quod altare est Jesus Christus Redemptor humanae salutis . Et super idem altare *ascendit fumus incensorum de orationibus sanctorum ;* quasi suavis , & iucundus Deo odor , cum propter altare ipsum , tum etiam quod offerebatur *de manu angeli coram Deo .* Sed dignum est , quod animadvertatur : hunc ipsum Angelum , qui preces sanctorum offert , magna cum celebritate septem afflictationes enunciare , Ecclesiae

siae superventuras. Nimirum, etsi delectatur precibus sanctorum Deus, delectatur tamen etiam conflictationibus, quas sancti ejus causa perferunt. Itaque sic ait : *& accepit Angelus thuribulum, & implevit illud de igne altaris, & misit in terram.* Significat ignis caritatem; de quo igne Christus hoc dixerat.

Itaque hunc ignem, dum alter septenus numerus enunciat, ardere volo : ait autem ; *& facta sunt tonitrua, & voces, & fulgura, & terrae motus magnus.* Portenditur autem hoc tanto fragore septenum istum gravissimum fore. Nam ubi de superiori enunciatum est, unum tantum fuit tonitruum. Animadvertendum est, tranquillo, pacatoque Ecclesiae tempore exacto, quamdiu Imperator P. R. Hadrianus fuit, fuit autem annos duos, & viginti, atque anno CXL decessit; itemque Antoninus Pius, qui imperium annis viginti tribus obtinuit, mortuusque est anno CLXIII; nunc jam initium esse imperii Marci Aurelii. Itaque ad hunc pertinent, quae explicantur hoc loco; idque terrae motu significatur. *Et septem Angeli, qui habebant septem tubas, praeparaverunt se ut tuba canerent.* Haec ad hominum loquendi rationem accommodata dicuntur. Sensum vero habent hujusmodi : incipere jam Deum demonstrare, manifestareque septem haec opera, quae facturus est. *Et primus Angelus tuba cecinit, & facta est grandis, & ignis, mista in sanguine, & missum est in terram; & tertia pars terrae combusta est, & tertia pars arborum concremata est, & omne foenum viride combustum est.* Haec quidem omnia

COMM. CAPUT VIII. 45

omnia una cum terrae motu , de quo antea dictum est , Marco Aurelio Imperatore acciderunt . Fuit enim eo tempore non solum maxima annonae caritas , quae terrae , & arborum , & foeni combustione significabatur ; sed etiam universalis pestilentia , & fluminum alluviones , magna quae vis locustarum , quae , fruges consumeant . Quod vero dicitur , *mista in sanguine* ad tempestatem referendum est , quam idem Marcus Aurelius in Ecclesiam concitavit ; quae fuit post Neronianam quarta . *Et secundus Angelus tuba cecinit , & tanquam mons magnus igne ardens missus est in mare* . Quae sunt de Marco Aurelio accipienda , qui omnium Imperatorum unus Philosophus est appellatus . Nam Philosophiae scientia qui sunt eruditi , eorum , nisi scientiam cum caritate jungant , ita tument , & inflantur animi , ut sibi ipsis montes veluti quidam videantur . Neque cuiquam mirum videri debet , nos montis nomen ad Marcum Aurelium transferre . Nam etiam Nabucodonosor Rex Babyloniorum per arboris similitudinem significatus est , quae ad caelum pertineret , cujus rami per totum orbem protederentur . Neque enim Nabucodonosori inferior aut scientiae facultate , aut magnitudine imperii Marcus Aurelius fuit . Ait autem montem fuisse , igne ardentem : propter multas virtutes animi , quibus fuit ille praeditus ; fuisse autem missum in mare propter bella , annonae inopiam , pestilentiam , terrae motum , & alluviones , quae eo Imperatore contigerunt , quibusque divina voluntate imperium ejus ad instar maris , excitata-

gignitur procellis fit, propterea quod Ecclesiam vexaret. Ait porro: *et facta est tertia pars maris*, nempe mundi, qui turbatum quoddam mare est, *sanguis* propter bella quibus provinciae omnes ardebant; *et* ob eam causam *mortua est tertia pars creaturae eorum*, quae habebant animas mente & ratione praeditas, in mari, hoc est in mundo: ac aeternum fortasse perierunt. Fuerint enim omnes, qui bello interibant Ethnici, hostes Ecclesiae. Jam vero converso sermone ad mare, quod est in numero elementorum, subdit: *et tertia pars navium interiiit*, magna ventorum, ac tempestatum vi, quae cum maximae commotae fuerunt, *Et tertius Angelus tuba cecinit, et cecidit de caelo stella magna ardens tanquam facula*: eam stellam aut Marcionem haeresiarcham, aut Apellem, fuisse existimandum est, qui extremo Marci Aurelii imperio, aut Commodi filii illius inuenire fuerunt. Atque Apelles quidem, cum antea christianus fuisset, tum denique profecta admodum aetate, doctoris sibi nomen arrogavit, & summa dementia depravatus multa in Moyse legem convicia iactare; Prophetas non vera praedixisse dicere, in sua cuique sententia, & Religione manendum; nullamque doctrinam investigandam esse praedicare coepit; addens praeterea, ut fidem faceret iis, quae dicebat, eos qui spem in affixo cruci homine suam collocassent, salvos perpetuo futuros. Atque ob eam rem is magna stella ardens tanquam facula appellatur, quod antea quam tot, tantisque erroribus implicaretur, magna exultatione, & virtutis

COMM. CAPUT VIII. 47

tutis opinione floruerit . Pergit porro : & cecidit in tertiam partem fluminum , & in fontes aquarum ; quod post constabit cap. XVII. Et , quod pestiferam illam doctrinam sparserit , nomen stellae dicitur absinthium , propter summam ejus doctrinae amaritudinem , qua populos infecit , qui eam susceperunt . Itaque ait : & facta est tertia pars aquarum in absinthium : & multi hominum mortui sunt de aquis , quia amarae factae sunt . Quo loco significari videtur plerisque eam doctrinam secutos aeternum periisse . Et quartus Angelus tuba cecinit : & percussa est tertia pars solis , & tertia pars lunae , & tertia pars stellarum , ita ut obscuraretur tertia pars eorum , & diei non luceret pars tertia , & noctis similiter . Nimirum magna aliqua caeli obscuritas fuit , & diuturna , qualis Galieno , postque Justiniano Imperatoribus contigit , eamque ob causam tertia sui parte non splenduisse solem dicit ; perinde ac si tertia luminis parte destitutum fuisse diceret ; sublato autem lumine solis , qui fons est lucis , qua illustrantur Reliqua corpora , lunam etiam , stellasque , quae lumen a sole accipiunt , deficere necesse fuit . Quodque tenebrae terrorem afferunt , iis Deus supplicii causa est usus . Sed possunt haec omnia alio modo explicari ; nimirum , ut tertia parte solis justitiae , qui Christus est , destituti homines , propter peccata sua , fuerint ; quae per fidem apparet ; tertia autem fidelis pars eos defecerit , in quibus erat ; quoniam pro ratione fidei , quae in nobis aut magna , aut exigua fuerit , se nobis aut ostendat , aut subducit Deus . Jam vero

48 GREGORII LOPESII

vero subducto e conspectu eo sole , lunam etiam , & stellas ; hoc est Ecclesiam , eosque , qui virtute praestant , obscurari , atque obrui necesse est . Verum quia quatuor tubarum voces , de quibus demonstratum est , non adeo magnas calamitates enunciarunt , quam enunciaturae sunt reliquae , quae adhuc restant , tres ; ait modo : *& vidi , & audiui vocem unius aquilae* , nempe sancti alicujus , *volantis* , rerum divinarum contemplatione , *per medium caeli* , scilicet Ecclesiae , *dicentis voce magna : vae , vae , vae , habitantibus in terra* , atque haec dicebat *de ceteris vocibus Angelorum , qui erant tuba canituri* . Nimirum trinis iis vocibus tot , tantaque calamitates , afflictationesque enunciatae sunt , ut Ecclesia ingemisceret . Quae res postea demonstrabitur . Atque hoc caput extremo Marci Aurelii imperio , Commodi autem qui filius M. Aurelii fuit , imperii initiis concluditur . Obtinuit autem imperium M. Aurelius annos octodecim ; mortuusque est auno CLXXXI.

C A P U T IX.

*De Montani , seu Cataphrygis haeresi ,
deque magna pestilentia Commodi
Imperatore .*

CUM decessisset M. Aurelius , inque ejus locum Commodus Imperator P.R. successisset , Montanus , qui etiam Cataphryges appellatur , concitatis turbis , Ecclesiam in summas

COMM. CAPUT IX. 49

mas angustias adduxit. Ferunt autem, idque est animadvertendum, demonstratum s. Hildegardi Abbatisſae in Brabantia divinitus fuiſſe, fore ut omnia, quae continentur hoc capite, in Germania exitum haberent; ita ut hoc tempore factum videmus. Quae res ad summam ſimilitudinem, quae inter Cataphryges, Germanosque haereticos interceſſit, pertinebat. Nam ſolemus etiam dicere Johannem Baptiſtam fuiſſe Eliam, nimirum quod eadem animi magnitudine, eodem ſpiritu, eodem zelo, & religionis ſtudio praeflitterit, quo Elias floruerat. Rurſus in hoc ipſo libro Johannes Episcopum Thyatirae reprehendit, quod Jezabelem ferret, quo nomine ethnicam ſuperſtitionem ſignificabat; nam a Jezabele ad id tempus anni pluſquam nongenti fluxerant. Ita a Montani ad Lutheri aetatem ſpatium temporis interceſſit pluſquam mille, atque trecentorum annorum. Jam vero de quinta tubae voce, ait: *Et quintus Angelus tuba cecinit, Et vidi ſtellam de caelo cecidiſſe in terram*; iſque Montanus fuit preſbyter, Ardabau, quod oppidum eſt Phrygiae, natus; cujus tanta fuit audacia, ut dicere non dubitaret, Spiritum ſanctum ſibi tantum, iſſque, qui ſibi auſcultarent, fuiſſe tributum; Apoſtoliſ autem, aliſque hominibus nullo modo: maloque genio exagitatus ſanctiſſimis Eccleſiae traditionibus fidem detrahere conaretur. Qui etſi a nobis, beneque inſtitutis hominibus reprehendebatur, fruſtra tamen erat eorum opera; quique in partes ſe Montani conjecerant, magnos ſibi ſpiritus, magnamque audaciam ſumebant; fuiſ-

que ipsi in verbis gloriabantur, quasi imbuti essent Spiritu sancto, cum tamen eorum vita in omni vitiorum turpitudine versaretur. Ac Montanus quidem matrimonium diremit; jejunii disciplinam sustulit; certos sibi reditus comparavit; eos, qui suam sectam propagandam curarent, pecunia conductos habebat; hique Prophetas se ipsos, & martyres nominabant. Quibus ex rebus Ecclesiae perturbatio secuta est, & magna confusio. Verum cum consistere mendacium diu nequeat, qui se Montano dederant, in factiones, ita ut sit, abierunt, & neque sibi inter se communicandum putabant, neque ejusdem Montani fidem sequebantur, atque ita se ipsos everterunt. Sed ut ad stellam, quae e caelo decidit, quamque Montanum fuisse diximus, redeamus: facile intelligimus, eam, antequam caderet, in pretio, atque exultatione fuisse. Ait porro: *et data est ei clavis putei abyssi*, nimirum permissum est, ut caderet, utque etiam alios, qui essent sceleribus implicati, secum in ruinam pertraheret. Nam hoc certum est, ex elatione atque arrogantia oriri haereses. *Et aperuit puteum abyssi*, nempe januam, quae ad inferos ducit; & *ascendit fumus putei*, fumi autem nomine error indicatur, cujus caligo ita hominum mentibus fuit offusa, *sicut fumus fornacis magnae*, & *obscuratus est sol*, & *aer de fumo putei*; & *de fumo putei exierunt locustae in terram*, & *data est illis potestas, sicut habent potestatem scorpiones terrae*. Nimirum ex peste illa erroris plerique eruperunt, qui etsi sermonis facilitate

COMM. CAPUT IX. 51.

tate naturae imbecillitati satisfaciebant ; re tamen vera mordebant instar scorpionum , quoniam venenum in hominum animis spargebant . *Et praeceptum est illis, nempe permissum, ne laederent foenum terrae, neque omne viride, neque omnem arborem*, ut intelligamus, non fuisse locustas, quae sunt appellata eo nomine, *nisi tantum homines, qui non habent signum Dei*, hoc est vivam, quam dicimus, fidem cum casta, atque integra consuetudine vitae conjunctam, *in frontibus suis*, nempe in mentibus. Est vero considerandum hoc loco, Deum impiorum quorundam hominum opera usum, in alios impios animadvertisse. Montanus enim, quique ejus partes sequebantur, elati arrogantia, & vitiis implicati cum essent, nemini dubium esse poterat, quin alieni penitus a Deo essent. Jam vero horum opera Deus in illos animadvertit, qui etsi christiani videbantur, non tamen christiani erant. Sunt enim ita comparati nonnulli, ut Dei religionem, quam verbis profitentur, factis negent ; hique sunt, qui non habent signum Dei in frontibus suis, sed in lingua duntaxat, quandoquidem non haeret in animis eorum religio, sed inani verborum jactatione continetur. Jam ad locustas, atque ad scorpiones rediens, pergithoc modo : *et datum concessumque est illis ne occiderent eos*, neu in sententiarum perversitate manentes perimerent, *sed ut cruciarent mensibus quinque*. Accidit fortasse, ut plerique christianorum vitiis obligati, in Montani errores inciderint ; idque Dei voluntate, nimirum ut in eos supplicium recideret, pro-

pterea quod non sibi ab iis serpentibus caverant. Ait porro: *& cruciatus eorum ut cruciatus scorpii cum percutit hominem.*

Itaque illi, cum abduci se a Montanistis, & corrumpi tulissent, aegritudine animi tanta, tantaque melancholia exagitatos fuisse credibile est, ut se ipsos desperarent. Quamobrem addit: *& in diebus illis quaerent homines mortem, & non invenient eam, & desiderabunt mori, & fugiet mors ab eis;* ita ut iis solet accidere, qui gravi sollicitudine, aut melancholia laborant, quosque desperatio occuparit. Atque ut demonstraret quae sint hae locustae: *& similitudines,* inquit, *locustarum similes equis paratis in praelium.* Nam ut equi in exercitu, ubi praelii signum datur, hinniunt, gestiunt, fervent, ita fere Montaniste, seu Cataphryges, arroganti loquacitate, & inani jactatione efferebantur. *Et super capita earum tanquam coronae similes auro.* Nimirum diademata sibi imponebant eorum similia, quae sanctorum hominum imaginibus imponi solent; quandoquidem se ipsi sanctos existimabant, nomenque sibi martyrum arrogabant. Pergens autem apertius de iis demonstrare; *& facies* inquit *earum tanquam facies hominum.* Etsi enim Cataphryges natura homines erant, tamen institutis & agendi ratione cacodaemones videbantur. Hoc enim Christus docuit: impios homines filios esse diaboli. *Et habebant capillos sicut capillos mulierum;* fortasse longiori coma utebantur Nazareorum instar, ut eo religiosiores haberentur: *& dentes earum sicut dentes leonum erant.* Iis enim dentibus animos hominum lace-

COMM. CAPUT IX. 53

rabant . Potest explicari is locus etiam de eorum maledicendi voluntate , nempe quod dente maledico traditiones Ecclesiae , & colentes virtutem homines carpebant . *Et habebant loricas sicut loricas ferreas* . Nam quemadmodum lorica militem in acie protegit , ne vulnus accipiat ; ita Montanistae pervicacia se armaverant , ne culter divini verbi eos pertingeret . *Et vox alarum earum sicut vox curruum equorum multorum currentium in bellum* . Tantos strepitus & clamores faciebant , uti cum aliquo catholicorum agendum erat . Atque est hoc etiam in proverbio positum . *Et habebant caudas similes scorpionum* : nam si cui doctrinae eorum aliquid haesisset , venenum erat , & pestis animi : *& aculei erant in caudis earum : et potestas earum nocere hominibus mensibus quinque* , nimirum incerto , & non definito spatio temporis , ita uti supra explicatum est : *et habebant super se* , iidem Montanistae , *regem Angelum abyssi* . Etenim perspicua res est , tali modo institutis hominibus , praesertim quorum omnis vitae ratio superbia contineretur , neminem nisi cacodaemonem , Regem esse debuisse . De quo Angelo ait : *cui nomen hebraice Abbadon, Graece autem Apollyon, latine habens nomen, Exterminans* ; nimirum destruens . Atque erat hoc ei nomen maxime accommodatum , quandoquidem exitium animis , ruinamque afferebat . Fuit autem illi eadem appellatio hebraice , graece , & latine indita , ob eam causam , quod ea haeresis iisdem linguis exitium animis inferebat . Ac de hebraica quidem non magnus labor suscipiendus Montano

fuit, quum essent Judaei sua ipsi sponte in-odium Christianorum incitati. Montani autem secta Ecclesiae instituta irrideret; praesertim vero, quod obscoenitatem, & turpitudinem sequeretur: stirpes autem & pravae herbae facile & cito succrescunt. Nam de Graeca constat, quum in ea lingua initium haeresis Montani fuerit. Phrygia enim, quam patriam fuisse Montani diximus, Graecorum imperio continebatur. Neque etiam de Latina est obscurum. Florinus enim, qui propter gravissima scelera merito suo e presbyterii gradu dejectus fuerat, eandem haeresim Romam intulit, fortasse doloris sui ulciscendi causa, vir scilicet turbatis animi motibus concitatus. Atque ut demonstraret, quam haec Ecclesiae gravis vexatio fuerit, addit: *vae unum abiit*, nempe unum ex tribus, de quibus supra demonstravimus: *et ecce veniunt adhuc duo vae post haec*. Itaque de duobus reliquis dicturus, quod maxime sequitur, explicare aggreditur in hunc modum.

Et sextus Angelus tuba cecinit; & audiivi vocem unam ex quatuor cornibus altaris aurei, quod est ante oculos Dei. Est autem altare Redemptor salutis humanae Christus; quod quidem altare propter Christi ipsius caritatem dicitur esse aureum. Quatuor vero cornua, quatuor Evangelistas significant, quorum sunt libri omnes de altari. Jam vero cum singuli de pestilentia, deque calamitatibus, ac tempestatibus, quibus laboratura erat Ecclesia, scripserint: hae nunc iis partes dantur, ut pestilentiam enuncient, de qua modo erit sermo, quaeque Commodio Imperato-

COMM. CAPUT IX. 55

ratore fuit , quo tempore Montanus suam spargere heresim coeperat . Eam itaque vocem Johannes audivit : *Dicentem sexto Angelo , qui habebat tubam : solve quatuor Angelos , qui alligati sunt in flumine magno Euphrate .* Nempe quatuor reges fortasse , quorum erant Provinciae Euphrati finitimae ; scilicet Mesopotamia , Syria , Chaldaea , atque Armenia . *Et soluti sunt quatuor Angeli , data nocendi facultate ; qui parati erant in horam , & diem , & mensem , & annum , ut occiderent tertiam partem hominum .* Fortasse hi reges , Prophetae alicujus praedictionibus admoniti , norant , quem ad diem mutuum sibi bellum illaturi essent . Quibus ex bellis propter magnam cadaverum multitudinem infecto aere , tertia pars hominum interiiit . Tanta autem ejus pestilentiae , Commodi Imperatore , vis fuit , ut ex ea toto orbe sit laboratum . Verum tanta brevitate earum rerum historiae conscriptae sunt , ut nihil de iis dici distincte possit . Ait porro : *& numerus equestris exercitus vicies millies dena millia ,* quorum est summa 20000000 . *& audiivi numerum eorum ;* mirabile est autem tam magnum exercitum cogi ex iis regionibus potuisse . *Et ita vidi equos in visione ,* nimirum equis hominum corpora significantur ; *& qui sedebant super eos nempe eorundem hominum animi , habebant loricas igneas , hyacinthinas , & sulphureas .* Tanta est enim humani animi , tamque arcta cum corpore colligatio , atque conjunctio ; ut si qua perturbatione afficitur corpus , continuo perturbatio & motus existant in animo . Itaque qui gravi

melancholia laborant, ii sibi in tenebris versari videntur; ac per somnium res iis atrae obversantur, ejusdem nempe coloris similes, cujus est humor ille. Contra qui ira est incensus, in medio igne se esse somniare solet. Nimirum is humor, quo affectum est corpus, quasi indumentum, seu lorica quaedam animi esse videtur. Haec cum ita sint, cumque tempestas tum maxime calida, aer autem infestus esset, adeo illi cholera tamque ardenti tumuerant, ut ipsi sibi igne circumdati, ac vestiti viderentur. Ignis enim choleram significat, ardentem vero choleram hyacinthus. Cholera enim ubi quis rursus incenditur, . . . humor colore inficitur, qualis est hyacinthi. Denique sulphur ad gravem, pestilentemque humorem refertur. Ejus enim, qui flagrat cholera, respiratio gravis esse solet, quasi cremati adustique corporis foetor, quae respiratio indicio est hominem, a quo emissus est respirando aer, tali humore laborare. Quod si is humor pestilens evadit, veluti sulphureus fiet. Atque ut ostendat omnem hunc morbum ex cholera existere; *et capita* inquit *equorum*, nam demonstratum est supra, equi vocabulo humanum corpus significari, *erant tanquam capita leonum*. Leonis enim tam est cholerae obnoxia natura, ut perpetuo tertiana febris laborare existimetur. Oritur enim hoc febris genus ex nimia cholera. Itaque illi cum cholera flagrarent ferocitatem quandam vultu praeseferebant. Nam cholera iram movere solet. Ait porro: *et de ore eorum procedit ignis*, nimirum propter febrim, qua tenebantur, *et fumus, et sul-*

COMM. CAPUT IX. 57

sulphur, quae scilicet de spiritu, quem ore emittebant, deque halitu foedo, ac pestilenti, quem efflabant, intelligenda sunt. *Et ab his tribus plagis occisa est tertia pars hominum, de igne, et de fumo, et sulphure, quae procedebant de ore ipsorum*; perinde ac si dicat, pestilenti humore, quo illi erant affecti, tertiam orbis partem infectam fuisse. Quod sane mirum videri non debet. Nam saepe accidit, ut aperta arca, in qua vestes pestilentia contaminatae sint positae, pestis ipsa non homini modo uni haereat, sed totam civitatem, totumque regnum occupat. *Potestas enim, ait, equorum in ore eorum est*: nam ore, quasi telum, pestiferum humorem emittebant, qui humor homines perimebat; *et in caudis eorum. Nam caudae eorum similes serpentibus habentes capita, et in his nocent*. Extrema pars equi est cauda. Extremum autem erat pestiferi humoris, qui ex corporibus hominum effundebatur, ut ad quos ille humor pervenisset, ii veneno insicerentur, non secus quam si eos serpentis caput momordisset. *Et ceteri homines, qui non sunt occisi in his plagis*, etsi alieno exemplo admonitis intelligere oportebat, tanta mala Dei voluntate accidisse, propter idolorum superstitionem, quam homines sequebantur; nihilominus ii neque Deo de injuriis satisfecerunt, neque a daemonum, atque idolorum cultu abstinuerunt, quae quidem idola aurea, aut argentea, aut aerea, aut saxea, aut lignea cum essent, nullam neque videndi, neque audiendi, neque ambulandi vim, aut facultatem habebant. Neque solum in ea superstitione manserunt, verum

rum et non egerunt poenitentiam ab homicidiis suis, neque a veneficiis suis, neque a fornicatione sua, neque a furtis suis. Jam quae persectus est Johannes hoc capite ad exitum Commodi Imperatoris pertinent. Is qui filius fuit Marci Aurelii, quamquam non in deno eorum numero habeatur, a quibus exagitata vehementer Ecclesia fuit; nihilosecius, non desunt qui fuerint, eo Imperatore, Religionis christianae causa interfecti. Nihil autem impedit, quominus ea quae de quatuor Angelis supra commemoravimus, ad duces, & principes haereticorum quaternos pertineant, qui ex finitimis Euphrati regionibus prodierint, quique tamquam foedo, ac sulphureo pestiferae doctrinae halitu tertiam orbis terrarum partem infecerint. Verum de hac re non constat; neque eo tempore praeter Montanum, atque Apellem, quemquam fuisse alium scimus, qui turbas in Religionem concitaverit. Contra de peste certum, atque testatum est. Commodum enim Imperatore pestilentia totum orbem pervasit, & terrae motus est factus, cujus vi, ut de malis reliquis omittam dicere, quae ex eo sunt profecta, Urbs Smyrnaeorum corruit, quae scilicet una fuit septem civitatum, ad quas misit Johannes Apocalypsim. Tenuit autem Commodus imperium P. R. annos duodecim & sublatu veneno est, vulneribus confectus a suis anno CXCIV.

CAPUT X.

*Praecipit Johanni Angelus, ut Ephesum
se Evangelium praedicatum conferat.*

Et vidi alium Angelum sortem, nempe su-
premi ordinis, *descendentem de caelo ami-
ctum nube*. Quamquam fieri etiam potuit, ut
haec de sancto aliquo, beatoque homine dicere-
tur, cujus corpus, propterea quod in caelum
translatum esset, & particeps esset factum sem-
piternae felicitatis, nubes appellaretur. *Et iris
in capite ejus*. Iris autem symbolum est pacis,
atque amicitiae. Nimirum Angelus ornatus erat
insignibus legationis, quam administrabat. Nam
Johannem Asiaticis Ecclesiis restitutum veniebat,
a quibus ille aberat Domitiani jussu in Pathmos
exulans. *Et facies ejus erat ut sol*, ut signifi-
icaret fore, ut rursus iisdem Ecclesiis sol orire-
tur; qui jam obscurari a nubibus incipiebat; ni-
mirum quod Cerinthus, & Hebion, duo prin-
cipes haereticorum turbas concitare coeperant.
Et pedes ejus tamquam columnae ignis; ut de-
monstraret, Johannem Ecclesiarum illarum veluti
columnam futurum, qui Evangelio adversus hae-
reticos illos conscripto, & oratione, ac prodigiis
sustentaret. Ignea vero columna fuisse dicitur,
propter Johannis flagrans Religionis stu-
dium, summamque caritatem. *Et habebat in
manu sua libellum apertum*, in quo erant fortasse
descripta, quae Johannes utilitatis Ecclesiarum
causa facturus erat: & *posuit pedem suum dex-
trum*

trum saper mare, sinistrum autem super terram. Nimirum multo plus operae collocandum Johanni erat in haeresi profliganda, quae veluti procellosum mare commota fuerat, quam in eorum gubernatione, qui instar continentis, in Ecclesiae fide, & familiaritate constanter manebant. *Et clamavit voce magna, quemadmodum cum leo rugit;* ut intelligamus quam gravis animo percipiendus sit dolor ex christianorum incommodis, qualia eae tum Ecclesiae perpeti coeperant. *Et cum clamasset, locuta sunt septem tonitrua voces suas. Et cum locuta fuissent septem tonitrua voces suas; ego scripturus eram: & audiui vocem de caelo dicentem mihi: signa quae locuta sunt septem tonitrua, et noli ea scribere.* Has septem voces ad calamitates, ac tempestates septem referri oportere existimo, quae iisdem Ecclesiis impendebant; ita ut Marco Aurelio, & Commodo Imperatoribus contigit; quo tempore vexatae Ecclesiae fuerunt, & Polycarpus Smyrnaeorum episcopus exagitatus; & saepe christiani crudeliter saevissimeque cruciati. Itaque ne quidquam Johannes de iis vocibus novis Ecclesiis nunciaret, quae quamquam animo essent prompto ad mala ferenda, quae sibi divina voluntate accidissent; naturae tamen vi afflictæ, & sorditate erant; igitur ne iis Johannes nunciaret, jussus est, ut ea ne scriberet. Verum credibile est Johannem ipsum episcopis, aliisque pietate insignibus viris omnia coram edixisse; adeoque plerofque discipulorum ejus Apocalypsis rationem tenuisse, exque his alios, atque alios afflictis, atque alienis temporibus solatii chri-

COMM. CAPUT X. 61

christianorum causa cognovisse. Nam de Irenaeo & Justino, qui uterque martyr, & Johannis discipulus fuit, constat fuisse eos interpretatos Apocalypsim. *Et Angelus, quem vidi stantem super mare, et super terram, levavit manum suam ad caelum, et juravit per viventem in secula seculorum, qui creavit caelum, et ea, quae in eo sunt; et terram, et ea, quae in ea sunt; et mare, et ea quae in eo sunt.* Tali enim eo tempore jurejurandi ratione utebantur. Quum etiam eadem usus fuerat Abraham „ Levo (inquit) ma-
 „ num meam ad Dominum Deum excelsum pos-
 „ se, sessorem caeli, & terrae „. Eandem ipsam posterius ejus Haebrei retinuerunt. Itaque Angelus orationem suam ejus temporis consuetudini accommodavit. Juravit autem: *quia tempus non erit amplius, afflictum atque adversum, nimirum ea tempestate. Sed in diebus septimi Angeli, cum coeperit tuba canere, consummabitur mysterium Dei, sicut evangelizavit per servos suos Prophetas.* Animadvertendum est Prophetas appellari hoc loco non eos quidem, qui Redemptoris hominum Christi adventum, praenunciaverunt; sed eos, qui plerumque in coetibus christianorum reperiebantur; quo numero Agatus, & filiae Philippi, alique fuerunt. Atque hoc sibi facile quisque persuaserit, ejus generis piis hominibus, qui instinctu, afflatuque divino futura cognoscerent, tum maxime abundare Ecclesiam, quo tempore maleficia inimicorum vexabatur. Cujus rei exemplum in Dionysio episcopo Alexandrinorum habemus, qui docuit de Valeriano fuisse illud ab Johanne di-

dictum „ datum est ei os loquens magna; & blasphemias „ . Jam vero Prophetæ illi prædixerant , fore , cum esset redditus sonitus septimæ vocis , ut quiesceret tum a tempestate Ecclesia , quando quidem cessabat illa , quam Severus commoverat , ac si navarchus navigantibus diceret : sic vobis recipio , mare tali hora pacatum iri , neque jam futuram tempestatem , nimirum ea die ; non enim hoc pollicetur , nunquam postea futuram . *Et audisti vocem de caelo iterum loquentem tecum ; et dicentem : vade et accipe librum apertum de manu Angeli stantis super mare , et super terram . Et abiit ad Angelum , dicens ei , ut daret mihi librum . Et dixit mihi accipe librum , et devora illum : et faciet amaricari ventrem tuum , sed in ore tuo erit dulce tamquam mel .* In eo enim fortasse libro descripta vexatio erat , quam Ephesi passurus erat Johannes , Cerinthi , aliorumque opera . Quamobrem cum tranquillitate , qua tum utebatur , brevi cariturus esset , natura scilicet ejus commovebatur ; tum etiam quod molestum ei erat se ad Ephesios loqui debere . Nihilominus , quod eorum , qui Deo dant operam , prompta esse debet ad obediendum voluntas ; *et accepi inquit librum de manu Angeli , et devoravi illum : et erat in ore meo ,* nimirum propter obediendi voluntatem , meumque in Deum amorem , *tamquam mel dulce : et cum devorassem eum ,* nempe cum cogitarem , consideraremque , quæ eram passurus , *amaricatus est venter meus .* Nomine autem ventris naturæ hominum imbecillitas significatur , quæ calamitatibus movetur . Explicat

COMM. CAPUT X. 63

plicat porro quae ea esset calamitas addens : *et dixit mihi : oportet*, Dei causa, atque ut ne frustra sit opera, quam in Ecclesiis consumpsisti, *te iterum prophetare gentibus, et populis, et linguis, et regibus multis*. Est autem dignissima, quae animadvertatur consilii divini ratio. Nam cum posset Deus subito Johannem in Asiam transferre, hominum tamen opera est usus. Itaque Domitianum primum mortem obire oportuit; tum Senatus decreto Johannem reduci, cum annum jam in exilio fuisset. Agebat autem tum Johannes annum quintum ac nonagesimum.

CAPUT XI.

De vexatīs a Severo Christianis agit.

Commodo successit Pertinax, qui imperium diebus omnino octoginta obtinuit. Tum fuit Imperator Julianus mensibus septem. Huic Severus successit, qui quintus post Neronem Ecclesiam vexavit. Atque hinc jam principium hujus capitis dicitur. Ait vero: *& datus est mihi calamus similis virgae, & dictum est mihi: surge, & metire templum Dei, & altare, & adorantes in eo*. Templi appellatione animi proborum hominum significantur, ex quorum omnium conjunctione existit Ecclesia. Ergo illud est hujusmodi, ac si diceret: omnem Christianorum numerum recense. Altare vero Redemptorem salutis nostrae Christum significat; ac ii denique, qui in eo adorantes dicuntur, illos indicat qui in fide manebant; ejusque causa cruciatus perferebant. Quae quidem ex eo quod proxime sequi-

64 GREGORII LOPESII

sequitur manifestius intelliguntur: *atrium autem*, inquit, *quod est foris templum*, nempe corpus, quod est in homine externum, *ejice foras, & ne metiaris illud*. Addit porro ejus rei causam, *quoniam datum est gentibus*: hoc est ethnicis facta est facultas, haec atria, id est corpora destruendi. Itaque pergit: *& Civitatem sanctam*, hoc est Ecclesiam, *calcabunt mensibus quadraginta duobus*, quod spatium est annorum trium cum dimidio, quamdiu tempestas Christianos exagitavit: quamquam fieri potuit, ut ea esset etiam diuturnior. Namque Alexander, & Severus, ceterique, qui nominantur hoc capite, summa saevitia usi sunt. Quamquam enim Imperatores, qui tempestates in Ecclesiam moverunt, decem omnino fuerunt; plerique tamen inventi sunt, qui ab alio ante Imperatore, commotas persequerentur. *Et dabo duobus testibus meis*, hoc est martyribus: *μαρτυρ* enim testem significat; cujus nominis ea ratio est, quod ii Christi divinitati dant testimonium, & sancti viri ii duo, *prophetahunt diebus mille ducentis sexaginta annis* saccis; nempe mensibus, quos supra dixit quadraginta duobus. Alexandro quidem Imperatore, suppliciis Caecilia cruciata, fuit, quae cilicium, quod vocant, occulte gerebat. Verum, quod de praedicatione dicitur, in eam sexus convenire non potest. Vir quoque ejus Valerianus, & Tiburtius, qui & ipsi occultis aliquando ciliciis utebantur, eodem Imperatore capite mulctati sunt. Atque in hos omnia aptissime quadrare videntur. Namque de his ipsis illud etiam accipi potest quod proxime sequi-

COMM. CAPUT XI. 65

sequitur : *hi sunt duae olivae* propter misericordiam, qua Christianos, egentesque sunt persecuti, suas cum iis facultates, quae erant amplissimae, communicando, & martyrum corpora sepeliendo ; & *duo candelabra in conspectu Domini stantes* ; nimirum cum propter splendorem virtutis, tum propter prodigia, quae petrabant. Nihil enim erat, quod non, si a Deo peterent, impetrarent. *Et si quis voluerit eos nocere, ignis exiet de ore eorum, & devorabit inimicos eorum : & si quis voluerit eos laedere, sic oportet eum occidi. Hi habent potestatem claudendi caelum ne pluat diebus prophetiae ipsorum : & potestatem habent super aquas convertendi eas in sanguinem, & percutere terram omni plaga, quotiescumque voluerint.* Atque haec quidem omnia eo tempore, iisque etiam mirabiliora pii, sanctique homines efficiebant. Sed talia duos illos fecisse, de quibus dictum est antea, non certum habemus. Namque hoc de iis unum constat, a Deo quidquid vellent impetravisse. Cruciata fuit etiam ea tempestate Martina, quaedum suppliciis torquebatur, bis tremuit Roma terrae motu ; ignisque de caelo descendit, quo sacerdotes Deorum cremati fuerunt : ipsa autem caelesti voce evocata in patriam Beatorum fuit ; quam vocem plerique cum audissent, prodigio commoti Christo se dediderunt. *Et, iidem sancti, beatique homines, cum finierint testimonium suum, bestia, quae ascendit de abyssu, nempe Deorum superstitio, qua erant Romani implicati, quaeque de abyssu ascendisse dicetur infra cap. XVII. faciet adversum eos bellum, &*

E

vin-

66 GREGORII LOPESII

vincet illos, et occidet eos; scilicet corpora illorum perimet. Nam animi quidem victores fuerunt; eamque ob causam palmas tulerunt, propterea quod vitam amittere, quam a fide discedere, maluerunt. Et corpora eorum jacebunt in plateis civitatis magnae, Romae, quae vocatur spiritualiter Sodoma, non quod Roma ea fuerit Sodoma, quae caelesti igne cremata est; verum quod P.R. in suspicionem ejus turpitudinis venerat, et, appellatur quoque Roma Aegyptus, quae vox quum angustias conflictationesque significet, hac sane ratione fuit Roma martyribus Aegyptus. Quamquam eadem appellatio apte in eam cadit propter Deorum superstitionem. Pergit porro de Roma dicere: ubi et Dominus eorum crucifixus est, nempe in sibi fidelibus, ac devotis. Ita cum Petrus Romam contenderet, ei se Christus videndum praebuit; atque a Petro, quorsum pergeret, interrogatus: Romam, inquit, ut cruci iterum affigar, in Petro scilicet. Possumus autem hanc ipsam rem ita interpretari, ut Christus Romae fuisse cruci affixus dicatur, propterea quod Pilati Romanorum procuratoris judicio damnatus fuit. De Jerosolyma certe ea Johannis verba accipi nullo modo possunt. Nam postquam a Tito expugnata fuit, atque eversa, nunquam in numero est habita magnarum civitatum, neque vero unquam habebitur; ita ut divinitus Daniel praedixit. Et videbunt de tribubus, de populis, et linguis, et gentibus corpora eorum per tres dies, et dimidium, et corpora eorum non sinent poni in monumento. De iis, quos supra laudavimus, nihil tale

COMM. CAPUT XI. 67

tale litteris traditum constat. Sed Abdon, & Senen, qui, Decio Imperatore, martyrium obierunt, in Perside cum essent principum loco nati, tum Romam abducti fuisse dicuntur, ibique, quod ethnicorum numina colere noluisissent, capite fuisse mulctati; corpora vero eorum triduum insepulta jacuisse. *Et inhabitantes terram gaudebunt super illos, et jucundabuntur, et munera mittent invicem, quoniam hi duo prophetae cruciaverunt eos, qui habitabant super terram.* Atque ita saepius accidisse existimo, quo tempore Christiani necabantur. Saepe enim martyres, patratís prodigiis, ethnicos puniebant: qui cum, sublatís martyribus, omni se eorum molestia liberatos putarent, ad eum modum laetitiae significationes dabant; non secus quam capto Samsoné Philistaei fecerant. *Et post tres dies, et dimidium spiritus vitae a Deo intravit in eos; et steterunt super pedes suos.* Quod quidem ad patrata a martyribus prodigia referendum est; quibus coacti sunt ethnici sibi ipsís de immortalí eorum in caelo, beataque vita persuadere. Nam similiter de Capharnau dixerat Resurrexerunt hominum Christus.

Et, prodigiis animadversis, timor magnus cecidit super eos, qui viderunt eos; cum intelligerent, qui tot ab se, tantisque fuissent injuriis affecti, eos ipsos jam vivere, poenamque sumere injuriarum posse. Et audierunt vocem magnam de caelo dicentem eis: ascendite huc; et ascenderunt in caelum in nube: et viderunt illos inimici eorum. De sanctis viris duobus, Emerico, & Celidonio similia feruntur. Nimi-

rum postquam fuerant capite diminuti, nubi instantes visos fuisse, cum in caelum conscenderent. Verum non hi Romae martyrio sunt perfuncti. Rursus de sancta quadam femina traditum memoriae est, quum ea cruciaretur, columbam de caelo esse delapsam, quae contextam gemmis coronam sustinens, ejus capiti imposuerit; tum vocem e caelo fuisse exauditam, quae martyrem vocaret: eoque prodigio commotos plerosque Christianam religionem suscepisse. Ac Valeriani etiam, & Tiburtii, quos supra commemoravimus, animi fuisse visi dicuntur, cum pulchritudine ornatissimi in caelum pergerent. Quorum similia permulta eo tempore contigerunt. *Et in illa hora factus est terrae motus magnus, et decima pars civitatis cecidit: et occisa sunt in terrae motu nomina hominum septem millia, et reliqui in timorem sunt missi, et dederunt gloriam Deo caeli.* Quum Martina, quae Alexandro Imperatore, supplicio affecta est (nam hoc quidem caput ad Alexandrum, atque ad Severum Imperatores pertinet) quum, inquam, Martina cruciatibus torquebatur, plurima mirabiliter accidisse tradunt. Itaque cum inducta in aedem Appollinis fuisset, ut sacrificium facere cogeretur; ipsa autem vero Deo preces fundere coepisset, terrae motum Romae factum; statuatque Apollinis fractam fuisse; & quartam aedis partem corruisse, hisque ruinis ethnicos, sacerdotesque Deorum multos interiisse: tum ea capite mulcata, iterum terrae motum fuisse factum; ob eamque rem permultos Christi fidem esse secutos. Atque

COMM. CAPUT XI. 69

que huc pertinet , quod ait Johannes ,, & dederunt gloriam Deo caeli ,, . Quod si duo illi testes non fuerunt in eorum numero , quos laudavimus , hoc saltem intelligitur , ea tempestate frequenter similia accidere consuevisse eorum , quae duobus illis contigisse dicuntur ; ipsorum autem ignota esse nomina , propterea quod historiae de eorum rebus perierint . Sed est tamen certum , eadem Severo , aut Alexandro Imperatore accidisse . Nam ita prorsus temporum ratio , seriesque ipsa afflictarum Ecclesiae rerum postulat . Jam vero altero , vae vobis , transacto , in hunc modum pergit : *vae secundum abiit : et ecce vae tertium venit cito .*

Et septimus Angelus tuba cecinit : et factae sunt voces magnae in caelo dicentes : factum est Regnum hujus mundi Domini nostri, et Christi ejus. Nimirum requiescet jam annos aliquot a calamitatibus terrarum orbis; quo tempore devoti Deo Christiani a metu liberi , quo superioribus calamitatibus fuerunt occupati , operam Deo eidem dabunt . *Et regnabit , Dominus ejusque Christus, in secula seculorum : Amen : et viginti quatuor Seniores , qui in conspectu Dei sedent in sedibus suis , ceciderunt in facies suas , et adoraverunt Deum , dicentes : gratias agimus tibi, Domine Deus omnipotens , qui es , et qui eras , et qui venturus es : quia accepisti virtutem tuam magnam , et regnasti :* pacifice scilicet hoc quidem tempore in tua Ecclesia , donec rursus virtutem ejus Maximini , & Decii , & Valeriani , reliquorumque maleficio exerceas . *Et iratae sunt gentes adversus te , populumque Christianum*

tuum , et idcirco advenit ira tua , et tempus
mortuorum judicari , nempe ethnicorum , quo-
 rum sunt mortui animi , quemadmodum Redem-
 tor hominum Christus dixerat „ sinite mortuos ,
 hoc est implicatos homines , sepelire mortuos
 suos „ *Et reddere mercedem servis tuis Prophetis ,*
et sanctis , et timentibus nomen tuum pusillis , et
magnis ; perinde ac si dicat : his tu Ecclesiae ca-
 lamitatibus commotus , in ethnicos , qui intule-
 runt , animadvertis ; eos remuneraris vero , qui
 tui causa cruciatus pertulerunt : *et exterminan-*
di eos , qui corruerunt terram , ethnicos scilli-
 cet , qui inanum Deorum superstitione homi-
 num mores corrumpunt . *Et apertum est templum*
Dei in caelo : hoc est Divinitas martyribus osten-
 sa est . Divinitas enim templum appellatur , uti
 dicitur infra cap. 21 . *Et visa est arca testamenti*
ejus in templo ejus ; nimirum Servatoris homi-
 num Christi humanitas , quae arca est foederis ,
 atque amicitiae ; *et facta sunt fulgura , et voces ,*
et terrae motus , et grando magna . Animad-
 vertendum , magnam celebritatem , magnosque
 strepitus in postremae hujus vocis tubae emissio-
 ne factos , eo pertinuisse , ut gravissimas affli-
 ctiones portenderent ; teterrimam enim tem-
 pestatem ea vox praenunciabat , quam tum subiit
 Ecclesia , Maximino , Decio , & Valeriano Im-
 peratoribus , qui crudeles imprimis , saevique
 fuerunt . Quamobrem de his rebus tota erunt
 capitula tria XII. XIII. XIV. Hoc autem caput ,
 Imperatores inter Commodum & Maximinum
 septem complectitur : Pertinacem , qui Com-
 modo successit , Julianum , Severum , hostem
 Eccle-

COMM. CAPUT XI. 71

Ecclesiae infensissimum, Pacianum, Macrinum, Elogabalum, atque Alexandrum Severum. De quo Alexandro traditum est memoriae; cum, Christi, atque Abrahami imagines inter penates suos collocavisse; eumque ipsum, matremque illius ab Origene christianae religionis decretis fuisse institutos; quamquam non constet, an fuerint nec ne baptismo initiati. Decessit autem Alexander anno 237.

CAPUT XII.

Mulierem sole amittam describit, quae Ecclesia est Christianorum; & Maximini in eam, Decique maleficia persequitur.

MOrtuo Alexandro Severo, Maximinus appellatus est Imperator, isque septimus eorum, qui Ecclesiam vexarunt, fuit, ab Nerone initio numerandi facto. Tale autem initium huius est capitis, ut imago quaedam exprimi, & forma Ecclesiae videatur. Habet enim hoc modo: *Et signum magnum apparuit in caelo: mulier* (nimirum Ecclesia) *amicta sole*, qui sol est Jesus Christus iustitiae sol, quam scilicet, ut induamus hortatur nos Paulus: *et luna*; res nempe, quae conversionibus, & vicissitudinibus sunt obnoxiae, atque ad terram pertinent, *sub pedibus ejus*: boni enim probique homines, ex quibus existit Ecclesia, quae sunt ejus generis, omnia contemnunt, neque iis quidquam moventur;

tur : *et in capite ejus* , hoc est initio , cum primum ea extitit , *corona stellarum duodecim* : id est chorus duodecim Apostolorum , ejusdem Ecclesiae secundum Redemptorem hominum Christum fundamentum . *Et in utero habens* , gravidata studio , quo fuerat a Deo incensa , amplificandae religionis ; *clamabat parturiens* , preces Deo adhibens ; *et cruciabatur* , ut pariat filios Christianos . *Et visum est aliud signum in caelo* ; caelum hoc loco pro Ecclesia accipitur , *et ecce draco magnus rufus* ; Roma scilicet , imperiumque P.R. ; diciturque rufus propter effusam vim maximam sanguinis Christianorum : *habens capita septem* , hoc est septem colles , quibus est urbs imposita , *et cornua decem* , id est decem Imperatores Christianis infensos , quorum infra cap. XVII. nomina describit , *et in capitibus ejus diademata septem* : quae fortasse insignia urbis erant , nimirum ut septem diadematis ornata pingeretur ; quibus fundata esset : *et cauda ejus* , hoc est Diocletianus , adversariorum Ecclesiae Imperatorum postremus , omniumque crudelissimus , *trahēbat tertiam partem stellarum caeli* , *et misit eas in terram* , tertiam nimirum partem Christianorum , quae cruciatuum metu perterrita a Christi fide descivit , quae caelestis est vita . *Et draco* , id est Roma , *stetit ante mulierem* , hoc est Ecclesiam , *quae erat paritura* , *ut cum peperisset* , *filium ejus devoraret* . Nimirum ut quisquis in Christi se fidem recipisset , eum continuo perimeret . Quod etsi jam inde ab Nerone Imperatore contigerat , hic tamen locus omnino ad Maximinum referri debet , qui per id tempus Christia-

COMM. CAPUT XII. 73

tianos insectabatur. Is imperium obtinuit annos tres; ac denique a suis ipse militibus est interfectus anno 240. Post hunc, imperatores Papienus & Balbinus biennium fuerunt, quibus Gordianus successit, tenuitque imperium annis quatuor. Gordiano mortuo, factus est imperator Philippus; isque imperatorum primus, qui christianorum Religionem susciperet, & Baptismi mysterio initiaretur, fuit. Itaque pergit in hunc modum: *& peperit filium masculum*, idest Ecclesia Philippum Imperatorem genuit, *qui rediturus erat omnes gentes in virga ferrea*. Nam apud se constituerat omnibus promulgandi Evangelii facultatem facere, inque eos animadvertere, qui intercedere auderent. Verum, quum nondum numerus esset exactus martyrum, quem Deus jam inde ab aeternis temporibus constituerat, idcirco, *& raptus est novus filius ejus, ad Deum, & ad thronum ejus*. Quamobrem credibile est, eum in caelum fuisse sublatum, nam christianorum religionem secutus, propterea ejusdem religionis causa est occisus. Atque dignissima haec res est, quae sciatur; nam Philippus Decium Tribunum in Galliam miserat, ut eam regionem depopularetur; cui post rem bene ac feliciter gestam, parta victoria, revertenti, quum ob eam causam obviam Philippus prodisset; tantae imperatoris humanitati talem Decius gratiam retulit, ut eundem occideret. Cujus facti etsi hanc interposuit causam, inimicum Diis esse Philippum; multo est tamen verosimilius, eum regnandi cupiditate inductum fuisse. Sed Philippi filius veritus, ne sibi etiam vis inferre-

ferretur, opera usus s. Sixti Pont. Max. opes suas omnes sancto Laurentio in egentes distribuendas commisit. Gubernavit autem imperium Philippus annos quinque, (quamquam imperasse eum septem annis Eusebius tradit) atque anno 252. decessit. Quo mortuo cum audissent christiani, imperium in Decii potestate esse, quem palam sibi esse infensum norant, certissime sibi persuaferant, maximam Ecclesiae tempestatem imminere. Sed propterea quod non satis animi ad sustinendum haberent, addit: *& mulier, Ecclesia, fugit in solitudinem, ubi habebat locum paratum a Deo, ut ibi pascant eam diebus mille ducentis sexaginta*; id est christiani suppliciorum metu perterriti in deserta loca profugerunt. Etsi vero fuerat Ecclesia saepe, ac multum superiori tempore exagitata; non tamen constat, ante id tempus, christianos unquam se in fugam coniecisse. Cujus rei eam fuisse causam crediderim, quod Philippo imperatore, christianorum Religioni dedito, plerique pacatas jam res, & tranquillas in reliquum tempus futuras arbitrati, facile eam religionem susceperant. Sed illo repente sublato, cum hostem Religionis infensissimum Decium imperatorem factum viderent, sibi autem, & virtutis, constantiaeque suae non satis confiderent, fugam arripendam existimarunt. Contra ante, quam esset imperator Philippus, cum hoc christiani certum scirent, sibi, quod Christi fidem sequerentur, supplicia perpetuo prompta, atque parata esse: qui fortitudine animi, constantiaeque praestabant, ii suam fidem palam profitebantur.

Itaque

C O M M. C A P U T XII. 75

Itaque non constat, eos de fuga cogitasse. Hoc eodem quoque tempore, cum in christianos Decius saeviret, Eremitarum vitae ratio primum instituta est. Profugerunt enim tum in desertas solitudines Paulus Eremitarum primus, & septem dormientes, quos vocant, aliique quamplures. Horum in numero Dionysius quoque Alexandrinus fuit, Decii aequalis, qui cum aliis plerisque se in fugam dedit. Narrat autem, summa rerum inopia, & siti, ac latronum injuriis magnisque caloribus, aliisque incommodis multis & maximis in solitudine nostros fuisse conflictatos, ac permultos, qui ex Aegypto profecti in Armeniae montibus errabant, a barbaris captos in servitutem ivisse, inque iis Episcopum quemdam cum domesticis suis, de quibus nihil cognosci certo potuerit. Quae cum in Aegypto acciderint, quid in reliquis imperii Provinciis fuisse de christianis factum putabimus? Denique animadvertendum est, quod hoc loco dicitur, mansisse in solitudine Ecclesiam diebus mille ducentis & sexaginta. Quod ita accipi debet: cum Decius duobus omnino annis imperator fuisset, tum Gallus, qui ei successit, vexare nostros pervexisse, ita ut ille dierum numerus expleretur. Et cum essent christiani forti animo, neque se fugae darent; in hos, inquit, *factum est praedium magnum in caelo* (in Ecclesia): *Michael* id est fides, & *Angeli ejus* hoc est qui fidem sequebantur, *praeliabantur* fidei & patientiae armis, *cum Dracone*. Draco autem Romam, & imperium P.R. ethnicosque significat: & *Draco*, id est Roma, imprimisque imperator *pugnabat* supplicis,

ciis, quibus in nostros utebatur, & *Angeli quoque ejus*; homines nimirum deorum superstitioni servientes. Namque Angeli vocabulum nuncium significat; is autem imperator nuncios, ac judices in christianos dimiserat. Atque ii quidem vicerunt, qui cruciatus magno, fortisque animo pertulerunt; eorumque uno sublato, multi rursus inveniebantur, qui se Christo dederunt. *Et idcirco, inquit, Ethnici non valuerunt, neque locus inventus est eorum amplius in caelo*; eo scilicet tempore ita ut explicatum est supra cap. x. & *projectus est Draco ille magnus, serpens antiquus, qui vocatur diabolus, & Sathanas, qui seducit universum orbem: & projectus est in terram, & Angeli ejus cum illo missi sunt*; perinde ac si diceret: devicta est Roma, superatique sunt Ethnici, qui diabolo serviunt, atque ut terreni, & miserabiles relictī, ac destituti sunt. *Et audiivi vocem magnam in caelo, hoc est in Ecclesia, dicentem: nunc facta est salus, & virtus, & regnum Dei nostri, & potestas Christi ejus: quia projectus est accusator fratrum nostrorum, qui accusabat illos ante conspectum Dei nostri die, ac nocte. Et ipsi vicerunt eum propter sanguinem agni, & propter verbum testimonii sui, & non dilexerunt animas suas usque ad mortem. Tamquam si christiani dicerent: magnas Deo gratias habemus, quod prostratus est daemon, qui optimos viros fratres nostros accusabat; hunc ipsi ope, auxilioque divino, quod filii Dei Christi sanguinem impetrarunt, superaverunt; utque ne datam Deo fidem fallerent, vitam libenter amiserunt. Propterea laetamini caeli,*
Cae-

COMM. CAPUT XII. 77

Caelorum autem nomine sancti beatique homines significantur, & *qui habitatis in eis*, idest qui in recta sanctaque vitae ratione manetis . Possunt explicari haec eadem paulo aliter , in hunc modum ; laetandum est vobis Pater , & Fili , sancteque Spiritus ; quoniam ex martyrum ista pugna laus in vos redundavit . Atque iisdem quoque ipsis sanctis hominibus laetandum est , qui in caelis , hoc est , in Deo degunt . Sed ratio est quaedam dicendi ista , ad hominum scilicet cogitandi rationem accomodata , cum laetari Deus dicitur . Ea autem usus est etiam David „ exultationes Dei, inquit in gutture sanctorum,, quae scilicet ad laudes referuntur, quibus Deum beati homines prosequuntur . Deliciae enim ejus , esse cum filiis hominum . Jamvero in hunc locum exitus Deciani temporis incidit . Decius enim cum biennium Reipublicae praefuisset , ab Gothis, ut dici quidem videtur posse, in praelio est occisus . Namque cum in summum se periculum adductum vidisset , sese in lacum conjecit , aquisque submersus interiit ; quae res anno 254. contigit . Ei Gallus successit ; isque etiam Ecclesiae infensus fuit . Cujus de crudelitate pronuncians Johannes , in hunc modum pergit : *vae terrae , & mari , quia descendit diabolus ad vos, habens iram magnam , sciens quod modicum tempus habet* . Forte magus aliquis Gallo praedixerat , exiguo eum tempore regnaturum . Quare breve illud tempus , homo scilicet Deorum studiosissimus , in exagitandis christianis totum esse consumendum putavit . *Et postquam vidit Draco , quod projectus esset in terram ; nimirum cum*

cum Decio prostratus , atque iterum cum Gallo
furgens , *persecutus est mulierem , quae peperit
masculum* ; nempe Ecclesiam , praesertim quod
ea Philippum ad se convertisset . Eidem autem
Ecclesiae datus fuit locus , quo se reciperet ; ita
ut de superiori tempore demonstratum est . Cum-
que permulti eorum , qui tum profugerant , so-
litudinis amore ducerentur , magnosque sibi spi-
ritus summissent ; infensa jam Galli voluntate ,
perspecta , consilium de repetenda solitudine ce-
perunt . Idcirco , *& datae sunt*, inquit , *mulie-
ri alae duae , aquilae magnae* ; nempe incensi
christiani sunt , resque divinas contemplandi sin-
gulari studio ; sunt enim preces , rerumque di-
vinarum contemplatio tanquam alae duae , qui-
bus sublatus animus ad Deum volat . Explicat
porro quam ob causam datae ei sint alae , nempe
ut volaret in desertum , in locum suum , (suum
inquit , propterea quod christiani , invidia ini-
micorum exagitati , illuc Dei amore incitati fe-
rebantur) *ubi alitur per tempus , & tempora ,
& dimidium temporis* . Quatuor sunt anni tem-
pora ; singula autem tribus mensibus continen-
tur . Itaque hic locus de septem mensibus cum
dimidio intelligendus est , quamdiu fugere per-
rexit Ecclesia , *a facie serpentis* , id est Galli Im-
peratoris , *& misit serpens ex ore suo post mulie-
rem aquam tanquam flumen , ut eam faceret
trahi a flumine* . Hoc est , infestum hominem
Gallus in christianos misit ; eique in mandatis
dedit , ut eos in carceres contruderet . Verum
quia , Deo invito , nihil homini ex sententia po-
test accidere , addit : *Et adjuvit terra mulierem* ,
idque

COMM. CAPUT XII. 79

idque quemadmodum id sit factum docet : & *aperuit*, inquit *terra os suum*, & *absorbuit flumen*, quod misit *Draco de ore suo*. Nimirum cum Galli ille legatus christianos ad necem quaereret, vapores terra pestilentes emisit, ex quibus, Gallo imperatore, gravissima extitit pestilentia; qua & legatus, & qui una cum eo missi fuerant, perierunt; atque ita eos terra absorbuit, inque se sepultos conclusit. *Et iratus est Draco in mulierem*: & abiit facere praelium cum reliquis de semine ejus, qui custodiunt mandata Dei, & habent testimonium Jesu Christi. Quasi haec diceret, cum legati de morte, eorumque, qui fuerant cum eo profecti Gallus audisset; atque ejus rei culpam in christianos conjiceret, quasi praestigiis usi eos interfecissent; (nam appellabantur ab Ethnicis christiani praestigiatores) ita, inquam, animatus Gallus, cum esset, odium suum omne in christianos reliquos convertit, qui Romae remanserant, quique alijs in urbibus versabantur; deque iis supplicium sumere instituit. Quos cum porro insectari pergeret, ad mare pervenit: & *stetit super arenam maris*, ac progressus quidem ultro fuisset si ejus rei facultatem habuisset. Quum esset is imperator, gravissima fuit pestilentia, quae totum fere orbem occupavit, eaque ipsa exercitum ab Gallo in christianos missum delevit. Tenuit vero imperium Gallus annis duobus, & quatuor mensibus, donec anno 256. a suis ipse interfectus est.

CAPUT XIII.

*De afflictio Valeriano tempore, deque
insigni, qui tum vixit,
præstigiatore.*

Sublato Gallo, appellatoque Imperatore Emilianio, postquam is tribus omnino mensibus regnasset, in ejus locum Valerianus successit; de hoc ergo sic Johannes loquitur: *Et vidi de mari bestiam ascendentem habentem capita septem, & cornua decem, & super cornua ejus decem diademata.* Demonstratum est antea, bestiae nomine Urbem Romam, capitum autem appellatione colles, ac cornuum denique vocabulo infensos christianis Imperatores, qui decem fuerunt, significari. At superiorem inter, atque hunc locum hoc interest, quod hoc quidem loco diademata cornibus bestiae sunt imposita, superiori vero imposita fuerant capitibus. Sed utrumque eo referri potest, quod non montibus solum, sed cornibus etiam, quibus imperatores indicantur, Romani diademata pingendo tribuerent. Ait porro: *& super capita ejus nomina blasphemiae.* Haec propterea dicuntur, quod Romani, qui septem Urbis colles habitabant, Deum blasphemabant, & Christum, eique devotos homines ludibrio habebant: aut fortasse, quia Roma nomen sibi arrogabat, quod nemini, praeter Deum, convenit. *Et bestia, quam vidi, similis erat pardo, & pedes ejus sicut pedes*

COMM. CAPUT XIII. 82

pedes urfi, & os ejus sicut os leonis. Daniel etiam propheta de hac eadem bestia agit, quae decem habeat cornua, & ex mari prodeat, qualis hoc loco describitur. Mare autem mundum significat, cum sit mundus veluti mare quoddam commotum, atque agitatum. Quae vero de ore leonino, ceterisque ejusmodi proprietatibus dicuntur, ea ad Valerianum referuntur, qui non solum pios, sanctosque homines trucidari voluit, sed in Deum etiam ipsum blasphemias petulanter invehi ausus est. *Et dedit illi Draco,* idest diabolus, *virtutem suam, & potestatem magnam.* Heic vero memoria repetendum est, draconem unum Romanos olim in specu quodam inclusum habuisse, cui cultum, precesque adhibebant, quemque Satanus occupaverat. Atque is fortasse Dracō jam inde ab eo tempore, quam eo Petrus venerat, Romae prodierat, nempe ut Evangelii veritati contradiceret, utque Romanos in Evangelium ipsum, inque christianos incitaret. Neque est incredibile, eundem hunc ipsum draconem illud praeterea Dei voluntate fuisse consecutum, ut humanae vocis facultate uteretur, quaeque vellet, commode explicare posset; idemque fortasse Valerianum, ut christianos insectaretur, pollicitationibus induxit, cum diceret, magnam illi sese ejus rei potestatem facturum. Quo autem dolore commotus in eam rem incumberet, constat ex his, quae sequuntur: *& vidi,* inquit, *unum de capitibus suis quasi occisum in mortem.* Animadvertendum est, Valerianum, quum primum imperium adeptus fuerat, tanta in christianos facilitate con-

suesse, ut domicilium ejus ecclesia potius, ac templum, quam palatium esse videretur. At postea ab Aegypto malefico quodam, ac principe praestigiatorum circumventus, mutata voluntate, saevissime eosdem est infectatus. Ac superiori quidem tempore, quod propter perspectam Valeriani in christianos, egregiamque voluntatem palam de Christi fide praedicabatur, hanc totus fere mons Palatinus, ubi palatium erat Imperatorum, susceperat. Verum quod post iidem ipsi se in Christianos convertierant, idcirco addit: *& plaga mortis ejus curata est*: perinde ac si diceret; cruciatuum metu perterritos a fide defecisse. Christi vero fidem ideo mortem appellat, quia, Evangelio suscepto, superstitio Deorum ablata moritur. *Et admirata est universa terra post bestiam*, cum Romanorum, quibus bestiae appellatio tribuitur, vires, & summam, atque incredibilem rerum potestatem conspiceret. *Et adoraverunt Draconem, qui dedit potestatem bestiae*: id est diabolo, qui in dracone erat, cultum adhibuerunt: qui eorum opinione potestatem Romanis terrarum orbis subigendi tribuerat. Atqui Dei omnino voluntate ea res accidebat; quum vellet Deus, boni probique homines ut in virtute se, atque in patientia exercerent. *Et adoraverunt bestiam*, id est potentiam Romanorum, dicentes: *quis similis bestiae? & quis poterit pugnare cum ea?* Perinde ac si diceret: quis jam audebit cum Romanis contendere, quorum tantae sunt vires, tantaque rerum potestas, ut sibi terrarum orbem subegerint? Tum conversa ad Valerianum ipsum

COMM. CAPUT XIII. 83

ipsum oratione, qui princeps erat, ac veluti caput ejus imperii; *& datum est ei*, inquit, *os loquens magna, & blasphemias: & data est ei potestas, facere menses quadraginta duos*. Hoc est malefici, ac praestigiatoris illius hortatu Valerianus Christum est infectatus, cum re ipsa sanctos ac probos homines vexando, tum vero etiam verbis, magna in Christum convicia petulanter jactando; idque mensibus duobus, & quadraginta, quod spatium est annorum trium cum dimidio. Quo quidem spatio Severus etiam, ac Decius, & Gallus Ecclesiam exagitarunt. *Et aperuit os suum in blasphemias ad Deum, blasphemare nomen ejus, & tabernaculum ejus* (Ecclesiam), *& eos, qui in caelo habitant*: id est martyres, quos Ethnici fortasse impiorum apud inferos supplicia laturos dicebant, propterea quod cruci affixi hominis fidem sequebantur. *Et est datum illi bellum facere cum sanctis*, eos infectando, *& vincere eos*, corpora eorum trucidando. *Et data est illi potestas in omnem tribum, & populum, & linguam, & gentem*; fere enim omnes Romani dominabantur. *Et adoraverunt eam omnes, qui inhabitant terram*; id est Romam, quae nimirum bestia est, coluerunt, eique supplicii terrore commoti paruerunt; ii scilicet, *quorum non sunt scripta nomina in libro vitae agni*, quosque non sibi agnus ille ipse Christus delegit, agnus inquam, *qui occisus est ab origine mundi*. Quum primum enim lapsus fuisset Adamus, decretum fuerat, ut Dei filius nostram sibi humanitatem adjungeret, eaque veluti vestitus, cruciatus, suppliciumque

84 GREGORII LOPESII

perferret. Itaque ob eam rem praedictum serpenti fuit „inimicitias ponam inter te, & mulierem, & semen tuum, (id est homines impios) & semen illius „ (hoc est Christum) qui non ab viro quidem, sed ex muliere tantummodo est genitus. Quam rem ita Paulus narrat „ misit Deus filium suum factum ex muliere „. Jam vero quum gravissima essent ea, quae dixerat, atque diligenter admodum considerata, idcirco addidit : *Si quis habet aurem, audiat. Qui in captivitatem duxerit, in captivitatem vadet; qui in gladio occiderit, oportet eum gladio occidi.* Id est, qui bona est mente, ad ea, quae praedico, animum diligenter advertat. Ethnici, qui infectati christianos fuerint, si eos in servitutem adduxerint, ipsi quoque in servitutem venient, ac si eos gladio interfecerint, gladio & ipsi occidentur. Saepe enim plerique Ethnicorum, qui christianos servitutem servire coegerant, eosque interfecerant; post, prodigiis sanctorum hominum commoti, Christi fidem susceperent, tum vero divina ope confirmati, easdem illas calamitates tolerabant, ac denique martyrio perfungebantur. Quomobrem ita pergit : *Hic est patientia, & fides sanctorum*, patientia nempe adversi temporis, & fides, hoc est fiducia; fore nimirum, ut, qui nostris poenam inflixisset, eandem ipse sustineret. Sed jam de saevissima tempestate dicere instituit, quam praestigiator ille, quem supra diximus, in Ecclesiam concitavit. Principio autem animadvertendum est, menses, qui supra commemorati sunt, non ipsos quidem quadraginta duos

COMM. CAPUT XIII. 85

duos in exagitanda Ecclesia Valerianum consumpsisse. Antequam enim spatium illud exactum fuisset, in Persas profectus est, iisque bellum intulit; quo in bello captus ipse, ac in carcerem contrusus fuit, ibique detentus, denique obiit. Quae res divino plane consilio accidisse videtur, ut qui primum humanissime christianos tractasset, deinde malefico homini circumvenienti auscultasset, exitum denique ejusmodi nancisceretur. Neque ea re contentus Sapor Persarum rex, quod captivum Valerianum teneret, hoc praeterea faciebat, ut quum equum vellet conscendere, in eum pedes imponeret; ac postremo eidem oculos exculpi iussit. Quibus ex rebus magno dolore animo suscepto interiit. Itaque mensum quadraginta duorum spatium Gallienus explevit, Valeriani filius. Cui rursus praestigiator ille adfuit in perniciem christianorum. Atque ita rem Johannes persequitur: & *vidi*, inquit, *aliam bestiam ascendentem de terra*: illum nempe praestigiatorem, qui, cum terrenus esset, atque caelesti christianorum integritati infensus, quae ab ejus generis hominibus omnino abest, novis excogitatis rationibus christianos vexavit. Praestigiis enim nescio quibus, quae prodigiorum similia viderentur, fallere eos conabatur, inducereque, ut Christo diffiderent. Quamobrem de ea bestia narrare ita pergit; & *habebat cornua duo similia agni*. Inter reliqua praestigiatoris scelera, quae admisit, hoc etiam fuit, quod filias duas in lupanari meretriciam artem exercere coegit: quae res in causa est, cur huic bestiae Johannes duo cornua adpingit.

git. Praeterea pueros occidere, atque eviscerare consuevit, quibus visceribus ad praestigia uteretur. Atque haec ille omnia ulciscendorum christianorum, & gratiae ab Romanis ineundae causa faciebat. *Et loquebatur sicut Draco.* Explicatum est, Draconis nomine daemonem significari, quem Romani colebant. Jam vero quemadmodum Draco, Deos coli, exagitari autem christianos oportere praedicabat; ita praestigiator eadem suadebat. *Et potestatem prioris bestiae (Romae) omnem faciebat in conspectu ejus;* perinde ac si diceret, conantibus Romanis christianos perdere, opem is, atque operam conferebat, ut rem Imperatoribus gratam faceret. *Et, qua maxima est usus improbitate, & artibus, ac praestigiis, fecit terram, & habitantes in ea,* (id est homines terrenos, qui re ipsa in terra degunt) *adorare bestiam primam, cujus curata est plaga mortis:* hoc est induxit illos, ut sequerentur superstitionem Romanorum, idque cum summa indignatione, propterea quod qui unum Romae montium incolebant, christianam Religionem omnes suscepissent. *Et fecit signa magna, praestigiis nempe, ut etiam ignem faceret de caelo descendere in terram;* non ita quidem, ut sancti homines solent, verum *in conspectu hominum,* nempe gloriam, & plausus captans; *& seduxit habitantes in terra;* idque propter signa quae data ac permissa sunt illi facere in conspectu bestiae, hoc est coram Imperatoribus, populoque Romano, ut his satisfaceret: *icens habitantibus in terra, ut faciant imaginem bestiae,* id est ut superstitioni se dederent, qua erant Romani

COMM. CAPUT XIII. 87

mani implicati ; *quae bestia habet plagam gladii , & vixit* : nimirum etsi uno monte ad Christi fidem converso , atque ab ethnicorum institutis gladio veluti divini verbi abscisso , bestia vulnus accepisset ; nihilominus mons ille rursus ad inanem Deorum religionem revertit . *Et datum est praestigiatori illi , ut daret spiritum imagini bestiae* . Imago haec statua fortasse fuerit Iovis , quem praecipue colebant . *Et effecit maleficus praestigiis , ut loquatur imago bestiae* , eam ob rem , ut qui timore occupati , neque satis firmi animis essent , a fide desciscerent . Sed cum his artibus nihil adversus fortes proficeret , idcirco ita pergit : *& faciat , ut quicumque non adoraverint imaginem bestiae , occidantur* . Usus praeterea est aliis artibus , quas nunc Johannes persequitur : *& faciet , inquit , omnes pusillos , & magnos , & divites , & pauperes , & liberos , & servos habere characterem in dextera manu sua , aut in frontibus suis* . Perinde ac si diceret : omnes cujuscunque fortunae , ac generis homines in superstitionem inducet ; eosque sibi , ut fidem adjungant , movebit , quae res ad frontem pertinet : itemque ut hostias Diis immolent , idque ad manum refertur . Atque ut haec facilius perficeret , rursus alias artes exco- gitavit , *& adhibuit , ne quis scilicet possit emere , aut vendere , nisi qui habet characterem , aut nomen bestiae , aut numerum nominis ejus* ; idest ut nemini quidquam cum aliis agendi facultas sit , quin aut Deorum superstitioni deditus , aut Romanis pareat , aut bestiae dicto , edicto audiens fuerit ; praestigiatori nimirum , qui

praestigiis, & maleficiis magnam sibi apud Gallienum Imperatorem, indoctum eum quidem rerumque imperitum, auctoritatem atque eximiationem comparaverat. Quo tempore hominibus singulari prudentia, atque animi fortitudine opus erat, ut ne ejusmodi fraudibus circumventi a fide discederent. Itaque ait: *hic sapientia est*. Hoc autem significare voluisse videtur, perspicacia opus esse, ne quis fidem haberet ethnicorum verbis, nisi apud eos in honore christianos esse vidisset. Tum vero nostros admonet ne animos despondeant: nam quod neque vendere sibi, neque emere liceret, etiamsi perpetuum id malum in brevi hac peregrinatione esset, tamen contemni debere: quanto ergo magis, quum omnis tempestas haec ab Valeriano ad intentum praestigatoris, mensibus omnino quadraginta duobus diuturnior futura non esset? Itaque ait: *qui habet intellectum computet numerum bestiae. Numerus enim hominis est; & numerus ejus sexcenti sexaginta sex*. Animadvertendum hoc loco est; Valerianum Persico bello, quo in bello captus interiit, occupatum, menses quadraginta duos, quo spatio vexati christiani fuerunt, explere ipsum non potuisse; itaque negotium de ea re Gallieno filio, & praestigiatore illi dedisse: tum vero cum hi diebus sexcentis sexaginta sex christianos exagitassent, expletum denique numerum fuisse. Atque inveniebantur quidem christianorum plerique, qui aut instinctu divino, aut traditione admoniti, de Apocalypsi ejusque interpretatione cognove-
rant, sciebantque, quamdiu duratura tempestas
esset;

COMM. CAPUT XIII. 89

esset. Quo in numero Dionysius Alexandrinorum Episcopus fuit, qui eam rem explicavit; Valerianum nimirum illum esse, de quo fuerat divinitus Johanni demonstratum: datum fuisse illi os loquens magna, & blasphemias, & datam fuisse ei potestatem facere menses quadraginta duos. Haec cum ita essent, admonens nostros Johannes, ea in memoriam hominum revocat, ut qui habet intellectum, computet numerum bestiae; jamque hoc intelligat, dies omnino restare sexcentos sexaginta sex. Itaque bono sit animo, quoniam non erit perpetuum malum. Desierunt autem eo tempore exagitari christiani anno 260.

CAPUT XIV.

Johannes innocentes pueros una cum Redemptore hominum Christo intuetur, idemque Christus magnum proborum hominum numerum mundo eripit; christianosque exagitari a Gallieno finit.

Superius caput de bestia cornibus armata, itemque caput hoc ipsum, & proxima duo, quae sequuntur, ad id tempus pertinent, quo Gallienus Valeriani filius imperium obtinuit. P. R. Ait porro nunc Johannes: *Ecce vidi, & ecce agnus stabat supra montem Sion*: Sion autem sacrum montem significat, atque ad Ecclesiam refertur, in qua Redemptorem hominum Christum Johannes suspexerat, *& cum eo centum quadraginta quatuor millia habentes nomen ejus,*
& no-

& nomen Patris ejus scriptum in frontibus suis .
 Hi , quorum erat in frontibus nomen agni ,
 & nomen Patris sui inscriptum , Innocentes
 scilicet pueri fuerunt ; nam est agnus mansue-
 tus natura , in pueris autem summa est man-
 suetudo . Ideo vero Patris in illis nomen in-
 scriptum erat , quod caritatem significat , ni-
 mirum propter eorum in Deum , inque agnum
 amorem . Atque est etiam credibile , eos summa
 cum caritate Christi causa mortem obiisse , ita
 ut consilium , & ratio aetatem praeverteret .
*Et audiui vocem de caelo tanquam vocem aqua-
 rum multarum , & tanquam vocem tonitruu ma-
 gni : & vocem quam audiui sicut citharaedorum
 citharizantium in citharis suis : & cantabant
 quasi canticum novum ante sedem , & ante qua-
 tuor animalia , & seniores , & nemo poterat di-
 cere canticum , nisi illa centum quadraginta qua-
 tuor millia , qui empti sunt de terra . Hi sunt
 qui cum mulieribus non sunt coinquinati ; virgines
 enim , & sancti sunt . Hi sequuntur agnum quo-
 cumque jerit . Hi empti sunt ex hominibus primi-
 tiae Deo & agno ; primi enim omnium Christi
 causa pertulerunt supplicium . Et in ore eorum
 non est inventum mendacium , sine macula enim
 sunt ante thronum Dei . Et vidi inquit alterum
 Angelum ; haec ad praestantem aliquem de
 divinis rebus concionatorem referuntur , volan-
 tem per medium caeli , nempe in Ecclesia ; ha-
 bentem Evangelium aeternum ; promittit enim
 hominibus Evangelium , felicitatem sempiter-
 nam : ut evangelizaret sedentibus super terram ,
 & super omnem gentem , & tribum , & lin-
 guam ,*

COMM. CAPUT XIV. 91

quam, & populum. Fortasse haec ad Stephanum Pont. Max. aut ad Dionisium pertinent, qui Gallieno aequales fuerunt; nam auctoritate ejus Angeli, populum ait universum, gentemque omnem contineri. *Dicens magna voce, magnoque animo, timete Deum, & date illi honorem, quia hora judicii ejus: & adorare eum, qui fecit caelum, & terram, mare, & omnia quae in eis sunt, & fontes aquarum.* Haec concio ad christianos habebatur, atque de calamitatibus admonebat, quae paullo post, Gallieno Imperatore, acciderunt, gravissimae eae quidem, omnium, quas antea, aliis Imperatoribus, passi fuerant. *Et alius angelus sequutus est dicens: cecidit, cecidit Babylon illa magna, quae a vino irae fornicationis suae potavit omnes gentes.* Jam ruina isthaec utroque modo accipi videtur posse; nimirum, ut vel ad ipsam urbem Romanam referatur, quam Paulus Babylonem appellat, quaeque paulo post maximo terraemotu conquassata pene in eo fuit, ut currueret: vel ut de Deorum superstitione intelligatur, quae haud ita post, Constantino Imperatore, Sylvestro autem Pontifice Maximo, eversa, & labefactata fuit. Additque praeterea, inducta fuisse ejus opera, impulsaeque ad turpitudinem reliqua Regna, quae imperio P. R. parebant. *Et tertius Angelus, is jam alter est concionator, secutus est illos dicens voce magna: si quis adoraverit bestiam, Romanorum superstitionem, & imaginem ejus, con-* fuerant enim aliquando imagines Urbis Romae adhibere, quae septem haberet capita, singula diademate ornata, ita ut dictum est supra; *& ac-*
cepe-

reperit charact^{erem} in fronte sua : inanem Deorum cultum probans ; aut in manu sua , Idolis immolans , & hic bibit de vino irae Dei , quod mistum est mero in calice irae ipsius ; qui enim ligneis , aereisve statuis divinos honores adhibeat , eum ebrium esse omnino necesse est . Et cruciabitur igne & sulphure in conspectu Angelorum sanctorum & ante conspectum agni : videbunt enim Angeli , atque agnus , quum damnati illi suppliciiis torquebuntur . Et fumus tormentorum eorum ascendet in secula seculorum , nec habent requiem die ac nocte , quia adoraverunt bestiam , & imaginem ejus , & si quis acceperit charact^{erem} nominis ejus . Quoniam vero animi fortitudine est opus , quo tanta haec incommoda vitari possint : hic patientia , inquit , sanctorum est , qui custodiunt mandata Dei , & fidem Jesu ; quod , toleratis Dei causa calamitatibus , animos suos possidebunt , qui patientia possidentur . Et audiivi vocem de caelo dicentem mihi , scribe : beati mortui , qui in Domino moriuntur : hoc est qui Dei causa mortem oppetunt ; aut si mavis , qui sibi suaeque voluntati moriuntur , dedentes se Deo ; hi enim , amodo jam dicit spiritus , ut requiescant à laboribus suis . Ubi enim Deo voluntatem suam quis devovit , is nullo unquam incommodo afficitur , multoque Deo plus , quam sibi ipsi vivit : opera enim illorum sequuntur illos . Quamquam totus hic locus proprie , atque ut ajunt secundum literam ad martyres pertinet . Et vidi & ecce nubem candidam , hoc est Christi humanitatem , & super nubem sedentem similem filio hominis , id est Christi animum .

Quod

COMM. CAPUT XIV. 93

Quod non hominem quidem , sed similem filio hominis appellat , eo nimirum spectat , quod Christus filius erat virginis feminae , neque tamen hominem ullum habuerat Patrem , contra ac homines nascuntur . *Habentem in capite suo coronam auream* , quoniam ipse est rex regum ; *& in manu sua falcem acutam* , hoc est suam ipsius voluntatem , qua probos , iustosque homines , qui sunt veluti spiritale quoddam frumentum , demetit , eosque in Ecclesiae horreo reponit . *Et alius Angelus exivit de templo clamans voce magna ad sedentem super nubem* nempe ad Christum dicens : *mitte falcem tuam , & mete* , quia venit hora , ut metatur , quoniam *aruit messis terrae* . Quae ita sunt accipienda , non ut imperaret quidem Angelus Christo ; verum ut ab eo flagitaret , ut iustorum bonorumque hominum nonnullos ex mortali hac vita eripere ne gravaretur . Falcis autem vocabulo aegritudinem corporis levem aliquam significat ; cuius generis permulta , Gallieno Imperatore , fuerunt toto orbe . *Et* , ut Angelo flagitanti satisfaceret , *misit qui sedebat super nubem* , *falcem suam in terram* , *& demessa est terra* ; hocque frumentum in suum horreum intulit , id est in caelum . *Et alius Angelus exivit de templo quod est in caelo habens & ipse falcem acutam* . *Et alius Angelus exivit de altari* , id est prodiit Christi iussu , qui ipse est vivum altare , *qui habebat potestatem supra ignem* . Ex quo intelligitur , Angelos esse , qui ventis , qui igni , qui aquae praesint , ita ut dicetur cap. 16. *Et clamavit voce magna ad eum , qui habebat falcem acu-*

acutam, dicens: mitte falcem tuam acutam, & vindemia botros vineae terrae, quoniam maturae sunt uvae ejus. Botri quidem ad Ecclesiam referri possunt, atque ad coetus proborum hominum, qui nimirum tum jam maturuissent. *Et misit Angelus falcem suam acutam in terram, & vindemiavit vineam terrae;* vinea Ecclesiam significat, botri coetus, uvae autem pios ac bonos homines, *& misit in lacum irae Dei magnum.* Significatur autem haec Gallieniana Ecclesiae vexatio. Nam Gallienus quidem tempestatem a parente suo in Ecclesiam commotam persecutus est; sed postea tamen finem vexandi fecit. *Et calcatus est lacus extra civitatem:* nam Gallieniana calamitas extra Urbem Romam Ecclesiae accidit. *Et exiit sanguis de lacu usque ad fraenos equorum per stadia mille sexcenta.* Octo stadia unum milliare conficiunt; milliaria autem tria unam leucam. Itaque ea tempestas intra spatium modo leucarum sex & sexaginta versata est; quo in spatio sanguis martyrum eo usque salire potuit, ut ad fraenos equorum pertingeret. Appellatur autem tempestas ista: lacus irae Dei: ob eam causam, quod si pro humana cogitandi ratione consideretur: ex ira Dei profecta videatur. At vero Deus O. M. iis ipsis calamitatibus misericordiam hominibus impertivit; ita ut chirurgi solent, qui ut vulnus sanent cauterium aegroto adhibent, aut parentes, cum filium verberant, ut ei prosint.

CAPUT XV.

*Septem Angelis septem irae phialae
tribuuntur, id est plagae, in
quibus Dei ira expletur.*

ET vidi aliud signum in caelo, hoc est in Ecclesia, magnum & mirabile, id est, Angelos septem, habentes plagas septem novissimas: quoniam in illis consummata est ira Dei. Omnes autem, Gallieno Imperatore, palam sunt demonstratae. Ac sex quidem priores tunc expletae, atque absolutae sunt: septima vero praenunciata fuit quidem eo tempore: sed effectus tamen ejus usque in hanc diem perduravit, durabitque porro ad exitum usque, finemque mundi. *Et vidi tanquam mare vitreum missum igne.* Mari divinitas; vitro autem lux, ad quam accedi non potest; ac igne denique Dei caritas significatur: & eos qui vicerunt bestiam, & imaginem ejus, & numerum nominis ejus; sanctos nimirum, qui idololatriae restiterunt, donec sua ipsi tandem corpora dimiserunt, stantes super mare vitreum, nempe divinitate fruentes, habentes cytharas Dei, id est Deum laudibus celebrantes, & cantantes canticum Moysi servi Dei, & canticum agni, dicentes: magna & mirabilia sunt opera tua, Domine Deus omnipotens: justae & verae sunt viae tuae, Rex seculorum. Ac si dicerent: quod nos ad te, plena vexationum, atque calamitatum via duxisti; id ita scilicet

licet honoris tui, nostraeque utilitatis causa fieri oportuit; itemque ut Ethnici ad sanitatem converterentur. Itaque pergunt, *quis non timebit te, Domine*, ut filius parentem; & *magnificabit nomen tuum? quia solus pius es*. Nempe hinc rursus liquet: lacum magnae irae Dei pietate dirigi. *Quoniam omnes gentes venient ad exitum seculorum, & adorabunt in conspectu tuo, quoniam iudicia tua manifesta sunt*. Haec ad caelestem Ierosolimam referri videntur, quae nempe hominibus heic in terra demonstrabitur. *Et post haec vidi, & ecce apertum est templum tabernaculi testimonii in caelo*: quae verba de Redemptore salutis humanae Christo accipienda, qui postremis his demonstratis plagis, se ipse ostendit, ita ut antea sigillis, & tubae vocibus ostenderat. *Et exierunt septem Angeli habentes septem plagas*, id est septem plagarum potestatem, *de templo vestiti lino mundo, & candido, & praecincti circa pectora Zonis aureis*, quae Zonae aureae castum, purumque Dei in homines amorem significant; ex quo calamitates huiusmodi proficiuntur. *Et unum de quatuor animalibus dedit septem Angelis septem phialas aureas plenas iracundiae Dei viventis in secula seculorum*. Animalium appellatione Evangelistas indicari, supra demonstratum est. Hoc autem loco indicatur s. Matthaeus, qui de pestilentia, de fame, de Antichristo, deque aliis incommodis, quae usque ad universale iudicium futura erant, distincte scripsit. Phialae vero aureae caritatem significant, ex quae plagae, ut paulo ante diximus, proficiuntur.

tur . *Et impletum est templum fumo a maiestate Dei , et de virtute ejus .* Templi nomine omnis Ecclesia significatur , quae plena fuisse fumo dicitur aut propter haereticos , qui in ea jam inde ab Gallieni tempore extiterunt , aut ob eam causam , quod nondum clare , aperteque videre Deum possumus , ita ut eum videbimus , cum ad patriam venerimus . *Et nemo poterat introire in templum donec consummarentur septem plagae septem Angelorum .* Templum de humano etiam corpore potest accipi , in quem sensum ab Apostolo templi vocabulum est usurpatum . Ex omni igitur animorum numero , qui rursus in communi corporum restitutione suis singuli corporibus conjungentur , nullus in id templum , id est in corpus , ingredi poterit , antequam septem hae plagae exactae , absolutaeque fuerint . Effusae sunt autem Gallieni tempore ; praeter postremam , quae usque ad universale iudicium pertinebit . Ac Gallienus quidem earum terrore perterritus , Ethnicos ab injuriis christianorum temperare iussit ; tumque in templum ingrediebantur , hoc est christianos se palam profitebantur .

CAPUT XVI.

*Agit de pestilentia , de bellis , de tenebris ,
de tyrannis , deque terracmotu ; quae
omnia , Gallieno Imperatore , futura
erant .*

ET audiui vocem magnam de templo , id est
ab Jesu Christo , dicentem septem Angelis:
ite , & effundite septem phialas irae Dei in ter-
ram , & abiit primus , & effudit phialam suam
in terram ; & factum est vulnus suorum , & pes-
simum in homines , qui habebant characterem be-
stiae , & in eos , qui adoraverunt imaginem
ejus . Ac si diceret ; magna fuit inter Ethnicos
pestilentia . Ea autem pestilentia (est enim haec
res animadvertenda) quae , Gallo Imperatore,
exitit , qui Gallus decem annos imperium te-
nuit , Gallieni tempore nondum cessarat , quin-
immo admodum crevit , ac ferme tota inter
Ethnicos versata est . Et secundus Angelus effu-
dit phialam suam in mare , id est in mundum , qui
perturbatum quoddam mare est . Et factus est
sanguis tanquam mortui : & omnis anima vi-
vens mortua est in mari . Continuo bella toto
P. R. imperio commota sunt ; ipsumque impe-
rium inslar maris perturbari , agitarique coepit .
Quumque ea res ad omnes nationes pertineret ;
idcirco & tertius , inquit , effudit phialam suam
super flumina , & super fontes aquarum , & fa-
ctus est sanguis . Flumina exercitus P. R. signi-
ficant ,

COMM. CAPUT XVI. 99

fiant, qui in omnibus imperii partibus versabantur; fontes vero eorumdem exercituum, Duces, ac Principes. Namque & exercitus, & duces in sanguinem sunt conversi; quum gentes, defectione facta, eos concidissent; atque ita in orbe terrarum sanguis est Romanorum effusus. *Et audiivi Angelum aquarum dicentem: Iustus es Domine, qui es, & qui eras sanctus, qui haec judicasti: quia sanguinem sanctorum, & prophetarum effuderunt, & sanguinem eis dedisti bibere; digni enim sunt. Ac si diceret: Quum Romani ubique locorum sanguinem servorum tuorum effuderint; nunc merito scilicet eorum accidit, ut ipsorum sanguis ubique effundatur. Et audiivi alterum ab altari dicentem: etiam, Domine Deus omnipotens, vera & iusta iudicia tua; aequissimum nempe Dei de Romanis iudicium approbat. Et quartus Angelus effudit phialam suam in solem; & datum est illi aestu affligere homines, & igni; & aestuaverunt homines aestu magno. Haec ad pestilentiam pertinere videntur, quae aut aucta fuerit, aut iterum extiterit, eaque jam multo saevior superiore. Ac Romae quidem ex pestilentia homines ad quinque millia intra unius diei spatium decessisse perhibentur. Ex quo facile est de reliquis imperii partibus judicare. Quamquam vero ea calamitate affligi, atque opprimi divino iudicio se intellerent, propterea quod Ecclesiam exagitassent; tamen, ut erant superstitioni inanum Deorum dediti, non respuerunt; immo vero, & blasphemaverunt nomen Dei habentis potestatem super has plagas: neque ege-*

runt poenitentiam , ut darent illi gloriam ; Deo enim per poenitentiam datur gloria , id est satisficit . Et quintus Angelus effudit phialam suam super sedem bestiae ; hoc est in imperium P. R. & factum est Regnum ejus tenebrosum ; idque in dies complures, quibus tantae sunt soli effusae tenebrae , ut homines magnus terror invaserit : Et commanducaverunt linguas suas prae dolore , id est sibi ipsis linguam mordebant , ita ut solent ii, qui sunt ira incitati . Etenim quum pestilentiae multorum dierum tenebrae successissent , quae inferorum umbram quandam , atque imaginem referebant ; Ethnici , quorum non erant mores ad patientiam comparati , concidebant animis , seque ipsos desperabant . Et ob eam causam, inquit, blasphemaverunt Deum Caeli prae doloribus , & vulneribus suis ; & non egerunt poenitentiam ex operibus suis ; quae maxima omnium miseriarum fuit , quum tot calamitatibus urgerentur , ac denique aeternum se irent perditum . Et sextus Angelus effudit phialam suam in flumen illud magnum Euphraten , & siccavit aquam ejus , fortasse maximo illo & incredibili calore , de quo dictum est paullo ante , adeo ut absque ullo periculo vado transmitti posset . Idque ob eam causam ait factum , ut praepararetur via regibus ab ortu solis ; id enim scire oportet hoc loco : ad ceteras misérias , Gallieno Imperatore , illud quoque accessisse , quod in omnibus Romanorum Provinciis tyranni numero ad triginta usurpata singuli Imperatoris appellatione se extulerant . Quae rerum perturbationes in Perside potissimum , inque reliquis Regnis , quae

O O M M . C A P U T X V I . 101

quæ Euphrati flumini ad orientem solem adjacent, acciderant, atque idcirco inquit : ut præpararetur via regibus ab ortu solis : *Et vidi de ore draconis*, nempe diaboli, & *de ore bestiae*, hoc est imperii Romanorum, & *de ore pseudoprophetae*, de quo diximus antea, quum de rebus, Valeriano, ac deinde Gallieno Imperatore, gestis scriberemus, *tres spiritus immundos in modum ranarum*. Fuerunt autem tres spiritus, elatio animi, & ambitio, atque avaritia; quibus tyranni illi incitati, ac rapti, totum terrarum orbem perturbaverunt, quarum perturbationum auctor fuit diabolus, itemque duces Romanorum, qui, quum Gallienum agere negligentius viderent, neque de patre, qui captivus adductus esset, admodum laborare, imperium restituere conari se prædicabant; ac denique Pseudopropheta, qui consilium suum interponebat, suis ipse rationibus studens. Atque hi quidem spiritus immundi fuerunt, qui de ore draconis, & de ore bestiae, & de ore Pseudoprophetae eruperunt. Itaque in hunc modum pergit : *Sunt enim spiritus daemoniorum facientes signa, & procedunt ad Reges totius terrae, congregare illos in praelium ad diem magnum omnipotentis Dei*. Perinde ac si dicat : elatio animi, atque ambitio, & auri cupiditas, qui animi motus, vel diabolici quidam spiritus impellent eos, qui Imperatores vocantur, eosque ad unum commune bellum incitabunt memorabili divinae indignationis die; nam ipsi se denique inter se periment. Verum, quod tanta hæc rerum perturbatio nullum probis, sanctisque hominibus

incommodum allatura erat ; *Ecce* , inquit , *venio sicut fur* , itaque vigilate , & preces divino numini adhibetote , etenim *beatus qui vigilat , & custodit vestimenta sua* , id est castimoniam , imprimisque caritatem , qua omnes vitae maculae sordesque eluuntur ; atque iis praesidiis hoc certe consequetur , ut , *ne nudus ambulet , & videant turpitudinem* , (id est ejus peccata) , *ejus* . Jam vero ad tyrannos rediens , de quibus antea demonstraverat , *& congregabit illos* , inquit , *in locum qui vocatur Armagedon* (Mons „ Evangelii , seu evangelizationis , aut mons „ pomorum , vel fructuum electorum) . *Et septimus Angelus effudit phialam suam in aerem* . Animadvertendum est , superiores phialas in terram , in mare , in flumina , in solem , in imperium , inque Euphratem flumen effusas fuisse . Contra septima haec phiala in aerem effusa est ; cumque aere terra ipsa , & mare , ac flumina , quaeque in his sunt , omnia contineantur ; significat adeo haec phiala in aerem effusa communem atque universalem calamitatem ; quodque majus est , una haec sigillis omnibus , & tubarum vocibus , ac phialis superioribus fuit multo diuturnior . Nam ea quidem omnia abs Trajano ad Gallienum , quod spatium annorum centum , & sexaginta fuit , perduraverunt ; haec autem una usque in hodiernum tempus , qui annus est M. D C. X V I . protenditur , atque adhuc ad exitum hujus universitatis rerum duratura est . Quamobrem magna phiala appellari videtur posse . Atque ut calamitatum , quae hujus phialae tempore acciderunt , summam dicamus ; Ma-

ni-

COMM. CAPUT XVI. 103

nichaei eo quidem tempore turbas in Ecclesiam concitaverunt; vexatique Christiani fuerunt primum ab Aureliano, deinde ab Diocletiano, quae vexatio fuit omnium teterrima; paulloque post, Constantino Magno Imperatore, etsi concidit superstitio Deorum; Ariani tamen suae haereseos initium fecerunt, a quibus trecentos annos Ecclesia exagitata est; iisque nondum exactis, Muhamedes extitit, quo quidem Antichristum infensorem Ecclesia habuit neminem: tum surrexit Gog & Magog, id est gens Othomannorum, a quibus sunt vexati Christiani: atque haec omnia magnae hujus phialae intervallo acciderunt, praeter ea, quae deinceps usque ad mundi interitum futura sunt. Jam vero de celebritate dicamus, quae, cum de hac phiala palam enuntiaretur, est facta; ex ea enim celebritate facilius, quid phiala significet, intelligetur. Itaque effusa in aerem phiala, & *exiit*, inquit, *vox magna de templo a throno dicens: factum est*: hujus finis seculorum exitu terminabitur; quae enim reliquis deinceps seculis fient, hujus phialae intervallo, ac potestate omnia continebuntur. *Et facta sunt fulgura, & voces, & tonitrua, & terrae motus factus est magnus, qualis nunquam fuit, ex quo homines fuerunt super terram, talis terrae motus sic magnus. Et facta est civitas magna (Roma) in tres partes*; quod autem non ea penitus ruerit, sanctorum virorum scilicet, qui in ea degabant, precibus acceptum referri debet: & *civitates gentium ceciderunt*; magnamque hominum multitudinem oppresserunt: & mare redunda-

undavit, atque effusum est, pluresque urbes
 in profundum demissas deglutivit; terraeque
 faucibus multis locis patefactis, magna copia
 aquae salae redundavit, & fremitus ac mugitus
 terrae sunt exauditi, quo terrore plerique per-
 cussi interierunt. Quibus ex rebus intelligitur,
 quae quantaeque calamitates ejus phialae tem-
 pore futurae erant, cujus enunciatio tantam ha-
 buit celebritatem. Jam vero rursus de Urbe Roma
 loquens: *Et Babylon magna*, inquit, *venit*
in memoriam ante Deum, dare illi calicem vini
indignationis irae ejus; ac si dicat: eorum,
 qui Ecclesiam exagitabant, peccatum cum Deus
 vellet ulcisci, vinum indignationis, quo de nunc
 dicimus, eis potandum dedit. *Et omnis insula*
fugit, & montes non sunt inventi; nimirum
 pars pro toto ponitur; atque hoc significatur,
 exiguas complures insulas mari absorptas fuisse,
 ita uti supra demonstratum est; multosque mon-
 tes in profundum fuisse dejectos. *Et grando ma-*
gna sicut talentum descendit de Caelo in homi-
nes, & blasphemaverunt Deum homines pro-
pter plagam grandinis, quoniam magna facta
est vehementer. Ad cetera enim mala, de quibus
 ante diximus, hoc etiam incommodum Dei
 optimi maximi voluntate accesserat, ex quo
 miserandum in modum affligi homines necesse
 fuit; tantae enim grandinis tanta erat vis, ut ho-
 mines, itemque cetera animalia occidere, ar-
 boribusque exitium afferre facile posset. Atque
 hic jam concluditur Gallieni vita, quae propter
 multas magnasque res, quas comprehendit, adeo
 scriptu fuit longa. Interfectus est autem ab suis
 Gal-

COMM. CAPUT XVI. 105

Gallienus anno C C. LXXI. cum annos quindecim partim una cum Patre , partim solus imperium Populi Romani obtinuisset .

CAPUT XVII.

*Demonstrat de bestia septem capitibus ,
cornibusque decem instructa : deque
inverso christianis Aureliano proponit .*

ET venit unus de septem Angelis , qui habebant septem phialas , & locutus est mecum dicens : veni ostendam tibi damnationem meretricis magnae , quae sedet super aquas multas , cum qua fornicati sunt Reges terrae , & inebriati sunt , qui inhabitant terram , de vino prostitutionis ejus . Perinde ac si dicat : quae adhuc obscure , & figuris involuta proposui , ea jam dilucide , aperteque explicabo . Et abstulit me in spiritu in desertum . Et vidi mulierem sedentem super bestiam coccineam : est autem mulier Urbs Roma ; bestia vero coccinea imperium P. R. quod propter effusum christianorum sanguinem coccineo colore est infectum : plenam nominibus blasphemiae , nimirum quod in Deum , inque Ecclesiam maledicta jactaret : habentem capita septem & cornua decem , & mulier erat circumdata purpura , & coccino , & inaurata auro , & lapide pretioso , & margaritis ; nempe haec ad ingentes divitias referuntur , quibus Romani affluebant , habens poculum aureum in manu sua plenum abominatione , & immunditia
for-

fornicationis ejus, propter incredibilem auri ;
 atque argenti vim, quam inanibus Diis Romani
 dediderant ; pretiosis enim statuis urbs Roma
 plurimum praestabat . *Et in fronte*, id est in vo-
 luntate, *ejus*, nomen scriptum : *mysterium : Ba-
 bylon magna ; mater fornicationum, & abomina-
 tionum terrae* . Ac si dicat : insita penitus est eo-
 rum animis superstitio Deorum, atque ex super-
 stitione confusio existit, nam Babylonis vocabu-
 lo confusio significatur, hujus autem confusionis
 mater est Roma ; ab ea enim in externas gentes
 invehitur, quibus ipsa dominatur . *Et vidi mu-
 lierem ebriam de sanguine sanctorum, & de san-
 guine martyrum Jesu* . Haec jam ad eam, quam
 in christianos Aurelianus commovit, tempesta-
 tem pertinent, quae post Neronianam fuit nona ;
 neque enim magis idoneus alius locus est ullus,
 in quem conjici posse videatur . Quamquam haec
 urbis Romae ebrietas, hicque in sanctos homi-
 nes concitatus furor universe de omnibus chri-
 stianorum vexationibus intelligi, atque explicari
 potest . *Et, ego Johannes, miratus sum, cum vi-
 dissem illam admiratione magna*, propter specta-
 culum tam acerbum & miserum . *Et dixit mihi
 Angelus*, ut aliquam mihi tanti terroris levatio-
 nem afferret : *quare miraris ? Ego dicam tibi
 sacramentum mulieris, & bestiae, quae portat
 eam, quae habet capita septem, & cornua de-
 cem* . Atque haec jam edisserere instituit in hunc
 modum : *bestia, quam vidisti, fuit, & non est* :
 ac si dicat : ea si quidquam est, aut si natura ali-
 qua est praedita, tota scilicet quanta est ; in erro-
 re consistit, atque in opinione hominum stultis-
 simo-

COMM. CAPUT XVII. 107

simorum, re autem vera nihil omnino est, statuas inanimas putare esse Deos. *Et*, haec be-
 rta, *ascensura* est de abyſſo; natus enim est ex
 inferis error hic perniciosus, ut pro parente,
 atque creatore rerum omnium Deo, res ipsae
 quae ab eo sunt conditae, divinis honoribus cole-
 rentur. At enim, praedicato inter homines
 Evangelio, ea concidet, & *in interitum ibit*;
 idque jam pro certo habeto; & *mirabuntur in-*
habitantes terram, cum tantam, atque incredi-
 lem ejus vanitatis vim, potestatemque perspi-
 cient; neque eo secius, eos duntaxat admira-
 tio ista capiet, *quorum non sunt scripta nomina*
in libro vitae a constitutione mundi; *videntes*
bestiam, quae erat, & non est. Nempe ii mira-
 buntur, quorum erunt animi terrenis, pravi-
 que affectibus impediti, secus vero, qui a Deo
 sunt electi: hi enim ita sibi persuadebunt, omnia
 Dei O. M. voluntate accidere, atque ad suam
 ipsorum utilitatem, & commodum pertinere.
Et hic est sensus, qui habet sapientiam. Jam ve-
 ro eadem nunc clarius sic explicat: *septem capi-*
ta, septem sunt montes, super quos mulier sedet:
 nimirum septem capita, quae supra saepe, &
 saepius commemorata sunt, septem sunt montes,
 in quibus urbs Roma aedificata est: id est Capi-
 tolinus, Palatinus, Aventinus, Coelius, Esqui-
 linus, Viminalis, & Quirinalis. *Et reges se-*
ptem sunt. Quinque ceciderunt. Non sunt autem
 in his numerandi Julius Caesar, atque Octa-
 vianus, a quibus nimirum nihil fuit inimice in
 christianos factum. Atque eo quidem tempore,
 quum Octavianus decessit, Redemptor salutis
 hu-

humanae Christus annum modo quintum ac decimum aetatis agebat . Itaque abs Tiberio numerandi initium faciendum est , quo Imperatore Christus supplicio est affectus , Pilati , qui minister Tiberii erat, iudicio condemnatus . Alter vero post Tiberium Cajus fuit Caligula . Hi autem etsi nullam generalem tempestatem in Ecclesiam commoverunt ; dubitari tamen non potest , quin peculiarem aliquam concitaverint ; propterea quod ab christianorum religione , tanquam re nova , Deorumque superstitioni adversa abhorrerent . Tertius fuit Claudius , qui Judaeos ex urbe Roma ejecit, idque , ut facile est creditu , ob eam causam , quod Deum unum colebant, eademque fortasse de causa christianos quoque idem exagitandos putaverit . Quartus fuit Nero ; de quo nihil necesse est dicere . Constat enim hunc omnium primum Ecclesiae bellum terribissimum intulisse . Quintus fuit Vespasianus . Inter Neronem autem , & Vespasianum , tres alii fuerunt ; quos tamen auctor in tyrannorum , non in Imperatorum numero habuit , adeoque praetermittendos judicavit . Praeterquam quod totum trium illorum regnum viginti dumtaxat mensium spatio conclusum fuit . Ac ne Titus quidem numerandus est, quem infensum christianis animum gessisse , non constat . Contra ab suis propter nobilitatem , comitatemque , deliciae mundi est appellatus . Exactis autem quinque Imperatoribus , pergit porro , atque , *unus est* , inquit , nempe Domitianus , qui Johannem Evangelistam in Pathmos insulam exulatum misit , qua in insula hunc ille librum conscripsit ;
& alius

COMM. CAPUT XVII. 109

& alius nondum venit ; & cum venerit , oportet illum breve tempus manere . Is fuit Nerva , qui cum Domitiano successisset , annum modo , & menses quatuor imperium tenuit . Ideo autem breve tempus manere illum oportere dicit , quod ei Trajanus successit , a quo exagitata est Ecclesia ; eaque vexatio utilis imprimis christianis futura erat . *Et bestia, quae erat, & non est ,* quoniam nulli fundamento nititur , *& ipsa octava est ; & de septem est , & in interitum vadit :* id est inanum Deorum cultus , qui etsi aliquid esse videatur , tamen cum nulli sit fundamento innixus , nihil revera est ; octavo jam loco numerari , atque in septem illorum , quos tibi paulo ante dicebam , numero collocari potest ; quoniam singuli eadem illa superstitione implicati fuerunt , ita ut cum superstitione ipsa veluti communi quodam vinculo conjungerentur , quam tamen aliquando Christi Evangelium labefactabit . *Et decem cornua , quae vidisti , decem Reges sunt ,* nimirum Nero , Domitianus , Trajanus , Marcus Aurelius , Severus , Maximinus , Decius , Valerianus , Aurelianus , ac Diocletianus ; *qui Regnum nondum acceperunt , sed potestatem tanquam Reges una hora accipient post bestiam ;* ac si dicat : quamquam ii Reges esse videbantur , re tamen vera carnifices fuerunt , quorum opera Deus est usus , ut suorum patientiam exerceret ; iidemque perinde ac si oculis capti essent , bestiam , id est Deorum superstitionem secuti sunt . *Hi unum consilium habent , & virtutem , & potestatem suam bestiae tradent ;* id est communi conspiratione , & consensu , Christi ser-

TIO GREGORII LOPESI

ſi ſervos, inque his Chriſtum ipſum aſſiligare
 conantur; quodque exteras gentes in ſua pote-
 ſtate habent, id ſcilicet inanibus Diis, quos co-
 lunt, acceptum referunt. *Hi cum agno*, id eſt
 cum Chriſto, *pugnabunt*, & *agnus vincet il-
 los*: quoniam Dominus Dominorum eſt, & *Rex
 Regum*, & *qui cum illo ſunt vocati electi*,
 & *fideles*. Nempe inſenſi illi decem chriſtiani
 nominis hoſtes Chriſtum quidem in ſervis ejus
 oppugnabunt, ſed ipſi tamen ab eo expugnabun-
 tur: ejus enim Religio tandem triumphatura
 eſt, itemque ſancti homines eorum vim, atque
 impetum ſuperabunt; conſequentur enim etiam
 vexati id, quod ſibi propoſuerunt. *Et dixit mi-
 hi, aquae, quas vidisti, ubi meretrix ſedet*,
populi ſunt, & *gentes*, & *linguae*, quae iis-
 dem hoſtibus chriſtianorum parent. *Et decem
 cornua, quae vidisti in beſtia*, id eſt conatus
 quibus pii, & ſancti homines beſtiae reſtite-
 runt: *hi odient fornicariam*; nam fornicatione
 ſuperſtitionem ſignificari Deorum, ſupra demon-
 ſtratum eſt: & *deſolatam facient illam*, & *nu-
 dam*; ſua nempe ſapientia turpitudinem, villita-
 temque illius patefaciendo; & *carnes ejus man-
 ducabunt*, ſignificantur autem carnis vocabulo
 ii, qui Deorum erant dediti ſuperſtitionibus;
 quos nempe chriſtiani martyres, patratis prodi-
 giis, ad ſanitatem convertebant, & ab ea cae-
 citate, atque errore revocabant: & *ipſam igni
 concremabunt*; ita uti, Conſtantino Imperatore,
 accidit, qui magno animi ardore Chriſti reli-
 gionem ſuſcepit; neque vero is ſolum, ſed ipſum
 etiam imperium, cui praeerat, Atque marty-
 rum

COMM. CAPUT XVII. III

rum tempore idem fortasse, quamquam non ita repente, contigit. Rursus autem de martyribus loquens: *Deus enim*, inquit, *dedit in corda eorum fortitudinem, ut faciant, quod placitum est illi: ut dent Regnum suum Bestiae*; videbantur enim ethnici victores esse, cum martyres interficiebant: re tamen vera ipsi victi superatique erant. Tamdiu autem iis, inquit, haec Regni victoriaeque umbra concedetur; donec consummentur verba Dei; id est dum Constantinus imperium P. R. acciperet, quo Imperatore deorum cultus sublatus est. Pergit porro apertius de muliere dicere: *Et Mulier*, inquit, *quam vidisti est civitas magna, quae habet regnum super Reges terrae*: Roma nimirum; alia enim neque tum erat, neque adhuc fuit ulla, quae exteris gentes suo in imperio, ac potestate haberet. Atque hoc quidem capite partim declarata, partim proposita summatim sunt omnia, quae superioribus capitibus continentur.

CAPUT XVIII.

Babylonis, hoc est Romanae superstitionis ruina praenuntiatur.

Et post haec vidi alium Angelum descendentem de Caelo, habentem potestatem magnam; et terra illuminata est a gloria ejus. Is Angelus, Pontifex Maximus quispiam eorum temporum fuerit vitae sanctitate illustris; quod enim ejus gloria illustratam fuisse terram dicitur, ad Evangelii praedicationem, atque ad prodigia, quae ille patravit, referri oportere videtur.

Et ex-

Et exclamavit in fortitudine dicens ; cecidit, cecidit Babylon magna ; nempe cito cadet , Constantino scilicet Imperatore , idque praenuntiavit , ut propheta . Et Babylon ipsa facta est habitatio daemoniorum, & custodia omnis spiritus immundi, & custodia omnis volucris immundae & odibilis ; quia de vino irae fornicationis ejus biberunt omnes gentes . Ac si diceret : Babylone (quo vocabulo confusio significatur) ecquis , praeter daemones resque immundas consistere , atque habitare potest ? Ac superstitiones ejus pleraeque gentes participaverunt : & reges terrae cum illa fornicati sunt , superstitionem nempe ejus secuti : & mercatores terrae , de virtute deliciarum ejus divites facti sunt , Romae mercaturam facientes . Et audiavi aliam vocem de Caelo dicentem : Exite de illa populus meus , ut ne participes sitis delictorum, (superstitionum) ejus , & de plagis ejus non accipiatis : nam si participes peccati fueritis , participes etiam supplicii eritis : Quoniam pervenerunt paccata ejus usque ad Caelum , & recordatus est Dominus iniquitatum ejus , propterea quod nimis graves essent . Reddite illi , sicut & ipsa reddidit vobis : & duplicate duplicia secundum opera ejus . Tanquam si dicat : quoniam superstitio deorum vexavit vos ; nunc vos iidem ipsam exagitate ; idque jam poena dupli : & quando ipsa exitium afferre religioni fideique vestrae non potuit ; id nunc satagite , ut ei ruinam exitiumque inferatis , idque rursus poena dupli . In poculo quo miscuit , miscite illi duplum . Illud ethnici partim blanditiis , partim minis laborarunt , ut superstitio-

COMM. CAPUT XVIII. 113

tionem eorum biberetis, vestraque corpora ob eam causam crudeliter laceraverunt; nunc vestrae sunt partes, eos ad Christi fidem omni humanitate, atque officio, & sempiternae, beatæque vitae spe, ac pollicitatione perducere: recusantes, terrore damnationis, minisque perterriti. *Quantum glorificavit se, & in deliciis fuit; tantum date illi tormentum, & luctum.* Quemadmodum Babylonis jactatio & insolentia, id est corrupta ac perdita vivendi ratio, infinitum quoddam est malum in eorum animis, qui hanc sequuntur; ita illorum, quos ad eum modum viventes mors occupavit, hoc est, qui flagitiis implicati, animoque in peccatis obfirmato decesserint, supplicium infinitum erit. Nam ita pergit: *Quia in corde suo dicit: sedeo Regina, & vidua non sum, & luctum non videbo: ideo in una die venient plagae ejus, mors, & luctus, & fames, & igne comburetur: quia fortis est Deus, qui judicabit illam.* Haec ad urbem Romanam referuntur, quae de potentia sua se insolenter jactabat, in eaque sese perpetuo versaturam putabat. At enim, Constantino Imperatore, sanctoque Sylvestro Pontifice maximo, subito superstitio ejus concidit, ignique amoris cremata est. Quoniam vero morum, vitaeque mutatio morti est similis, idcirco addit: *& flebunt, & plangent se super illam reges terrae; nempe ii, qui cum illa fornicati sunt, id est inanibus Diis cultum adhibuerunt, & in deliciis vixerunt.* Credibile est, urbe Roma ad Christum conversa, magnam toto orbe hominum admirationem fuisse commotam, quum intelligerent,

H

quod

quod de principe omnium urbe esset factum, id de reliquis quoque esse futurum. Quamobrem idololatrae, inquit, vitiosique homines magno dolore exardebunt, *cum viderint fumum incendii ejus*. Fumo autem fama, rumoresque significantur, qui de conversa ad Christum Roma ad exterarum gentes sunt allati; quae gentes, cum animo essent ab christianorum religione alienissimo, Romae vicem doluerunt; *Longe stantes propter timorem tormentorum ejus; dicentes: wae, wae, civitas illa magna Babylon*, civitas illa fortis: quoniam una hora venit judicium tuum. Erant enim ita institutae, ut Romae urbi, propterea quod cruci affixi hominis religionem suscepisset, dedecus, infamiam haecisse putarent. Nihil enim gravius superbis, elatique animi hominibus molestius accidit, quam in rebus versari, quas esse abjectas, atque humiles arbitrantur. Atque cum in eam spem essent ingressae, fore, ut quemadmodum magnis opibus Roma creverat, ita tempore suae quoque ipsarum opes auferentur: propterea sibi eas metuisse, & fleuisse dicit. Quoniam vero Roma Christi Religione suscepta, jam a sumptuosis apparatusibus, quibus antea magnificis fuerat usa, temperabat; mercatores impedito quaestu lamentabantur. Quamobrem pergit: *Et negotiatores terrae flebunt, & lugebunt super illam, quoniam merces eorum nemo emet amplius: merces auri, & argenti, & lapidis pretiosi, & margaritae, & byssi, & purpurae, & serici & cocci, et omne lignum thyinum, & omnia vasa eburis, & omnia vasa de*
lapi-

COMM. CAPUT XVIII. 115

lapide pretioso, & acriamento, & ferro, & marmore, & cinnamomum, & amomum, et odoramentorum, & unguenti, & thuris, & vini, & olei, & similiae, & tritici, & jumentorum, & ovium, & equorum, & rbedarum, & mancipiorum, et animarum hominum. Et poma desiderii animae tuae discesserunt a te, & omnia pingua, & praeclara perierunt a te, & amplius illa jam non invenient. Mercatores horum, qui divites facti sunt, ab ea longe stabunt propter timorem tormentorum ejus, flentes, ac lugentes, & dicentes: vae, vae, civitas illa magna: quae amissa erat bysso, & purpura, & cocco, & deaurata erat auro, & lapide pretioso, & margaritis: quoniam una hora destitutae sunt tantae divitiae. Et omnis gubernator, & omnis, qui in lacum navigant, & nautae, & qui in mari operantur, longe steterunt. Et clamaverunt videntes locum incendii ejus, dicentes: Quae similis civitati huic magnae? Et miserunt pulverem super capita sua, & clamaverunt flentes, & lugentes, & dicentes: vae, vae civitas illa magna, in qua divites facti sunt omnes, qui habebant naves in mari, de pretiis ejus: quoniam una hora desolata est. Hoc sibi facile quisque persuaserit, postea quam Constantinus Imperator urbem Romam s. Sylvestro Pontifici Maximo concessit, magnam adhuc in ea hominum multitudinem remansisse. Nihilominus partim quod Imperator aulam secum Constantinopolim transtulisset; partim etiam, quod Romani jam ad Christum conversi superioris luxum temporis modestia, & frugalitate mutavissent; merca-

II⁶ GREGORII LOPESII

tores in ea Urbe ne dimidium quidem quaestum ejus, quem antea fecerant, facere jam potuisse. Cumque omnes mercatorum, imprimisque ethnicorum cogitationes, & omne studium in quaestu versetur; imminutis rationibus suis, vehementer dolebant. Contra probi, sanctique homines, quod eas res ad Dei laudem pertinere viderent, magnam animo laetitiae voluptatem capiebant. Igitur *exulta inquit super eam caelum, & sancti Apostoli, & prophetae: quoniam judicavit Deus judicium vestrum de illa, in ea ipsa idololatriam interficiens. Et sustulit unus Angelus fortis lapidem quasi molarem magnum, & misit in mare, dicens: Hoc impetu mittetur Babylon civitas illa magna, et ultra jam non invenietur. Nimirum ita labefactata superstitio deorum corruet, ut postea nunquam appareat. Et vox cytharedorum, et musicorum, et tibia canentium, et tuba non audietur in te amplius: et omnis artifex omnis artis non invenietur in te amplius: et vox molae non audietur in te amplius: et lux lucernae non lucebit in te amplius: et vox sponsi, et sponsae non audietur adhuc in te.* Nempe ita hic locus accipiendus est, iis omnibus rebus deinceps carituros fuisse idololatrias, qui Babylonis nomine significantur; iis vero ipsis usuros christianos. Quia mercatores tui erant principes terrae, quia in beneficiis tuis erraverunt omnes gentes. Et in ea sanguis prophetarum, et sanctorum inventus est; et omnium, qui interfecti sunt in terra. Animadvertendum est, Babylonis vocabulo duplicem subsistere significationem. Nam aliquando urbem

Ro-

COMM. CAPUT XVIII. 117

Romam significat, quae eo ipso nomine a Paulo Apostolo est appellata. Atque haec quidem Babylon sanctos homines interfecit, primum quidem Redemptorem ipsum generis humani Christum (Pilatus enim Judaeae pro populo Romano vicaria potestate praeerat), deinde martyres reliquos. Fere enim omnes illius iudicio damnati sunt, quum esset ejus imperium longe lateque propagatum. Rursus Babylon pro confusione accipitur, cujus in Adamo, cum primum lapsus peccato est, initia fuerunt. Itaque Cain, qui hujus erat Babylonis filius, initium occidendi fecit. Perdurabit autem haec Babylon usque ad finem Mundi, quamdiu erit qui peccet.

CAPUT XIX.

Canunt sancti Alleluja. De novissima tempestate agitur in Ecclesiam ab Diocletiano commota.

Post haec audiivi quasi vocem turbarum multarum in caelo dicentium, alleluja: salus, & gloria, & virtus Deo nostro est: quia vera & iusta iudicia sunt ejus, qui judicavit de meretrice magna, quae corripuit terram in prostitutione sua, & vindicavit sanguinem servorum suorum de manibus ejus, & iterum dixerunt, alleluja. Ac si dicat: summa tibi laus, Deus, debetur, quod de Urbe Roma, quae totum orbem suae superstitionis implevit, tuosque martyres exagitavit, poenas sumfisti. Haec autem laudatio inter duas Ecclesiae tempestates sita est, quarum alteram Aurelianus commovit; alteram

Diocletianus, quo Imperatore, auctae sunt res Ecclesiae: & fumus ejus, idest laudatio, ascendit in secula seculorum, & ceciderunt seniores viginti quatuor, & quatuor animalia (id est Patriarchae, ac Evangelistae,) & adoraverunt Deum sedentem super thronum dicentes: amen, alleluja. Et vox de throno exivit dicens: laudem dicite Deo nostro omnes servi ejus: & qui timeris eum pusilli & magni. Et audivi vocem turbae magnae, & sicut vocem aquarum multarum, & sicut vocem tonitruorum magnorum dicentium: alleluja (id est magnificate laudibus Deum): quoniam regnavit Dominus Deus omnipotens. Gaudeamus & exulemus, & demus gloriam ei: quia venerunt nuptiae agni (Christi) & uxor ejus (Ecclesia) praeparavit se, nempe martyrum suppliciiis, quae pertulit, quibusque hoc consequitur, ut sponso fruatur. Et datum est illi (Ecclesiae) ut cooperiat se byssino splendenti, & candido. Continuo autem explicat, quid byssino significetur: Byssinum enim, inquit, justificationes sunt sanctorum. Ac si dicat: Ecclesiae ornatus, & quasi vestis in virtutibus, inque rectis, sanctisque factis consistit. Et dixit mihi, scribe: Beati, qui ad coenam nuptiarum agni vocati sunt. Est autem coena figura quaedam, atque imago sempiternae beatorum felicitatis. Nam quemadmodum diurnis laboribus nocturna quies, & cessatio succedit, ita mortalem hanc, plenamque laborum vitam aeterna quies consequitur in patria beatorum. Ut confirmaret Angelus ea, quae narraverat, dicit mihi: haec verba Dei vera sunt. Tantam autem animo laetitiam

COMM. CAPUT XIX. 119

titiam Johannes cepit , ubi de agni nuptiis audivit , ut cum se sustinere non posset gestiens in terram ceciderit . Sic igitur pergit : *Et cecidi ante pedes ejus, ut adorarem eum* . Non est autem ita accipiendus hic locus , quasi divinum honorem Angelo adhibere Johannes voluerit ; verum hoc sensu : quemadmodum qui nuntia nobis bona , & optata afferunt , prae gaudio complecti solemus : ita Johannes officium illud nuntio praestare voluerit . Sed Angelus tamen , ut qui conditoris , atque parentis Dei fide maneret , eum sibi honorem deferri passus non est . *Et dicit mihi : vide, ne feceris: conservus tuus sum, & fratrum tuorum habentium testimonium Jesu* . Ac si diceret , cavetis , ne mihi quidquam horum assignes , ego enim servus Dei sum , ut ipse es , ceterique christiani sunt . *Deum adora* , a quo omnia , quae bona sunt , profisciscuntur : *testimonium enim Jesu* (quod est fides) *est spiritus prophetiae* . Namque certum , exploratumque est , ad prophetiam pertinere eas res , quas fecit Deus , itemque , quas facturum est , credere . *Et vidi caelum apertum , & ecce equus albus* (qui Christi humanitas est) , *& qui sedebat super eum* (id est divinitas) *vocabatur fidelis , & verax , & cum iustitia judicat & pugnat* ; nam quae de reis supplicia sumit , ea iusta sunt . *Oculi autem ejus sicut flamma ignis* ; propter egregiam aciem , qua clare omnia , perspicueque cernit . *Et in capite ejus diademata multa* . Si caritati , si patientiae , si profuso pro religione sanguini , si Apostolicis laboribus , denique si reliquis virtutibus coronae dantur ; Christus profecto has

omnes habuit, atque adeo multa diademata habebat. *Habens nomen scriptum, quod nemo novit, nisi ipse.* Ecquis enim aeternum Dei Verbum nosse, aut intelligere possit, praeter ipsum Verbum? *Et vestitus erat veste aspersa sanguine*, nimirum humanitate, qua cruciatus, mortemque pertulit. Atque id hoc loco intelligi videtur posse, Redemptorem hominum Christum honoris sui, sanctorumque hominum causa, vulnere cicatrices in suo corpore retinuisse. *Et vocatur nomen ejus verbum Dei.* Heic illud quidem suo nomine appellat; sed ipsum etiam perfecte cognoscere ejusdem ipsius proprium, ac singulare est. *Et exercitus, qui sunt in caelo, sequebantur eum in equis albis, vestiti byssino albo, & mundo.* Significatur hoc loco, complures in caelis beatos animis cum corporibus conjunctis esse. Quare credibile est etiam, eos, qui una cum Christo revivixerunt, sua quosque corpora, quin ea rursus deponerent, retinuisse. Jam vero ad Christum rediens: *Et de ore*, inquit, *ejus procedit gladius ex utraque parte acutus*; nempe verbum ejus, quod usque in animo penetrat; *ut in ipso percutiat gentes*, nimirum quum homines internis, externisque admonitionibus reprehendit. *Et ipse reget eas in virga ferrea*: animadvertens in eos, qui in officio non manserint. Praecipue vero de Ethnicis heic sermo est, qui Ecclesiam vexarunt, quosque propterea ille, itaut ex vita Gallienī Imperatoris constat, calamitatibus gravissimis castigavit. *Et ipse calcatur torcular vini furoris irae Dei omnipotentis*, in quo nimirum ex uvis, id est

COMM. CAPUT XIX. 121

id est corporibus , succum exquisitissimum , id est sanctorum hominum animos , morbis , aliisque conflictationibus exprimit ; ab impiis vero , tamquam ab uvis acerbis , atque immaturis , acetum exprimit , quod potari non potest . *Et habet in vestimento* (id est in corpore) ; utque de veritate humanae naturae , quam sibi ille conjunxit , ne dubitemus , addit : *& in femore suo* ; femore autem sobolis propagatio significatur , ita ut de Abrahamo , & Jacobo constat , quibus jusjurandum de femore datum est ; deque ipso Jacobo dicitur , ejus posteros ex ipsius femore prodiisse . Verumtamen habet , inquit , in vestimento , & in femore suo , *scriptum , Rex Regum , & Dominus dominantium* . Ac si dicat homo Christus universalis Dominus est omnium ; atque ut Dominus de omnibus judicium instituet . Jam vero saevissimam omnium , quam Diocletianus concitavit , Ecclesiae tempestatem denuntiare aggreditur . Igitur , *& vidi* , inquit , *unum Angelum stantem in sole justitiae : & clamavit voce magna dicens omnibus avibus , quae volabant per medium caeli* , nempe , (ut accipi quidem potest) omnibus , qui jam caelesti , beataque vita fruuntur ; *venite , & congregamini ad coenam magnam Dei , ut manducetis carnes Regum , et carnes tribunorum , et carnes fortium , et carnes equorum* ; (id est corporum humanorum) *et sedentium in ipsis* , (nempe animorum) , *et carnes omnium liberorum , et servorum , et pusillorum , et magnorum* . Ac si diceret : convenite jam in unum , christiani ; paratur enim vobis teterrimum bellum , quo nullum

lum adhuc vobis durius illatum est . Sed tamen scitote , id bellum ejusmodi exitum habiturum , ut qui illud contra vos moverint , victi , superatque jaceant . Nam aut sanctorum hominum prodigiis permoti ad vos se ipsi conversi recipient ; aut certe poenas sceleris , & pertinaciae dabunt . Justis enim , sanctisque hominibus de adversariis , atque exagitatoribus eorum omnino satisfieri debet . Nempe hoc ipsum est , quod mansum iri carnes , hoc loco dicitur . Est autem animadvertendum , christianos , quum post Aurelianum Imperatorem pacatis , tranquillisque temporibus jamdiu uterentur , totoque P. R. imperio , atque etiam extra imperii fines longe lateque diffusi , & propagati essent , diuturno otio , & libertate languescere , ipsos etiam sacrorum antistites invidere inter se agere coepisse ; jamque ita vivere , ut iis (quemadmodum auctor est Eusebius in capite octavi Ecclesiasticae historiae libri secundo , qui auctor testis earum rerum oculatus fuit) Diocletiane vexatio , justissima Dei animadversione , nostris acciderit . Pergit porro ; *et vidi bestiam* (hoc est Romam , atque Imperatorem) *et reges terrae , et exercitus eorum congregatos , ad faciendum praelium cum illo , qui sedebat in equo* (nempe cum Salvatore salutis nostrae Christo) *et cum exercitu ejus* , (id est cum christianis) . Hic rursus animadvertendum est , Diocletianum , hujusque collegam Maximianum , ita ut ex vita s. Mauricii liquet , ejusmodi decretum in omnem Ecclesiam fecisse , ut christiani ethnicorum idolis honorem , cultumque adhiberent ; ni dicto audien-

COMM. CAPUT XIX. 123

dientes fuissent, suppliciis exquisitissimis cruciarentur. Itaque repugnantibus vehementer nostris, Imperatores nationes omnes, quae P.R. imperio continerentur, Romam delendae perdendaeque funditus Ecclesiae causa convenire iusserunt; haecque initia tempestatis fuerunt, qua nostri decennium sunt exagitati. Ac Diocletianus quidem templa dejici, sacraeque scripturae libros undique conquisitos comburi iussit; multaque, supra quam credi potest, saevissime, crudelissimeque fecit. Postea vero, sedata tempestate: *et apprehensa est*, inquit, *bestia*. Non est hoc loco praetermittendum, quum Imperatores nihil se tormentis proficere intellexissent, Diocletianum christianis eis, ut templa palam habere, Christumque colere liceret, concessisse. Nempe huc referendum est, quod apprehensa fuisse dicitur *bestia*. *Et cum ea Pseudopropheta*. Fere enim praestigiatores, aut Pseudoprophetam insignem aliquem Romani in Urbe habere consueverant; ita ut Valeriano, itemque Gallieno Imperatoribus, fuisse factum constat. Itaque sic pergit: *qui fecit signa coram ipso*, (Imperatore) *quibus seduxit eos, qui acceperunt characterem bestiae, et qui adoraverunt imaginem ejus*, nempe idololatrias. Ac praestigiorum quidem, & Romanorum superstitio vivi *missi sunt*, inquit, *hi duo in stagnum ignis ardentis in sulphure*, id est ad inferos. Vivi autem missi fuisse dicuntur, fortasse ob eam causam, quod Christi fidem sequi, id est Idololatriae mori, noluerunt. De Diocletiano sic fertur: quum eum jam curarum, & sollicitudinum,

quae

quae sunt cum summa rerum potestate conjunctae, taederet; imperio se abdicavisse; ac denique ipsum sibi mortem veneno conscivisse. Quamquam non desunt, qui incidisse eum in insaniam, tumque e vita migrasse putent. Maximianus autem pugione percussus interiit. Atque is quidem exitus horum Ecclesiae hostium fuit. Jam vero de gentibus dicere pergens, quae in imperio P. R. versabantur; *Et ceteri*, inquit, *occisi sunt in gladio sedentis super equum, qui procedit de ore ipsius*. Ac si dicat: praedicata Christi Religione, Idololatriae a superstitione liberati, ac veluti interfecti sunt; brevi enim, Constantino Magno Imperatore, ad Christum se converterunt. *Et omnes aves saturatae sunt carnibus eorum*. Sancti homines, quum eos ipsos, a quibus Dei causa exagitati fuerant, Deo jam dare operam viderent, magna laetitia voluptate fruebantur. Diocletianus cum annos viginti regnasset, ejusque collega, anno CCCVII. regnare desierunt. Etsi vero non fuit ab his postea vexata Ecclesia; ea tamen vexatio adhuc aliquandiu per temporum intervalla perduravit, usque dum Constantinus Christianus esset factus; hoc est annos ferme octo. Nam quo tempore Diocletianus se imperio abdicavit, Constantius Constantini Magni Pater, & collega ejus Gallienus (Galerius) Imperatores sunt facti, qui, regnante etiam Diocletiano, Caesares fuerant. Tenuit autem Constantius imperium duobus annis; tum moriens Constantino filio eam imperii partem, quam tenuerat, reliquit. Ipse vero Constantinus ante susceptam Christi Religionem, quam-

COMM. CAPUT XIX. 125

quamquam Ethnicorum superstitione implicatus erat , Christianos tamen in honore habebat . Quumque praelium cum Maxentio tyranno commissurus, de exitu magnopere esset sollicitus, repente crucem in caelo fulgentem vidit cum ejusmodi Epigraphe: In hoc Signo vinces: Quod ita accidit . Itaque ea parta victoria , rerum potitus est anno , ex eo anno quo regnare coeperat , septimo, hoc est anno CCCXVI. quum antea pater ejus mortem obiisset .

CAPUT XX.

Sanctus Sylvester Pontifex Maximus draconem idest Satanam ; atque idololatriam in mille annos ligat ; iisque elapsis ; draco evadit e vinculis per Othomannum primum Turcarum Imperatorem , qui est Gog , & Magog ; cui caelestis ignis, quo conficiendus est, exitium afferet. Denique liber Apocalypsis, novissimo, & universali judicio concluditur .

Et vidi Angelum (sanctum Sylvestrum Papam, qui aspectu , & moribus fuisse angelicis dicitur) *descendentem de caelo : quae verba de caelesti , atque divino , quo ille ciebatur spiritu , sunt accipienda ; habentem clavem Christi, nempe potestatem tollendae idololatriae , quae potestate abyssum claudebat ; & catenam magnam*

gnam in manu sua, propter multas virtutes invicem nexas, colligatasque, quibus ornatus erat, & ex quibus vitam agebat; & his praesidiis, apprehendit draconem, serpentem antiquum, qui est diabolus, & Satanas, et ligavit eum per annos mille: et misit eum in abyssum, et clausit, et signavit super illum, ut non seducat amplius gentes, donec consummarentur mille anni. Romani, ita ut ex vita sancti Sylvestri constat, in profunda quadam cavea draconem alebant, quem Babylonios imitati colebant, Flaminibus etiam constitutis, qui ejus religionem procurarent. Ut autem Constantinus Christo se dedit, atque ab sancto Sylvestro baptismo fuit initiatus; Satanas, qui in eo dracone agebat, tantae ejus rei dolore propter imperatoriam Constantini dignitatem exarsit, ut pessilenti suus halitu tercentos homines occideret. Qua re per eosdem Flamines ad Constantinum, atque per hunc ad sanctum Sylvestrum delata, is ita respondit: se, ne cui posthac quidquam draco noceret, curaturum. Quo audito Flamines daturos se Christo nomen dixerunt, si Sylvester id, quod promiserat, perfecisset. Cumque sanctissimus Pontifex preces Deo fundere coepisset, adivit eum sanctus Petrus praecipiens, ut in draconis caveam una cum Flaminibus descenderet, haecque omnino verba in draconem proferret: „ Jesus „ Christus Dominus noster, qui natus est ex „ matre virgine, & crucifixus, & sepultus est, „ & resurrexit, & sedet ad dexteram Dei Pa- „ tris, & venturus est judicare vivos & mor- „ tuos, imperat tibi, Satana, ut hic ipsum expe- „ ctes,

,, ſtes, donec veniat judicare : ,, itemque juffit, ut filo os illius ligaret, & crucis ſigno obſignaret. Itaque Sylveſter cum duobus Flaminibus per gradus centum quinquaginta in caveam deſcendit, ibique draconem ſibilantem, & in eum frementem ligavit. Aderant ibi praeſtigiatores duo, qui ut Sylveſtrum audirent, ad caveam acceſſerant. Hi ubi factum viderunt, ſubito exanimis ceciderunt. At ſanctus Sylveſter aſcendens e cavea eos ad vitam revocavit. Quibus rebus Flamines draconis commoti, Chriſti fidem ſecuti ſunt, neque ipſi ſolum, ſed omnis etiam Populus Romanus; atque ita continuo chriſtianorum religio toto orbe amplificata eſt. Quamobrem ſanctus Sylveſter non draconem modo, ſed ipſam quoque idololatriam, cujus draco quaedam erat imago, ligaffe dicendus eſt. Atque haec quidem anno fere CCCXVI. aut non multo ſecus acciderunt. Deus O.M., qui ſervorum ſuorum commodo, atque utilitati conſulit, per calamitates, quas illi Dei ipſius cauſa pertuliſſent, tantam hanc invehi voluit in Eccleſiam partem commodorum. Jam ad draconem, id eſt ad Satanam, ut revertamur: *Et poſt haec*, inquit, nempe poſt annos mille, *oportet* Dei cultus, bonorumque utilitatis cauſa, *illum ſolvi modico tempore*. Hujusmodi dicendi ratio, cum in ſcripturis tempus modicum nominatur, aliquando pro brevi tempore, nonnunquam vero pro longiori uſurpatur. Ac ejus quidem, quod hoc loco modicum appellatur, anni jam biſcentum ac ſeptuaginta ſunt elapſi, ita ut poſtea demonſtrabimus: quando autem finis ejus futurus ſit, ſo-

sit, solus Deus novit. Iam ratione ad sempiternam felicitatem conversa, qua beati fruuntur: *et vidi*, inquit, *sedes*, nempe quietem, tranquillitatemque, *et sederunt super eas*, sancti et *judicium datum est illis*, idest judicandi potestas; sancti enim homines de nationibus judicabunt, probantes nimirum judicium, quod iudex Christus tulerit. Ac de martyribus distincte proponens, sic pergit: *Et animas decollatorum propter testimonium Jesu, et propter verbum Dei*. Saepe enim, (quae res imprimis digna animadversione est) martyres, quibus neque ignis, neque reliqua exquisita tormenta quidquam vulneris inferre potuissent, capite diminuti decesserunt. Atque ob hanc causam auctor martyres hoc loco decollatos nominat. Quamquam dici etiam potest, martyres propter egregiam virtutem caput orbis fuisse; itaque Deum eos a corpore mundi abscidisse, ut ipsos in patriam introduceret beatorum. Capite autem fuisse diminutos dicit propter praeclarum testimonium, quod Christi divinitati dederant, itemque propter verbum Dei, legisque divinae praedicationem: & quod ii essent, *qui non adoraverunt bestiam, neque imaginem ejus, nec acceperunt characterem ejus in frontibus, aut in manibus suis*: id est neque animo idololatriae consenserunt, neque extrinsecus sacrificium idolis fecerunt; & *vixerunt, et regnaverunt cum Christo mille annis*. Hi autem mille anni nullo certo tempore continentur, neque ullis finibus terminantur; secus ac draconis anni, quem in annos mille in vincula fuisse conjectum, supra demonstratum est;

est; quo ex numero anni jam biscentum, ac septuaginta sunt elapsi. Contra enim sanctorum, itemque perditorum anni sunt aeterni, nullisque finibus continentur; propterea quod sancti potentur sempiterna vita, perdit autem infinita poena plecentur. *Ceteri mortuorum*, nempe qui peccatis implicati, quin resipiscerent, decesserunt, *non vixerunt, donec consummentur mille anni*. Quum beatorum mille anni aeterni complebuntur, tum mille perditorum anni ad exitum, finemque pervenient. De mille annis locos haeresiarcha Cerinthus, qui fuit Johannis Evangelistae aequalis, quum non recte intellexisset, ita statuit: post communem humanorum corporum restitutionem, Christi etiam regnum in hoc mundo restitutum iri; tumque homines rursus in bellis, & intemperantiis, inque eo ipso prorsus vitae genere versaturos, quo nunc utuntur. Quae sentientes alii quoque, eum sequuti auctorem, profecto hallucinati sunt. Johannes enim de sempiterna beatorum vita agens, sic scribit: *haec est resurrectio prima*; quae in vita consistit, quam animus Deo vivit, primum quidem gratia, deinde vero gloria. Ac de hac quidem vita, quae ex gloria existit, sic ait: *Beatus, & sanctus, qui habet partem in resurrectione prima*; id est qui particeps fuerit sempiternae felicitatis, quam gloriam essentialem appellamus, quaeque Dei visione continetur. Non enim dubium est, quin is alteram quoque resurrectionem consequuturus sit, nempe quum in communi corporum restitutione suo & ipse corpori animus conjungetur. Ac

praeterea in his *secunda mors non habet potestatem* : secundae autem mortis nomine aeternum apud inferos supplicium significatur . Nam prima quidem mors est animi ab Deo alienatio ; quae ex peccato oritur . *Sed erunt sancti iidem sacerdotes Dei , & Christi* , cui multam & ore , & animo laudem impertient , propterea quod sibi humanitatem conjunxerit , ex qua nimirum singularem animis laetitiae voluptatem capient , quum suo ipsorum insigni indutum parentem , & conditorem Deum cernent . *Et regnabunt cum illo mille annis* . At enim scrupulus animo injicitur iis verbis , quae paulo ante recitatae sunt , „ donec consummentur mille anni „ , propterea quod vocula illa , donec , terminum , sinemque extremum significare videatur . Sed ea est voculae illius ratio , eaque frequenti jam consuetudine Scripturarum trita , ut in res etiam aeternas conveniat . Ac David quidem sic habet ; „ Dixit Dominus Domino meo (ac si dicat : dixit aeternus Pater Filio suo) sede a dextris meis ; donec ponam inimicos tuos scabellum pedum tuorum „ . Sunt autem inimici , quos memorat , Idololatrae , Judaei , implicatique peccatis homines , qui Christo repugnant . Quid vero ? An quum hi sub Christi pedes subjecti fuerint , non ille ad Patris dexteram sedere perget ? Immo vero . Quae enim sibi per humanitatem comparavit , ea quidem certe omnia aeternum retinebit . Rursus in hoc ipso Apocalypsis libro est ad hunc modum cap. vi. „ Datae sunt illis „ (sanctis) singulae stolae albae , & dictum est „ illis , ut requiescerent adhuc tempus modicum , cum ,

„ cum , donec compleantur conservi eorum , &
 „ fratres eorum „ . Ergone , exacto eo numero ,
 requiescere desinent ? minime vero . Itaque
 paullo post , regnatos eos dicit „ , in secula se-
 „ culorum „ . Ex quo jam constat , donec illud ,
 quod de sanctis eo loco dicitur ad aeternitatem
 pertinere . Jam ut ad certos , definitosque annos
 mille revertamur ; in quod tempus Satanas ab
 sancto Sylvestro ligatus fuit , sic pergit : *Et cum*
consummati fuerint mille anni . Ut facilius intel-
 ligi hic locus , explicarique possit , animadverten-
 dum est ; anno fere CCCXVI. aut non multo se-
 cus Satanam ab sancto Sylvestro fuisse ligatum ,
 idest idololatriam prostratam , cohibitosque
 idololatrarum in Christianos impetus . Jam si
 ad annum CCCXVI. annos mille addas , in annum
 incidet MCCCXVI. Exquiramus nunc , an vincu-
 la eo anno Satanas ruperit . Sane quidem eodem
 illo ipso anno primus Turcarum Imperator
 Othomannus Satanam se Ecclesiae praebere , atque
 ostentare coepit . Etsi enim anno MCCCXVIII.
 jactare se coeperat in Cappadocia , quae respu-
 blica Turcarum erat , (ibi enim parentibus
 Scythis , quos nunc Turcas appellamus , est na-
 tus) : tamen dum viribus auctus , confirmatusque
 est , antequam gravius aliquid in Christianos
 moliri posset , elapsi sunt octo anni . Res igitur
 ad mille annos redit . Verumtamen is Scythia , seu
 Turca , quodam , cui erat Orthogeli nomen ,
 patre est natus , qui Orthogeles cum castellum
 quoddam in Cappadocia aedificasset , eique no-
 men Othomacia indidisset ; ex suo ipsius , atque
 ex castelli nomine Othomanni nomen confluxit ,

hocque nomine nilium appellari voluit. Fuit autem Othomannus seditiosus homo, ac turbulentus, rerumque magnarum imprimis cupidus; denique instrumentum Satanae, quo usus erat Deus O. M. ad Ecclesiae suae, ita ut sub Imperatoribus Pop. Rom. fecerat, patientiam exercendam. Ac dici verissime sane potest, Othomannorum gentem, qua ex gente post Othomannorum Imperatores duodeviginti fuerunt, sanguinis Christianorum multo, quam decem bestiae Romanae cornua, maiorem vim, copiamque effudisse; iisdemque multo fuisse diuturniorem. Namque ab Nerone, qui primus, usque ad Diocletianum, qui novissimus Ecclesiam vexavit, anni omnino biscentum triginta septem fuerunt; at hujus Satanae elapsi sunt anni jam biscentum septuaginta, praeter posteri, & consequentis temporis spatium, quamdiu Dei voluntate deinceps perduraturus est. Cujus Satanae res sic porro auctor persequitur: *& solvetur Satanas de carcere suo, potestate nempe illi vexandae Ecclesiae facta; et exhibit, et seducet gentes, quae sunt super quatuor angulos terrae, Gog, et Magog; idest testus, seu occultus.* Revera autem Othomannus, ejusque gens, testus quidam, atque occultus Satanas fuerunt. Tum Magog vinculis fuit solutus, de quo aliqua mox dicemus, postquam de Gog demonstraverimus. Atque ut planius, quae hoc loco sunt dicenda, intelligantur, illud principio ponendum est, Deum, cui nimirum praesentia sunt spatia omnium seculorum, hunc Gog per Ezechielem his verbis fuisse allocutum: Ecce ego ad te, Gog,

COMM. CAPUT XX. 133

Gog, principem capitis Mosoch : fuit autem, Mosoch Noemi nepos, Japheti filius; stirpemque in Cappadociam propagavit; suntque adeo Cappadoces Mosochitae. Itaque Othomannus, qui, cum esset ortu Cappadox, tum occupata tyrannide ejus gentis principatu potitus est, ob eam causam Princeps Mosoch appellatur. Addit autem Ezechiel, Gog alloquens, hoc modo:, & ponam fraenum in maxillis tuis,,. Nemini vero dubium esse potest, Persarum Regem, quem Sosi appellant, impetus Gog fraenum esse, quo sane fraeno, nisi Deus furorem ejus cohibuisset, metuendum erat, ne, quod animum induxerat, Romanam Ecclesiam perdere, funditusque delere conaretur. Sed rebus Persicis occupatus, quasi fraeno in eam partem retractus, impeditur adeo, quo se minus huc possit convertere. Nunc, quum de Gog dictum sit, restat, ut de Magog dicendum esse videatur. Fuit is Noemi nepos, Scythiamque incoluit; ex eoque Scytharum est orta natio, ac propagata. Cujus sunt homines nationis natura imprimis robusti. Atque ex Scythia quidem Asiatica (nam pars ejus Regionis altera ad Europam pertinet) anno fere DCCLX. aut non multo secus Scytharum, quos nunc Turcas nominamus, maximi exercitus exierunt, quorum adventu, & bellica virtute commoti Muhamedani, metuque perterriti pacem cum iis fecerunt. Scythae, qui nulli certe essent Religioni addicti, Muhamedi se dediderunt, interque Muhamedanos sedes sibi, ac domicilium collocarunt, eamque regionem longe lateque occupaverunt, nullo certo capite,

ac Principe, antequam Othomannus principatum sibi imperii sumisset. Cui tamen, utpote ejusdem nationis homini, facile, libenterque paruerunt. His de Gog, & Magog explicatis rebus, expositaque ratione, quemadmodum suorum sibi ille voluntatem adjunxerit, hique sua ad eum studia detulerint; pergit jam auctor praenunciare in hunc modum: *& congregabit eos in praelium* (gens enim Othomannorum quarum rerum est potita, armis scilicet potita est) *quorum numerus est sicut arena maris*. Usitata in Scripturis, ac trita haec ratio dicendi est, atque ad hominum dicendi rationem accommodata. Ita gentium, quae in Josue se armaverant, itemque Philistinorum, qui Davidi bellum intulerant, numerus fuisse dicitur: sicut arena, quae est in littore maris. Atqui, quos iste Gog exercitus coegit, fuerunt illis multitudine hominum longe majores. Ac Bajazethes etiam, qui unus ex Imperatoribus Turcarum fuit, contra Magnum Tamerlanum mille millia hominum coegisse fertur. *Et ascenderunt super latitudinem terrae*. Mirabile dictum est, hujus Sata-nae imperium quam sit longe lateque propagatum. Obtinent enim Turcae in Europa omnem Graeciam, sede, & domicilio imperii Constantinopoli (quae urbs totius est Graeciae caput) constituto: nonnullam etiam Hungariae partem; pertinent etiam trans Danubium; Walachiam praeterea, aliasque complures regiones tenent: in Asia vero omnem Palaestinam, quam terram promissionis dicimus, (qua in regione nimirum tot, tantaeque res immortalis Dei O. M. benefici-

COMM. CAPUT XX. 135

nescio sunt gestae jam inde ab eo tempore, quum conditus parens humani generis Adamus fuit, usque dum nostram sibi demum Deus ipse naturam conjunxit, & homines caelesti doctrina imbuit, eorumque causa supplicium pertulit, ac denique revivixit); omnem item Asiam minorem, qua septem Ecclesiae, ad quas hunc ipsum Apocalypsis librum Redemptor nostrae salutis misit, continebantur: Arabiam praeterea, atque Albaniam: postremo in Africa Aegyptum, multasque regiones alias; neque ita pridem Tunetum occupavit, ac denique Algerium pervenit. Tali ratione compleri pergit, ad exitumque perducit, quod mox adscribitur: *& circuierunt castra sanctorum, & civitatem sanctam*. Antequam reliqua persequamur, ratio ipsa postulare videtur, ut exponamus, quamobrem in hoc libro mille annorum spatium, quo intervallo gravissimae res acciderunt, silentio sit praetermissum, eritque adeo hoc caput ceteris longius; quod tamen minime mirum videri debet. Hoc enim uno multo majus, quam ceteris simul omnibus, spatium temporis continetur. Nam cetera quidem capita ab Trajano usque ad sanctum Sylvestrum pertinent, quod spatium fuit annorum omnino biscentum, ac sexdecim; hoc autem caput ab s. Sylvestro ad nostram aetatem perducitur, intervallo annorum mille biscentum ac septuaginta, praeter posterum tempus, quod deinceps usque ad exitum hujus universitatis rerum consequetur. Omne autem istud tempus magna Phiala comprehenditur, quae, Gallieno Imperatore, est effusa. Ac

conficere quidem posse videmur, ejus phialae terminum jam prope abesse; quandoquidem auctor Gog, & Magog ruinam proxime cum universalis judicio conjungit. Jam ut id, quod erat nobis ad explanandum propositum, persequamur, illud est animadvertendum; sacrae Scripturae libros, ceu fratres uno, eodemque patre prognatos, opem sibi inter se, atque subsidium ferre. Itaque, quae unus aliquis Evangelistarum tacitus praeteriit, ea alius Evangelista complexus est. Cujus generis exemplum videre licet apud s. Matthaeum, qui sermonem ab Christo in monte habitum in Evangelium retulit, & de tributa Petro Ecclesiae regendae potestate, deque sanctis Patribus a mortuis excitationis scripsit, quae nimirum Evangelistae reliqui praetermiserunt. Contra hi, imprimisque Johannes permulta scribendo complexi sunt, quorum non est a Matthaeo facta mentio. Scilicet, quod paullo ante dicebam, sese vicissim adjuvant. Idipsum vero inter Danielelem, & Johannem in Apocalypsi contingit. Ac eorum, quae inter istos mille annos acciderunt, praecipua haec sunt: Imperii P. R. excidium; & Muhamedis in mundum adventus; utrumque autem, cum Daniel, tum in Apocalypsi Johannes tractat. De excidio quidem Romani Imperii tum agit Daniel, cum statuum descripsit, cujus statucae aureum esset caput, quod ad Babyloniorum imperium referebatur; pectus autem, & brachia argentea, quae ad Persarum imperium pertinebant; venter vero, & femora ex aere, quibus Graecorum imperium signifi-

tabatur ; tibiae autem ferreae , eaeque jam Romanorum imperium portendebant ; ac denique pedes digitis partim ferreis , partim siccilibus , quibus regna significata sunt , in quae imperium P. R. tributum est , quorum alia quidem valida , alia contra infirma fuerunt . Quae Imperii P. R. divisio , regnorum divortio , Imperatoribus Arcadio primum , tum Theodosio secundo , ac denique Valentiniano item secundo , est facta ; quorum aetate , Gothi , Alani , Burgundiones , Vandali , aliarumque nationum populi ex septentrione profecti Romanorum imperium in plura regna partiti sunt . De Muhamede vero eo loco agit Daniel , quo loco cum , ita ut Johannes in Apocalypsi , de bestia egisset , quae decem haberet cornua , nempe de imperio P. R. , aliud cornu post ea cornua fuisse ortum scribit , quod superioribus validius esset , & oculos haberet . Nimirum Muhamedes Imperatores , a quibus Ecclesia vexata fuerat , est consecutus ; appellaturque cornu , propterea quod ipse quoque Ecclesiam , neque vero leviter , vulneravit ; & oculos habere dicitur ob eam causam , quod unum modo Deum coluit , secus quam ceteri Ecclesiae hostes , qui cum plures ponerent Deos , oculis caruisse videntur . Addit autem Daniel de eo cornu fore , ut maledicta in Deum O. D. jactare audeat , sanctosque Dei ab eo molestius conflictatum iri : ipsum vero tamdiu perduraturum , donec Deus universale iudicium instituat . Namque inter hujus aetatem , & universale iudicium nihil medium interponit . Jam vero reliqua , quae eo annorum spatio continen-

nentur, nihil necesse fuit in Apocalypsi descri-
 bi. De haeresi enim Arriana, quae s. Sylvestri,
 ejus nempe Angeli, qui Satanam in vincula
 conjecit, tempore exorta est, s. Antonius Ab-
 bas eorum temporum aequalis, divinitus ad-
 monitus cognovit, & cum suis monachis lacry-
 mas communicavit. Nam quod Arabes e suis
 finibus egressi Africam, Hispaniamque occupave-
 runt, s. Methodius martyr haec aliaque per-
 multa, quae ad mundi usque exitum pertine-
 rent, antea scripta reliquerat. De calamitati-
 bus vero, quas nostra memoria Alemanni acce-
 perunt, sanctae Childegardi Abbatis in Bra-
 bantia divinitus scilicet demonstratum fuerat.
 Denique Joachimus Abbas, aliique complures
 afflati spiritu, instinctuque divino, alia per-
 multa praenunciarunt. Tali ratione omnis,
 quae erat de praetermissis in Apocalypsi mille
 annis, dubitatio tollitur. Sed jam ad Gog, &
 Magog revertendum est, quem Johannes castra,
 & domicilium sanctorum, dilectamque civita-
 tem, idest Ecclesiam, circuisse docet. Ac grae-
 ca quidem Ecclesia universa ab eo capta, atque
 occupata est. Itaque restant Italia, Hispania,
 & Gallia, in quibus sanctorum sedes, & dilecta
 civitas constant. An vero hanc ipsam circumsi-
 deat, nunc porro videndum est. Sane in orien-
 te Graeciam tenet, quae jam illius est facta,
 itemque Hungariam, & Walachiam, quae spe-
 ctant ad orientem solem, a meridie autem Aegy-
 ptum, atque e regione Galliae Algerium. Ac-
 cedit, quod ad fretum usque Gaditanum saepe
 triremes mittit. Ita nulla circum reliqua pars
 est.

est, quam occupare possit. Ab occidente enim est oceanus, eaque regio, quae ad septemtrionem spectat, ab haereticis tenetur. Atque hic quidem rerum status est, in quo nunc versamur. Quid porro de Gog, & Magog futurum sit, proponit hoc modo: *Et descendit ignis de Caelo & devoravit eos.* Quod tum fiet, quum constitutum a Deo tempus praesens aderit. Neque vero longe abesse id tempus videtur. Satis enim est ad breve spatium intervallum annorum biscentum, septuaginta, atque eo etiam amplius, quot nimirum post ejus ortum lapsi sunt. *Et diabolus qui seducebat eos*, ut christianos exagitarent, *missus est in stagnum ignis, et sulphuris*, hoc est ad inferos, *ubi et bestia*, decem habens cornua, idest Romanorum idololatria, *et Pseudopropheta* (quod de Muhamede, cui Gog, & Magog nomen fuit, accipi potest) *cruciabuntur die, ac nocte in secula seculorum.* Nempe hic plane, aperteque docet, mille annos perditorum aeternos fore, quum ii aeterno igne punientur, isque ignis erit veluti scopula, qua Deus verret, purgabitque mundum. *Et vidi thronum*, significatur autem Regnum, *magnum*, propter maximam sanctorum multitudinem, *candidum*, propter nitorem atque munditiam, *et sedentem super eum, a cujus conspectu fugit terra, et caelum*; prae eo enim nihili sunt adeo, ut ne in conspectu quidem relinquerentur. Quemadmodum enim si quis de domo aliqua repente, & subito in altissimi montis jugum transferretur, vix jam eam domum cernere posset, nimirum quod ea prae late patienti regione, quae ante ejus hominis oculos

verq

versaretur , propter exiguitatem vix appareret : ita tota haec mundi sphaera , quam Deus domicilii hominum causa , quamdiu mortalem hanc vitam degunt , est fabricatus , si cum ipso Deo conferatur , nihil omnino esse videtur . *Et locus non est inventus eis* , nempe caelo , & terra ; Deus enim , quum omnis sit expers corporis , in omnes mundi partes multo facilius penetrat , quam sol in purum , tenuemque aerem soleat . Itaque ubi advenerit , idest cum eum cernemus , nullo eum loco contineri videbimus , omnia enim intime penetrat . Ex quo intelligitur , fieri non posse , ut homines , de quibus ipse iudicaturus est , quidquam eum celent eorum , quae aut gesserint , aut dixerint , aut denique cogitarint . Ait enim : *et vidi mortuos , magnos et pusillos , stantes in conspectu throni* . Neque vero sic ait : in conspectu sedentis in throno , idest Dei , quia nempe Deo omnia perspicue patent ; verum sic : in conspectu throni ; idque ad Angelos , sanctosque homines refertur , bonorum quidem honoris , perditorum autem ignominiae causa . Mortuorum autem magnorum , & pusillorum nomine homines significantur , qui maximis fuerint peccatis implicati , & qui non adeo magna scelera patrarint , & item qui aut magnis honoribus functi fuerint , aut nulla dignitate floruerint . Nam cujuscunque certe gradus , & generis homines & in caelum , & ad inferos abeunt . *Et libri aperti sunt* , idest hominum conscientiae palam fuerunt : *et alius liber apertus est , qui est vitae* ; nam cum facta cujusque aperta , & manifesta futura sunt , tum multo clarius a mente

COMM. CAPUT XX. 141

te divina, penitusque cognoscuntur. *Et iudicati sunt mortui ex his, quae scripta erant in libris*, idest in hominum conscientiis, inque divina mente, fietque de iis iudicium plane *secundum opera ipsorum*. Atque ut demonstret, qui iudicium effugiat, futurum neminem: *et dedit, inquit, mare mortuos, qui in eo erant*. Mari autem mundus significatur: *et mors*, id nempe, qui quum sceleribus obligati decesserint, aeterno supplicio sunt damnati, *et infernus*, id est daemones, quorum imprimitis causa conditus fuit ille carcer, *derunt mortuos suos, qui in ipsis erant, et iudicatum est de singulis secundum opera ipsorum*. *Et infernus*, id est daemones, *et mors*, idest mortales pravi, *missi sunt in stagnum ignis*. *Haec est mors secunda*. Prima mors est carere Deo; secunda vero, sempiternum cruciatum perpeti. *Et qui non inventus est in libro vitae*, quem praedestinationem nominamus, *scriptus, missus est in stagnum ignis*; idest ad inferos. Heic jam desinit postrema phiala, quae tam fuit & diuturna, & calamitosa.

CAPUT XXI.

*De excellenti praestantia agit caelestis
Jerosolymae, quae vera est
hominum patria.*

Post diuturnam noctem, quae ex Adami peccato orta est, postque maris, tempestatem, & plenam tristitiae peregrinationem, laetissimus nunc jam dies illucescit, & tranquillus, ac tutus portus, patriaque jucundissima apparet. *Et vidi, inquit, caelum novum, et terram*
no-

novam. Quae verba non de caelo, aut de terra, quam oculis cernimus, sunt accipienda; ea enim renovari nihil necesse est: quae nimirum Deus, quum ea primum condidit, vidit, quod essent bona. Caelo igitur animus, terra vero conjunctum animo corpus significatur. Qua ratione Christus simile est, inquit, regnum caelorum? Regni nomine Ecclesiam significans; caelorum autem vocabulo animos bonorum. Ac corpus appellari terram, ex Apostolo constat, qui corpus terrestrem domum nostram appellat. Itaque eum locum interpretari in hunc modum debemus: vidi animos novos illustratos intelligentiis, virtutibus cumulosos; itemque corpora humana nulli dolori obnoxia, pulcherrima, & calamitatum immunia, quas usque ad id tempus pertulerant. Utque demonstraret, de superioribus conflictationibus nihil jam fore reliquum: *primum enim caelum*, inquit, idest, priores animi, ignari rerum, atque ad malum proclives; *et prima terra*, hoc est priora corpora tot aerumnis obnoxia, *abiit*, neque eorum quidquam relictum est; *et mare jam non est*; nempe nulla restat tempestas, aut perturbatio. Nunc contra, quamdiu heic vivimus, mundus turbatum quoddam mare est, propterea quod scelesti homines maris sunt similes, quod ventis agitatam continenter jactatur, nec unquam conquiescit. *Et ego Johannes vidi sanctam civitatem Jerusalem novam descendentem de caelo a Deo paratam, sicut sponsam ornata viro suo*. Quibus verbis summus amor, summaque consuetudo, atque usus significatur, quem

COMM. CAPUT XXI. 143

quem inter homines, utpote inter unius ejusdemque parentis filios, Intercedere oportet. Idque ut planius nobis persuadeat, *et audiui*, inquit, *vocem magnam de throno*, Dei scilicet, fuitque ea vox magna cum voluntatis contentione emissa, ita ut iis duobus verbis, *vocem magnam*, significatur; *dicentem: ecce tabernaculum Dei*, nempe Sanctorum animi, in quibus nimirum fit, ut degat Deus *cum hominibus*: id, quod perceptu est sane facile. Ne vero cuiquam in mentem cadat, haec de brevi aliquo spatio esse accipienda, addit: *et habitabit semper cum eis, et ipsi homines populus ejus erunt*, ita ut Angeli, & sancti iunt; nam haec quidem de nobis ipsis quam fieri maxime potest, magnifice praedicat: *et ipse Deus cum eis erit eorum Deus*, eumque ipsi palam aperteque videbunt. Nam quod per fidem in nobis Deus, & nobiscum moratur, hunc scilicet fructum etiam in vita hac mortali capimus, eundem Ethnicorum quoque nonnulli sunt consequuti. Quare de clara perspicuaque Dei visione is locus omnino explicari debet. Quoniam vero cum visione hujusmodi nihil doloris manere potest, sic pergit: *& absterget Deus omnem lacrimam ab oculis eorum*: idest omni eos dolore liberabit. Neque vero de hac re dubitare quisquam inducet animum, qui eam se visionem consequuturum considerit: *& mors ultra non erit*, quoniam erunt cum vita ipsa conjuncti; *neque luctus*; laetitia enim erunt perfusi, *neque clamor*; fruentur enim bonis omnibus, quae optari omnino possunt: *neque dolor erit ultra*; propterea quod sanitate integra fruen-

fruentur. Atque haec quidem plena tranquillitatis vita aeternum duratura est, *quia prima abierunt*, eorumque adeo nihil praeter memoriam remanebit; nimirum ut superioris aduersi temporis recordatio voluptatem sanctis & delectationem afferat. Satis autem nobis sit intelligere, Deum ex nihilo fecisse caelum, illudque novum condidisse; Deum, inquam, qui novos quotidie animos creat, quique in communi hominum restitutione tot humanorum corporum millia, quae dissoluta in terram, inque cinerem abierunt, aut etiam a piscibus, ab avibus, ab aliisque animalibus mansa, & vorata, in eorum sunt conversa naturam, ad vitam tamen revocabit. Hunc autem ipsum Deum novas has res, quas pollicitus est, sanctorum laetitiae causa esse facturum. Neque vero quidquam est aequius, quam ut colant homines, & diligant conditorem, atque parentem Deum. Jam quae hoc loco promissa sunt, eadem multo ante Deus pollicitus fuerat per Isaiam in haec verba: „ Qui reminiscimini Domini ne taceatis, & ne detis silentium ei, donec stabiliat, & donec ponat Jerusalem laudem in terra „. Rursus autem, en, inquit, novos ego caelos condo, novamque terram; rerum autem praeteritarum ne memoria quidem relinquetur. Ac per Jeremiam: „ Dabo, inquit, legem meam in visceribus eorum, & in corde eorum scribam eam Et non docebit ultra vir proximum suum, & vir fratrem suum dicens, cognosce Dominum; omnes enim cognoscent me, a minimo eorum usque ad maximum „. *Et dixit qui sedebat in throno, ecce nova*
fa-

COMM. CAPUT XXI. 145

facio omnia: ac si diceret: mundum ego ex nihilo feci. Et dixit mihi Dominus: scribe, quia haec verba fidelissima sunt, & vera. Pergit porro Iohannes narrare in hunc modum: *& dixit mihi, factum est; id est; quod ego optaram, ut universi homines me cognoscerent, id denique confectum est. Ego sum alpha, et omega: initium et finis. Ego sitienti dabo de fonte aquae vivae gratis. Qui vicerit, nempe qui constantia hostium furorem, vimque calamitatum superaverit, possidebit haec, quae illi pollicitus sum, et ero illi Deus, et ille erit mihi filius. Utque ostendat, malos hujus tam praeclari regni expertes esse futuros; timidis autem, inquit, abjectisque, qui hostium metu veritatem deseruerunt, et incredulis adeo, et execratis, quorum nempe facta execrationibus devincta sunt, et homicidis, et fornicatoribus, et veneficis, et idololatriis, et omnibus mendacibus, pars illorum erit in stagno ardenti igne, et sulphure, quod erit mors secunda. Quae verba satis superque sunt ad rationem Cerinthi refutandam. Et venit unus de septem Angelis habentibus phialas plenas septem plagis novissimis, et locutus est mecum, dicens: veni, et ostendam tibi sponsam uxorem agni, quae nimirum triumphans Ecclesia est. Et sustulit me in spiritu in montem magnum, et altum. Mons autem contemplatio aliqua fuerit rerum altissimarum, et ostendit mihi civitatem sanctam Jerusalem descendentem de caelo a Deo habentem claritatem Dei, nimirum quod ab ipso illustrata colucebat, et lumen ejus simile lapidi pretioso, tanquam lapidi jaspidis. Nam quemadmodum is*

lapis multis, variisque coloribus fulget; ita, sancti multifariam lumine divino illustrantur, in domo enim Dei mansiones multae sunt; *sicut crystallum*, propter summam in videnda veritate perspicuitatem. *Et habebat ea civitas murum magnum, et altum, habentem portas duodecim:* murus autem ad securitatem referri potest, in qua vita beata posita est; portae autem ad duodecim Apostolos, de quibus sic porro scribit: *et in portis angelos duodecim*: Angelus enim nuncius latine redditur: fuerunt autem Apostoli nuncii; *et nomina inscripta, quae sunt nomina duodecim tribuum filiorum Israel*: idque secundum mysticam, quam dicimus, rationem explicare licet; Juda enim, idem est, ac Deum confitens, quod de confessoribus, deque martyribus accipi potest. Levi autem congregatus latine convertitur; quod jam ad eos pertinet, qui Dei causa simul conveniunt, & congregantur; atque ita porro reliqua. Erant autem in ea civitate, *ab oriente portae tres; et ab aquilone portae tres, et ab austro portae tres, & ab occasu portae tres*. Nimirum hoc ita explicari potest, gentes omnes, quae singulas mundi plagas incolunt, sanctissimae Trinitatis mysterium cognituras, atque usuras esse. *Et murus civitatis habens fundamenta duodecim, et in ipsis duodecim nomina duodecim Apostolorum Agni*. Ipsi enim fundamenta Ecclesiae fuerunt. *Et qui loquebatur mecum habebat mensuram arundineam auream, ut metiretur civitatem, et portas ejus, et murum*. Nempe aut mensura arundinea ea aetate uti consueverant; aut ita est explicandus is locus, ut levitas quaedam sit,

COMM. CAPUT XXI. 147

fit, tamquam arundinea, id quod immensum sit, percipere velle, & intelligentia comprehendere. In quam sane sententiam ante videtur cadere, quod proxime sequitur: *et civitas in quadro posita erat; et longitudo ejus tanta, quanta et latitudo: et mensus est civitatem de arundine aurea per stadia duodecim millia; quae mille, & quingenta passuum millia conficiunt; et longitudo, et altitudo, et latitudo ejus aequalia sint.* Ecqua vero civitas unquam est visa, tantundem in altitudinem sublata, quantum pateret in longitudinem? Hoc tamen heic dici videtur posse: ut in altitudinem, & in longitudinem, atque in latitudinem immensus, atque interminatus est Deus, ita sanctorum congregationem, qui animis in Deo dilatati fere immensi fiunt, sub nullam mensuram cadere. Quod si qui sunt, qui de corporum sanctorum congregatione illud esse dictum existiment, ii sic habeant: totius hujus mundanae sphaerae angustius spatium esse, quam ut in eo corpus divina gloria auctum satis commode versari, atque spatium possit, nempe quod levitatem, ut nominant, sit consecutum. Quid? quod aurum, lapidesque pretiosi, quos auctor commemorat, omnino neque sunt in patria beatorum, & pro nihilo aestimantur. Sed tamen nobiscum loquens Deus orationem ad eas nugas, quibus ipsi movemur, accommodat; idque ob eam causam, quo animum nostrum ab his, quae intercidunt, rebus abducatur; quae sane res ne verbo quidem tenuis cum eo conferri possunt, quod paulo post sequitur: videbunt faciem ejus. *Et mensus est murum ejus centum quadraginta*

quatuor cubitorum, mensura hominis, quae est Angeli. Tali tatione ad animum hominis, non autem ad corpus, mensuram hanc pertinere demonstrat, quandoquidem hominem cum Angelo conjungit. Et erat structura muri eius ex lapide jaspide propter multas eorum virtutes, qui Ecclesiam defenderunt: ipsa vero civitas aurum mundum ob caritatem, simile vitro mundo. Quod autem dicitur, simile, omnem nobis dubitationem aufert; suntque eodem modo accipienda, quae proxime sequuntur. Nam quod vitrum quidem mundum appellat, id nimirum ad claritatem referendum est. Et fundamenta muri civitatis omni lapide pretioso ornata. Fundamentum primum jaspis: secundum, Zaphirus: tertium, calcedonius: quartum, smaragdus: quintum, sardonix: sextum, sardius: septimum, crysolitus: octavum, beryllus: nonum, topazius: decimum, chrysophrasus: undecimum, hyacinthus: duodecimum, amethystus. Et duodecim portae duodecim margaritae sunt per singulas, et singulae portae erant ex singulis margaritis. Fundamenta autem, & portae de duodecim Spiritus Sancti fructibus possunt intelligi. Primum igitur fundamentum est jaspis, qui variis fulget coloribus, ita ut primus Spiritus Sancti fructus est caritas, quae ceteras omnes virtutes continet. Atque ita deinceps fundamenta reliqua sunt explicanda. Et platea civitatis aurum mundum tanquam vitrum perlucidum, propter lucem, & caritatem. Et templum non vidi in ea. Nunc jam figuras edisserere instituit. Sic autem rem persequitur: Dominus enim Deus omni-

COMM. CAPUT XXI. 149

omnipotens templum illius est, et agnus. Templum nominat Deum, ob eam causam, quod, quemadmodum templum homines inclusos teneat, multum tamen adhuc loci in eo restat, ita et si Deus caelestem Ierosolymam continet, quae orbe terrarum est infinitis partibus major, immensitas tamen ejus non expletur. *Et civitas non eget sole, neque luna, ut luceant in ea; nam claritas Dei illuminavit eam, et lucerna ejus est agnus,* est enim is in caelo fons sapientiae. Haec, quae modo persequimur, in mysteriorum, ac figurarum explicatione versantur, suntque omnino plana, atque ad intelligendum facilia. *Et ambulabunt gentes in lumine ejus,* atque idcirco nusquam offendent. *Et reges terrae,* id est suorum corporum, quae nimirum terrena sunt, *offerent gloriam suam, et honorem in illam,* non existimationis quidem, aut pecuniae, aut cujusquam omnino terrenae rei comparandae causa, verum ut ei sitis faciant, quem cernunt & diligunt. *Et portae ejus non claudentur per diem.* Est autem dies in ea aeternus, ejusque portae aeternum patebunt. Propter animorum enim tenebras duntaxat claudi interdum possunt. Itaque sic pergit: *nox enim non erit illic. Et afferent gloriam et honorem gentium in illam. Non intrabit in eam aliquod coinquinatum, aut abominationem faciens, et mendacium: nisi qui scripti sunt in libro vitae agni,* id est quos Jesus Christus elegerit.

CAPUT XXII.

Idemque postremum

*De Ierosolymas excellentiis demonstrare
pergit, librumque concludit.*

Quemadmodum humanum corpus continuo, atque in lucem est editum, deinceps paulatim crescit, donec aetate & viribus confirmatis, ad maturitatem perveniat, ita corpus humani generis jam inde post Adami casum crevit porro, crescetque deinceps, dum divinitatem assequatur, in eaque conquiescat. Ab Adamo enim usque ad diluvium infantia veluti quaedam mundi fuit. Namque omni eo tempore infantium fuit similis, qui nihil de honore, atque existimatione cogitant, & humi crebro voluntantur, jacentibus inter se lapidibus delectantur, nullaque in eis apparet virtus, quae quidem commemoratione digna videatur. Nisi quod pauci quidam boni viri ex eo numero sunt excipiendi, quos sane paucos fuisse constat, neque virtute prae infantibus admodum claruisse. Post Diluvium usque ad Moysis tempora nonnulla apud homines virtutis existimatio fuit; neque ea tamen ita frequens, quin civitates quaedam, demisso divinitus de caelo igne propter peccata, totae fuerint incendio deletae. Sed diluvio tamen, praeter Noë, ejusque familiam, omne prorsus humanum genus perierat. Moysis vero aetate, ac deinceps usque ad Christum, homi-
nes

COMM. CAPUT XXII. 151

nes eo lumine, quod jam toto orbe diffundebatur, illustrati, modestiam quandam, & gravitatem susceperunt. Est autem animadvertendum, cujusque earum aetatum postremum tempus, & quasi terminum cum alterius aetatis, quae proxime sequitur, initiis conjungi, ad eorumque similitudinem accedere. Itaque in primo ortu Mosaycae legis, eaque jamdiu progressa, bestiarum corpora immolari consueverant: post vero extremo legis tempore Deo suis ipsorum hominum corpora homines immolarunt, idque jam ex libris Machabaeorum liquet. Tali ratione ad legem Evangelicam quodammodo accessisse videntur; cujus nimirum aetate hominum corpora jam inde ab Herodiana infantium caede ad Diocletianum usque, per annos trecentos sunt immolata. Quo sacrificii genere sublato, aliud minus adhiberi coeptum est; nempe eremitarum videndi ratio, qui corpus quidem inedia, & castigatione; animum vero fundendis precibus, sustinendisque aggressionibus immolabant. Atque hoc quidem Monachorum sacrificii genus nullo umquam tempore fieri desit; hisque gradibus paulatim Ecclesia ad perfectum, quietumque statum progreditur, quo de nunc agimus. Neque vero hoc tempore ullo se quisquam dignum honore existimet, (honorem autem virtutem nomino; ea enim honorem omnem, qui verus sit honos, omnino continet) nisi quis omni cura, studio, atque opera veram istam patriam conetur assequi, in qua nimirum felicitas nostra omnis posita, & collocata est. Cumque duabus homo naturis constet,

nempe animo , & corpore , quid est , cur de corpore laboret solum , animum autem negligat ? Quod si corpus mundo hoc corporeo fruatur ; quidni animus quoque fruatur suo , Deo nimirum ; perque Deum Sanctis , atque Angelis ? Ac quoniam is proprius noster status est ; de ejus praestantia , quae sunt reliqua , persequamur . Pergit autem Johannes : *Et ostendit mihi , inquit , fluvium aquae vivae splendidum tamquam crystallum , procedentem de sede Dei , & agni :* idest ex Patre , & Filio . Quamquam sapientia Filio tribui solet , & in singulis divinis Personis inest , tamen hoc loco Spiritui sancto tribuitur propter eximiam caritatem , qua Deus his , qui ea fruuntur , sui copiam faciet , ac modo etiam facit : quae quidem caritas attributum est Spiritus sancti . *In medio plateae ejus , et ex utraque parte fluminis lignum vitae , afferens fructus duodecim , per menses singulos reddens fructum suum .* Arbor vitae sapientia est , quae sapientia in Patre inest , qui pars una & in Filio , qui pars altera est fluminis , flumen autem est Spiritus sanctus . Itaque singulae Personae sapientia sunt . Duodecim vero fructus virtutes sunt , quae a Spiritu sancto proficiuntur ; iique fruuntur his fructibus , qui cum in mortali hac vita , tamquam in peregrinatione , versarentur , eisdem virtutibus , alii aliis , maxime claruerunt . Jam fructus singulis mensibus lati ubertatem caelestis patriae significant : uberrimum enim imprimis eum esse agrum necesse est , ex quo fructus duodecies in annos singulos percipiuntur . Qua de causa David : Satiabor , inquit , cum

COMM. CAPUT XXII. 153

cum apparuerit gloria tua : Pèrgit porro auctor :
Et folia ligni ad sanitatem gentium . Folliis
 Christi humanitas significatur , quae gentibus
 omnibus aeternam salutem dedit . Qua de
 caussa ipsi Christo , quum humanam sibi natu-
 ram conjunxit , Jesu fuit nomen inditum ; quod
 nomen , Salvator , aut salus , latine redditur . *Et*
omne maledictum non erit amplius ; omnia
 enim in ea civitate bonasunt , *et sedes Dei* (hoc
 est beatitudo animorum) *et agni* (id est corpo-
 rum glorificatio , quam dicimus) *semper in illa*
erunt ; *et servi ejus servient illi* nempe in con-
 spectu ejus astantes ; adeoque , *et videbunt* ,
 inquit , *faciem ejus* , qua promissione omnia ,
 quae denique optari possunt , comprehenduntur .
 Quid enim praeterea desiderari potest ab eo , qui
 divini opificis , atque parentis vultum cernit
 oculis , & intuetur ? *et nomen ejus* , quod est
 vita , veritas , lux , omnia denique , quae bo-
 na sunt , inscriptum *in frontibus eorum* , id est in-
 sculptum in eorum animis , inque ipsam ferme
 eorum naturam conversum ; usque adeo erunt
 Deo intime , penitusque conjuncti . *Et nox* , igno-
 rantiae , *ultra non erit* , *et non egebunt lumine*
lucernae , *neque lumine solis* , *quoniam Deus il-*
luminabit illos . Quoniam vero tot haec , tanta-
 que bona perpetua futura sunt , neque ullo un-
 quam tempore amittentur , propterea & *re-*
gnabunt , inquit , *in secula seculorum* . Cumque
 tantarum rerum promissio vel Johanni ipsi admi-
 rationem movisset , continuo promissio confir-
 mata est : & *dixit mihi* , inquit , *haec verba*
fidelissima sunt , & *vera* . *Et Dominus Deus spi-*
rituum

rituum prophetarum misit Angelum suum ostendere servis suis, quae oportet fieri cito, id est quae fieri coepta fuerunt, quo tempore Johannes hanc scripsit Apocalypsim. Utque se christiani ad pericula pararent; addit: et ecce venio velociter. Jam vero de singulari, eximiaque hujus libri praestantia sic proponit: beatus, qui custodit verba prophetiae libri hujus: sane si quis ea animo custodierit, nae ille altissimam omnium prophetiam custodit, qua nimirum earum rerum promissio continetur, ad quas tamquam in finem prophetiae omnes diriguntur. Johannes autem tot cognitis mysteriis elatus, ac veluti extra se raptus, non animadvertit, se iterum fuisse ab Angelo admonitum; & neque aetatis suae, quae ad annos jam quinque, & nonaginta profecta erat, neque alterius cujusquam rei recordatus est, idque jam ultro confitetur hoc modo. Et ego Johannes, qui audiui, et, quod majus est, vidi haec. Et postquam audissem, et vidissem cecidi, ut adorarem ante pedes Angeli, qui mihi haec ostendebat: et dixit mihi: vide, ne feceris; conseruus enim tuus sum, et fratrum tuorum prophetarum, et eorum, qui servant verba prophetiae libri hujus. Itaque qui divinarum rerum studio, & cupiditate tenentur, atque ad eas vitam, moresque dirigunt, Angelorum numero sunt, quos aliis Angelis, fratribus nempe suis, cultum adhibere non oportet. Contra vero, ajebat Johanni Angelus, Deum adora. Ac quoniam aequum erat, ut Dei servi hoc libro fruerentur, quem eorum scilicet causa Christus misisset, addit porro Angelus; et dixit mihi

mihi Johanni, ne signaveris verba prophetiae libri hujus: tempus enim prope est. Quod et si tum de Ecclesiae tempestatibus est dictum, deque beatitudine, quae sanctis erat constituta, hoc tamen tempore, commodius usurpari videtur posse, quum ad eum statum, ad patriamque nostram propius jam accesserimus. Jam malos homines admonens: qui nocet, inquit, noceat adhuc; et qui in sordibus est sordescat adhuc. quae dicendi ratio ad reprehensionem, atque admonitionem pertinet. Non enim cuiquam est auctor peccandi Deus. Bonis autem ut addat animos: et qui justus est, inquit, justificetur adhuc; et qui sanctus, sanctificetur adhuc; in justis se, sanctisque factis quotidie exercendo. Ecce venio cito, et merces mea mecum est, reddere unicuique secundum opera sua. Ego sum alpha, et omega; primus, et novissimus, principium et finis. Ac si diceret: vigilitote, vestra enim opinione celerius adero: haec autem merces bonis est constituta, iisque me ipsum, qui sum aeternus, impartiar. Beati qui levantes stolae suas interiores quidem caritate, exteriores vero, id est corpus castimonia, in sanguine agni: ut sit potestas, id est possessio, eorum in ligno vitae, quod est sapientia divina, et per portas intrent in civitatem, caelestem. Foris canes, iracundi, et venefici, et impudici, et homicidiae, et idolis servientes, et omnis, qui amat, et facit mendacium. Omne peccatum mendacium est; qui enim peccat officium deserit, & contra officium venit. Jam Redemptor salutis nostrae, ut hunc librum peculiari quadam

dam ratione suum esse demonstret: *Ego Iesus*, inquit, *missi Angelum meum testificari vobis haec in Ecclesiis. Ego sum radix et genus David* quoad humanitatem, *stella splendida, et matutina*; nimirum qui verbo meo diem aeternitatis nuntio. *Et Spiritus sanctus, et sponsa* quae caelestis est Jerosolyma, uterque probo, & sancto cuique, incredibili cum amore, *dicunt: veni*, ac nobiscum una fruire iis bonis, quorum causa factus, & conditus fuisti. *Et qui audiuit Deum* animo praesentem suo, *dicat* & ipse vicissim Deo: *veni*; neque Deo solum, sed proximis etiam, eosque ad patriam, propriumque eorum statum invitet. *Et qui sitit*, idest qui Dei desiderio tenetur (id enim desiderium imprimis decet homines;) atque in eo, quamdiu in hac peregrinatione versamur, noster in Deum amor est positus. Si enim desiderium ex amore profiscatur, quantum auctus fuerit amor, desiderium tantumdem augebitur; verumtamen qui Dei desiderio tenetur, evocabitur ut *veniat*; eo enim sua jam ipse sponte contendit. *Et qui vult accipiat aquam vitae*, idque jam gratis; non enim aliud ab eo pretium exigitur, praeter desiderium cum egregiis factis conjunctum. Pergit autem de constanti hujus libri veritate proponere his verbis: *Contestor enim omni audienti verba prophetiae libri hujus: si quis apposuerit ad haec, apponet Deus super illum plagas scriptas in libro isto. Et si quis diminuerit de verbis libri prophetiae hujus, auferet Deus partem ejus de libro vitae, et de civitate sancta, et de his, quae scripta sunt in libro isto. Haec di-*
cia

COMM. CAPUT XXII. 157

cit Jesus Christus , *qui testimonium perhibet istorum* . Rursus igitur dico : *etiam venio cito* : itaque parati estote . Ac si parati eritis , dicetis : *amen veni* , *Domine Jesu* , nosque jam ex peregrinatione ista transfer in nostram patriam , ubi Te , & Patrem , sanctumque Spiritum aeternis laudibus celebrabimus . Denique Johannes hunc librum , in quo scribam gessit , ait : *gratia Domini nostri Jesu Christi cum omnibus vobis* .
Amen .

FINIS COMMENTATIONUM
VEN. GREGORII LOPESII
IN APOCALYPSIM.





OPUSCULORUM
S. THOMAE AQUINATIS

ORDINIS PRAEDICATORUM

- IV. De Caritate, seu de duobus universalibus
divinae Legis mandatis : Et ad ea perti-
nentibus Decalogi praeceptis .**
- V. De Articulis fidei, & Ecclesiae Sacramentis.**
- VI. Super Symbolo Apostolorum .**
- VII. Super Oratione Dominica .**
- VIII. Super Salutatione Angelica .**



OPUSCULUM
S. THOMAE AQUINATIS

De Caritate, seu de duobus universalibus
divinae Legis mandatis : Et ad
ea pertinentibus Decalogi
praeceptis .

CAPUT I.

De quadruplici lege .



Naturae
lex.

LEX sunt homini necessaria ad salutem: scilicet scientia credendorum, scientia desiderandorum, & scientia operandorum. Primum docetur in Symbolo, ubi traditur scientia de articulis fidei. Secundum in oratione Dominica. Tertium autem in lege. Nunc autem de scientia operandorum intendimus, ad quam tractandam quadruplex lex invenitur. Prima, dicitur lex naturae, & haec nihil aliud est, nisi lumen intellectus insitum nobis a Deo, per quod cognoscimus

OPUSCULA D. TH. AQUINAT. 159

mus quid agendum , & quid vitandum . Hoc lumen , & hanc legem dedit Deus homini in creatione , sed multi credunt excusari per ignorantiam , si hanc legem non observant . Sed contra eos dicit Propheta in Psal. 4. *Multi dicunt , quis ostendit nobis bona ?* quasi ignorent quid sit operandum : sed ipse ibidem respondet . *Signatum est super nos lumen vultus tui Domine* , lumen scilicet intellectus , per quod nota sunt nobis agenda . Nullus enim ignorat quod illud , quod nollet sibi fieri , non faciat alteri , & cetera talia . Sed licet Deus in creatione dederit homini hanc legem , scilicet naturae , diabolus tamen in homine superfeminavit aliam legem , scilicet concupiscentiae . Quousque enim in primo homine anima fuit subdita Deo , servando divina praecepta , etiam caro fuit subdita in omnibus animae , vel rationi . Sed postquam diabolus per suggestionem retraxit hominem ab observantia divinorum praeceptorum , ita etiam caro fuit inobediens rationi . Et inde accidit , quod licet homo velit bonum secundum rationem , tamen ex concupiscentia ad contrarium inclinatur . Et hoc est quod Apost. dicit Roman. 7. *Video autem aliam legem in membris meis repugnantem legi mentis meae* . Et inde est , quod frequenter lex concupiscentiae legem naturae , & ordinem rationis corrumpit , & ideo subdit Apost. *Captivantem me in lege peccati &c.* Quia ergo lex naturae per legem concupiscentiae destructa erat , oportebat quod homo reduceretur ad opera virtutis , & retraheretur a vitiis , ad quae necessaria erat lex Scripturae . Sed sciendum

Concupiscentiae
lex .

Scripturae
lex .

dum quod homo retrahitur a malo , & inducitur ad bonum ex duobus . Primo , timore : primum enim propter quod aliquis maxime incipit peccatum vitare , est consideratio poenae inferni , & extremi iudicii . Et ideo dicitur Eccles. 1. *Initium sapientiae timor Domini* , & ibidem : *Timor Domini expellit peccatum* . Licet enim ille , qui ex timore non peccat , non sit iustus , inde tamen incipit justificatio . Hoc ergo modo retrahitur homo a malo ; & inducitur ad bonum per legem Moyfi , quam quidem irritantes morte puniebantur . Hebrae. 10. *Irritam quis faciens legem Moyfi sine ulla miseratione duobus , vel tribus testibus moritur* . Sed quia modus iste est insufficiens , & lex quae data erat per Moysen hoc modo , scilicet per timorem , retrahebat a malis , insufficiens fuit . Licet enim coercuerit manum , non coercerat animum ; ideo est alius modus retrahendi a malo , & inducendi ad bonum , modus scilicet amoris : & hoc modo fuit data lex Christi , scilicet lex evangelica , quae est lex amoris . Sed considerandum est , quod inter legem timoris , & legem amoris triplex differentia invenitur : & primo , quia lex timoris facit observatores servos , lex vero amoris facit liberos . Qui enim operatur solum ex timore , operatur per modum servi : qui vero ex amore , per modum liberi , vel filii . Unde , Apof. 2. Corin. 3. *Ubi spiritus Domini , ibi libertas* , quia scilicet tales ex amore ut filii operantur . Secunda differentia est , quia observatores primae legis ad bona temporalia introducebantur . Esa. 1. *Si volueritis , & audieritis me ,*

me, bona terrae comedetis: sed observatores secundae legis in bona caelestia introducuntur Matth. 19. Si vis ad vitam ingredi, serva mandata, & Mat. 3. Poenitentiam agite &c. Tertia differentia est, quia prima gravis, Act. 15. Car tentatis imponere jugum super cervicem nostram, quod neque nos, neque patres nostri portare potuerunt: secunda autem levis, Matt. 11. Jugum enim meum suave est, & onus meum leve. Apof. Ro. 8. Non accepistis spiritum servitutis iterum in timore, sed accepistis spiritum adoptionis filiorum.

De effectibus legis Christi.

Sicut ergo jam praedictum est, quadruplex lex invenitur, & prima quidem lex naturae, quam Deus homini in creatione infundit: secunda lex concupiscentiae: tertia lex scripturae: quarta est lex caritatis & gratiae, quae est lex Christi. Sed manifestum est, quod non omnes possunt scientiae insudare, & propterea a Christo data est lex brevis, ut ab omnibus posset sciri, & nullus propter ignorantiam possit ab ejus observantia excusari, & haec est lex divini amoris: Apof. Rom. 9. *Verbum brevium faciet Dominus super terram.* Sed sciendum, quod haec lex debet esse regula omnium actuum humanorum. Sicut enim videmus in artificialibus, quod unumquodque opus tunc bonum, & rectum dicitur, quando regulae coaequatur, sic etiam quodlibet humanum opus rectum est, & virtuosum, quando regulae divinae dilectionis concordat: quando vero discordat ab hac regula, non est

1. Effectus:
Vita spiri-
tualis,

bonum, nec rectum, aut perfectum. Ad hoc autem, quod actus humani boni reddantur, oportet, quod regulæ divinae dilectionis concordent. Sed sciendum, quod hæc lex, scilicet divini amoris, quatuor efficit in homine valde desiderabilia. Primo, causat in eo spirituales vitam. Manifestum est enim, quod naturaliter amatum est in amante, & ideo, qui Deum diligit, ipsum in se habet: 1. Jo. 4. *Qui manet in caritate in Deo manet, & Deus in eo*. Natura etiam amoris est, quod amantem in amatum transformat; unde si vilia diligimus, & caduca, viles & instabiles efficiamur: Osee 9. *Facti sunt abominabiles sicut quod dilexerunt*. Si autem Deum diligimus, divini efficiamur, quia ut dicitur 1. Cor. 6. *Qui adhaeret Domino, unus spiritus est*. Sed sicut Augus. dicit: *sicut anima est vita corporis, ita Deus est vita animæ*, & hoc manifestum est. Tunc enim dicimus corpus per animam vivere, quando habet operationes proprias vitæ, & quando operatur & movetur: anima vero recedente, corpus nec operatur, nec movetur, Sic etiam tunc anima operatur virtuose & perfecte, quando per caritatem operatur, per quam habitat Deus in ea: absque caritate vero non operatur: 1. Joan. 3. *Qui non diligit, manet in morte*. Considerandum est autem, quod si quis habet omnia dona Spiritus sancti absque caritate, non habet vitam, Sive enim sit gratia linguarum, sive sit donum fidei, vel quicquid sit aliud, sine caritate vitam non tribuunt. Si enim corpus mortuum induatur auro, & lapidibus pretiosis, nihilominus mortuum manet; hoc

hoc est ergo primum, quod efficit caritas. Secundum, quod facit caritas, est divinatorum mandatorum observantia. Greg. *Nunquam est Dei amor otiosus. Operatur enim magna si est: si vero operari renuit, amor non est:* unde manifestum signum caritatis est promptitudo implendi divina praecepta. Vidimus enim amantem propter amatum magna, & difficilia operari. Joan. 14. *Si quis diligit me, sermonem meum servabit.* Sed considerandum, quod qui mandatum & legem divinae dilectionis servat, totam legem implet. Est autem duplex modus divinatorum mandatorum. Quaedam enim sunt affirmativa, & haec quidem implet caritas, quia plenitudo legis, quae consistit in mandatis, est dilectio, qua mandata servantur. Quaedam vero sunt prohibitoria; haec etiam implet caritas, quia *non agit perperam*, ut dicit Apostolus. 1. Cor. 13. Tertium, quod facit caritas est, quia est praesidium contra adversa. Habenti enim caritatem nulla adversa nocent, sed in utilia convertuntur: Rom. 8. *Diligentibus Deum omnia cooperantur in bonum;* immo etiam adversa & difficilia suavia videntur amanti, sicut & apud nos manifeste videmus. Quartum vero est, quod ad felicitatem perducit. Solum enim caritatem habentibus aeterna beatitudo promittitur. Omnia enim absque caritate insufficientia sunt: 2. Tim. 4. *In reliquo reposta est mihi corona iustitiae, quam reddet mihi in illa die justus iudex. Non solum autem mihi, sed & iis, qui diligunt adventum ejus.* Et sciendum, quod solum secundum differentiam caritatis est differentia beatitudinis,

3. Mandatorum div. observantia.

3. Praesidium contra adversa.

4. Felicitas,

& non secundum aliquam aliam virtutem . Multi enim magis abstinentes fuerunt , quam Apostoli , sed ipsi in beatitudine omnes alios excellent propter excellentiam caritatis . *Ipsi enim fuerunt primitias spiritus habentes* , sicut dicit Apof. Rom. 8. Unde differentia beatitudinis est ex differentia caritatis , & sic patent quatuor , quae in nobis efficit caritas . Sed praeter illa quaedam alia efficit , quae praetermittenda non sunt . Primo enim efficit peccatorum remissionem : & hoc manifeste videmus ex nobis . Si enim aliquis aliquem offendit , & ipsum postea intime diligit , propter dilectionem sibi offensam laxat . Sic & Deus diligentibus se peccata dimittit : 1. Pet. 4. *Caritas operit multitudinem peccatorum* ; & bene dicit , *operit* , quia scilicet a Deo non videntur , ut puniat , sed licet dicat , quod operit multitudinem , tamen Salomon dicit proverb. 10. *quod universa delicta operit caritas* : & hoc maxime manifestat Magdalenae exemplum , Lucae 7. *Dimissa sunt ei peccata multa* , & causa subditur , *quoniam dilexit multum* . Sed forte dicet aliquis : sufficit ergo caritas ad delenda peccata , & non est necessaria poenitentia . Sed considerandum , quod nullus vere diligit , qui non vere poenitet . Manifestum est enim , quod quanto magis aliquem diligimus , tanto magis dolemus , si ipsum offendimus ,

2. Effectus . & hic est unus caritatis effectus . Item , causat cordis illuminationem . Sicut enim dicit Job. 37. *Omnes involvuntur tenebris* . Frequenter enim nescimus , quid agendum , vel desiderandum , sed caritas docet omnia necessaria ad salutem : ideo

Alii effectus .

1. Peccatorum remissio .

2. Effectus .
cordis illuminationis .

ideo dicitur 1. Joan. 2. *Unctio ejus docet vos de omnibus* : & hoc ideo est , quia ubi caritas , ibi Spiritus sanctus, qui novit omnia, *qui deducit nos in viam rectam* , sicut dicitur in Psal. 106. Ideo dicitur Eccl. 2. *Qui timetis Deum , diligite illum , & illuminabuntur corda vestra* , scilicet ad sciendum necessaria ad salutem . Item , perficit in homine perfectam laetitiam . Nullus enim ^{g. Perfecta laetitia .} vere gaudium habet , nisi existens in caritate . Quicumque enim aliquid desiderat , non gaudet , nec laetatur , nec quietatur , donec illud adipiscatur . Et accidit in rebus temporalibus , quod non habitum appetatur , & habitum despicitur , & taedium generat . Sed non sic est in spiritualibus , immo qui Deum diligit , habet ipsum : & ideo animus diligentiis, & desiderantis quietatur in eo . *Qui enim manet in caritate , in Deo manet , & Deus in eo* , ut dicitur 1. Joan. 4. Item , efficit ^{4. Pax perfecta .} pacem perfectam . Accidit enim in rebus temporalibus , quod frequenter desiderantur , sed ipsis habitis, adhuc animus desiderantis non quiescit , immo uno habito , aliud appetit : Isai. 57. *Cor autem impii quasi mare fervens , quod quiescere non potest* . Et c. 1. *Non est pax impiis , dicit Dominus* . Sed non sic accidit in caritate circa Deum . Qui enim diligit Deum , pacem perfectam habet : Psal. 118. *Pax multa diligentibus legem tuam , & non est illis scandalum* . Et hoc ideo est , quia solus Deus sufficit ad implendum desiderium nostrum , Deus enim major est corde nostro , sicut dicit Apof. Et ideo dicit Aug. in primo confessionum : *Fecisti nos Domine ad te , & inquietum est cor nostrum , donec requiescat*

scat in te. Psal. 102. *Qui replet in bonis desiderium tuum*. Item, facit caritas hominem magnae dignitatis. Omnes enim creaturae ipsi divinae majestati serviunt. Omnia enim ab ipso sunt facta, sicut artificialia subserviunt artifice: sed caritas de servo facit liberum & amicum. Unde ait Dominus Apostolis Jo. 15. *Nam non dicam vos servos, sed amicos*. Sed nunquid Paulus non servus? sed & alii Apostoli qui se servos scribunt? Sed sciendum, quod duplex est servitus. Prima est timoris, & haec est poenosa, & non meritoria. Si enim aliquis a peccato abstinet solum timore poenae, non meretur ex hoc, sed adhuc est servus. Secunda est amoris. Si enim quis operatur non timore iustitiae, sed amore divino, non sicut servus operatur, sed sicut liber, quia voluntarie, & ideo dicit: *Nam non dicam vos servos*. Et quare? Ad hoc respondet Apof. Ro. 8. *Non enim accepistis spiritum servitutis iterum in timore, sed accepistis spiritum adoptionis filiorum*. Timor enim non est in caritate, sicut dicitur 1. Joan. 4. Habet enim poenam, sed caritas delectationem. Item, caritas facit non solum liberos, sed etiam filios, ut scilicet filii Dei nominemur & simus, ut dicitur 1. Joa. 3. Tunc enim extraneus efficitur alicujus filius adoptivus, quando acquiritur ei jus in haereditatem illius. Sic & caritas acquirit jus in haereditatem Dei, quae est vita aeterna; quia ut dicitur Ro. 8. *Ipse spiritus testimonium reddit spiritui nostro, quod sumus filii Dei. Si autem filii, & haeredes: haeredes quidem Dei, sobaeredes autem Christi*. Sap. 5. *Ecce quomodo computati sunt inter filios Dei*. De

5. Magna dignitas.

6. Effectus. Filiatio.

De Acquisitione Caritatis.

EX jam dictis patent utilitates caritatis. Postquam igitur tam utilis est, studiose laborandum est ad acquirendam eam & retinendam. Sed sciendum, quod nullus a se caritatem habere potest, immo solius Dei est donum. Unde Joannes dicit 1. Joan. 4. *Non quasi nos dilexerimus* Caritas for-
lius Dei do-
num.

Deum, sed quoniam ipse prior dilexit nos, quia videlicet non propterea ipse nos diligit, quia nos prius dilexerimus eum, sed hoc ipsum, quod diligimus eum, causatur in nobis ex dilectione ipsius. Considerandum etiam, quod licet omnia dona sint a patre luminum, istud tamen donum, scilicet caritatis, omnia alia dona super excelsit. Omnia enim alia sine caritate & Spiritu sancto habentur, cum caritate vero necessario Spiritus sanctus habetur: Apost. Rom. 5. *Caritas Dei diffusa est in cordibus nostris per Spiritum sanctum, qui datus est nobis*. Sive enim sit donum linguarum, sive scientiae, sive prophetiae, absque gratia, & Spiritu sancto habentur. Sed licet caritas sit donum divinum, ad ipsam tamen habendam requiritur dispositio ex parte nostra. Et ideo sciendum, quod duo specialiter ad acquirendam caritatem necessaria sunt, & duo ad augmentum caritatis jam acquisitae. Ad acquirendam igitur caritatem primum est diligens divini verbi auditio: & hoc manifestum est satis ex his quae sunt apud nos. Audientes enim bona de aliquo, in ejus dilectionem accendimur. Sic & Dei verba audientes accendimur in amorem.

Omnia dona
super excelsit.

Ad acquirendam caritatem duo necessaria.

ipſius : *Pſal. 118. Ignitum eloquium tuum vehementer, & ſervus tuus dilexit illud. Item, Pſal. 104. Eloquium Domini inflammavit eum.* Et propterea illi duo diſcipuli divino amore aſtuantes dicebant, *Lucae 24. Nonne cor noſtrum ardens erat in nobis, dum loqueretur in via, & aperiret nobis ſcripturas?* Unde & *Actuum 10.* legitur, quod praedicante Petro Spiritus ſanctus in auditores divini verbi cecidit. Et hoc frequenter accidit in praedicationibus, quod, qui duro corde accedunt, propter verbum praedicationis ad divinum amorem accenduntur. Secundum eſt, bonorum continua cogitatio : *Pſal. 38. Concaluit cor meum intra me.* Si ergo vis divinum amorem conſequi, mediteris bona. Durus enim nimis eſſet, qui divina beneficia, quae conſecutus eſt, pericula etiam quae evaſit, & beatitudinem, quae ſibi a Deo repromittitur, cogitans, ad divinum amorem non accenderetur : unde *D. Aug. Durus eſt animus hominis, qui & ſi dilectionem non lit impendere, ſaltem non velit rependere.* Et univerſaliter, ſicut cogitationes malae deſtruunt caritatem, ita bonae eam acquirunt, nutriunt, & conſervant : unde jubemur *Iſa. 1. Auferte malum cogitationum veſtrarum ab oculis meis.* *Sapien. 1. Perverſae cogitationes ſeparant a Deo.* Sunt autem & duo,

Ad augendam caritatem duo neceſſaria. quae habitam caritatem augment. Primum eſt cordis ſeparatio a terrenis. Cor enim perfecte in diverſa ferri non poteſt. Unde nullus valet Deum, & mundum diligere. Et ideo quanto magis ab amore terrenorum noſter animus elongatur, tanto magis firmatur in dilectione divina.

Unde

Unde Aug. dicit in lib. 83. quæst. *Caritatis venenum est spes adipiscendorum, aut retinendorum temporalium. Nutrimentum ejus est imminutio cupiditatis: perfectio, nulla cupiditas, quia radix omnium malorum est cupiditas.* Quisquis igitur caritatem nutrire vult, instet minuendis cupiditatibus. Est autem cupiditas amor adipiscendi, aut obtinendi temporalia. Hujus imminuendae initium est, Deum timere, qui solus timeri sine amore non potest. Et propter hoc ordinatae fuerunt Religiones, in quibus, & per quas a mundanis & corruptibilibus animus trahitur, & erigitur ad divina: quod signatur 2. Machab. 1. ubi dicitur. *Refulsit sol, qui prius erat in nubilo.* Sol, id est intellectus humanus est in nubilo, quando deditus est terrenis: sed refulget, quando a terrenorum amore elongatur & retrahitur. Tunc enim splendet, & tunc divinus amor in eo crescit. Secundum est firma patientia in adversis. Manifestum est enim, quod quando gravia pro eo, quem diligimus, sustinemus, amor ipse non destruitur, immo crescit: Cant. 8. *Aquae multae*, id est tribulationes multae, *non poterunt extinguere caritatem.* Et ideo sancti viri, qui adversitates pro Deo sustinent, magis in ejus dilectione firmanantur: sicut artifex illud artificium magis diligit, in quo plus laboravit. Et inde est, quod fideles quanto plures afflictiones pro Deo sustinent, tanto magis elewantur in amore ipsius: Gen. 7. *Multiplatae sunt aquae*, id est, tribulationes, & *elevaverunt arcam in sublime*, id est Ecclesiam, vel animam viri justii.

CAPUT II.

De primo divinae legis mandato .

Interrogatus Christus ante passionem a legis-
 pertis, quod esset maximum & primum
 mandatum, dixit Matth. 22. *Diliges Dominum
 Deum tuum ex toto corde tuo, & in tota anima
 tua, & in tota mente tua, hoc est maximum &
 primum mandatum.* Et vere illud est majus, &
 nobilius, & utilius inter omnia mandata, sicut
 fatis manifestum est. In hoc enim omnia manda-
 ta implentur. Sed ad hoc, quod illud praecep-
 tum dilectionis possit perfecte impleri, qua-
 tuor requiruntur. Primum est divinorum bene-
 ficiorum rememoratio, quia omnia, quae habemus,
 sive animam, sive corpus, sive exteriora, habemus a Deo. Et ideo oportet quod ei de
 omnibus serviamus, & eum diligamus corde,
 perfecto. Nimis enim ingratus est, qui cogi-
 tans alicujus beneficia, eum non diligit. Haec
 recogitans David dicebat 1. Paralipom. 29.
*Tua sunt omnia, & quae de manu tua accepi-
 mus, dedimus tibi &c.* Et ideo in ejus laudem
 dicitur Eccl. 47. *De omni corde suo laudavit Do-
 minum, & dilexit Deum, qui fecit illum.* Se-
 cundum est divinae excellentiae consideratio.
 Deus enim major est corde nostro 1. Joan. 3.
 Unde si toto corde, & viribus ei serviamus, adhuc
 non sufficimus: Eccl. 43. *Glorificantes Domi-
 num quantumcumque potueritis, supervalebit
 adhuc. Benedicentes Dominum exaltate illum*
 quan-

Diligitur
 Deus 1. be-
 neficior. e-
 jus reme-
 moratione .

2. Ejus ex-
 cellentiae
 considera-
 tione .

quantum potestis: major est enim omni laude. Tertium est mundanorum, & terrenorum abdicatio. Magnam enim injuriam Deo facit, qui aliquid ei adaequat: Isa. 40. *Cui similem fecisti Deum?* Tunc autem alia Deo adaequamus, quando res temporales & corruptibiles simul cum Deo diligimus: sed hoc est omnino impossibile. Propterea [dicitur Isa. 28. *Coangustatum est stratum ita, ut alter decidat, & pallium breve utrumque operire non potest.* Ubi cor hominis assimilatur strato arcto, & pallio brevi. Cor enim humanum arctum est in respectu ad Deum. Unde quando alia ab eo in corde recipis, ipsum expellis. Ipse enim non patitur consortem in anima, sicut nec vir in uxore. Et ideo dicit ipse Exod. 20. *Ego sum Deus tuus zelotes.* Nihil enim vult, quod diligamus quantum eum, aut praeter eum. Quartum est omnimoda peccatorum vitatio. Nullus enim potest diligere Deum in peccato existens: Mat. 6. *Non potestis Deo servire & mammonae:* unde si in peccato existis, Deum non diligis. Sed ille diligebat, qui dicebat Isa. 38. *Memento quomodo ambulaverim coram te in veritate, & in corde perfecto.* Praeterea dicebat Elias 3. Regum. 18. *Quousque claudicatis in duas partes?* Sicut claudicans nunc huc, nunc illuc inclinatur, sic & peccator nunc peccat, & nunc Deum quaerere nititur. Et ideo Dominus dicit Joelis 2. *Convertimini ad me in toto corde vestro.* Sed contra illud praeceptum duo genera hominum peccant. Illi scilicet homines, qui vitando unum peccatum, ut puta luxuriam, aliud committunt, ut usuram.

3. Terrenorum abdicatione.

4. Peccatorum fuga.

Sed

Sed nihilominus damnantur , quia , *qui offendit in uno , factus est omnium reus* , ut dicitur Jacob. 2. Item sunt aliqui , qui consentientur quaedam , quaedam non , vel quantum ad diversos confessionem dividunt . Sed isti non merentur , immo peccant in hoc , quia Deum decipere intendunt , & quia divisionem in sacramento committunt . Quantum ad primum dicit quidam : *Impium est a Deo dimidiam sperare veniam* . Quantum ad secundum , Psal. 61. *Effundite coram illo corda vestra* , quia videlicet omnia sunt in confessione revelanda .

Jam ostensum est quod homo se Deo dare tenetur . Nunc considerandum est quid homo de se Deo dare debeat . Debet enim homo Deo dare quatuor , scilicet cor , animam , mentem , & fortitudinem . Et ideo dicitur Mat. 12. *Diliges Dominum Deum tuum ex toto corde tuo , & ex tota anima tua , & ex tota mente tua , & ex tota virtute* , id est , fortitudine tua . Sciendum est autem , quod per cor intelligitur hic intentio . Est autem intentio tantae virtutis , quod omnia opera ad se trahit . Unde quaecumque bona mala intentione facta , in mala convertuntur : Lucae 11. *Si oculus* , id est intentio , *nequam fuerit , totum corpus tenebrosum erit* : id est congeries bonorum operum tuorum tenebrosa erit . Et propterea in omni opere nostro intentio ponenda est in Deo : Apof. 1. Corin. 10. *Sive ergo manducatis , sive bibitis , vel aliud facitis , omnia in gloriam Dei facite* . Sed bona intentio non sufficit , immo oportet , quod adsit bona voluntas , quae per animam significatur . Fre-

Quatuor
dare Deo
homo debet.

1. Intentio-
nem.

2. Volun-
tatem .

Frequenter enim aliquis bona intentione operatur, sed inutiliter, cum bona voluntas desit: ut si quis furetur, ut pascat pauperem, est quidem recta intentio, sed deest rectitudo debitae voluntatis, unde nullum malum bona intentione factum excusatur: Rom. 3. *Qui dicunt, faciamus mala, ut veniant bona, quorum damnatio iusta est.* Tunc autem adest bona voluntas intentioni, quando ipsa voluntas voluntati divinae concordat, quod quotidie postulamus dicentes: *Fiat voluntas tua &c.* Et Psal. 39. *Ut facerem voluntatem tuam, Deus meus, volui.* Et propter hoc dicit, *in tota anima tua.* Anima enim in scriptura frequenter pro voluntate accipitur, ut Hebraeor. 10. *Quod si subtraxerit se, non placebit animae meae,* id est, voluntati meae. Sed aliquando est bona intentio, & bona voluntas, sed in intellectu quandoque aliquod peccatum habetur: & ideo totus intellectus dandus est Deo: Apost. 2. Corint. 10. *In capivitatem redigentes omnem intellectum in obsequium Christi.* Multi enim in opere non peccant, sed tamen volunt ipsa peccata cogitare frequenter, contra quos dicitur Isa. 1. *Auferite malum cogitationum vestrarum.* Sunt etiam multi, qui in sua sapientia confidentes, nolunt fidei assentire, & tales non dant mentem Deo. Contra hos dicitur Proverb. 3. *Ne innitaris prudentiae tuae.* Sed adhuc istud non sufficit, immo totam virtutem, & fortitudinem Deo dare oportet: Psal. 58. *Fortitudinem meam ad te cundiam.* Aliqui enim sunt, qui fortitudinem suam tribuunt ad peccandum, & in hoc suam poten-

3. Intellectum.

4. Fortitudinem.

potentiam manifestant , contra quos dicitur Isa. 5. *Vae qui potentes estis ad bibendum vinum* &c. Aliqui ostendunt potentiam suam , vel virtutem in nocendo proximis , cum deberent eam ostendere in subveniendi ipsis : Proverb. 24. *Erue eos, qui ducuntur ad mortem* &c. Igitur ad diligendum Deum danda sunt ista Deo , scilicet intentio , voluntas , mens, fortitudo .

De secundo divinae legis mandato .

Interrogatus Christus , quod esset maximum mandatum , uni interrogationi duas responsiones dedit . Et prima fuit , *Diliges Dominum Deum tuum* , de quo dictum est . Secunda vero fuit , *Et proximum tuum sicut teipsum* . Ubi considerandum est , quod qui hoc servat , totam legem implet : Apost. Romanor. 13. *Plenitudo legis est dilectio* . Sed sciendum quod ad dilectionem proximi quatuor nos inducunt . Primo, divinus amor , quia sicut dicitur 1. Joan. 4. *Si quis dixerit , quoniam diligo Deum , & fratrem suum oderit , mendax est* . Qui enim dicit se diligere aliquem , & filium ejus , vel ejus membra odio habet , mentitur . Omnes autem fideles filii , & membra Christi sumus : Apost. 1. Corinth. 12. *Vos estis corpus Christi , & membra de membro* . Et ideo, qui odit proximum , non diligit Deum . Secundum est divinum praeceptum . Christus enim in recessu suo inter omnia alia praecepta hoc praeceptum discipulis praecipue commendavit dicens Joan. 15. *Hoc est praeceptum meum , ut diligatis invicem* &c. Nullus enim

Ad dilectio-
nem proxi-
mi inducit
1. amor Dei.

2. Divi-
num praece-
ptum .

enim praecepta divina servat, qui proximum odit: unde istud est signum observantiae divinae legis, dilectio proximi. Unde Dominus Joan. 13. *in hoc cognoscent omnes, quia discipuli mei estis, si dilectionem habueritis ad invicem.* Non dicit in suscitatione mortuorum, non in aliquo evidenti signo; sed hoc est signum, *si dilectionem habueritis ad invicem.* Et hoc beatus Joannes recte considerabat: unde dicebat 1. Joan. 3. *Nos scimus quoniam translati sumus de morte ad vitam.* Et quare? *quoniam diligimus fratres. Qui non diligit, manet in morte.* Tertium est, naturae communicatio. Sicut enim dicitur Ecclesiast. 13. *Omne animal diligit simile sibi.* Unde cum omnes homines sint similes in natura, invicem se diligere debent; & ideo odire proximum non solum est contra divinam legem, sed etiam contra legem naturae. Quartum utilitatis consecutio: omnia enim alterius alii sunt utilia per caritatem; haec enim est, quae unit Ecclesiam, & omnia communia facit: Psal. 118. *Particeps ego sum omnium timentium te &c.*

Diliges proximum tuum sicut teipsum. Istud est secundum praeceptum legis, & est de dilectione proximi. Quantum autem proximum diligere debeamus, jam dictum est. Et dicendum restat de modo dilectionis, qui quidem innuitur cum dicitur *sicut teipsum.* Circa quod verbum quinque considerare possumus, quae in dilectione proximi servare debemus. Primum est, quia debemus eum diligere vere sicut nos, quod facimus, si propter seipsum diligimus: non propter nos. Ideo notandum, quod triplex est

3. Naturae communitas.

4. Utilitas.

Modi diligendi proximum.

1. Vere.

est amor , quorum duo non sunt veri , tertius autem verus . Primus est , qui est propter utile : Eccles. 6. *Est amicus socius mensue , & non permanebit in die necessitatis .* Sed certe iste non est verus amor . Deficit enim , deficiente utilitate ; & tunc nolumus bonum proximo , sed potius bonum utilitatis volumus nobis . Est & alius amor , qui est propter delectabile , & hic etiam non est verus , quia , deficiente delectabili , deficit . Et ideo nolumus bonum propter hoc principaliter proximo , sed potius bonum suum nobis volumus . Tertius est amor , qui est propter virtutem , & iste solus est verus . Tunc enim non diligimus proximum propter bonum nostrum , sed

2. Ordinate. propter suum . Secundum est quod debemus diligere ordinate , ut scilicet non diligamus eum supra Deum , vel quantum Deum , sed juxta , sicut teipsum debes diligere : Cantic. 2. *Ordinavit in me caritatem .* Hunc ordinem docuit Dominus Matth. 10. dicens . *Qui amat patrem , aut matrem plus quam me , non est me dignus . Et qui amat filium , aut filiam super me , non est me dignus .* Tertium est , quod debemus eum diligere efficaciter . Non enim te solum diligis , sed etiam procuras studiose tibi bona , & vitas mala . Sic quoque debes facere proximo : 1. Joan. 3. *Non diligamus verbo , neque lingua , sed opere & veritate .* Sed certe illi pessimi sunt , qui ore diligunt , & corde nocent , de quibus psal. 27. *Loquuntur pacem cum proximo suo , mala autem in cordibus eorum .*

3. Efficaciter .

4. Perseveranter .

Apost. Romanor. 12. *Dilectio sine simulatione .* Quartum , quod demus eum diligere perseveranter .

panter, sicut & te perseveranter diligis: Proverb. 17. *Omni tempore diligit, qui amicus est, & frater in angustiis comprobatur*, scilicet tam tempore adversitatis, quam prosperitatis, immo tunc, scilicet tempore adversitatis maxime probatur amicus, ut dicitur ibidem. Sed sciendum, quod duo sunt, quae juvant ad amicitiam conservandam. Primum est patientia. *Vir enim iracundus suscitatur rixas*, ut dicitur Proverb. 25. Secundum est humilitas, quae causatur primum, scilicet patientiam: Prov. 13. *Inter superbos semper jurgia sunt*. Qui enim considerat magna de se, & despicit alium, non potest defectus illius pati. Quintum est, quod s. Juste, & eum debemus diligere juste, & sancte, ut sci- sancte. licet eum non diligamus ad peccandum, quia nec te sic debes diligere, cum Deum ex hoc amittas: unde Joan. 15. *Manete in dilectione mea*, de qua dilectione dicitur Ecclesiast. 24. *Ego mater pulchrae dilectionis*.

Diliges proximum tuum sicut teipsum. Hoc praeceptum Judaei, & Parisei male intelligebant, credentes quod Deus praeciperet diligendos amicos, & odiendos inimicos. Et ideo per proximos intelligebant tantum amicos. Hunc autem intellectum intendit Christus reprobare dicens, Matthaei 5. *Diligite inimicos vestros* &c. Sciendum autem, quod quicumque odit fratrem suum, non est in statu salutis: 1. Joan. 2. *Qui odit fratrem suum in tenebris est*. Est autem attendendum, quod etiam in hoc invenitur quaedam contrarietas. Nam sancti aliquos oderunt: Psal. 138. *Perfecte odio oderam illos* &c. Et in

Proximi
sunt amicus,
& inimicus.

Natura, non
culpa dili-
genda.

Evangelio Lucae 14. *Si quis non odit patrem suum, & matrem &c.* Et ideo sciendum, quod in omnibus factis nostris factum Christi debet esse nobis exemplum. Deus enim diligit, & odit, quia in quolibet homine duo sunt considerata, scilicet natura, & vitium. Natura quidem in omnibus hominibus diligi debet, vitium vero odiri: unde si quis vellet hominem esse in inferno, odiret naturam. Si quis vero vellet ipsum esse bonum, odiret peccatum, quod semper odiendum est: Psal. 5. *Odisti omnes, qui operantur iniquitatem, &c.* Sapien. 11. *Diligis Domine omnia, quae sunt, & nihil odisti eorum quae fecisti.* Ecce ergo quod Deus diligit, & odit, diligit naturam, & odit vitium. Sciendum etiam, quod homo aliquando sine peccato potest malum facere, quando scilicet sic facit malum, ut velit bonum, quia & Deus sic facit. Sicut cum homo infirmatur, convertitur ad bonum, qui in sanitate erat malus. Item, in adversitate aliquis convertitur, & est bonus, qui in prosperitate erat malus, juxta illud Isa. 28. *Vexatio intellectum dabit auditui.* Item, si desideras malum tyranni destruentis Ecclesiam, in quantum desideras bonum Ecclesiae per destructionem tyranni. Unde 2. Machab. 1. *Per omnia benedixit Deus, qui tradidit impios.* Et hoc omnes debent velle non solum voluntate, sed etiam opere. Non enim est peccatum suspendere juste malos: *Ministri enim Dei sunt tales*, secundum Apostolum Ro. 13. Et servant isti dilectionem, quia poena fit aliquando propter castigationem, aliquando propter bonum melius, & divi-

Mali puniendi.

divinius . Est enim majus bonum unius civitatis ,
quam vita unius hominis . Sed sciendum , quod
non sufficit non velle malum , sed oportet velle
bonum , scilicet emendationem suam , & vitam
aeternam . Duobus enim modis quis vult bo-
num alterius . Uno modo generaliter , inquan-
tum est creatura Dei , & participabilis vitae
aeternae . Alio modo specialiter , inquantum
est amicus vel socius : a generali autem dilectione
nullus excluditur . Debet enim quilibet pro
quolibet orare , & cuilibet in necessitate ultima
subvenire . Sed non teneris cum quolibet habere
familiaritatem , nisi peteret veniam , quia
tunc esset amicus , & si refutares , haberes odio
amicum . Unde Matth 6. dicitur . *Si dimiseritis
hominibus peccata eorum , dimittet & pater vester
caelestis delicta vestra ; si autem non dimise-
ritis hominibus , nec pater vester dimittet vobis
peccata vestra* . Et in oratione Dominica , quae
ponitur Matth. 6. dicitur . *Dimitte nobis debita
nostra , sicut & nos dimittimus debitoribus no-
stris* .

Diliges proximum tuum sicut te ipsum . Inimicus ad
dictum est quod tu peccas , si non parcis ve-
niam postulanti , & quod perfectionis est , si tu
eum ad te revocas , licet non tenearis . Sed ad
hoc ut eum trahas ad te , multae rationes indu-
cunt . Prima est propriae dignitatis conservatio :
diversae enim dignitates diversa signa habent .
Nullus autem propriae dignitatis signa dimittere
debet . Inter omnes autem dignitates major est ,
quod quis sit Filius Dei : hujus autem dignitatis
signum est , si diligis inimicum : Matth. 5. *Di-*

r. Ob di-
gnitatem
propriam .

ligite inimicos vestros , ut sitis Filii Patris vestri qui in caelis est . Si enim diligis amicum , non est hoc signum filiationis divinae : nam Publicani , &

2. Ob victo-
riae acqui-
sitionem .

*Ethnici hoc faciunt , ut dicitur Matth. 5. Secunda est victoriae acquisitio . Omnes enim hoc naturaliter desiderant : oportet ergo , quod vel trahas eum , qui te offendit , ad dilectionem bonitatis tuae , & tunc vincis : vel quod alius trahat te ad odium , & tunc perdis : Roman. 12. *Noli vinci a malo , sed vince in bono malum .**

3. Ob utili-
tatem .

*Tertia est multiplicis utilitatis consecutio . Acquirunt enim ex hoc amicos : Roman. 12. *Si esurierit inimicus tuus , ciba illum : si sitit , potum da illi , hoc enim faciens carbones ignis congeres super caput ejus .* Augustin. *Nulla major provocatio ad amorem , quam praevenire amando . Nullus enim est ita durus , qui etsi dilectionem nolit impendere , nolit tamen rependere , quia ut dicitur Eccle. 6. *Amico fideli nulla comparatio .* Prover. 16. *Cum placuerint Domino viae hominis , inimicos quoque ejus convertet ad pacem .***

4. Ob pre-
cum exaudi-
tionem .

*Quarta est , quia ex hoc preces tuae facilius exaudiuntur . Unde super illud Jerem. 15. *Si steterint Moyses , & Samuel coram me ,* dicit Gregor. quod fecit potius de istis mentionem , quia rogaverunt pro inimicis . Similiter Christus ait Lucae 23. *Pater dimitte illis .* Item , beatus Stephanus orando pro inimicis magnam utilitatem fecit Ecclesiae , quia Paulum convertit .*

5. Ob peccati
evagationem .

Quinta est peccati evasio , quam maxime desiderare debemus . Aliquando enim peccamus , nec Deum quaerimus , & Deus trahit nos ad se vel infirmitate , vel aliquo hujusmodi : 2. Oseae.

D. TH. AQUINAT. 181

Sepiam viam tuam spinis . Sic fuit tractus beatus Paulus . Psal. 118. Erravi sicut ovis , quae perii , quae servum tuum , Domine . Cantic. 1. Trahe me post te , & caeter . Hoc autem consequimur , si inimicum ad nos trahimus primo remittentes , quia ut dicitur Lucae 6. Eadem mensura , qua mensi fueris , remetietur vobis . Et ibidem . Dimittite , & dimittimini . Et Matth. 5. Beati misericordes , quoniam ipsi misericordiam consequentur . Nulla est enim major misericordia , quam offendenti dimittere .

CAPUT III.

De pertinentibus ad divinae legis
mandata .

De primo Decalogi praecepto .

Non habebis Deos alienos : Exod. 20. Sicut jam dictum est , tota lex Christi dependet a caritate . Caritas autem pendet ex duobus praeceptis , quorum unum est de dilectione Dei , reliquum de dilectione proximi , & de istis duobus jam dictum est . Nunc autem sciendum , quod Deus dando legem Moyse , dedit decem praecepta in duabus tabulis lapideis scripta , quorum tria in prima tabula scripta pertinent ad amorem Dei , septem vero scripta in secunda tabula pertinent ad amorem proximi : & ideo tota lex fundatur in duobus praeceptis . Primum autem , quod pertinet ad amorem Dei est : *Non habebis Deos alienos* . Et ad hujus intellectum sciendum est , quod antiqui multipliciter hoc praeceptum transgrediebantur . Quidam enim colebant dae-

Praeceptum
hoc violant
i. cultores
daemonum .

monia : Psal. 95. *Omnes dii gentium daemonia* : Hoc autem est maximum omnium peccatorum , & horribile . Nunc quoque multi transgrediuntur hoc praeceptum , omnes scilicet , qui divinationibus & fortilegiis intendunt . Haec enim , secundum Augustinum , fieri non possunt , quin aliquod pactum cum diabolo contrahatur : Corinth. 1. 10. *Nolo vos fieri socios daemoniorum* . Et iterum ibidem . *Non potestis mensae Domini participes esse , & mensae daemoniorum* . Alii

2. Cultores astrorum . colebant caelestia corpora , credentes astra esse Deos : Sapien. 13. *Solem & lunam rectores orbis terrarum Deos putaverunt* : & ideo Moyses prohibuit Judaeis , quod non levarent oculos , nec adorarent solem , & lunam , & stellas : Deuteron. 4. *Custodite sollicitè animas vestras , ne forte elevatis oculis ad caelum , videas solem , & lunam , & omnia astra caeli , & errore deceptus adores ea , & colas , quae creavit Dominus Deus tuus in ministerium cunctis gentibus* . Idem dicitur Deuteron. 5. Contra hoc praeceptum peccant Astrologi , qui dicunt haec esse animarum rectores , cum tamen propter hominem facta

3. Cultores elementorum . sint , cujus solus Deus rector est . Alii vero colebant inferiora elementa : Sapien. 13. *Aut ignem , aut spiritum Deos putaverunt* . In quorum errorem inciderunt homines , qui inferioribus male utuntur , nimis ea diligentes : Apostolus Ephes. 5.

4. Cultores hominum , & animalium : *Aut avarus , quod est idolorum servitus* . Alii errantes colebant homines , vel aves , vel alios , vel seipso , quod quidem contigit ex tribus . Primo ex carnalitate : Sapien. 14. *Acerbo luctu dolens pater rapti cito sibi filii fecit imaginem , & illum*

illum, qui tunc quasi homo mortuus fuerat, nunc tamquam Deum colere coepit, & constituit inter servos suos sacra & sacrificia. Secundo, ex adulatione: cum enim quidam aliquos, quos non potuerunt honorare in praesentia, curaverunt in absentia honorare, faciendo scilicet eorum imagines, & colendo loco eorum: Sapient. 14. *Quem honorare volebant, fecerunt; ut illum, qui aberat, tamquam praesentem colerent.* Tales sunt quicumque diligunt, & venerantur homines plusquam Deum: Matth. 10. *Qui diligit patrem, aut matrem plusquam me, non est me dignus.* Psal. 145. *Nolite confidere in principibus, neque in filiis hominum, in quibus non est salus.* Tercio, ex praesumptione. Quidam enim ex praesumptione fecerunt se vocari Deos, sicut patet Judith. 3. de Nabuchodonosor. Ezech. 28. *Ele-vatum est cor tuum, & dixisti, Deus ego sum:* & hoc faciunt, qui plus suo sensui, quam Dei praeceptis credunt. Isti enim se pro Diis colunt. Sequentes enim delectationes carnis, corpus suum pro Deo colunt. Apostolus Philip. 3. *Quorum Deus venter est.* Ab his ergo omnibus cavere oportet.

Exadulatione.

Ex praesumptione.

Non habebis Deos alienos &c. Sicut dictum est, primum praeceptum legis est hoc, quo prohibemur non colere nisi unum Deum. Et ad hoc etiam inducimur quinque rationibus. Prima sumitur ex Dei dignitate, quae si aufe-

Rationes conlendi Deum.
1. Ejus dignitas.

dam Deo faciunt : Rom. 1. *Mutaverunt gloriam incorruptibilis Dei in similitudinem imaginis corruptibilis hominis : & hoc summe Deo displicet : Isa. 42. Gloriam meam alteri non dabo , & laudem meam sculptilibus .* Et considerandum , quod haec Dei dignitas est , scilicet quod omnia sciat . Unde Deus dicitur a videndo , hoc enim est unum signum deitatis : Isa. 41. *Annuntiate , quae venturae sunt in futurum , & sciemus quia dii estis vos .* Hebraeor. 4. *Omnia nuda , & aperta sunt oculis ejus .* Hanc autem dignitatem auferunt divinatores , contra quos dicit Isa. 8. *Numquid non populus a Deo suo requirit visionem pro vivis ac mortuis ?* Secunda ratio sumitur ex ejus largitate . Omne enim bonum habemus a Deo : & hoc etiam ad dignitatem Dei pertinet , quod factor , & dator est omnium bonorum : Psal. 103. *Aperiente te manum tuam , omnia implebuntur bonitate : & hoc importatur in hoc nomine , Deus , quod dicitur a distributione , id est , dator rerum , quia omnia replet sua bonitate .* Nimis ergo ingratus es , si hoc ab illo tibi collatum non recognoscis , immo facis tibi alium Deum , sicut filii Israeleducti de Aegypto fecerunt idolum : Osee 2. *Vadam post amatores meos .* Hoc etiam fit , quando quis in alio , quam in Deo spem ponit , hoc est , quando adjutorium ab alio petit : Psal. 39. *Beatus vir , cujus est nomen Domini spes ejus .* Apostol. ad Galat. 4. *Cum cognoveritis Deum , quomodo convertimini iterum ad infirma , & egena elementa ? Dies observatis , & menses , & tempora , & annos .* Tertia ratio sumitur ex promissi firmitate

2. Ejus largitas .

3. Nostra Promissio .

mitate. Abrenuntiavimus enim diabolo, & fidem promissimus soli Deo: unde non debemus ipsam infringere: Hebraeor. 10. *Irritam quis faciens legem Moysi sine ulla miseratione duobus, vel tribus testibus moritur; quanto magis putatis deteriora mereri supplicia, qui Filium Dei conculcaverit, & sanguinem testamenti pollutum duxerit, in quo sanctificatus est, & spiritui gratiae contumeliam fecerit?* Romanor. 7. *Vivente viro, votabitur adultera si fuerit cum alio viro; & talis debet comburi.* Eccl. 2. *Vae ergo peccatori ingredienti terram duabus viis, claudicantibus in duas partes.* Quarta ratio 4. Diaboli est ex dominii diabolici gravitate: Jerem. 16. *Servietis diis alienis die ac nocte, qui non dabunt vobis requiem.* Non enim quiescit in uno peccato, sed potius nititur ad aliud ducere. Qui facit peccatum, servus est peccati: ideo non de facili quis egreditur de peccato. Gregor. *Peccatum, quod per poenitentiam non diluitur, mox suo pondere in aliud trahit.* Contrarium est de dominio divino, quia praecepta ejus gravia non sunt: Matth. 11. *Jugum enim meum suave est, & onus meum leve.* Satis enim reputatur quis facere, si tantum facit pro Deo, quantum fecit pro peccato: Romanor. 6. *Sicut exhibuistis membra vestra servire immunditiae, & iniquitati ad iniquitatem, ita nunc exhibere membra vestra servire justitiae in sanctificationem.* Sed de servis diaboli dicitur Sapient. 5. *Lassati sumus in via iniquitatis & perditionis, & ambulavimus vias difficiles.* Et Hierem. 9. *Ut inique agerent, laboraverunt.* Quinta est

5. Prae- ex praemii, sive muneris immensitate. In nul-
 mium aere- la enim lege talia promittuntur praemia, sicut
 num. in lege Christi. Saracenis enim promittuntur
 fluvii lactis, & mellis, Judaeis terra promissio-
 nis, sed Christianis Angelorum gloria: Matth. 22.
Erunt sicut Angeli Dei in caelo. Hoc confide-
 rans Petrus ait Johan. 6. *Domine, ad quem ibi-*
mus? verba vitae aeternae habes.

De secundo Decalogi praecepto.

Vanum tri-
 plex.
 1. Falsum.

Non assumes nomen Domini Dei tui in va-
 num: Exod. 20. Hoc est secundum prae-
 ceptum legis: & sicut non est nisi unus Deus,
 quem debemus colere, ita non est nisi unus, quem
 debemus maxime venerari, & primo quantum
 ad nomen; unde, *Non assumes* &c. Sciendum
 quod vanum dicitur tripliciter, aliquando enim
 dicitur falsum: Psal. 12. *Vana locuti sunt* &c.
 Assumis ergo nomen Dei in vanum, quando as-
 sumis illud ad confirmationem falsitatis: Zach. 8.
Juramentum mendax ne diligatis. Idem 13.
Non vives, quia locutus es mendacium in no-
mine Domini. Talis autem facit injuriam Deo,
 sibi ipsi, & omnibus hominibus. Deo quidem,
 quia cum jurare per Deum nihil aliud sit, nisi
 invocare ejus testimonium; cum juras falsum,
 aut credis Deum nescire verum, & sic ponis
 ignorantiam in Deo, cum tamen *omnia nuda &*
aperta sint oculis ejus, ut dicitur Hebraeor. 4.
 aut quod diligit mendacium, cum tamen odiat
 ipsum: Psal. 5. *Perdes omnes, qui loquuntur*
mendacium: aut derogas potentiae, quasi non
 possit

possit testimonium reddere, vel quasi non possit de eo punire. Item, facit injuriam sibi ipsi, obligat enim se iudicio Dei. Nihil est autem aliud dicere, per Deum ita est, nisi quod Deus puniat me, si non est ita. Item, injuriatur aliis hominibus. Nulla enim inter aliquos societas durare potest, nisi credant sibi invicem. Dubia autem juramentis confirmantur: Hebraeor. 6. *Omnis controversiae finis ad confirmationem est juramentum.* Injuriatur ergo Deo, crudelis est sibi, & noxius est hominibus. Aliquando dicitur vanum inutile: Psal. 93. *Dominus scit cogitationes hominum, quoniam vanae sunt:* & ideo confirmando vanitatem assumitur nomen Dei in vanum. In veteri enim lege prohibitum fuit, ut non juraretur falsum: Deuteron. 5. *Non usurpabis nomen Dei tui frustra* &c. Sed Christus prohibuit non nisi in necessitate jurare: & ideo dicitur Matth. 5. *Audistis quia dictum est antiquis, non jurabis. Ego autem dico vobis: nolite jurare omnino.* Et hujus ratio est, quia in nulla parte ita fragiles sumus, sicut in lingua, quia eam nullus domare potuit, sicut dicitur Jacob. 3. Et ideo de levi posset homo dejerare: Matth. 5. *Sit sermo vester, est est, non non.* Et iterum. *Ego autem dico vobis: Nolite jurare omnino.* Et nota, quod juramentum est sicut medicina, quae non semper accipitur, sed in necessitate, & ideo ut dicitur Matth. 5. *Quod his amplius est, a malo est.* Ecclesiast. 23. *Jurationi non assuescat os tuum, multi enim casus in illa. nominatio vero Dei non sit assidua in ore tuo, & nominibus sanctorum ne adminiscearis, quoniam non*

2. Vanum
inutile.

3. Vanum
injustum.

non eris immunis ab eis. Aliquando autem dicitur vanum, peccatum, vel injustitia: Psal. 4. *Filli hominum usquequo gravi corde? ut quid diligitis vanitatem?* Qui ergo jurat pro peccato faciendo, assumit nomen Dei sui in vanum. Justitiae vero partes sunt, facere bonum, & dimittere malum. Si ergo juras facere furtum, vel aliud hujusmodi, hoc contra justitiam est: & quamvis non sit servandum hoc juramentum, tamen sic jurans perjurus est. Talis fuit Herodes contra Joannem, Matth. 6. Similiter contra justitiam facit, qui jurat non facere bonum, sicut non intrare Ecclesiam, vel Religionem: & hoc etiam juramentum non est servandum, & tamen perjurus est jurans. Non est ergo jurandum de falso, non de inutiles, non etiam de injustitia: & ideo dicitur Hierem. 4. *Et jurabis, vivit Dominus in veritate, & in judicio, & in justitia*. Vanum dicitur aliquando fatuum: Sapient. 13. *Vani sunt omnes homines, in quibus non est scientia Dei*. Qui ergo accipiunt nomen Dei stulte, sicut blasphemi, assumunt nomen Dei in vanum: Levit. 24. *Qui blasphemaverit nomen Domini, morte morietur*.

4. Vanum
fatuum.

Nomen Dei
assumitur.
1. ad confirmationem.
dicti.

Non assumes nomen domini Dei tui in vanum. Sciendum quo nomen Dei sumitur ad sex. Primo quidem, ad dicti confirmationem, sicut in juramento, & in hoc confitemur, quod prima veritas non est nisi in Deo: in hoc autem sit reverentia Deo. Unde in lege praecipitur: Deut. 6. quod non juretur, nisi per Deum. Contrarium faciunt, qui aliter jurant: Exod. 23. *Non jurabis nomina deorum exterorum*. Et quamvis

vis aliquando juretur per creaturas, tamen sciendum, quod in omnibus his non juratur, nisi per Deum. Cum enim juras per animam tuam, vel caput tuum, idem est, quod eam obligare poenae infligendae a Deo: Apostolus 2. Cor. 1. *Testem Deum invoco in animam meam*. Item, cum juras per Evangelium, juras per Deum, qui dedit Evangelium, & ideo peccant, qui jurant per Deum de facili, aut per Evangelium. Secundo sumitur ad sanctificationem. Baptismus enim sanctificat. Apostolus 1. Corinth. 6. *Sed abluti estis, sed sanctificati estis, sed justificati estis in nomine Domini nostri Jesu Christi*. Hoc autem non habet virtutem, nisi in invocatione Trinitatis: Hierem. 14. *Tu autem in nobis es, Domine, & nomen sanctum tuum invocatum est super nos*. Tertio sumitur ad adversarii expulsionem. Unde ante baptismum abrenuntiatur diabolo: Isa. 4. *Tantummodo invocetur nomen tuum super nos, aufer opprobrium nostrum*. Et ideo si redis ad peccata, nomen Dei sumitur in vanum. Quarto sumitur ad ejusdem nominis confessionem: Apost. Rom. 10. *Quomodo invocabunt, in quem non crediderunt?* Et iterum. *Omnis enim quicumque invocavit nomen Domini, salvus erit*. Confitemur autem primo ore ad manifestandum gloriam Dei: Isa. 43. *Omnis, qui invocat nomen meum, in gloriam meam creavi eum*. Ergo si dicis aliquid contra gloriam Dei, assumis nomen Dei in vanum. Confitemur secundo opere, cum ea operamur, quae gloriam Dei manifestant: Matth. 5. *Videant opera vestra bona, & glorificent patrem vestrum, qui in caelis est*. Contrarium faciunt qui-

2. Ad nostram sanctificationem.

3. Ad Dæmonis expulsionem.

4. Ad ejusdem nominis confessionem.

- quidam , de quibus dicit Apost. Rom. 2. *Nomen Dei per vos blasphematur inter gentes .* Quinto assumitur ad defensionem : Proverb. 18. *Turris fortissima nomen Domini , ad ipsam currit justus , & exaltabitur .* Marci ulti. *In nomine meo daemonia ejicient .* Actuum 4. *Non est aliud nomen sub caelo datum hominibus , in quo oporteat nos salvos fieri* Sexto sumitur ad operis completionem : Apost. Collofen. 3. *Omne quodcumque facitis in verbo , aut opere , omnia in nomine Domini nostri Jesu Christi facite .* Psalm. 123. *Adjutorium nostrum in nomine Domini .* Sed quia aliquando aliquis indiscrete incipit , sicut accidit in voto , quod non adimpletur , tunc etiam in vanum nomen Domini assumitur . Unde Ecclesiast. 5. *Si quid vovisti Deo , ne moreris reddere .* Psal. 75. *Vovete &c. Displicet enim ei infidelis & stulta promissio .*
4. Ad no-
stram de-
fensionem .
6. Ad ope-
ris comple-
tionem .

De tertio Decalogi praecepto .

- M**emento ut diem sabbathi sanctifices: Exod. 20. Hoc est tertium mandatum legis , & convenienter . Primo enim debemus Deum venerari corde : unde praecipitur , quod non colatur nisi unus Deus , unde , *non habebis Deos alienos* . Secundo ore , unde , *non assumes* . Tertio opere , & hoc est , *Memento &c.* Voluit enim ut esset certus dies , in quo intenderent homines ad servitium Dei . Habetur autem hoc praeceptum quinque rationibus . Primo enim datum fuit ad destructionem erroris . Praevидit enim Spiritus sanctus , quod futuri erant aliqui dicturi ,
- Colendus
Deus .
1. corde .
2. Ore .
3. Opere .
- Hoc prae-
ceptum da-
tum I. ad de-
structionem
erroris .
- mun-

mundum semper fuisse : 2. Pet. 3. *Venient in novissimis diebus in deceptiones illusores juxta proprias concupiscentias ambulantes, dicentes, ubi est promissio, aut adventus ejus. Ex quo enim patres dormierunt, omnia sic perseverant ab initio creaturae; latet enim eos hoc volentes, quod caeli erant prius, & terra.* Voluit ergo Deus, ut custodiretur unus dies in memoriam, quod Deus omnia creavit in sex diebus, & in septimo quievit a novis creaturis condendis, & hanc rationem ponit Dominus in lege, dicens : *Memento ut diem sabbathi sanctifices.* Sed Judaei in memoriam primae creationis colebant sabbathum : Christus autem veniens fecit novam creationem; per primam enim homo terrenus, per secundam homo caelestis effectus est: Gal. 6. *In Christo Jesu neque circumcisio aliquid valet, neque praeputium, sed nova creatura:* & haec nova creatura est per gratiam, quae incoepit in resurrectione: Rom. 6. *Quomodo Christus surrexit a mortuis per gloriam patris, ita & nos in novitate vitae ambulemus. Si enim complantati facti sumus similitudini mortis ejus, simul & resurrectionis erimus.* Et quia resurrectio facta est in Dominica, ideo celebramus illum diem, sicut Judaei sabbathum propter primam creationem. Secundo. 2. Ad in-

datum fuit ad instructionem fidei Redemptoris. *structiōnem*
 Caro enim Christi in sepulcro corrupta non fuit: *fidei.*
 unde dicit Psal. 15. *Caro mea requiescet in spe.*
 Item ibid. *Non dabis sanctum tuum videre corruptionem:* unde voluit sabbathum observari,
 ut sicut sacrificia significabant mortem Christi,
 ita quies sabbathi requiem carnis ejus. Sed nos.
 ista

ista sacrificia non servamus, quia adveniente re, & veritate, debet cessare figura, sicut adveniente sole, cessat umbra. Servamus tamen in veneratione Virginis gloriosae, in qua remansit

3. Ad veri-
tatem pro-
missionis .

tota fides tali die in morte Christi . Tertio datum fuit ad roborandum, sive figurandum veritatem promissionis . Promittitur enim nobis quies :

Isa. 14. *Erit in die illa, cum requiem dederit tibi Deus a labore tuo, & a concussione tua, & a servitute dura, qua ante servisti.* Item Isa.

32. *Sedebit populus meus in pulchritudine pacis, & in tabernaculis fiduciae, & requie opulenta.*

Et nota, quod expectamus requiem de tribus: de labore praesentis vitae, de tentationum concussione, & de diaboli servitute. Hanc Christus repromisit venientibus ad se, dicens Matt. 11. *Venite ad me omnes qui laboratis, & operati estis, & ego reficiam vos. Tollite iugum meum super vos, & discite a me, quia mitis sum, & humilis corde, & invenietis requiem animabus vestris. Iugum enim meum suave est, & onus meum leve.* Invenimus autem, quod Dominus operatus est sex diebus, & in septimo quievit, quia primo oportet facere opera perfecta: Ecclesi.

51. *Modicum laboravi, & inveni mihi multam requiem.* Plus enim incomparabiliter excedit tempus aeternitatis totum tempus praesens, quam mille anni diem unum. Quarto datum

4. Ad ex-
citandum
amorem .

fuit hoc praeceptum ad inflammationem amoris: Sapien. 9. *Corpus quod corrumpitur, aggravat animam, & ideo homo semper ad terrena inferius tendit, nisi conetur erigere se ab eis, & ideo oportet, habere certum tempus ad hoc: unde*

ali-

D. TH. AQUINAT. 193

aliqui toto tempore hoc faciunt : Psal. 33. *Benedicam Dominum in omni tempore , semper laus ejus in ore meo .* Apost. 1. Thesal. 5. *Sine intermissione orate , & hi continue sabbathum habent.* Aliqui hoc faciunt in aliqua parte temporis : Psal. 118. *Septies in die laudem dixi tibi .* Alii ne omnino alienarentur a Deo, oportuit quod haberent aliquem diem determinatum , ne nimis tepescat in eis amor Dei : Isa. 58. *Si vocaveris sabbathum delicatum , tunc delectaberis super Domino.* Job. 22. *Tunc super omnipotentem deliciis affluens, & elevabis ad Deum faciem tuam .* Non enim ad ludendum ordinatur talis dies , sed ad laudandum , & orandum Dominum Deum . Unde, Aug. dicit, quod *minus malum est tali die arare, quam ludere.* Quinto datum fuit ad opera pietatis respectu subjectorum . Aliqui enim crudeles sibi , & suis , non cessant continue operari propter lucrum , & hoc habent Judaei maxime , quia avarissimi sunt : Deuteron. 5. *Observa diem sabbathi , ut requiescant servus tuus , & ancilla tua sicut & tu : & post : Non facies in eo quicquam operis tu , & filius , & filia , servus , ancilla , bos , & asinus , & omne jumentum tuum , & requiescat servus , & ancilla tua, sicut & tu .* Propter praedicta ergo praedictum mandatum datum fuit .

§. Ad opera pietatis ,

Memento, ut diem sabbathi sanctifices . Dictum est , quia sicut Judaei celebrant sabbatum , sic nos Christiani Dominicam , & alia principalia festa . Videamus ergo quomodo ista servare debemus . Et sciendum , quod non dicit, custodi sabbathum , sed *Memento &c.* Sanctum

194 O P U S C U L A

Sanctum
duobus mo-
dis .

Cavendum
in festo .
1. A corpo-
rali opere .

Excusat ne-
cessitas .

Utilitas Ec-
clesiae .

Utilitas
proximi .

Auctoritas
superioris .

2. Caven-
dum a cul-
pa .

autem accipitur duobus modis , aliquando enim est sanctum idem, quod purum: Apost. 1. Cor. 6. *Sed abluti estis, sed sanctificati estis &c.* Aliquando dicitur sanctum res consecrata ad cultum Dei, ut locus, tempus, vestes, & vasa sacra. Istitis ergo duobus modis debemus festa celebrare, quia & pure, & mancipando se divino servitio. In isto ergo praecepto duo considerantur. Primo quidem, in festo quid cavendum sit, secundo, quid faciendum. Debemus autem cavere tria. Primo corporalem operam: Hierem. 17. *Sanctificabis sabbatum, ut non facias in eo opus servile*: unde & in lege dicitur, Leviti. 23. *Omne opus servile non facietis in eo*. Opus autem servile est opus corporale: nam opus liberum est animae, sicut intelligere, & huiusmodi, ad quod opus homo constringi non potest, Sed sciendum, quod opera corporalia possunt fieri in sabbatho propter quatuor. Primo propter necessitatem: unde Dominus excusavit discipulos evehlentes spicas in sabbatho, ut dicitur Matth. 12. Secundo propter Ecclesiae utilitatem: unde dicitur in Evangelio Matth. 12. *quod sacerdotes faciebant omnia, quae erant necessaria in templo in die sabbathi*. Tercio propter proximi utilitatem; unde Dominus curavit in die sabbathi habentem manum aridam, & confutavit Judaeos reprehendentes eum, ponens exemplum de ove, Matth. 12. Quarto propter superioris auctoritatem: unde Dominus praecepit Judaeis, ut circumciderent in die sabbathi, ut dicit Joan. 7. Secundo, debemus cavere culpam: Hierem. 17. *Custodite animas vestras: & nolite portare pondus*

dera in die sabbathi. Onus autem animae, vel pondus malum est peccatum: Psalm. 37. *Sicut onus grave gravatae sunt super me*. Peccatum autem opus servile est, quia ut dicitur Joan. 8. *Qui facit peccatum, servus est peccati*. Unde cum dicitur, *Omne opus servile non facietis in eo*, potest intelligi de peccato: & ideo contra praeceptum hoc facit quis, quando in sabbatho peccat, quia operando, & peccando Deus offenditur: Isa. 1. *Sabbathum, & festivitates alias non feram; & quare? quia iniqui sunt coetus vestri. Calendas vestras, & solemnitates vestras odivit anima mea, facta sunt mihi molesta*. Tertio debemus cavere negligentiam: Eccl. 33. *multam malitiam docuit otiositas*. Hieron. ad Rusticum: *Semper aliquid boni operis facito, ut te diabolus inveniat occupatum*: & ideo non est bonum custodire nisi principalia festa, si in aliis debeat homo esse otiosus: Psalm. 98. *Honor regis iudicium diligit*, scilicet discretionem. Unde 1. Machab. 2. dicitur quod Judaei quidam occultati erant, & inimici irruerunt super eos, qui credentes, quod se non possent in sabbatho defendere, victi & occisi sunt: ita accidit multis, qui otiosi sunt in festis. Thren. 1. *Viderunt eam hostes, & deriserunt sabbatha ejus*. Sed tales debent facere sicut illi Judaei fecerunt: unde 1. Machab. 2. dicitur, *Quicumque venerit ad nos in bellis in die sabbathorum, pugnemus*.

Memento ut diem sabbathi sanctifices. Sicut dictum est, homo diem festum debet sanctificare, & dictum est, quod sanctum dicitur duobus modis, quia & quod mundum est, &

3. Caven-
dum ab
otiositate.

Festa celebra-
branda 1. sa-
crificiis .

Dolore
peccatorum

Corporis
afflictio-
nibus .

Eleemo-
synis .

2. Vacando
verbo divi-
no .

quod Deo consecratum est . Item dictum est , a quibus tali die abstinere debemus . Nunc dicendum est , in quibus occupari debemus , & sunt tria . Primo , in faciendis sacrificiis : unde Num. 28. dicitur , quod Deus praecepit , quod quolibet die unus agnus mane , & alius vespere debeat offerri ; sed in sabbatho debent duplicari , & significat , quod in sabbatho debemus offerre Deo sacrificium , & de omnibus , quae habemus . 1. Paralip. 29. *Tua sunt omnia , & quae de manibus tuis accepimus , dedimus tibi .* Unde primo debemus ultro offerre animam nostram , dolendo de peccatis : Psal. 50. *Sacrificium Deo spiritus contribulatus ;* & orando pro beneficiis : Psal. 140. *Dirigatur Domine oratio mea , sicut incensum in conspectu tuo .* Factus est enim dies festus ad habendum spirituales laetitias , quam facit oratio ; unde & tali die multiplicari debent preces . Secundo , corpus nostrum affligere , & hoc jejuniando : Ro. 12. *Obsecro vos per misericordiam Dei , ut exhibeatis membra vestra hostiam viventem Deo sanctam , laudando .* Psal. 49. *Sacrificium laudis honorificat me :* unde in tali die cantus multiplicatur . Tertio , res tuas sacrificare , & hoc dando eleemosynas : Heb. 13. *Beneficentiae autem , & communionis nolite oblivisci : talibus enim hostiis promeretur Deus ;* & hoc in duplo magis , quam in aliis diebus , quia tunc est communis laetitia ; Esdr. 8. *Mittite parvas his , qui non paraverunt sibi , quia sanctus est Dominus , est .* Secundo in verborum Dei studio , sicut & Judaei faciunt hodie : Act. 13. *Prophetarum quae per omne sabbatum legun-*

guntur : unde & Christiani , quorum iustitia debet esse perfectior , debent tali die convenire ad praedicationes , & ad officium Ecclesiae : Joan. 8. *Qui est ex Deo, verba Dei audit* . Item, loqui utilia : Apost. Eph. 4. *Omnis sermo malus ex ore vestro non procedat ; sed si quis bonus , ad aedificationem* . Ista enim duo utilia sunt animae peccatoris , quia immutant cor ejus in melius . Jerem. 23. *Verba mea sunt quasi ignis ardens dicit Dominus, & quasi malleus conterens petram* . Contrarium autem accidit etiam imperfectis non loquentibus utilia, vel audientibus : Apostolus 1. Co. 115. *Corrumpunt bonos mores colloquia prava* . Evigilate iusti , & nolite peccare : & Psal. 118. *In corde meo abscondi eloquia tua* . Eloquium enim Dei instruit ignorantem : Psal. ibidem : *Lucerna pedibus meis* &c. Et inflammat tepescentem : Psal. 104. *Eloquium Domini inflammavit eum* . Tertio in Divinorum exercitiis . Hoc autem perfectorum est : Psal. 45. *Vacate & videte , quoniam suavis est Dominus , & hoc propter quietem animae ; sicut enim corpus fatigatum quietem desiderat , ita & anima* . Locus autem animae Deus : Psal. 30. *Esto mihi in Deum protectorem , & in locum refugii* . Heb. 4. *Itaque relinquitur sabbatissimus populo Dei* &c. Sap. 8. *Intrans in domum meam, quiescam cum illa* . Sed antequam ad hanc quietem perveniat anima , oportet tres quietes praecedere . Prima , ab inquietitudine peccati . Isai. 57. *Cor autem impii quasi mare fervens , quod quiescere non potest* . Secunda , a passionibus carnis , quia caro concupiscit adversus spiri-

3. Piis exercitiis insi-
stendo .

Quietes
animae
tres .

tum, spiritus autem adversus carnem, ut dicitur Gal. 5. Tertia, ab occupationibus mundi: Lucae 10. *Martha, Martha sollicita es, & turbaris erga plurima: & tunc potest haec anima libere quiescere in Deo: Isa. 58. Si vocaveris sabbathum delicatum, tunc delectaberis super Domino.* Propterea sancti omnia dimiserunt, quia haec est pretiosa margarita, quam qui invenit homo abscondit, & prae gaudio illius vadit, & vendit universa quae habet, & emit eam, ut dicitur Matth. 13. Haec enim requies vita aeterna, & delectatio aeterna est: Psal. 131. *Haec requies mea in saeculum saeculi, hic habitabo quoniam elegi eam, ad quam nos perducatur &c.*

De quarto Decalogi praecepto.

Praecepta
1. & 2. tabulae.

Honora patrem tuum &c. Perfectio hominis consistit in dilectione Dei, & proximi, & ad dilectionem Dei pertinent tria praecepta, quae scripta fuerunt in prima tabula: ad dilectionem vero proximi septem, quae sunt in secunda tabula. Sed sicut dicitur 1. Joan. 3. *Non debemus diligere verbo, neque lingua, sed opere, & veritate.* Homo enim sic diligens debet duo facere; scilicet fugere malum, & facere bonum: unde quaedam sunt in praeceptis inducentia ad bonum, alia autem sunt prohibentia facere malum. Et sciendum, quod cavere a malo faciendo est in potentia nostra, sed facere quodlibet bonum non possumus, & ideo dicit beatus Augustinus, quod nos omnes debemus diligere-

gere, sed non omnibus tenemur benefacere; sed inter omnes debemus benefacere conjunctis nobis: quia *si quis suorum, & maxime domesticorum curam non habet, infidelis est* 1. ad Tim. 5.

Inter omnes autem propinquos sunt nobis propinquiore pater, & mater; & ideo dicit Ambrosius: *Primo debemus diligere Deum, secundo patrem & matrem*: & hoc est, quod dicit, *honorare patrem tuum, & matrem tuam*. Et hujusmodi rationem reddit Philosophus, qui dicit, quod ex magno beneficio recepto ab eis non possumus eis respondere ex aequali: & ideo bene potest pater offensus expellere filium, sed non e converso.

Propin-
iores nobis Pa-
rentes.

Dant autem parentes filiis tria. Primo sta-

Dant 1. ef-
se.

bilimentum quo ad esse: Eccles. 7. *Honora patrem tuum, & gemitus matris tue non obli-*

scaris. Memento quoniam nisi per illos natus non fuisses. Secundo nutrimentum, sive fulcimentum

2. Nutri-
mentum.

quo ad necessaria vitae. Nudus enim intrat

in hunc mundum, ut dicitur Job. 1.; sed a parentibus sustentatur. Tertio documentum.

3. Docu-
mentum.

Hebraeor. 12. *Patres quidem carnis nostrae eru-*

ditores habuimus &c. Eccles. 7. *Filii tibi sunt, erudi illos*: & debent parentes dare duo docu-

menta filiis, & cito, quia ut dicitur Proverb. 22. *Adolescens juxta viam suam, etiam cum senue-*

rit, non recedet ab ea. Et Threnor. 3. *Bonum est viro cum portaverit jugum ab adolescentia,*

suas, & sunt illa, quae docuit Thobias filium suum, Thob. 4. scilicet timorem Domini, & abstinere ab omni peccato, & hoc est contra illos, qui

delectantur in malitiis filiorum, sed sicut dicitur Sapien. 4. Ex iniquis omnes filii, qui nascun-

tur

Filiorum in
Parentes of-
ficia.

tur testes sunt nequitiae adversus parentes : unde Deus punit peccatum parentum in filios , ut dicitur Exod. 20. Igitur filii a parentibus habent esse , nutrimentum , & disciplinam . Et quia esse habemus ab eis , debemus magis revereri quam dominos , a quibus solum res , praeterquam Deum , a quo habemus animam : Eccles. 3. Qui timet Dominum , honorat parentes , & quasi homini serviet his , qui se genuerunt , in opere , & sermone , & omni patientia . Honora patrem tuum , & matrem tuam , ut superveniat tibi benedictio a Deo. Et in hoc etiam honoras teipsum ; quia sicut dicitur Eccles. 3. Gloria hominis ex honore patris sui , & dedecus filii pater sine honore . Item , quia dant nobis nutrimentum in pueritia , & nos debemus eis dare in senectute . Eccles. 3. Fili , suscipe senectam patris tui , & non contristes eum in vita illius , & si defecerit sensu , veniam da , & ne spernas eum in tua virtute . Quam malae famae est , qui derelinquit patrem , & est maledictus a Deo , qui exasperat matrem . Ad confusionem illorum , qui contra faciunt , ponit Cassiodorus in epistolis lib. 2. quod ciconiae cum parentes earum pennas senio laxaverunt , nec ad proprios cibos idonei possunt inveniri , plumis suis genitorum membra foventes , escis corpora laxa reficiunt , & pia vicissitudine juvenes reddunt , quod a parentibus parvuli susceperunt . Item tertio , qui docuerunt nos , debemus eis obedire : Colossen. 3. Filii obedite parentibus vestris , nisi scilicet in his , quae sunt contra Deum : Hieronymus ad Heliodorum : Solum pietatis genus est in hac re esse

CRU-

crudelem . Lucae 14. Si quis non odit patrem suum , & matrem , non potest meus esse discipulus . Deus enim verior pater est : Deuteron. 32. Nunquid non ipse est pater tuus , qui possedit , & fecit , & creavit te ?

Honora patrem tuum &c. Inter omnia praecepta huic tantum adjungitur , *ut sis longaevus super terram* . Et ratio hujus est , ne credatur , non deberi praemium honorantibus parentes , quia est naturale . Sed sciendum , quod honorantibus parentes quinque desiderabilia

Honorantibus parentes promittitur .
1. gratia .

promittuntur . Et primum est gratia in praesentibus , gloria in futuro , quae maxime desiderantur . Ecclesiast. 3. *Honora patrem tuum , ut superveniat tibi benedictio a Deo &c.* Contrarium debetur maledicentibus , & etiam in lege maledicuntur a Deo , ut dicitur Deuter. 27. Et Lucae 16. dicitur : *Qui in modico iniquus est , & in majori iniquus est* . Sed vita naturalis quasi nihil est in comparatione ad vitam gratiae . Si ergo non recognoscis beneficium vitae naturalis , quam habes a parentibus , indignus es vita gratiae , quae major est , & per consequens vita gloriae , quae maxima est . Secundum desiderabile est vita . Unde *ut sis longaevus super terram* dicitur . Ecclesiast. 3. *Qui honorat patrem suum vita , vivet longiore* . Et nota , quod vita longa est , quando est plena , & quae non mensuratur tempore , sed actione , secundum Philosophum . Tunc autem plena est vita , quando est virtuosa : et ideo virtuosus , & sanctus diu vivit , quamvis cito moriatur corporaliter . Ideo dicitur Sap. 4. *Consumatus in brevi , explevit tempora multa : placita*

2. Vita longa .

ta enim erat Deo anima illius. Optime autem mercatur ille, qui tantum facit una die, quantum alius in uno anno. Et nota, quod aliquando accidit, quod longior vita causa est mortis corporalis, & spiritualis, sicut accidit Judae. Praemium ergo est vita corporalis: sed contrarium, scilicet mortem acquirunt illi, qui injuriant parentibus. Habemus enim ab eis vitam; sicut milites a rege feudum: & ideo sicut dignum est, quod illi amittant pro prodicione feudum, ita isti propter injuriam illatam parentibus vitam. Prov. 30. Oculum, qui subsannat patrem, & qui despicit partum matris suae, suffodiant eum corvi de torrentibus, & comedant eum filii aquilae. Per filios aquilae intelliguntur reges, et principes, per corvos officiales: & si aliquando non puniuntur corporaliter, mortem tamen spiritualem effugere non possunt. Propterea pater non debet potestatem multam dare filiis: Eccles. 33. Dum adhuc superes & aspiras, non immutet te omnis caro. Item cap. 33. Filio & mulieri, fratri, & amico non des potestatem super te in vita tua, & ne dederis illis possessionem in vita tua, ne forte poeniteat te. Tertium est, habere filios

3. Proles
grata, & ac-
cepta.

sibi gratos, & acceptos. Naturaliter enim pater thesaurizat filiis, sed non e converso: Eccles. 3. Qui honorat patrem suum, jucundabitur in filiis.

4. Fama
laudabilis.

Matth. 7. In qua mensura mensi fueritis, remetietur vobis. Quartum est, habere famam laudabilem: Eccles. 3. Gloria hominis ex bonore patris sui; & iterum: Quam malae famae est, qui

5. Divitiae.

derelinquit patrem. Quintum est, habere divitias. Eccles. 3. Benedictio patris firmat domos filiorum,

ma-

maledictio autem matris eradicat fundamenta.

Honora patrem &c. Notandum, quod non solum dicitur aliquis pater ratione carnalis generationis, sed quibusdam aliis rationibus aliquid dicuntur patres, & cuilibet eorum debetur aliqua reverentia. Dicuntur enim patres Apostoli, & alii Sancti per doctrinam, & exemplum fidei. Apostolus 1. Corinth. 4. *Nam si decem millia paedagogorum habeatis in Christo, sed non multos patres: nam in Christo Jesu per Evangelium ego vos genni.* Et ideo dicitur Eccles. 44. *Laudemus viros gloriosos, & parentes nostros in generatione sua; laudemus autem non ore, sed imitatione: & hoc fit, si non invenitur in nobis contrarium ejus, quod laudamus: Heb. 13. Mementote Praepositorum vestrorum, quorum intuentes exitum conversationis, imitamini fidem.* Dicuntur etiam Praelati patres, & isti venerandi sunt; sunt enim Dei ministri: Luc. 10. *Qui vos audit, me audit: & qui vos spernit, me spernit;* & ideo debemus eos honorare obediendo: Hebr. 13. *Obedite Praepositis vestris, & subjacete eis;* Et decimas praebendo: Prov. 3. *Honora Dominum de tua substantia, & de primitiis frugum tuarum da pauperibus.* Item, Reges & Principes: 4. Regum 5. *Pater, & si rem grandem dixisset tibi Propheta, certe facere debueras.* Qui dicuntur patres, quia debent intendere bonum populi. Et istos honoramus per subjectionem: Ro. 13. *Omnis anima potestatibus sublimioribus subdita sit.* Et hoc non solum timore, sed amore: nec solum propter rationem, sed etiam propter conscientiam. Et ratio hujus est, quia secundum

Dicuntur
Patres.
1. Apostoli,
& Sancti.

2. Praelati.

3. Reges,
& Principes.

Apo-

4. Benefa-
ctores.

5. Senes.

Apostolum ibidem omnis potestas a Deo est: & ideo reddendum est debitum, quia *cui tributum, tributum* &c. Prov. 24. *Time Dominum, fili mi, & Regem*. Item, benefactores: Eccles. 4. *Esto pupillis misericors ut pater*. Est enim proprium patris: Eccles. 29. *Gratiam sivejussoris ne obliviscaris*: ingratis enim accidit illud Sap. 16. *Ingrati spes tanquam hybernalis glacies tabescet*. Item aetate: Deut 32. *Interroga patrem tuum, & annuntiabis tibi, majores tuos, & dicent tibi*. Leviti. 19. *Coram cano capite consurge, & honora personam senis*. Eccles. 32. *In medio magnatorum loqui non praesumas, & ubi sunt senes, non multum loquaris*. Ibidem: *Audi tacens, & pro reverentia accedet tibi bona gratia*. Omnes igitur isti venerandi sunt: quia omnes portant quodammodo similitudinem patris, qui in caelis est, & de istis dicitur: *Qui vos spernit &c.*

De quinto Decalogi praecepto.

Error de occi-
sione bru-
torum.

Non occides. In lege divina per quam ordinamur ad dilectionem Dei, & proximi, praecipitur non solum facere bonum, sed etiam declinare a malo. Inter alia autem majus malum, quod possit fieri proximo, est occidere eum, & hoc prohibetur, cum dicitur, *Non occides*. Circa quod praeceptum tripliciter est erratum. Quidam enim dixerunt, quod non licet occidere, etiam bruta animalia. Sed hoc falsum est, quia non est peccatum uti illis, quae sunt subdita hominis potestati. Est etiam naturalis ordo, quod plantae sint in nutrimentum animalium, & quaedam

dam animalia in nutrimentum aliorum, & omnia in nutrimentum hominum. Genes. 9. *Quasi olera virentia tradidi vobis omnia*. Philosophus etiam dicit in politica, quia venatio est sicut iustum bellum. Apost. 1. Corin. 10. *Omne quod in macello venit, manducate* &c. ergo non occides homines. Quidam dixerunt hic prohibitum esse homicidium hominis omnino: unde homicidas Error de occisione hominis. dicunt esse iudices saeculares, qui condemnant secundum leges aliquos, contra quos dicit Augustinus, quod Deus per hoc praeceptum non abstulit sibi potestatem occidendi. Unde Deut. 32. *Ego occidam, & vivere faciam*. Est ergo licitum illis, qui mandato Dei occidunt, quia tunc Deus facit: Omnis enim lex mandatum Dei est: Proverbiorum 8. *Per me Reges regnant, & legum conditores iusta decernunt*. Et Apostolus Romanorum 13. *Si malum feceris, time: non enim sine causa gladium portat; Dei enim minister est*. Moyse quoque dicitur Exod. 22. *Maleficos non patieris vivere*. Id enim, quod licitum est Deo, licitum est & ministris ejus per mandatum ipsius. Constat autem, quod Deus non peccat, cum sit auctor legum, infligendo mortem propter peccatum: Rom. 6. *Stipendia peccati mors*. Ergo nec minister ejus. Est ergo sensus; Non occides propria auctoritate. Alii vero dixerunt, quod per hoc, quod dicitur, *non occides*, prohibetur, non occidere alium: unde dicebant, quod licitum erat occidere seipsum. Sic enim invenitur de Samsone, Judic. 16. & de Catone, & de quibusdam virginibus, quae se in flammis iniecerunt, sicut recitat Augustinus in 1. de civit. Dei.

Error de occisione sui ipsius.

Occisio
hominis .
1. Manu .

Dei . Sed ad hoc respondet Augustinus ibidem
dicens : *Qui se occidit , hominem utique occidit ;*
si ergo hominem non licet occidere , nisi autho-
ritate Dei : ergo nec seipsum nisi vel autoritate
Dei , vel instinctu Spiritus sancti , sicut dicitur
de Samsone , ergo non occides . Sciendum est
etiam , quod hominem occidere contingit mul-
tipliciter . Primo manu : Isai. 1. *Manus vestrae*
sanguine plenae sunt : quod quidem est non so-
lum contra caritatem , qua praecipitur , *ut diligas*
proximum sicut teipsum , 1. Joan. 3. *Omnis homi-*
cida non habet vitam aeternam in se manentem :
verum etiam contra naturam , quia ut dicitur
Ecclef. 13. *Omne animal diligit sibi simile* . Un-
de Exod. 21. *Qui percusserit hominem volens oc-*
cidere , morte moriatur . Et hic quidem crude-
lior est lupo , de quo dicitur in quarto animalium ,
quod si lupo detur caro lupi non comedit . Item .
2. Ore ; & hoc fit dando consilium alicui contra ali-
quem provocando , accusando , & detrahendo :
Psal. 56. *Filii hominum dentes eorum arma , & sa-*
gittae , & lingua eorum gladius acutus . Ter-
3. Auxilio .
tio , adiutorio : Proverb. 1. *Fili mi , ne am-*
bules cum eis : pedes enim illorum ad malum
currunt , & festinant , ut effundant sanguinem .
4. Consen- Item consensu : Rom. 1. *Digni sunt morte non*
su . *solum qui ea faciunt , sed etiam qui consentiunt*
facientibus . Consentis autem quodammodo ,
quando potes impedire : Prov. 24. *Erue eos qui*
ducuntur ad mortem : & iterum , si vires suppe-
runt , sed dimittis negligentia , vel avaritia .
Amb. *Pasce fame morientem : si non paveris , oc-*
cidisti . Et sciendum , quod aliqui occidunt so-
lum

lum corpus, de quo dictum est. Alii animam Animae
occisio. auferendo vitam gratiae, trahendo scilicet ad peccatum mortale: Joan. 8. *Ille homicida erat ab initio*, in quantum scilicet traxit ad peccatum. Alii autem utrumque, & hoc dupliciter. Corporis,
& animae
occisio. Primo in destructione praegnantium; occidunt enim pueri in corpore & in anima: secundo interficiendo seipsum.

Non occides &c. Christus dat in Evangelio Matth. 5. quandam doctrinam, quae est, quod iustitia nostra debet esse major iustitia legis: unde docet, perfectius servari mandata legis a christianis, quam Judaei servaverunt: & ratio hujus est, quia majori labore acquiritur major merces: 2. Corin. 9. *Qui parce seminat, parce & metet*. In lege enim promittebantur temporalia, & terrena: Isa. 1. *Si volueritis, & audieritis me, bona terrae comedetis*. Sed in lege nostra promittuntur caelestia & aeterna: ergo iustitia, quae est observantia mandatorum, debet abundare, cum major expectetur merces. Inter alia autem praecepta facit mentionem de Iraisci ve-
titum. isto, dicens Matth. 5. *Audistis, quod dictum est antiquis, Non occides*. Ego autem dico vobis, quia omnis, qui irascitur fratri suo, reus erit iudicio, id est, poena, quam lex adjudicavit. Exod. 21, ubi dicitur: *Si quis per industriam occiderit proximum suum, & per insidias, ab altari meo auvelles eum, ut moriatur*. Debet autem quilibet quinque modis ab ira cavere. Ab ira ca-
vendi modus
1. tarditas, Primo, ne cito provocetur: Jacob. 1. *Sit omnis homo velox ad audiendum, tardus autem ad loquendum, & tardus ad iram* &c. Et ratio hu-
jus

Ira in sa-
pientem ca-
dens.

Irae triplex
status.

ius est, quia ira peccatum est, & punitur a Deo. Sed nunquid omnis ira est contraria virtuti? Circa hoc duplex est opinio. Stoici enim dixerunt, quod nulla passio cadit in sapientem, immo volebant, quod vera virtus esset in quiete mentis. Peripatetici autem dixerunt, quod ira cadit in sapientem, sed moderata, & est opinio verior. Et patet primo autoritate, quia in Evangeliiis invenimus istas passiones Christo attributas, in quo fuit fontalis plenitudo sapientiae. Secundo patet ratione: nam si omnes passiones virtuti contrarientur, essent aliquae potentiae animae, quae essent frustra, immo quae essent homini in nocumentum, quia non haberent aliquos actus convenientes: & sic irascibilis & concupiscibilis frustra datae essent homini. Et ideo dicendum est, quod aliquando ira est vis, aliquando non, accipitur enim ira tripliciter. Primo, prout est in solo iudicio rationis absque commotione animi, & ista non dicitur proprie ira, sed iudicium. Sic enim Dominus puniens malos, iratus dicitur Mich. 7. *Iram Domini portabo, quoniam peccavi ei*. Secundo accipitur prout est passio, & ista est in appetitu sensitivo, & est duplex: quia aliquando ordinatur ratione, & continetur sub terminis rationis, quando scilicet quis irascitur quando debet, & quantum debet, & pro quo debet, & huiusmodi. Et tunc est actus virtutis, & dicitur ira per zelum. Unde Philosophus dicit, quod *mansuetudo non est nullo modo irasci*. Ista ergo ira non est peccatum. Est & tertia, quae refugit iudicium rationis, & ista semper est peccatum, sed aliquan-

quando veniale, aliquando est mortale, & hoc distinguitur ex eo, quod ad iram incitat, quod aliquando veniale, aliquando est mortale. Mortale duplex, vel ex genere, vel ex circumstan- Mortale duplex.
tiis. Homicidium autem videtur esse actus pec-

cati mortalis ex suo genere, quia directe ordinatur contra praeceptum divinum: & ideo consensus in homicidium est peccatum mortale ex genere; quia si actus est mortalis, & consensus in actum erit mortalis. Aliquando autem peccatum mortale est ex genere, sed tamen motus non est peccatum mortale, quia est sine consensu: sicut si ascendit motus concupiscentiae ad fornicandum, & non consentitur, non est peccatum mortale. Similiter ira. Est enim motus ad injuriam illatam vindicandam: haec enim est proprie ira. Si ergo iste motus est taliter in passione, ita quod ratio deducatur, tunc est peccatum mortale. Si autem usque ad consensum

non pervertitur ratio, tunc est peccatum veniale. Ira mortalis.

Si autem motus non sit ex genere peccatum mortale, tunc & si consensus adhibeatur, non est peccatum mortale. Quod ergo dicit, *Qui* Ira venialis.

irascitur fratri suo, reus erit iudicio, intelligendum est de motu tendente in nocumentum, qui motus est peccatum mortale, ita quod sit ibi consensus: Eccl. ult. *Cuncta, quae fiunt, adducet Deus in iudicium pro omni errato, sive bonum, sive malum*. Secunda ratio, quare debemus non provocari cito ad iram est, quia omnis homo diligit libertatem, & odit servitutem. Non est autem iracundus dominus sui ipsius: Prov. 27. *Impetum concitati spiritus ferre quis poterit?*

- Ibidem 4. *Grave saxum, & onerosa arena, sed ira stulti utroque gravior*, Secundo cavere debet, ne diu in ira permaneat: Psal. 4. *Ira scimini, & nolite peccare*. Ephes. 4. *Sol non occidat super iracundiam vestram*. Et rationem hujus assignat in Evangelio Dominus Matth. 5. *Esto consentiens adversario tuo cito dum es in via cum eo, ne forte tradat te ministro, & in carcerem mittaris. Amen dico tibi non exies inde, donec reddas novissimum quadrantem*. Tertio, cavere debet, ne ira procedat primo in corde, quod fit, quando pervenit ad odium, Est enim differentia inter iram, & odium, quia ira subita est, odium vero diuturnum. Et ideo est mortale peccatum: prim. Joan. 13. *Qui odit fratrem suum, homicida est*: & ratio hujus est, quia & se interficit spoliando se caritate, & alium. Augustinus in reg. *Lites aut nullas habeatis, aut quam celerissime finiat, ne ira crescat in odium, & trabem faciat de festuca, & animam faciat homicidam*. Prov. 15. *Vir iracundus provocat rixas*. Gen. 49. *Maledictus furor eorum, quia pertinet*.
4. Modus; *nax: & indignatio eorum, quia dura*. Quarto, cavere debet ne procedat in verbo: Prov. 12. *Fatuus statim indicat iram suam*: & potest indicare duobus modis, injuriando scilicet, & superbe loquendo. Quantum ad primum dicit Dominus Matth. 5. *Qui dixerit fratri suo, fatue, reus erit gehennae ignis*. Quantum ad secundum dicitur ibidem, *Qui autem dixerit, racha, reus erit concilio*. Prov. 15. *Responsio mollis frangit iram, sermo durus suscitatur furorem*. Quinto, cavere debet, ne procedat in opere. In omni enim

D. T H. A Q U I N A T. 211

enim opere nostro duo debemus observare, scilicet facere justitiam, & misericordiam; & ira utrumque impedit; *Ira enim viri justitiam Dei non operatur*, ut dicitur Jacob. 1. Quamvis enim velit, tamen non potest. Unde Philosophus quidam dixit cuidam, qui eum offenderat: *Punirem te, nisi essem iratus*. Proverb. 27. *Ira non habet misericordiam, nec erumpens furor*. Genes. 49. *In furore suo occiderunt virum*: & propter hoc Christus non solum docuit nos cavere ab homicidio, sed ab ira. Bonus enim medicus non tantum tollit malum, quod apparet, sed etiam radicem removet infirmitatis, ne scilicet recidivet. Et ideo vult nos abstinere a principiis peccatorum, & ita ab ira, quae est principium homicidii.

De sexto Decalogi praecepto.

Non moechaberis &c. Post prohibitionem homicidii prohibetur adulterium, & congrue, quia vir & uxor sunt quasi unum corpus: *Erunt, inquit Dominus Gen. 2. duo in carne una*. Et ideo post injuriam, quae infertur personae, nulla major est quam illa, quae infertur conjunctae. Prohibetur autem adulterium uxori, & viro. Sed prius dicendum est de uxoris adulterio, quia majus peccatum videtur committere, *Uxoris adul-* terium quam *Committit autem tria peccata gravia uxor moe-* grave peccatum. *chando, quae insinuantur Eccl. 23. Mulier om-* nis *relinquens virum suum primo in lege altissimi* incredibilis fuit, & *secundo virum suum dere-* liquit, *tertio adulterio fornicata est* &c. Pri-

1. Ob incredulitatem. mo ergo peccat per incredulitatem, quia legi incredibilis fit. Dominus enim prohibuit adulterium. Item, facit contra Dei ordinationem: Matth. 19. *Quos Deus conjunxit, homo non separet.* Item, contra Ecclesiae statuta, vel sacramentum. Fit enim matrimonium in facie Ecclesiae, & ideo adducitur Deus quasi in testem, & fidejussorem de servanda fide: Malac. 2. *Dominus testificatus est inter te, & uxorem pubertatis tuae, quam tu despexisti*; ergo peccatur contra legem, contra statutum, & contra sacramentum Dei.
2. Ob prodicionem. Secundo, peccat per prodicionem, quia dereliquit virum: Apost. 1. Corinth. 7. *Mulier sui corporis potestatem non habet, sed vir*: ideo etiam nec castitatem servare potest sine consensu viri: & ideo si moechatur, prodicionem committit, dum seipsam alteri tradit, sicut servus dans se alteri Domino: Prov. 2. *Reliquit ducem pubertatis suae, & pacti Dei sui oblita est.*
3. Ob furti commissionem. Tercio, per furti commissionem, quia ex alieno viro constituit sibi filios, & hoc maximum furtum est, quia totam haereditatem dat alienis filiis. Et nota, quod ista deberet studere, quod filii intrarent Religionem, vel aliquid aliud facerent, ita quod in bonis viri non succederent. Est ergo mulier moechans, sacrilega, proditrix, furatrix. Viri vero peccant non minus, quam uxores, licet sibi quandoque blandimentis graventur, quod patet ex tribus. Primo, ex aequalitate, quam habet. Nam vir sui corporis potestatem, non habet, sed mulier, ut dicitur 1. Corin. 7. Et ideo neuter potest aliquid facere sine alterius consensu quantum ad matrimonium.
- Et ad

Et ad hoc significandum Deus non de pede, vel capite, sed de costa mulierem formavit. Et ideo matrimonium nunquam statum perfectum habuit, nisi in lege Christi: quia Judaeus unus plures habebat uxores, sed uxor non plures viros, & ideo non erat aequalitas. Secundo, ex viri fortitudine, quia propria passio mulierum est concupiscentia: 1. Pet. 3. *Viri similiter cohabitantes secundum scientiam quasi infirmiori vasculo muliebri impartientes honorem*. Et ideo si petis ab uxore, quod tu non vis servare, frangis fidem. Tertio, ex ejus autoritate, quia vir est caput mulieris: unde mulieres non debent loqui in Ecclesia, *sed domi viros interrogare*, ut dicitur 1. Corin. 14 *Est ergo vir doctor mulieris*, & ideo Deus praeceptum dedit viro. Magis autem peccat sacerdos, quam laicus, & episcopus, quam sacerdos, si non servant, quae debent, quia docere alios ad ipsos pertinet. A simili, si vir moechatur, frangit fidem non servando ea, quae debet. Sed tamen uxores attendant ad id, quod Christus dicit Matth. 23. *Omnia, quaecumque dixerint vobis, servate & facite, secundum opera vero eorum nolite facere*.

Non moechaberis. Sicut dictum est, Deus tam viris, quam mulieribus prohibuit adulterium. Sed sciendum, quod licet aliqui credant adulterium esse peccatum, tamen non credunt, simplicem fornicationem esse peccatum, mortale, contra quos Apost. Heb. 13. *Fornicatores, & adulteros judicabit Deus*. 1. Cor. 6. *Nolite errare, neque fornicarii, neque adulteri, neque molles, neque masculorum concubi-*

2. Hx ejus fortitudine.

3. Hx auctoritate supra uxorem.

Fornicatio simplex, mortale peccatum.

tores regnum Dei possidebunt: a regno autem Dei non excluditur aliquis, nisi per peccatum mortale, ergo est peccatum mortale. Sed forte dices. Non est ratio, quare sit peccatum mortale, cum non detur corpus uxoris, sicut in adulterio. Dico, quia si non detur corpus uxoris, datur tamen corpus Christi, quod sibi datum fuit, & consecratum in baptismo. Si ergo nullus debet facere injuriam uxori, multo magis nec Christo: 1. Cor. 6. Nescitis, quoniam corpora vestra sunt Christi. Tollens ergo membra Christi, faciam membra meretricis? Absit. Est ergo haereticis dicere, fornicationem simplicem non esse peccatum mortale. Et ideo sciendum, quia in isto praecepto, Non moechaberis, prohibetur non solum adulterium, sed omnis carnalis corruptio, praeter eam, quae est matrimonii. Ulterius autem sciendum, quia alii dicunt commixtionem viri, & uxoris non esse sine peccato, quod est haereticum: Apost. Heb. 13. Sit honorabile connubium in omnibus, & thorus immaculatus. Talis autem conjunctio aliquando non solum sine peccato est, sed etiam est ad meritum vitae aeternae habentibus caritatem: aliquando est cum peccato veniali, aliquando cum mortali. Quando enim est cum intentione procreandae prolis, tunc est opus virtutis: quando autem cum intentione reddendi debitum, tunc est etiam opus justitiae: quando autem est causa exercendae libidinis, tunc est cum veniali, quando scilicet non excedit limites matrimonii. Quando autem excedit, ut scilicet si posset, extenderet se ad aliam, tunc est mortale. Sciendum

Matrimonii
usus ad me-
ritum, vel
culpam.

dum autem, quod adulterium, & fornicatio prohibentur propter multa. Primo enim perimit animam Proverb. 6. *Qui adulter est, propter cordis inopiam perdet animam suam*. Et dicit, *propter cordis inopiam*, quod est quando caro dominatur spiritui. Secundo, privat vita: talis enim secundum legem debet mori, ut dicitur Levit. 20. & Deut. 22. Et quod aliquando non puniatur corporaliter, est in malum suum, quia poena corporalis, quae cum patientia toleratur, est in remissionem peccatorum, punietur tamen postea in vita futura. Tertio, consumit substantiam suam, unde Lucae 15. de filio prodigo dicitur, quia *dissipavit substantiam suam vivendo luxuriose*. Eccles. 9. *Ne des fornicariis animam tuam in ullo, ne perdas te, & hereditatem tuam*. Quarto, vilificat prolem: Sap. 3. *Filii adulterorum in consumatione erunt, & ab iniquo thoro semen exterminabitur: & si quidem longae vitae erunt, in nihilum computabuntur, & sine honore*. 1. Corinth. 7. *Alioquin filii vestri immundi essent, nunc autem sancti sunt*. Nunquam etiam habent honorem in Ecclesia, si clerici, sine dedecore haberi possunt. Quinto, 5. *Honorem privat honore, & specialiter mulieres*: Eccl. 9. *Omnis mulier, quae est fornicaria, quasi stercus in via conculcabitur*. Et de viro dicitur Proverb. 6. *Turpitudinem, & ignominiam congregat sibi, & opprobrium illius non delebitur*. Gregorius etiam dicit, quod peccata carnalia sunt majoris infamiae, & minoris culpa, quam spiritualia. Et ratio hujus est, quia est commune cum bestiis: Psal. 48. *Homo cum in honore esset,*

Adulterium, & fornic.
1. Animam perdunt.

2. Privant vitam.

3. Consumunt substantias.

4. Vilificant prolem.

5. Honorem auferunt.

non intellexit, comparatus est jumentis insipientibus, & similis factus est illis.

De septimo Decalogi praecepto.

Non furtum facies. Dominus prohibuit principaliter in lege sua injuriam proximi, & primo injuriam in propriam personam, ibi: *Non occides*: secundo in persona conjuncta, ibi: *Non moechaberis*: tertio in rebus, hic: *Non furtum facies*. Et sciendum, quia in hoc praecepto prohibetur omne male ablatum. Committitur enim furtum multis modis. Primo occulte accipiendo: Matth. 24. *Si sciret pater familias, qua hora sur venturus esset: & hoc vituperabile est, quia est proditio quaedam*: Eccl. 5. *Super furem enim est confusio*. Secundo, violenter auferendo: & haec est major injuria: Job. 24. *Vim fecerunt depraedantes pupillos*. Inter istos sunt mali principes, & reges: Sophon. 3. *Principes ejus in medio ejus quasi leones rugientes &c.* Isti enim faciunt contra intentionem Domini violentis justum regnum, & dicentis Proverb. 8. *Per me reges regnant, & legum conditores justa decernunt*. Et aliquando per violentiam Isa. 1. *Principes tui infideles, & cet. quae secuntur*. Aliquando condendo leges, & statuendo ad lucrandum tantum: Isa. 10. *Vae qui condunt leges iniquas*. Et Aug. dicit, quod *omnis mala donatio furtum est*, unde dicit: *Quid regna nisi latrocinia?* Tertio mercedem non solvendo: Lev. 19. *Non morabitur opus mercenarii apud te usque ma-*

Furtum
committitur.
1. Occulte
accipiendo.

2. Violenter
auferendo.

3. Mercedem non
solvendo.

mane : & hoc intelligitur , quod homo cuilibet
 dare debet, quod suum est , sive principi , sive
 praelato , sive clerico &c. Rom. 13. *Reddite
 omnibus debita , cui tributum , tributum : cui
 vectigal , vectigal* . Tenemur enim regibus cu-
 stodientibus pacem nostram dare mercedem .
 Quarto , fraudem in mercationibus committen- 4. *Fraude*
 do , unde dicitur Deut. 25. *Non habebis in in venditio-*
sacculo diversa pondera . Et Levit. 19. *Nolite ne*
facere iniquum aliud in iudicio , in regula , in
pondere , in mensura . Statera iusta , & aequa
sint pondera , iustus modius , aequusque sextarius .
 Prov. 20. 10. *Pondus , & pondus , mensura , &*
mensura , utrumque abominabile est apud Deum .
 Et vers. 20. *Abominatio est apud Deum pondus ,*
& pondus , statera dolosa non est bona . Hoc est
 etiam contra caupones , qui miscent aquam vi-
 no . In hoc etiam prohibetur usura : Psal. 14.
Quis habitabit in tabernaculo tuo ? &c . Et post .
Qui pecuniam suam non dedit ad usuram &c .
 Hoc est etiam contra campsores , qui multas fal-
 sitates committunt , & contra venditores pan-
 norum , & aliarum rerum . Sed dices forsitan .
 Quare non possum dare pecuniam , sicut equum ,
 vel domum ? Dicendum , quod in illis est pec-
 catum , quae bis venduntur : in domo autem
 sunt duo , scilicet substantia , & usus . Aliud
 autem est , habere domum , & aliud uti domo :
 unde separatim possum usum vendere sine do-
 mus venditione , & ita in omnibus huiusmodi .
 Unde si aliqua sunt , quae consistant in ipso usu
 tantum , & usus eorum est distractio , non po-
 test fieri id , quod de domo . Denariis enim uti-
 mur

mur distrahendo , & frumento consumendo , &
 5. Emptione ideo si usum vendis , bis vendis . Quinto digni-
 dignitatum . tates emendo siue temporales , siue spirituales :
 De primo Job. 20. *Divitias , quas devoravit ,*
evomet , & de ventre illius extrahet eas Deus .
 Omnes enim tyranni , qui vi tenent regna , vel
 provinciam , vel feudum , fures sunt , & omnes
 tenentur ad restitutionem . De secundo, Joan. 10.
Amen amen dico vobis , qui non intrat per ostium
in ovile ovium , sed ascendit aliunde , ille fur
est & latro : & ideo simoniaci fures sunt .

Non furtum facies &c. Hoc praeceptum ,
 sicut dictum est , prohibet omne male abla-
 tum : & debent nos inducere multae rationes
 ad hoc cavendum . Prima , sumitur ex gravi-
 tate : assimilatur enim hoc peccatum homicidio:
 Furro ca- ad hoc cavendum . Prima , sumitur ex gravi-
 vendum . tate : assimilatur enim hoc peccatum homicidio:
 1. Ob ejus Eccles. 34. *Panis egentium vita pauperis est ,*
 gravitatem . *qui defraudat illum , vir sanguinis est .* Et ite-
 rum ibidem . *Qui effundit sanguinem , & qui*
 2. Ob satis- *fraudem facit mercenario , fratres sunt .* Secun-
 factionis dif- da , ex periculi qualitate . Nullum enim pecca-
 ficultatem . tum est ita periculosum . Nullum enim pecca-
 tum remittitur sine satisfactione , & poenitentia .
 De omnibus cito poenitet quis , sicut patet de
 homicidio , cessante ira , ita & de fornicatione ,
 cessante passione concupiscentiae , & sic de aliis .
 De hoc autem peccato licet aliquando poeniteat
 quis , non tamen de facili satisfacit , & maxime
 cum non solum teneatur id , quod accepit , sed
 etiam de damno , quod facit patrono ex hoc , &
 cum hoc etiam tenetur facere poenitentiam de
 peccato . Ideo dicitur Habac. 2. *Vae ei , qui mul-*
tiplicat non sua . Usquequo & aggravat contra
se

se densum lutum? Densum lutum dicit, quod non de facili homo egreditur. Tertio, ex talium inutilitate: non enim sunt utilia, neque spiritualiter: Prov. 10. *Nil proderunt thesauri impietatis*. Divitiae enim spiritualiter profunt ad eleemosynas, & sacrificia: Prov. 13. *Redemptio animae viri divitiae suae*. Sed de non propriis dicitur Isa. 61. *Ego Dominus diligens iudicium, & odio habens rapinam in holocaustum*. Eccles. 34. *Qui offert sacrificium ex substantia pauperum, quasi qui victimat filium in conspectu patris sui*. Nec temporaliter, quia parum durant: Habac. 2. *Vae qui congregat avaritiam in malum domui suae, & liberari se putat de manu mali &c.* Prov. 28. *Qui coacervat divitias usuris, & foenore liberali in pauperes congregat eas*. Prov. 13. *Custoditur iusto substantia peccatoris*. Quarto, ex nocummenti singularitate. 4. Ob nocummenti singularitatem. Faciunt enim perdere alia. Sunt enim sicut ignis paleis aliis commixtus: Job. 15. *Ignis devorabit tabernacula eorum, qui munera libenter accipiunt*. Scias insuper, quod talis non solum suam amittit animam, sed etiam filiorum, quia illi tenentur reddere.

De octavo Decalogi praecepto.

Non loquaris contra proximum tuum falsum testimonium: Exod. 20. Prohibuit jam Dominus, quod nullus injuriatur proximo suo opere: nunc autem praecipit, quod non injuriatur verbo, & hoc est, *Non loquaris &c.* Hoc autem potest esse dupliciter, vel in iudicio, vel in comuni

- Proximo injuriatur in iudicio
1. Falso accusans . muni locutione . In iudicio autem tribus modis ; secundum quod tres personae possunt facere contra hoc praeceptum . Prima persona, scilicet accusantis falso ; Levit. 19. *Non eris criminatōr , nec susurro in populis* . Et nota, quod sicut non debes dicere falsum , ita non debes tacere verum : Matth. 18. *Si peccaverit in te frater tuus , vade & corripe eum* . Item ; persona testificantis mentiendo : Proverb. 19. *Testis falsus non erit impunitus* : hoc enim praeceptum includit omnia praecedentia , quia aliquando talis est homicida , aliquando fur &c. Debent autem isti puniri poena , de qua dicitur Deut. 19. *Cum diligentissime perscrutantes invenerint falsum testem dixisse contra fratrem suum mendacium , reddent sicut fratri suo facere cogitavit* . Non misereberis ejus , sed animam , idest vitam , pro anima , oculum pro oculo , dentem pro dente , manum pro manu , pedem pro pede exiges . Et Prov. 25. *Faculum , & gladius , & sagitta acuta homo , qui loquitur contra proximum suum falsum testimonium* . Item , persona iudicis male sententiando : Levit. 19. *Non injuste judicabis . Non consideres personam pauperis , nec honores vultum potentis . Juste judica proximo tuo* . In communi locutione peccant aliquando contra hoc praeceptum quinque genera hominum , scilicet detractores : Rom. 1. *Detractores Deo odibiles* . Dicit enim *Deo odibiles* , quia nihil est ita charum homini sicut fama : Eccl. 7. *Melius est nomen bonum , quam unguenta pretiosa* . Proverb. 22. *Melius est nomen bonum , quam divitiae multae* . Detractores autem

2. Mendaciter testificans .

3. Male judicans .

Proximo injuriatur in locutione

1. Detrahens .

tem auferunt hoc : Eccles. 10. *Si mordeat serpens in silentio , nihil eo minus habet , qui occulte detrahit* : unde si famam non restituant , salvari non possunt . Item , qui detractores libenter audit : Eccl. 28. *Sepi aures tuas spinis , & linguam nequam noli audire , & ori tuo facito ostia , & seras auribus tuis* . Non debet autem homines tales libenter audire , quinimmo debet detracti ostendere vultum tristem , & torvum : Proverb. 25. *Ventus aquilo dissipat pluvias , & facies tristis linguam detrahentem* . Item susurratores , qui scilicet recitant quicquid audiunt : Proverb. 6. *Sex sunt , quae odit Dominus , & septimum aeternatur anima ejus , scilicet eum , qui seminat inter fratres discordias* . Eccles. 28. *Susurro , & bilinguis maledictus* . Multos enim turbavit pacem habentes ; & multa , quae sequuntur . Item , blanditores , idest , adulatores : Psal. 10. *Laudatur peccator in desideriis animae suae , & iniquus benedicatur* : Isa. 3. *Popule meus , qui beatum te dicunt , ipsi te decipiunt* . Psal. 140. *Corripiet me iustus in misericordia , & increpabit me , oleum autem peccatoris non impingnet caput meum* . Item , murmuratores : & hoc maxime abundat in subditis : 1. Corin. 10. *Neque murmuraveritis &c* . Sap. 1. *Custodite vos a murmuratione , quae nihil prodest* . Prov. 25. *Patienti a lenietur princeps , & lingua mollis confringet duritiem* .

2. Detractores libenter audiens .

3. Susurrans .

4. Adulator .

5. Murmurans .

Non loquaris &c. In hac prohibitionem prohibetur omne mendacium : Eccles. 7. *Noli velle mentiri omne mendacium : assiduitas enim illius non est bona , & hoc propter quatuor* .

Pri-

Mendacium
facit

1. Similes
diabolo.

2. Hominum
societatem
solvit.

3. Famam
tollit.

4. Animam
perdit.

Mendacium
mortale, vel
veniale.

Primo, propter diaboli assimilationem. Talis enim efficitur diaboli filius. Nam homo ex verbis suis cognoscitur, de qua regione, & patria sit. *Nam & loquela tua manifestum te facit*, ut dicitur Matth. 26. Item, homines quidam sunt de genere diaboli, & dicuntur diaboli filii, qui scilicet loquuntur mendacium: *quia diabolus mendax est, & pater ejus*, ut dicitur Joan. 8. Ipse enim mentitus est: Gen. 3. *Nequaquam moriemini &c.* Quidam vero filii Dei, quia scilicet veritatem loquuntur, quia Deus veritas est. Secundo, propter societatis dissolutionem. Homines enim simul vivunt, quod esse non posset, si simul verum non dicerent: Apostolus Ephes. 4. *Deponentes mendacium loquimini veritatem, unusquisque cum proximo suo, quoniam sumus invicem membra.* Tertio, propter famae amissionem: qui enim assuescit mendaciis, non creditur sibi, etiam si verum dicat: Eccl. 34. *Ab immundo quid mundabitur, & a mendace quid verum dicetur?* Quarto, propter animae perditionem: occidit enim homo mendax animam suam: Sap. 1. *Os quod mentitur, occidit animam.* Psalm. 5. *Perdes omnes, qui loquuntur mendacium.* Unde patet quod est peccatum mortale: unde advertas, quia ipsorum mendaciorum quoddam, est mortale, quoddam veniale. Mortale autem est mentiri in his, quae sunt fidei, quod pertinet ad praelatos, magistros, & praedicatores. Et hoc est gravius omnibus aliis speciebus mendacii: 2. Pet. 2. *In vobis erunt magistri mendaces, qui introducent sectas perditionis.* Et aliqui aliquando talia dicunt, ut videantur scire: Isa. 57. *Super quem*

quem lufistis, super quem dilatastis os, & ejecistis linguam. Numquid non vos filii scelesti, semen mendax? Item, aliquando mentiuntur aliqui in damnum proximi: Coloss. 3. Nolite mentiri: & haec duo mendacia mortalia sunt. Aliqui autem mentiuntur pro seipsis, & hoc multipliciter. Aliquando ex humilitate, & hoc in confessione quandoque, de quo ait August. Sicut cavendum est, ne homo taceat quod fecit, ita ne dicat quod non fecit. Job. 13. Numquid Deus indiget vestro mendacio? Ecclesiast. 19. Est qui nequiter se humiliat, & interiora ejus plena sunt dolo: & est justus, qui se nimium submittit a multa humilitate. Aliqui ex verecundiae levitate, cum scilicet quis credit verum dicere, & dicit falsum, & hoc advertens verecundatur retractare: Ecclesiast. 4. Non contradicas verbo veritatis ullo modo, & de mendacio ineruditio- nis confundere. Aliqui ex utilitate, quando vo- lunt aliquid adipisci, vel ab aliquo evadere: Isa. 28. Posuimus mendacium spem nostram, & mendacio protecti sumus. Proverb. 10. Qui nititur mendaciis, hic pascit ventos. Aliqui pro- pter alterius commodum, quando scilicet vo- lunt aliquem a morte, vel periculo, vel damno aliquo liberare. Et hoc cavendum est, sicut dicit Augustinus Ecclesiast. 4. Non accipies faciem adversus faciem tuam, nec adversus animam tuam mendacium. Aliqui propter ludum, & hoc cavendum, ne propter consuetudinem du- eat ad mortale: Sapient. 4. Fascinatio nugacita- tis obscurat bona.

De nono Decalogi praecepto .

Divina lex
verat etiam
cogitata .

Rei alienae
desiderium .
1. Quia concupiscentiae
finis non est.

2. Quia
quietem au-
fert .

Non concupisces rem proximi tui . Haec est differentia inter legem divinam , & mundanam , quia lex mundana iudicat facta , & dicta , divina autem non haec tantum , sed etiam cogitata . Et ratio hujus est , quia illa est per homines , qui iudicant ea , quae apparent exterius ; sed divina est a Deo , qui exterius , interiusque conspicit : Psal. 72. *Deus cordis mei*. 1. Reg. 16. *Homo videt , quae foris sunt ; Deus autem intuetur cor* . Dictum est autem de praeceptis , quae pertinent ad dicta , & facta , nunc ergo dicendum est de cogitatis . Nam apud Deum voluntas pro facto reputatur ; unde , *Non concupisces* , idest , non solum non auferes facto , sed nec etiam rem proximi tui concupisces , & hoc propter multa . Primo propter concupiscentiae infinitatem : concupiscentia enim quid infinitum est . Quilibet autem sapiens debet intendere finem aliquem , immo nullus debet ire per viam infinitam : Ecclesiast. 5. *Avarus non impletur pecunia* . Isa. 5. *Vae qui conjungitis domum ad domum , & agrum agro copulatis* . Et quod concupiscentia nunquam satiatur , ratio est , quia cor hominis factum est ad recipiendum Deum . Unde August. in 1. Confes. *Fecisti nos Domine ad te , & inquietum est cor nostrum , donec requiescat in te* . Id ergo quod minus Deo est , ipsum implere non potest : Psalm. 102. *Qui replet in bonis desiderium tuum* . Secundo , quia aufert quietem , quae multum est delectabilis .

Sem-

Semper enim cupidi solliciti sunt acquirere non habita, & habita custodire: Ecclesiast. 5. *Saturitas divitis non finit eum dormire*. Matth. 6. *Ubi est thesaurus tuus, ibi est & cor tuum*. Et ideo Christus Lucae 8. Divitias spinis assimilavit, ut dicit Gregorius. Tertio, quia causat in divitiis inutilitatem: facit enim divitias esse non utiles nec sibi, nec aliis. Non enim utuntur eis nisi conservando: Ecclesiast. 14. *Viro cupido, & tenaci sine ratione est substantia*. Quarto, quia tollit iustitiae aequitatem: Exod. 23. *Ne accipias munera, quae etiam excaecant prudentes, & subvertunt verba iustorum*. Ecclesiast. 31. *Qui aurum diligit, non justificabitur*. Quinto, quia necat caritatem Dei, & proximi, quia secundum Augustinum quanto magis habet quis de caritate, tanto minus de cupiditate, & e converso. Eccles. 7. *Neque fratrem charissimum auro spreveris, & caritatem Dei*, quia sicut nemo potest duobus Dominis servire, ita neque Deo & mammonae, ut dicitur Matth. 6. Sexto, quia producit omnem iniquitatem: est enim *radix omnium malorum*, secundum Apostolum, ut dicitur 1. Timot. 6. Et ideo in corde radicata est, & homicidium, & furtum, & omnia mala operatur: & ideo dicit Apost. 1. Timot. 6. *Qui volunt divites fieri, incidunt in tentationem, & in laqueum diaboli, & desideria multa inutilia, & nociva, quae mergunt homines in interitum & perditionem*. Radix enim omnium malorum est cupiditas. Et nota, quod cupiditas tunc est peccatum mortale, quando sine ratione concupiscitur res proximi, sed quando rationabiliter, veniale.

3. Quia causat inutilit.

4. Quia iustitiam tollit.

5. Quia caritatem occidit.

6. Quia iniquitates parit.

De decimo Decalogi praecepto .

Non desiderabis uxorem proximi tui: Exod. 20.
 Beatus Joannes in prima Canonica sua secundo capite dicit, quod *omne, quod est in mundo, concupiscentia carnis est, & concupiscentia oculorum, & superbia vitae* . Unde omne desiderabile in his tribus consistit, sed duo ex istis intelliguntur prohibita per hoc praeceptum, *Non concupisces domum proximi tui* . In domo enim intelligitur & altitudo, per quam avaritia designatur: Psalm. 111. *Gloria, & divitiae in domo ejus* . Qui ergo desiderat domum, desiderat dignitates, & divitias: & ideo post hoc praeceptum, *Non concupisces* &c. ponitur aliud, per quod prohibetur carnis concupiscentia. *Non inquit desiderabis uxorem* &c. Et est sciendum, quod post peccatum propter corruptionem nullus evadit concupiscentiam praeter Christum, & Virginem gloriosam. Et quandoeunque concupiscentia adest, adest vel cum veniali, vel cum mortali, quando scilicet dominatur: Apost. Romanor. 6. *Non regnet peccatum in vestro mortali corpore*; & non dixit, non sit, quia sicut ipse dicit; *Scio quod habitat in me, id est, in carne mea, bonum* . Regnat autem peccatum in carne, quando primo in corde regnat concupiscentia consentiendo: & ideo subdit Apostolus, *ut scilicet obediat concupiscentiis carnis*. Matth. 5, *Qui viderit mulierem ad concupiscendum eam, jam moechatus est eam in corde suo* . Voluntas enim apud Deum pro facto reputatur. Secundo, quan-

Divina lex
carnis vetat
concupiscentiam .

Mortalis ea
est, si domi-
netur :

1. In corde.

quando dominatur in ore, conceptum exprimen- 2. In ore.
do : Maeth. 12. *Ex abundantia enim cordis as*
loquitur. Ephes. 4. *Omnis sermo malus ex ore*
vestro non procedat : & ideo non est sine pecca-
to componere cantiones vanas, etiam secundum
Philosophos, quia & poetae fingentes carmina
amatoria debent expelli ex civitatibus. Tertiò, 3. In opere.
quando egreditur in opere, membris concupi-
scentiae serviendo : Romanor. 6. *Sicut exhibui-*
stis membra vestra servire iniquitati &c. Illi er-
go sunt gradus concupiscentiae. Et sciendum,
quod in fugiendo istud peccatum oportet mul-
tum laborare, cum sit intrinsecum : difficilius
enim vincitur inimicus familiaris. Vincitur au-
tem quatuor modis. Primo occasiones exteri-
ores fugiendo, ut puta, malam societatem, &
omnia inducentia occasionaliter ad hoc pecca-
tum : Eccles. 9. *Virginem ne conspicias, ne forte*
scandalizeris in decore illius. Noli circumspicere
in vicis civitatis, nec oberraveris in plateis illius.
Averte faciem tuam a muliere compta, & ne
circumspicias speciem alienam. Propter speciem
mulieris multi perierunt, & ex hoc concupiscen-
tia quasi ignis exardescit. Prov. 6. *Nunquid po-*
test homo abscondere ignem in sinu suo, ut vesti-
menta illius non ardeant ? Et ideo praeceptum
fuit Loth, ut fugeret ab omni circa regione, Ge-
nes. 19. Secundo, cogitationibus aditum non
praeibendo, quia occasio sunt excitandae con-
cupiscentiae, & faciendum est per carnis affli-
ctionem : 1. Corin. 9. *Castigo corpus meum &c.*
Tertio, orationibus insilendo, quia nisi Domi-
nus custodieris civitatem, &c. Sapient. 8. *Sci vi*

Vincitur
concupiscē.
1. Occasi-
ones fugien-
do.

2. Cogitati-
ones pravas
pellendo.

3. Orationi
vacando.

quoniam aliter non possum esse continens, nisi Deus det. Matth. 17. Hoc genus daemoniorum non ejicitur, nisi per orationem, & jejunium. Si enim duo pugnarent, & velles unum juvare, alterum vero non, oportet primo auxilium dare, secundo vero subtrahere: inter spiritum autem, & carnem est praelium continuum. Unde oportet, quod si vis quod spiritus, quod des ei auxilium, & hoc fit per orationem; carni vero subtrahas, & hoc fit per jejunium: nam

4. Licitis caro per jejunium debilitatur. Quarto, licitis exercit. ope. occupationibus insistendo: Ecclesiast. 33. *Multam ram dando. malitiam docuit otiositas.* Ezech. 16. *Haec fuit iniquitas Sodomae, superbia, saturitas panis, & abundantia, & otium.* Hieronymus: *Semper aliquid boni facito, ut te diabolus inveniat occupatum:* inter omnes autem occupationes melior est studium Scripturarum. Hieronymus ad Paulinum: *Ama studia scripturarum, & carnis vitia non amabis.*

Conclusio hujus Opusculi.

HAec ergo sunt super decem verba, de quibus dicit Dominus Matth. 19. *Si vis ad vitam ingredi, serva mandata.* Duae enim sunt radices principales omnium mandatorum, scilicet dilectio Dei, & proximi. Diligenti autem Deum tria necesse est facere, scilicet quod non habeat alium Deum, & quantum ad hoc dicit. *Non coles Deos alienos.* Secundo, quod honoret eum, & quantum ad hoc dicit. *Non assumes nomen Dei tui in vanum.* Tertio, quod liben-

benter quiescat in eo , & quantum ad hoc dicit .
Memento , ut diem sabbathi sanctifices . Dili-
 gens autem proximum oportet , quod primo fa-
 ciat ei honorem debitum , unde dicit . *Honora*
patrem tuum . Secundo , quod absteineat a fa-
 ciendo ei malum , & hoc vel facto . Unde dicit .
Non occides , quod est in persona propria . *Non*
adulterabis , quod est in persona conjuncta . *Non*
furtum facies , quod est in rebus exterioribus .
 Item dicto , ibi : *Non falsum testimonium di-*
ces . Vel corde , & quantum ad hoc dicit . *Non*
concupisces rem proximi tui : & : Non desidera-
bis uxorem proximi tui .

Explicit opusculum S. Th. de caritate , seu
de duobus universalibus divinae legis
mandatis . Et ad ea pertinentibus
Decalogi praeceptis .





EJUSDEM S. DOCTORIS

OPUSCULUM

De articulis Fidei , & Ecclesiae
Sacramentis .

Articulus Primus .



Ostulat a me vestra dilectio , ut de articulis Fidei , & Ecclesiae Sacramentis aliqua vobis compendiose pro memoriali transcriberem , cum dubitationibus , quae circa haec moveri possent . Verum cum omne theologorum studium versetur circa dubietates contingentes articulos Fidei , & Ecclesiae Sacramenta , si ad plenum vestrae petitioni satisfacere vellem , oporteret , totius theologiae comprehendere summatim difficultates : quod quantum sit operosum , advertit vestra prudentia . Unde ad praesens vobis sufficiat , si articulos Fidei , & Ecclesiae Sacramenta breviter vobis distinguam , & qui errores sunt circa quodlibet eorum vitandi . In primis igitur vos
scire

OPUSCULA D. TH. AQUINAT. 231

scire oportet , quod tota Fides Christiana circa In Christi
 divinitatem , & humanitatem Christi versatur . Divinit. &
 Unde Christus voce Joannis loquens ait Joan. 14. human. tota,
Creditis in Deum , & in me credite . Circa, fides versa-
 utrumque autem horum a quibusdam sex , a tur .
 quibusdam septem articuli distinguuntur , & sic Numerus
 omnes articuli secundum quosdam 12; secun- articulo-
 dum quosdam 14. esse dicuntur . Primo igitur rum
 sex articulos sic distinguunt circa fidem divinita- fidei .
 tis . Sunt enim circa divinitatem tria conside-
 randa : scilicet unitas divinae essentiae , trinitas
 Personarum , & effectus divinae virtutis . Pri-
 mus igitur articulus est , ut credamus essentiae
 divinae unitatem , secundum illud Deuteron. 6.
Audi Israel: Dominus Deus tuus, Deus unus est .
 Contra hunc autem articulum plures errores vi- Contra Di-
 tandi occurrunt . Primo quidem quorundam vin. essent.
 Gentilium , sive Paganorum ponentium plures 1. Error.
 Deos , contra quos dicitur Exod. 20. *Non ha-* Paganorum .
bebis Deos alienos coram me . Secundus est er- 2. Mani-
 ror Manichaeorum , qui ponunt duo principia chaeorum .
 esse, unum, a quo sunt omnia bona , aliud, a quo
 sunt omnia mala , contra quos dicitur Isa. 45.
Ego Dominus , non est alter formans lucem , &
creans tenebras , faciens pacem , & creans ma-
lum : quia ipse secundum suam justitiam infligit
 malum poenae , cum esse conspicit in sua crea-
 tura malum culpae . Tertius est error Atropo- 3. Antropo-
 morphitarum ponentium unum Deum, sed dicen- morphitar.
 tium eum corporeum , & ad modum humani
 corporis formatum , contra quos dicitur Joan. 4.
Spiritus est Deus : & Isa. 40. *Cui similem fecisti*
Deum , aut quam imaginem ponetis ei ? Quartus
est

4. Epicureorum . est error Epicureorum ponentium , quod Deus non habet providentiam , & scientiam de rebus humanis , contra quos dicitur 1. Pet. ultim. *Omnem sollicitudinem projicientes in eum , quoniam ipsi cura est de vobis .* Quintus error est quorundam Gentilium Philosophorum dicentium , Deum non esse omnipotentem , sed quod solum potest ea , quae naturaliter fiunt , contra quos dicitur in Psalm. 134. *Omnia , quaecumque voluit , Dominus fecit .* Omnes igitur hi derogant unitati divinae essentiae , vel perfectioni : unde contra omnes ponitur in Symbolo : *Credo in unum Deum Patrem omnipotentem .*

Articulus II.

Trinitas
personarum

1. Error. Sabellii .

2. Arrii .

Secundus articulus est , quod sunt tres Personae divinae in una essentia , secundum illud 1. Joan. ultim. *Tres sunt , qui testimonium dant in caelo , Pater , Verbum , & Spiritus sanctus , & hi tres unum sunt .* Contra hunc autem articulum sunt plures errores . Primus fuit Sabellii , qui posuit unam essentiam , sed Trinitatem Personarum negavit , dicens , quod una Persona , quandoque dicitur Pater , quandoque Filius , quandoque Spiritus sanctus . Secundus est error Arrii , qui posuit tres Personas , sed negavit unitatem essentiae , dicens Filium esse alterius substantiae a Patre , & esse creaturam , & minorem Patre , & sibi non coaequalem , nec coaeternum , sed quod incoepit esse , postquam non fuerat . Et contra hos duos errores dicit Dominus Joan. 10. *Ego , & Pater unum sumus , quia , ut dicit*

dicat Augustinus, quod dicit unum, liberat te ab
Arrio: quod dicit sumus, pluraliter, liberat
 te a Sabellio. Tertius est error Eunomii, qui
 posuit Filium dissimilem Patri, contra quem di-
 citur Collossen. 1. *Qui est imago Dei invisibilis*.
 Quartus, est error Macedonii, qui posuit Spi-
 ritum sanctum esse creaturam, contra quem di-
 citur 2. Corinth. 3. *Dominus autem spiritus est*.
 Quintus est error Graecorum, qui dicunt Spiri-
 tum sanctum procedere a Patre, sed non a Filio,
 contra quos dicitur Joann. 14. *Paraclitus autem*
Spiritus sanctus, quem mittet Pater in nomine
meo, quia scilicet eum mittit Pater, tamquam
 spiritum Filii, & a Filio procedentem. Et Joan. 16.
 dicitur: *ille me clarificabit, quia de meo acci-*
piet. Et contra omnes errores in Symbolo dici-
 tur: *Credo in Deum Patrem, & Filium ejus uni-*
genitum, non factum: consubstantialem Patri,
& in Spiritum sanctum Dominum, & vivifican-
tem, qui ex Patre, Filioque procedit.

Articulus III.

Alii vero quatuor articuli divinitatis perti-
 nent ad effectus divinae virtutis, quorum
 primus, qui est tertius, pertinet ad creationem
 rerum in esse naturae, secundum illud Ps. 32. *Di-*
xit, & facta sunt. Contra hunc articulum pri-
 mo quidem erravit Democritus, & Epicurus, po-
 nentes, quod nec materia mundi, nec ipsa mun-
 di compositio est a Deo, sed quod mundus est
 casu factus per concursum corporum indivisibi-
 lium, quae rerum principia aestimabant. Con-
 tra

Divinitas,
 1. Effectus
 rer. creatio.
 1. Error.
 Democriti
 & Epicuri.

- tra quos dicitur in Psalm. 32. *Verbo Domini caeli firmati sunt*, idest, secundum rationem aeternam, non autem casu. Secundus est error Platonis, & Anaxagorae, qui posuerunt mundum factum a Deo, sed ex materia praecedenti, contra quos dicitur in Psalm. 148. *Mandavit, & creata sunt*, idest, ex nihilo facta. Tertius est error Aristotelis, qui posuit mundum a Deo factum non esse, sed ab aeterno fuisse, contra quod dicitur Gen. 1. *In principio creavit Deus caelum & terram*. Quartus est error Manichaeorum, qui posuerunt Deum factorem invisibilem, sed visibilia a diabolo facta, contra quos dicitur Hebrae. 11. *Fide intelligimus aptata esse saecula verbo Dei, ut ex invisibilibus visibilia fierent*. Quintus est error Simonis Magi, & Menandri, & discipuli ejus, & multorum aliorum haereticorum eos sequentium, qui creationem mundi non Deo, sed angelis attribuunt, contra quos dicit Paulus ad Rom. 17. *Deus, qui fecit mundum, & omnia, quae in eo sunt*. Sextus est error Negan-tium, per se eorum, qui posuerunt, Deum per seipsum non Deum gubernare mundum, sed per quasdam partes sibi subiectas, contra quos dicitur Job. 34. *Quem constituit alium super terram, aut quem posuit super orbem, quem fabricatus est?* Et contra hos errores dicitur in Symbolo: *Factorem, vel creatorem, caeli & terrae, visibilium omnium & invisibilium*.

Articulus IV.

Quartus articulus pertinet ad effectum Gratiae, per quam vivificatur Ecclesia à Deo, secundum illud Rom. 3. *Iustificati gratis per Gratiā ipsius*, scilicet Dei. Et sub articulo isto comprehenduntur omnia sacramenta Ecclesiae, & quaecumque pertinent ad Ecclesiae unitatem, & dona Spiritus sancti, & iusticiam hominum. Et quia de Sacramentis Ecclesiae posterius est tractandum, de his interim super sedeamus, & alios errores contra hunc articulum exponamus. Quorum primus est Cerinthei, & Ebionis, & etiam Nazaraeorum, qui dixerunt, gratiam Christi non sufficienter ad salutem operari, nisi aliquis circumcisionem, & alia legis mandata custodiat, contra quos dicitur Rom. 3. *Arbitramur, iustificari hominem per fidem sine operibus legis*. Secundus est error Donatistarum, qui posuerunt, gratiam Christi solum in Africa remansisse, quia scilicet totus alius mundus communicabat Caeciliano Carthaginensi Episcopo, quem ipsi condemnaverunt, & in hoc negabant unitatem Ecclesiae, contra quos dicitur ad Coloss. 3. *In Christo Jesu non est Gentilis, & Judaeus, & circumciso, & praecipitium, Barbarus, & Sytha, servus, & liber, sed omnibus Christus*. Tertius est error Pelagianorum, qui quidem primo negaverunt peccatum originale esse in parvulis, contra id, quod dicit Apostolus Rom. 5. *Per unum hominem peccatum in hunc mundum intravit, & per peccatum mors, ita & in omnes homines*

Divinitatis
2. Effectus,
Gratia.

1. Error.
Cerinthei,
Ebionis &c.

2. Donatistarum.

3. Pelagianorum.

mines mors pertransit, in quo omnes peccaverunt. Et in Psalm. 50. dicitur. Etce in iniquitatibus conceptus sum. Secundo dicunt, quod principum boni operis inest homini a seipso, sed consummatio est a Deo, contra id, quod dicit Apostolus Philip. 2. Deus est, qui operatur in vobis & velle, & perficere pro bona voluntate. Tertio dicunt, gratiam dari homini secundum sua merita, contra id, quod dicitur Rom. 11. Si autem gratia, jam non ex operibus, alioquin

4. Origenis. *gratia jam non esset gratia. Quartus error est Origenis, qui posuit omnes animas creatas cum Angelis simul, & pro diversitate eorum, quae ibi egerunt, quosdam homines vocari a Deo per gratiam, quosdam vero in infidelitate relinqui, contra quod dicit Apostolus ad Rom. 9. Cum nondum nati essent, aut aliquid boni egissent, aut mali, & secundum electionem propositum Dei maneret, non ex operibus, sed ex vocante dictum*

5. Cata- *est ei; quia major serviet minori. Quintus error est Cataphrygarum, idest Montani, Priscae, & Maxillae, qui dicunt, prophetas quasi arreptitios fuisse, & quod non prophetaverunt per Spiritum sanctum, contra quos dicitur 2. Petr. 1. Non enim voluntate humana allata est aliquando prophetia, sed Spiritu sancto inspirati locuti*

6. Cerdonis. *sunt sancti Dei homines. Sextus est error Cerdonis, qui primo dixit, Deum legis, & prophetarum non esse patrem Christi, nec bonum Deum esse, sed injustum: patrem vero Christi bonum esse, quem etiam Manichaei secuti sunt, legem reprobantes, contra quos dicitur Roman. 7. Lex quidem sancta, & mandatum sanctum, & justum, & bo-*

& bonum ; & Rom. I. dicitur : Quod ante promiserat per prophetas suos in scripturis sanctis de filio suo . Septimus error est eorum , qui quaedam , quae ad perfectionem vitae pertinent , asserunt esse ad necessitatem salutis . Quorum quidam fuerunt , qui se arrogantissime Apostolos vocaverunt , qui nullam spem putant habere salutis eos , qui conjugibus utuntur , & propria possident . Alii vero scilicet Tatiani non vescuntur carnibus , & eas omnino abominantur , secundum illud Apostoli 1. ad Timot. 4. *In novissimis temporibus discedent quidam a fide , attendentes spiritibus erroris , & doctrinis daemionum in hypocrisis loquentium mendacium , & caneriatam habentium suam conscientiam , prohibentium nubere , abstinere a cibis , quos Deus creavit ad percipiendum cum gratiarum actione fidelibus , & his , qui cognoverunt veritatem .*

Dicunt enim quod promissio de adventu Spiritus sancti non fuit in Apostolis completa , sed in eis , contra istud , quod dicitur Act. 2. Eutychiani etiam dicunt , homines non posse salvari nisi continue orent , propter illud , quod Dominus dicit Lucae 18. *Oportet semper orare , & non deficere* , quod sic accipitur secundum August. ut nullum diem praetermittant circa orandi operam . Alii vero , qui Pattalorinchitae dicuntur , tantum silentio student , ut naribus , & labiis digitum apponant . Pattallos enim Graece dicitur Palus , & Rinchos nasus . Quidam etiam dicunt , quod homines non possunt salvari , nisi semper nudis pedibus ambulent , contra quos omnes dicit Apostolus 1. Corin. 10. *Omnia mihi licent , sed*

7. Dicentium conscientiam ad salutem esse necessariam .

Tatiani .

Eutychiani .

Pattalorinchitae .

sed

sed non omnia expediunt. Ex quibus datur intelligi, quod licet aliqua a sanctis viris assumantur, tanquam expedientia, non tamen propter hoc opposita redduntur illicita. Octavus error est eorum, qui dicunt e contrario, opera perfectionis non esse praeferenda communi vitae fide-
 lium, sicut Jovinianus posuit, quod virginitas non praefertur conjugio, contra illud, quod dicitur 1. Corin. 7. *Qui matrimonio jungit virginem suam, bene facit: & qui non jungit, melius facit.* Et sicut Vigilantius, qui aequavit statum divitias possidentium statui paupertatis propter Christum assumptae, contra quem dicit Dominus Matth. 19. *Si vis perfectus esse, vade, & vende omnia, quae habes, & da pauperibus, & habebis thesaurum in caelo, & veni sequere me.*

9. Aequan-
 sium confi-
 lia communi
 vitae.

9. Negan-
 sium lib. ar-
 bitrium.

10. Priscil-
 lianistarum,
 & Mathem.

11. Almar-
 ci.

12. Ecclesiae
 statuta reji-
 cientium.

Nonus error est negantium liberum arbitrium, sicut quidam negavit dicens, Animas, quae sunt malae creationis, non posse peccare, contra quos dicitur 1. Joan. 2. *Haec scribo vobis, ut non peccetis.* Decimus error est Priscillianista-
 rum, & etiam Mathematicorum dicentium, homines fatalibus stellis obligatos, ita scilicet, quod eorum opera sunt necessitati stellarum subiecta, contra quos dicitur Jer. 10. *A signis caeli nolite metnere, quae timeant gentes.* Undecimus error est dicentium, quod homines Dei gratiam & caritatem habentes peccare non possunt, ita quod asserunt eos, qui aliquando peccaverunt, nunquam caritatem habuisse, contra quos dicitur Apoc. 2. *Caritatem tuam primam reliquisti: memor esto itaque, unde excideris.* Duo-
 decimus error est eorum, qui ea, quae ab Eccle-
 sia

sia

ſia Dei univerſaliter ſunt ſtatuta . dicunt , non eſſe obſervanda , ſicut Arriani , qui dicunt ſtatuta jejunia non eſſe ſolemniter celebranda , ſed cum quis voluerit , jejunet , ne videatur eſſe ſub lege . Et ſicut Teſſareſchaedecatitae , ideſt quartodecumani , qui dicunt quartadeſcima luna Paſcha eſſe celebrandum , quocunque die ſeptimanae occurreret : & eadem ratio eſt de quibuscumque ab Eccleſia ſtatutis . Et contra omnes iſtos errores in Symbolo Apoſtolorum dicitur : *Sanctam Eccleſiam catholicam , ſanctorum communionem , remiſſionem peccatorum* . Et in Symbolo patrum dicitur : *Qui locutus eſt per prophetas , & unam ſanctam catholicam , & apoſtolicam Eccleſiam . Conſiteor unum baptiſma in remiſſionem peccatorum* .

Arriani .

Teſſareſchaedecari-
tae .

Articulus V.

Quintus articulus eſt de reſurrectione mortuorum , de quo dicitur 1. Corinth. 15. *Omnes quidem reſurgemus* , contra quem etiam ſunt plures errores , quorum primus eſt error Valentini , qui carnis reſurrectionem negavit , quem etiam plures haeretici ſunt ſecuti , contra quem dicitur 1. Corinth. 15. *Si Chriſtus praedicatur , quod reſurrexit a mortuis , quomodo quidam dicunt in vobis , quoniam reſurrectio mortuorum non eſt* . Secundus eſt error Hymenaei , & Philethi , contra quos dicit Apoſtolus 2. Timot. 2. quod *ia veritate exciderunt dicentes , reſurrectionem jam factam* , vel quia non credebant niſi reſurrectionem ſpiritualem , vel quia non credebant alios reſur-

Divinitaris
3. Effectus
reſurrectio .

1. Error
Valentini .

2. Hymen.
& Philethi .

re-

- recturos, nisi illos, qui cum Christo resurrexerunt. Tertius est error quorundam haereticorum Haereticorum modernorum, qui dicunt resurrectionem futuram, non tamen eorundem corporum, sed quod animae resument quaedam corpora caelestia, contra quos Apostolus dicit 1. Corinth. 15. *Oportet corruptibile hoc induere incorruptionem, & mortale hoc induere immortalitatem.* Quartus est error Euthichii patriarchae Constantinopolitani, qui posuit corpora nostra in resurrectione aeri, vel vento simili, quod Gregorius narrat in 14. moralium, contra quem est, quod Dominus post resurrectionem suam corpus suum discipulis palandum praeiungit dicens Luc. ult. *Palpate, & videte,* cum tamen Apostolus dicat. Phil. 3. *quod reformabit corpus humilitatis nostrae configuratum corpori claritatis suae.* Quintus error est dicentium, quia corpora humana in resurrectione vertentur in spiritum, contra quos dicitur Luc. ult. *Spiritus carnem, & ossa non habet, sicut me videtis habere.* Sextus error est Cerinthi. Cerinthi, qui mille annos post resurrectionem in terreno regno fabulatur futuros, in quibus homines carnales ventris, ac libidinis voluptates habebunt, contra quem dicitur Matt. 22. *In resurrectione neque nubent, neque nubentur.* Quidam dixerunt etiam, quod post resurrectionem mortuorum in eodem statu, in quo nunc est, mundus manebit, contra quos dicitur Apoc. 21. *Vidi caelum novum, & terram novam.* Et Apost. dicit Rom. 8. *quod ipsa creatura liberabitur a servitute corruptionis in libertate gloriae filiorum Dei.* Et contra omnes hos errores dicitur: *Carnis*

*nis resurrectionem : & in alio Symbolo . Exspecto
resurrectionem mortuorum .*

Articulus VI.

Sextus articulus pertinet ad ultimum effectum divinitatis, qui est remuneratio bonorum, & punitio malorum, secundum illud Psal. 61. *Tu reddes unicuique juxta opera sua*. Et circa hunc etiam fuerunt multi errores, quorum primus est dicentium, quod anima moritur cum corpore, sicut Arabs asserit, vel etiam post modicum intervallum, sicut Zeno dixit, ut recitatur in lib. de Ecclesiasticis dogmatibus; contra quod est, quod Apostolus dicit Philip. 1. *Desiderium habens dissolvi, & esse cum Christo*. Et Apoc. 6. *Vidi subtus altare Dei animas interfectorum propter verbum Dei*. Secundus error est Origenis, qui posuit homines, & daemones damnatos iterum posse purgari, & redire in gloriam, & angelos sanctos, & homines beatos iterum, posse deduci ad mala, quod est contra auctoritatem Domini Matth. 25. *Ibunt hi in supplicium aeternum: iusti autem in vitam aeternam*. Tertius est error dicentium, omnes poenas, & omnia praemia malorum, & bonorum futuras esse aequales, contra quorum primum dicitur 1. Corinth. 15. *Stella a stella differt in claritate, sic & resurrectio mortuorum*. Contra secundum dicitur Matth. 11. *Tyro, & Sidoni remissius erit in die judicii, quam vobis*. Quartus error est dicentium, animas malorum non statim post mortem descendere ad infernum, nec aliquas sanctorum

Divinitatis 4. effect. praemium, vel poena.

1. Error. Arabis, & Zenonis.

2. Origenis.

3. Aequales poenas, & praemia stantium.

4. Haec tollentur ante Judicii diem.

5. Purgatorium impugnantium.

animas paradysum intrare ante diem iudicii, contra quos dicitur Lucae 16. quod *mortuus est dives, & sepultus in inferno*. Et 2. Corint. 5. dicitur. *Scimus enim, quoniam si terrestris domus nostra hujus habitationis dissolvatur, quod aedificationem ex Deo habemus domum non manufactam, sed aeternam in caelis*. Quintus est error dicentium, non esse purgatorium animarum post mortem, eorum scilicet, qui in caritate decesserunt, sed aliquid purgabile habent: contra quos dicitur 1. Corinth. 3. *Si quis aedificaverit super fundamentum, scilicet fidei per dilectionem operantis, lignum, foenum, stipulam, detrimentum patietur, ipse tamen salvus erit, sic tamen quasi per ignem: & contra hos errores dicitur in Symbolo: Vitam aeternam, Amen.*

ALii vero, qui septem articulos circa fidem divinitatis assignant, eos sic distinguunt, ut Primus sit de essentiae unitate, Secundus, de persona Patris. Tertius de persona Filii. Quartus de persona Spiritus sancti. Quintus de effectu creationis. Sextus de effectu justificationis. Septimus de effectu remunerationis; sub quo comprehendunt resurrectionem, & vitam aeternam. Et sic dum praedictorum sex articulorum secundum dividunt in tres; quantum vero, & sextum compingunt in unum, fiunt secundum eos septem articuli. Nec refert quantum ad veritatem fidei, vel errorum vitiationem, qualiter distinguantur.

Sex Reliquorum fidei articulorum Primus.

Tunc restat considerare articulos, qui pertinent ad humanitatem Christi, circa quam etiam sex articulos distinguunt. Quorum primus est circa conceptionem, & nativitatem Christi, secundum quod dicitur Isa. 7. & introducit Matth. 1. *Ecce Virgo concipiet, & pariet filium, & vocabitur nomen ejus Emmanuel.* Et circa hunc multi fuerunt errores, quorum primus fuit dicentium, Christum fuisse purum hominem, & quod non semper fuit, sed a Maria sumpsit exordium. Et iste est error Corpocratis, & Cerinthi, & Ebionis, & Pauli Samosatani, & Fotini; contra quos dicitur Roman. 9. *Ex quibus est Christus secundum carnem, qui est super omnia Deus benedictus in saecula.* Secundus error est Manichaeorum dicentium, quod Christus non habuit verum corpus, sed phantasticum, contra quod est; quod Dominus Luc. ult. reprehendit errorem discipulorum suorum, qui conturbati, & perterriti aestimabant, se spiritum videre. Et Matth. 14. *Videntes eum supra mare ambulantem, turbati sunt dicentes, quia phantasma est, & praeter timorem clamaverunt.* Quorum opinionem Dominus removit dicens: *Habete fiduciam, ego sum, nolite timere.* Tertius error est Valentini, qui dicit Christum caeleste corpus attulisse, nihilque de Virgine assumisse, sed per ipsam tanquam per rivum, aut fistulam sine ulla de illa assumpta carne transisse; contra quod dicitur Gal. 4. *Misit Deus filium suum factum ex*

Humanitas Christi,

Conceptio, & nativitas ejus.

1. Error. Corpocrat. Cerint. &c.

2. Manichaeorum.

3. Valentini

4. Apollinaris.

muliere. Quartus est error Apollinaris, qui dicit, aliquid Verbi in carne fuisse conversum, aut transmutatum, non autem carnem de Mariae carne susceptam. Propter illud enim, quod dicitur Joan. 1. *Verbum caro factum est*, intelligit, quod Verbum sit in carne conversum; contra quod statim ibidem subditur: *Et habitavit in nobis*. Non autem in nostra natura integre habitasset, si fuisset ipse in carne conversum: unde intelligendum est, *Verbum caro factum est*, id est, Verbum factum est homo. Sic enim frequenter caro sumitur in scripturis, secundum illud Isa. 40. *Videbit omnis caro pariter, quod os Domini locutum est*.

5. Arrii.

Quintus error est Arrii, qui posuit, Christum humanam animam non habuisse, sed Verbum fuisse loco animae; contra quod dicitur Joan. 10. *Ego pono animam meam, & iterum sumam eam*. *Nemo tollit eam a me, sed ego*

6. Apollinaris.

pono eam a me ipso. Sextus error est Apollinaris, qui cum praedicto testimonio, & aliis convinceretur, humanam animam Christum habuisse, posuit, quod Christus non habuit intellectum humanum, sed Verbum Dei fuit ei loco intellectus; contra quod est, quod Dominus se hominem esse confitetur Joan. 8. *Queritis me interficere, hominem, qui veritatem locutus sum vobis*: non autem fuisset homo, si anima rationali caruisset.

7. Eutychis.

Septimus est error Eutychis, qui posuit in Christo unam naturam compositam ex divinitate, & humanitate; contra quod Apostolus dicit. *Qui cum in forma Dei esset, non rapinam arbitratus, esse se aequalem Deo, sed semetipsum exinivit, formam servi accipiens, in similitudinem ho-*

hominum factus, & habitu inventus ut homo, Philippen. 2; manifeste distinguens in eo duas naturas, divinam & humanam. Octavus error est Monotelitarum ponentium in Christo unam scientiam, operationem, & voluntatem; contra quos Dominus dicit: *Non sicut ego volo, sed sicut tu* Matt. 26. Ubi manifeste in Christo ponitur alia voluntas humana, alia divina, quae est communis Patri, & Filio. Nonus error est Nestorii, qui posuit, Christum Deum perfectum, & hominem perfectum, & tamen aliam dixit esse personam Dei, aliam hominis: & quod non est facta unio Dei, & hominis in una persona Christi, sed solum secundum gratiae inhabitationem; ita quod negat, beatam Virginem esse matrem Dei, sed dicit, eam esse matrem hominis Christi: contra quod dicitur Luc. 1. *Quod nasceretur ex te sanctum, vocabitur filius Dei*. Decimus error est Carpocratidis, qui hominem Christum de utero que natum putasse perhibetur; contra quod dicitur Matth. 1. *Antequam convenirent, inventa est ut in utero habens de Spiritu Sancto*. Undecimus error est Elvidii dicentis, quod postquam Beata Virgo peperit filium Christum, ex Joseph plures filios genuit; contra quod dicitur Ezech. 44. *Porta haec clausa erit, & non aperietur, & vir non transibit per eam, quoniam Dominus Deus Israel ingressus est per eam, eritque clausa principi*. Et contra hos omnes errores in Symbolo Apostolorum dicitur: *Conceptus est de Spiritu Sancto, natus ex Maria Virgine*. Et in symbolo patrum. *Qui propter nos homines, & propter nostram salutem descendit de caelis, & incarnatus*

9. Monotelitarum.

9. Nestorii.

10. Carpocratidis.

11. Elvidii.

tus est de Spiritu Sancto ex Maria Virgine, & homo factus est.

Articulus II.

Christi passio, & mors.

Secundus articulus est de passione, & morte Christi, secundum quod ipse Dominus praedixit Matth. 20. *Ecce ascendimus Hierosolimam, & filius hominis tradetur principibus sacerdotum, & scribis, & condemnabunt eum morte, & tradent eum gentibus ad illudendum, & flagellandum, & crucifigendum.* Et circa hunc articulum primus quidem est error Manichaeorum, qui sicut corpus Christi esse phantasticum asserunt, ita passionem Christi non in veritate, sed in phantasia esse arbitrantur: contra quod dicitur Isa. 53. *Vere languores nostros ipse tulit, & dolores nostros ipse portavit.* Et iterum 7. *Tanquam ovis ad occisionem ductus est.* Quod etiam inducit Act. 8. Secundus est error Galeni, qui in Christo unam naturam posuit, sed incorporalem, & immortalem: contra quod dicitur 1. Pet. 3. *Christus semel pro peccatis nostris mortuus est.* Et contra hos errores ponitur in Symbolo: *Crucifixus, mortuus, & sepultus.*

Articulus III.

Christi descensus ad inferos.

Tertius articulus est de descensu ad inferos. Credimus enim, animam Christi descendisse ad inferos, corpore jacente in sepulcro: Eph. 4. *Descendit primum in inferiores partes terrae.* Unde in Symbolo dicitur: *Descendit ad in-*

D. TH. AQUINAT. 247

inferos; quod est contra quosdam, qui posue- Error.
runt ipsum Christum non descendisse per seipsum
ad inferos, cum tamen Petrus dicat Act. 2.
quod *non est derelictus in inferno.*

Articulus IV.

Quartus articulus est de resurrectione Christi, Resurrectio
secundum quod ipse dicit Matth. 26. *Tertia Christi.*
die resurget. Et circa hunc articulum pri-
mo quidem erravit Cerinthus, asserens, Christum 1. Error.
non surrexisse, sed resurrecturum esse: contra quod Cerinthus.
dicitur 1. Corin. 15. *Resurrexit tertia die secun-*
dum scripturas. Secundus error est, qui imponi-
tur Origeni, quod sit iterum pro salute homi- 2. Origeni
num, & daemonum passurus, contra quod dicitur: Impositura.
Rom. 6. *Christus resurgens ex mortuis, jam non*
moritur, mors illi ultra non dominabitur. Quod
enim mortuus est peccato, mortuus est semel:
quod autem vivit, vivit Deo. Et contra hos er-
rores dicitur in Symbolo. *Tertia die resurrexit*
a mortuis.

Articulus V.

Quintus articulus est de ascensione Christi in Christi in
caelum, de quo ipse dicit Joan. 20. caelum a-
Ascendo ad Patrem meum, & Patrem ve- scensus.
strum, Deum meum, et Deum vestrum. Circa
quae errant Seleuciani, qui negant, Salvatorem Error Seleu-
in carne sedere ad dexteram Dei Patris, sed cianorum.
quod eam exiit, & in sole posuit. Circa quod
dicitur Marc. ult. *Dominus quidem Iesus post-*

quam locutus est eis, ascendit in caelum, & sedet a dextris Dei. Unde in Symbolo dicitur: Ascendit in caelum, sedet ad dexteram Patris.

Articulus VI.

Christi ad-
ventus ad
judicium.

Error.

Sextus articulus est de adventu ad iudicium, de quo Dominus dicit Matth. 25. *Cum venerit filius hominis in maiestate sua, & omnes angeli ejus cum eo, tunc sedebit super sedem maiestatis suae.* Et Petrus dicit Act. 10. *Hic est, qui constitutus est a Deo Judex vivorum, & mortuorum; sive eorum, qui jam mortui sunt, & eorum qui in adventu Christi vivi invenientur.* Et circa hoc aliqui errant, de quibus dicitur 2. Pet. 3. *Venient in novissimis diebus in deceptione illudores juxta proprias concupiscentias dicentes: Ubi est promissio, aut adventus ejus?* contra quos dicitur Job. 19. *Fugite a facie gladii, quoniam ultor iniquitatum gladius est, & scitote, esse iudicium.* Unde in Symbolo dicitur: *Qui venturus est judicare vivos, & mortuos.* Illi autem, qui septem articulos humanitatis esse ponunt, distinguunt primum articulum in duos, ponentes scilicet sub alio articulo conceptionem Christi, & sub alio ejus nativitatem.

De Ecclesiae Sacramentis.

Nunc restat considerandum de Ecclesiae Sacramentis, quae tamen omnia comprehenduntur sub uno articulo, quae ad effectum gratiae pertinent. Sed quia specialem de sacramentis fecis-

stis

his quaestionem, de his seorsum agendum est. Et primo igitur sciendum, quod sicut Augustinus dicit in 10. lib. de civit. Dei: *Sacramentum est sacrum signum, vel sacrae rei signum*. Fuerunt autem in veteri lege quaedam Sacramenta, idest sacrae rei signa, sicut agnus paschalis, & alia sacramenta legalia, quae quidem solum significabant Christi gratiam, non tamen eam causabant. Unde Apost. Gal. 4. vocat ea *egena*, & *infirmamenta*. Egena quidem, quia gratiam non continebant, & infirma, quia gratiam conferre non poterant. Sacramenta vero novae legis continent, & conferunt gratiam. In eis enim virtus Christi sub tegmento rerum visibilium secretius operatur salutem, ut dicit Aug. Et ideo Sacramentum novae legis est invisibilis gratiae visibilis forma, ut ejus similitudinem gerat, & causa existat. Sicut ablutio, quae fit in aqua baptismatis, repraesentat interiorem mundationem, quae fit a peccatis per virtutem baptismi. Sunt autem Sacramenta legis novae septem, scilicet Baptismus, Confirmatio, Eucharistia, Poenitentia, extrema Unctio, Ordo, & Matrimonium. Quorum prima quinque ordinantur ad perfectionem unius hominis in seipso; sed alia duo, scilicet Ordo, & Matrimonium, ordinantur ad perfectionem, & multiplicationem totius Ecclesiae. Vita enim spiritualis conformatur vitae corporali: in vita autem corporali perficitur homo primo per generationem, qui nascitur in hoc mundo: secundo per augmentum, quo perducitur ad quantitatem, & virtutem perfectam: tertio per cibum, quo sustentatur hominis vita, & virtus.

Et haec

Sacramenta
vet. legis.

Sacramenta
novae legis.

Definitio.

Numerus.

Ad quae ordi-
nantur.

Et haec quidem sufficerent, si numquam eum infirmari contingeret. Sed quia frequenter homo infirmatur, quarto indiget sanatione. Sic est in vita spirituali. Primo enim indiget homo regeneratione, quae fit per baptismum, secundum illud Joan. 3. *Nisi quis renatus fuerit ex aqua & Spiritu sancto, non potest introire in regnum Dei.*

Per Bapti-
smum datur
esse spirit.

Per Confir-
mationem,
robur spirit.

Secundo oportet, quod homo accipiat perfectam virtutem, quasi quoddam spirituale augmentum, scilicet per sacramentum Confirmationis ad similitudinem Apostolorum, quos Spiritus sanctus in eos veniens confirmavit. Unde Dominus dixit eis Luc. ult. *Vos sedete in civitate Hierusalem quoadusque induamini virtute ex alto.* Tercio oportet, quod homo spiritualiter nutriatur per Eucharistiae sacramentum, secundum illud Joan. 6. *Nisi manducaveritis carnem filii hominis, & biberitis ejus sanguinem, non habebitis vitam in vobis.* Quarto oportet, quod homo sanetur spiritualiter per sacramentum poenitentiae, secundum illud Psal. 40. *Sana Domine animam meam, quia peccavi tibi.* Quinto spiritualiter simul, & corporaliter per sacramentum

Per Eucha-
ristiam nu-
tricio spirit.

Per poeni-
tentiam sa-
lus spirit.

extremae Unctionis sanatur, secundum illud Jac. ult. *Infirmatur aliquis in vobis, inducat presbyteros Ecclesiae, & orent super eum ungentes eum oleo in nomine Domini, & oratio fidei salvabit infirmum, & allevabit eum Dominus, & si in peccatis sit, dimittentur ei.* Quantum autem ad comunem Ecclesiae utilitatem ordinantur duo sacramenta, scilicet Ordo, & Matrimonium. Nam per Ordinem Ecclesia gubernatur, & multiplicatur spiritualiter, & per Matrimonium multipli-

Per Unctio-
nem salus a-
nimae, &
corp.

Per Ordi-
nem, & ma-
trimonium.
Ecclesia re-
gitur, & mul-
tiplicatur.

catur
catur

catur corporaliter . Est autem considerandum ,
 quod praedicta septem sacramenta quaedam ha-
 bent communia , & quaedam propria . **Communia**
 mune quidem est omnibus sacramentis , quod **omn. Sacra-**
 conferant gratiam , sicut dictum est . **mentis .**
 etiam est omnibus , quod sacramentum consistit
 in verbis, & rebus corporalibus , sicut in Christo, **Res, & ver-**
 qui est sacramentorum author, est Verbum, caro **ba .**
 factum . Et sicut caro Christi sanctificata est, &
 virtutem sanctificandi habet per Verbum sibi uni-
 tum, ita & res Sacramentorum sanctificantur, &
 vim sanctificandi habent per verba , quae in his
 proferuntur . Unde Augustinus dicit sup. Joan. *Ac-*
cedit verbum ad elementum, & fit sacramentum.
 Unde verba, quibus sanctificantur sacramenta, di-
 cuntur sacramentorum formae : res autem san- **Seu mate-**
 ctificatae dicuntur sacramentorum materia ; si- **ria, & forma.**
 cut aqua est materia baptismi , & crisma confir-
 mationis . Requiritur etiam in quolibet sacra-
 mento persona ministri conferentis sacramentum
 cum intentione conferendi , & faciendi quod fa- **Minister**
 cit Ecclesia . Quorum trium si aliquid desit, idest , **eum inten-**
 si non sit debita forma verborum , & si non sit **tionem .**
 debita materia , & si minister sacramenti non
 intendit sacramentum conficere , non perficitur
 sacramentum . Impeditur etiam effectus sacra- **Impedi-**
 menti per culpam recipientis , puta , si fictus **mentum eor-**
 accedat , & non corde parato ad suscipiendum **effectus .**
 sacramentum . Talis enim licet sacramentum sus-
 cipiat , effectum tamen sacramenti , idest gra-
 tiam Spiritus sancti non recipit ; quia ut dicitur
 Sap. 1. *Spiritus sanctus disciplinae effugit fictum.* **E**
 contrario autem sunt alii, qui nunquam recipiunt sa-
 fa-

sacramentum, qui tamen effectum sacramenti suscipiunt propter devotionem, quam habent ad sacramentum, quod habent in voto, sive desiderio. Sunt autem & quaedam propria sacramentis quibusdam. Nam quaedam horum imprimunt characterem, idest spirituale quoddam signum distinctivum a ceteris, sicut in sacramento Ordinis, vel sacramento Baptismi, & in sacramento Confirmationis. Et talia sacramenta nunquam iterantur super eandem personam. Nunquam enim ille, qui est baptizatus, debet ulterius baptizari: neque confirmatus, iterum confirmari: neque ordinatus, iterum ordinari, quia character, qui in hujusmodi sacramentis imprimitur, indelebilis est. In aliis vero sacramentis non imprimitur character suscipienti ea, & ideo possunt iterari ad personam suscipientem, non tamen quantum ad materiam. Potest enim unus homo frequenter poenitere, frequenter Eucharistiam sumere, frequenter extremam unctionem suscipere, frequenter Matrimonium contrahere, non tamen eadem hostia debet frequenter consecrari, nec idem oleum infirmorum debet frequenter benedici. Est etiam alia differentia, quia quaedam sacramenta sunt de necessitate salutis, sicut Baptismus, & Poenitentia, quibus non existentibus, non potest homo salvari. Alia vero sacramenta non sunt de necessitate salutis, quia sine eis potest esse salus, nisi propter contemptum sacramenti.

Propria quibusdam sacramentis.
1. Character.

2. Necessitas.

His visis in communi circa Ecclesiae sacramenta, oportet quaedam in speciali de singulis dicere. Primo igitur circa Baptismum sciendum est, quod

materia Baptismi est aqua vera, & naturalis, nec differt utrum sit frigida, vel calefacta. In aquis autem artificialibus, sicut est aqua rosacea, & aliis hujusmodi, non potest baptizari. Forma autem baptismi est ista: *Ego te baptizo in nomine Patris, & Filii, & Spiritus sancti*. Minister hujus sacramenti proprius est sacerdos, cui ex officio competit baptizare. In articulo tamen necessitatis non solum diaconus, sed etiam laicus, mulier, imo paganus, etiam haereticus potest baptizare, dummodo servet formam Ecclesiae, & intendat facere, quod facit Ecclesia. Si vero extra articulum necessitatis aliquis a talibus baptizaretur, recipit quidem sacramentum, & non debet iterum baptizari, non tamen recipit gratiam sacramenti, quia ficti reputantur, utpote contra statutum Ecclesiae sacramentum accipientes. Effectus autem baptismi est remissio culpaе originalis, & actualis, & etiam totius culpaе, & poenae, ita quod baptizatis non est aliqua satisfactio injungenda pro peccatis praeteritis, sed statim morientes post baptismum introducuntur ad gloriam Dei: unde effectus baptismi ponitur apertio januae paradisi. Circa hoc sacramentum fuerunt aliqui errores. Primus quidem fuit Seleucianorum, qui baptismum in aqua non recipiunt, sed solum baptismum spirituale: contra quos dicit Dominus Joan. 3. *Nisi quis renatus fuerit ex aqua &c.* Secundus error fuit Donatistarum rebaptizantium eos, qui sunt baptizati a catholicis: contra quos dicitur Eph. 4. *Una fides, unum baptisma*. Est autem alter error eorum: nam dicunt, quod homo in peccato

Baptismi
materia.

Forma.

Minister
proprius.
Minister in
necessis.Effectus Ba-
ptismi.Contra Ba-
ptismum.
1. Error. Se-
leucianor.2. Donati-
starum.

3. Eorumd.

exi-

existens non potest baptizare: contra quos dicitur Jo. 1. *Super quem videris spiritum descendantem & manentem, hic est qui baptizat*, scilicet Christus. Unde non nocet homini malus minister, nec in hoc, nec in aliis sacramentis: quia Christus est bonus, qui merito suae passionis perficit sacramentum. Quartus error est Pelagianorum, qui dicunt pueros baptizari, ut regeneratione adoptati admittantur ad regnum Dei, de bono in melius translati, non ista regeneratione ab aliquo malo obligationis veteris absoluti.

4- Pelagianorum.

Secundum sacramentum est Confirmationis, cuius materia est crisma confectum ex oleo, quod significat nitorem conscientiae: & balsamo, quod significat odorem bonae famae per episcopum benedicto. Forma autem huius sacramenti est talis: *Signo te signo crucis, & confirmo te crismate salutis, in nomine Patris, & Filii, & Spiritus sancti, Amen.* Minister autem huius sacramenti est solus episcopus. Non enim licet sacerdoti confirmandum crismate in fronte inungere. Effectus autem huius sacramenti est, quod in eo datur Spiritus sanctus ad robur, sicut datus est Apostolis in die Pentecostes: ut scilicet Christianus audacter confiteatur nomen Christi. Et ideo confirmandus in fronte ungitur, in qua est sedes verecundiae, ut scilicet nomen Christi confiteri non erubescat, & praecipue crucem ejus, quae est Judaeis scandalum, Gentibus autem stultitia; & propter hoc etiam signo crucis signantur. Circa hoc sacramentum est error quorundam Graecorum dicentium, quod sacerdos simplex hoc sacramentum potest conferre; contra

Contra
Confirmat.
Error Graecorum.

tra quos dicitur Actuum 8. quod *Apostoli misc-*
runt Petrum, & Joannem Apostolum, qui impone-
bant manus super eos, qui baptizati erant a Philip-
po diacono, & accipiebant Spiritum sanctum. Epi-
 scopi autem sunt in Ecclesia loco Apostolorum ,
 & loco illius manus impositionis datur in Eccle-
 sia Confirmatio .

Tertium sacramentum est Eucharistiae , Eucharistiae
 cujus materia est panis triticeus , & vinum materia.
 de vite , modica aqua permixtum , ita quod
 aqua transeat in vinum . Nam aqua significat
 populum incorporatum Christo . De alio au-
 tem pane , quam tritici , & alio vino non potest
 hoc confici sacramentum . Forma autem hujus *Forma .*
 sacramenti sunt ipsa verba Christi dicentis : *Hoc*
est corpus meum . Et : Hic est calix sanguinis mei ,
novi, et aeterni testamenti , mysterium fidei, qui
pro vobis, et pro multis effundetur in remissionem
peccatorum . Quia sacerdos in persona Christi lo-
 quens hoc conficit sacramentum . Minister au- *Minister .*
 tem sacramenti hujus est sacerdos , neque aliquis
 alius potest corpus Christi conficere . Effectus *1. Effectus .*
 autem hujus duplex est , quorum primus consi-
 stit in ipsa consecratione sacramenti : nam virtu-
 te praedictorum verborum panis convertitur in
 corpus Christi , & vinum in sanguinem , ita ta-
 men quod totus Christus continetur sub specie-
 bus panis, quae remanent sine subjecto , & totus
 Christus continetur sub speciebus vini : & sub
 qualibet parte hostiae consecratae , & vini con-
 secrati, separatione facta, est totus Christus . Alius *2. Effectus .*
 vero effectus hujus sacramenti , quem in anima
 digne sumentis facit , est adunatio hominis ad
 Chri-

Christum, sicut ipse dicit Joan. 6. *Qui manducat meam carnem, et bibit meum sanguinem, in me manet, et ego in eo.* Et quia per gratiam homo Christo incorporatur, & membris ejus unitur, dignum est, quod hoc sacramentum sumentibus digne gratia augeatur. Sic igitur in

Tria in Eucharistia distinguenda. hoc sacramento est aliquid, quod est sacramentum tantum, scilicet ipsa species panis & vini: & aliquid quod est res, & sacramentum, scilicet corpus Christi verum: & aliquid, quod est res tantum, scilicet unitas corporis mystici, idest Ecclesiae, quam hoc sacramentum & significat, & causat.

**Contra Eucharistiam
1. Error. Berengarii.**

Fuerunt autem circa hoc sacramentum multi errores, quorum primus est eorum, qui dicunt, quod in hoc sacramentum non est verum corpus Christi, sed tantum significative. Author erroris ejus dicitur fuisse Berengarius, contra quem dicitur Joan. 6. *Caro mea vere est cibus, & sanguis meus vere est potus.* Secundus est error Artotyritarum, qui offerunt in

2. Artotyritarum.

sacramento hoc panem, & caseum, dicentes a primis hominibus oblationes de frugibus terrae & ovium celebratas fuisse: contra quod est, quod Dominus hujus sacramenti institutor panem, & vinum discipulis suis dedit. Tertius est error Cathaphrygarum, & Praeputiatorum, qui de

3. Cathaphrygarum & Praeputiatorum.

infantis sanguine, quem de toto ejus corpore minutis punctorum vulneribus extorquent, quasi Eucharistiam suam conficere perhibentur, immiscentes eum farinae, panemque inde facientes, quod magis est simile sacrificii daemionum, quam sacrificii Christi, secundum illud Psal. 105. *Effuderunt sanguinem innocentem, quem sacrificia-*

verunt sculpsitibus Chanaan. Quartus est error Aquariorum, qui aquam solam in sacrificiis offerunt, cum tamen Prov. 9. dicatur ex ore sapientiae, qui est Christus, *Bibite vinum, quod miscui vobis*. Quintus est error Ophitarum, qui serpentes Christum esse aestimantes, habent unum colubrum assuetum panes lingua lambere, atque ita eis velut Eucharistiam sanctificare. Sextus est error Pepuzianorum, qui tantum dant mulieribus principatum, ut sacerdotio quoque apud eos honorentur. Septimus est error Pauperum de Lugduno, qui dicunt, quemlibet iustum hominem posse conficere hoc sacramentum: contra quos errores est, quod Dominus Apostolis suis potestatem tradidit hoc sacramentum celebrandi unde solum illi, qui quadam successione ab Apostolis acceperunt hanc potestatem, possunt hoc sacramentum conficere. Octavus est error quorundam, qui dicuntur Adamani, qui imitantes nuditatem Adae, nudi mares, feminaeque conveniunt, nudi lectionem audiunt, nudi orant, sacramenta nudi celebrant: contra quos dicitur 1. Corint. 14. *Omnia honeste, & secundum ordinem fiant in vobis*.

Quartum Sacramentum est Poenitentia, cuius quasi materia sunt actus poenitentis, qui dicuntur tres poenitentiae partes; quarum prima est cordis contritio, ad quam pertinet, quod homo doleat de peccato commissio, & proponat, se de cetero non peccaturum. Secunda pars est oris confessio, ad quam pertinet, ut peccator omnia peccata, quorum memoriam habet, suo sacerdoti confiteatur integraliter,

R

non

4. Aquariorum.

5. Ophitar.

6. Pepuzianorum.

7. Pauperum de Lugduno.

8. Adamanorum.

Poenitentiae materia.

1. Contritio

2. Confessio

non dividens eā diversis sacerdotibus. Tertia pars
 3. Satisfact, est satisfactio pro peccatis secundum arbitrium
 Formæ, sacerdotis, quæ quidem præcipue fit per je-
 Minister, junium, & orationem, & eleemosynam. For-
 Effectus, ma autem hujus sacramenti sunt verba absolutio-
 nis, quæ sacerdos profert, cum dicit: *Ego te absolvo*. Minister hujus sacramenti est sacerdos habens auctoritatem absolvendi vel ordinariam, vel ex commissione superioris. Effectus hujus sacramenti est absolutio a peccato. Est autem
 Error. No. contra hoc sacramentum error Novatianorum,
 varianorum quid dicunt, hominem post baptismum peccantem non posse per poenitentiam veniam consequi: contra quos dicitur Apocalyp. 2. *Memor esto, unde excideris, & age poenitentiam, & prima opera fac.*

Unctionis
 extremæ
 materia. Quintum sacramentum est extremæ Unctionis, cujus materia est oleum olivæ per episcopum benedictum. Hoc autem sacramentum non debet dari nisi infirmis, quando timetur de periculo mortis, qui debent inungi in locis quinque sensuum; videlicet in oculis propter visum, in auribus propter auditum, in naribus propter odoratum, in ore propter gustum vel locutionem, in manibus propter tactum, in pedibus propter gressum. Quidam autem inungunt in renibus, ubi viget libido. Forma autem hujus sacramenti est ista: *Per istam unctionem, & suam piissimam misericordiam indulgeat tibi Dominus quicquid deliquisti per visum, & simili- ter in aliis*. Minister hujus sacramenti est sacerdos. Effectus autem hujus sacramenti est sanatio mentis, & corporis. Contra hoc sacramen- tum

tum est error Heraclianitarum , qui ferunt suos Error Hera-
morientes novo modo quasi redimere per oleum, clianitarum.
& balsamum , & aquam, & invocationibus, quas
hebraicis verbis dicunt super capita eorum .
Quod est contra formam a Jacobo traditam , ut
supra dictum est .

Sextum est sacramentum Ordinis , Sunt Ordinum
autem septem ordines , scilicet Presbyteratus , Diaconatus , Subdiaconatus Acolytatus , Exorcistae , Lectoris , & Ostiarii . Cleri-
catur autem non est ordo , sed quaedam profes-
sio vitae dantium se divino ministerio . Episco-
patus autem magis est dignitas , quam ordo .
Materia autem hujus sacramenti est illud mate-
riale , per cuius traditionem confertur ordo . Si-
cut presbyteratus traditur per collationem cali-
cis , & quilibet ordo traditur per collationem
illius rei, quae praecipue pertinet ad ministerium
illius ordinis . Forma autem hujus sacramenti est
talis : *Accipe potestatem offerendi sacrificium in
Ecclesia pro vivis, & mortuis* : & idem est dicen-
dum in consimilibus ordinibus . Minister hujus
sacramenti est episcopus , qui confert ordines . Ef-
fectus autem hujus sacramenti est augmentum
gratiae ad hoc , quod aliquis sit idoneus minister
Christi . Contra hoc sacramentum fuit error Ar-
rii , qui dicebat presbyterum ab episcopo non
debere discerni .

Septimum sacramentum est Matrimonium , Matrimonii
quod est signum conjunctionis Christi , & significatio .
Ecclesiae . Causa autem efficiens matrimonii Causa .
est mutuus consensus per verba de praesenti
expressus . Est autem triplex bonum matrimo-
nii ,

nii, quorum primum est proles suscipienda, & educanda ad cultum Dei. Secundum est fides, quam unus conjugum alteri debet servare. Tertium est sacramentum, idest indivisibilitas matrimonii, propter hoc, quod significat indivisibilem conjunctionem Christi, & Ecclesiae. Est

Contra ma- autem circa hoc sacramentum multiplex error.
trimonium. Primo quidem est Taelianorum, qui nuptias
1. Error. Ta- damnant. Contra quos est, quod dicitur 1. Co-
oianorum. rin. 7. *Si nupserit virgo, non peccavit.* Secun-
2. Jovinian. dus est error Joviniani, qui nuptias aequavit
 virginitati, de quo supra dictum est. Tertius
3. Nicolai- error est Nicolaitarum, qui indifferenter mutuis
tarum, uxoribus utuntur. Fuerunt etiam multi alii ha-
 retici turpia quaedam docentes, & exercentes;
 contra id, quod dicitur Hebr. ult. *Sit honorabile*
connubium in omnibus, et thorus immaculatus.

Sacramenta Horum autem virtute sacramentorum homo
 ad 3. animæ, perducitur ad futuram gloriam, quæ consistit
 & 4. corporis, in septem dotibus: tribus animæ, & quatuor
 ris dotes ho- corporis. Prima dos animæ est visio Dei per es-
 minem per- sentiam, secundum illud 1. Joan. 3. *Videbimus*
 ducunt, *eum sicuti est.* Secunda est comprehensio, qua
 scilicet Deum comprehendemus, quasi merito-
 rum mercedem: 1. Corin. 9. *Sic currite, ut com-*
prehendatis. Tertia est fruitio, quia in Deo de-
 lectabimur, secundum illud Job. 22. *Tunc su-*
per omnipotentem deliciis afflues, et elevabis ad
Deum faciem tuam. Prima autem dos corporis
 est impassibilitas, secundum illud 1. Corin. 15.
Oportet, corruptibile hoc induere incorruptionem.
 Secunda est claritas, secundum illud Matth. 13.
Fulgebunt iusti sicut sol in regno patris eorum.

Ter-

D. TH. AQUINAT. 261

Tertia est agilitas, per quam celeriter adesse poterunt, ubi volent: Sapien. 3. *Tanquam scintillae in arundinetis discurrent.* Quarta est agilitas, per quam poterunt, quaecunque voluerint, penetrare, secundum illud 1. Corint. 15. *Seminatus corpus animale, surget corpus spirituale.* Ad quam nos perducatur qui vivit, & regnat per omnia saecula saeculorum. Amen.

*Explicit Opusculum S. Tb. de articulis fidei,
& Ecclesiae Sacramentis.*





EJUSDEM S. DOCTORIS OPUSCULUM

Super Symbolo Apostolorum.

Fides ad fal-
necessaria .

x. Conjun-
git animam
Deo .



Redo in unum Deum &c. Primum, quod est necessarium christiano, est fides; sine qua nullus dicitur fidelis christianus. Fides autem facit quatuor bona. Primum est, quod per fidem anima conjungitur Deo. Nam per fidem anima christiana facit quasi quoddam matrimonium cum Deo: *Osée 2. Sponsabo te mihi in fide.* Et inde est, quod quando homo baptizatur, primo confitetur fidem, cum dicitur ei, *Credis in Deum?* quia baptismus est primum sacramentum fidei. Et ideo dicit Dominus Mar. ult. *Qui crediderit, & baptizatus fuerit, salvus erit.* Baptismus enim sine fide non prodest. Et ideo sciendum est, quod nullus est acceptus Deo sine fide: *Hebr. 11. Sine fide impossibile est placere Deo.* Et ideo dicit Augustinus super illud *Rom. 14. Omne, quod non est fide &c. Ubi non est aeternae, & incommutabilis veritatis agnitio, falsa est virtus etiam in-*
opti-

OPUSCULA D. TH. AQUINAT. 263

optimis moribus. Secundo, quia per fidem inchoatur in nobis vita aeterna. Nam vita aeterna nihil aliud est, quam cognoscere Deum. Unde dicit Dominus Johann. 17. *Haec est vita aeterna, ut cognoscant te solum verum Deum.* Haec autem cognitio Dei incipit hic per fidem, sed perficitur in vita futura, in qua cognoscemus eum sicuti est. Et ideo dicitur Hebr. 11. *Fides est substantia sperandarum rerum.* Nullus ergo potest pervenire ad beatitudinem, quae est vera cognitio Dei, nisi primo cognoscat per fidem: Jo: 20. *Beati qui non viderunt, & crediderunt.* Tertio, quia fides dirigit vitam praesentem. Nam ad hoc, quod homo bene vivat, oportet quod sciat necessaria ad bene vivendum: & si deberet omnia necessaria ad bene vivendum per studium addiscere, vel non posset pervenire, vel post longum tempus. Fides autem docet omnia necessaria ad bene vivendum. Ipsa enim docet, quod est unus Deus, qui est remunerator bonorum, et punitor malorum: et quod est alia vita, et hujusmodi, quibus satis allicimur ad bonum, et vitamus malum: Habac. 2. *Iustus meus ex fide vivit.* Et hoc etiam patet, quia nullus philosophorum ante adventum Christi cum toto conatu suo potuit tantum scire de Deo, et de necessariis ad vitam aeternam, quantum post adventum Christi scit vetula per fidem. Et ideo dicitur Isa. 11. *Repleta est terra scientia Domini.* Quarto, quia fides est, qua vincimus tentationes: Hebr. 11. *Sancti per fidem vicerunt regna.* Et hoc patet, quia omnis tentatio vel est a diabolo, vel a mundo, vel a carne.

2. Glorificatur in nobis vita aeterna. ^{initium facit.}

3. Dirigit praesentem vitam.

4. Tentationes vincit.

lus enim tentat, ut non obedias Deo, nec subiciaris ei. Et hoc per fidem removetur. Nam, per fidem cognoscimus, quod ipse est Dominus omnium; et ideo sibi est obediendum: 1. Petr. 5. *Adversarius vester diabolus circuit quærens quem devoret, cui resistite fortes in fide.* Mundus autem tentat vel alliciendo prosperis, vel terrendo adversis. Sed hæc vincimus per fidem, quæ facit, nos credere aliam vitam meliorem ista. Et ideo prospera mundi hujus despiciamus, et non formidamus adversa: 1. Jo. 5. *Hæc est victoria, quæ vincit mundum, fides nostra.* Et etiam, quia docet nos, credere alia majora mala, scilicet inferni. Caro vero tentat inducendo nos ad delectationes vitæ præsentis momentaneas; sed fides ostendit nobis, quod per has, si eis indebite adhaeremus, æternas delectationes amittimus: Ephes. 6. *In omnibus sumentes scutum fidei.* Sic ergo patet, quod multum est utile, habere fidem. Sed dicit aliquis. Stultum est credere, quod non videtur, nec sunt credenda, quæ non videntur.

Credendi
1. Ratio.

Respondeo. Dicendum, quod hoc dubium primo tollit imperfectio intellectus nostri. Nam si homo posset perfecte per se cognoscere omnia visibilia, et invisibilia, stultum esset credere, quæ non videmus. Sed cognitio nostra est adeo debilis, quod nullus philosophus potuit unquam perfecte investigare naturam unius muscæ. Unde legitur, quod unus philosophus fuit triginta annis in solitudine, ut cognosceret naturam apis. Si ergo intellectus noster est ita debilis, nonne stultum est, nolle credere de Deo, nisi illa

tan-

tantum, quae homo potest cognoscere per se? Et ideo contra hoc dicitur Job. 6. *Ecce Deus magnus, vincens scientiam nostram*. Secundo, potest responderi, quia dato, quod aliquis magister aliquid diceret in sua scientia, et aliquis rusticus diceret, non esse ita, sicut magister doceret, eo quod ipse non intelligeret, multum reputaretur stultus ille rusticus. Constat autem, quod intellectus angeli excedit magis intellectum optimi philosophi, quam intellectus optimi philosophi intellectum rustici. Et ideo stultus est philosophus, si nolit credere ea, quae angeli dicunt, & multo magis, si nolit credere ea, quae Deus dicit. Et contra hoc dicitur Eccl. 3. *Plurima supra sensum hominum ostensa sunt tibi*. Tertio, potest responderi, quia si homo nollet credere nisi ea, quae cognosceret, certe non posset vivere in hoc mundo. Quomodo enim aliquis vivere posset, nisi crederet alicui? Quomodo etiam crederet, quod talis esset pater suus? Et ideo est necesse, quod homo credat alicui de iis, quae perfecte non potest scire per se. Sed nulli est credendum sicut Deo. Et ideo illi, qui non credunt dictis fidei, non sunt sapientes, sed stulti & superbi, sicut dicit Apost. 1. ad Tim. 6. *Superbus est, nihil sciens*. Propterea dicebat 2. Tim. 1. *Scio cui credidi, & certus sum*. Eccl. 2. *Qui timetis Deum, credite illi*. Quarto, potest etiam responderi, quia Deus probat, quod ea, quae docet fides, sunt vera. Si enim rex mitteret literas cum sigillo suo sigillatas, nullus auderet dicere, quod illae litterae non processissent de regis voluntate. Constat autem, quod omnia, quae sancti crediderunt,

derunt, & tradiderunt nobis de fide Christi, signata sunt sigillo Dei: quod sigillum ostendunt illa opera, quae nulla pura creatura facere potest. Et haec sunt miracula, quibus Christus confirmavit dicta Apostolorum, & Sanctorum. Si dicas, quod miracula nullus vidit fieri. Respondeo ad hoc. Constat enim, quod totus mundus colebat Idola, & fidem Christi persequabatur, sicut Paganorum etiam historiae tradunt. Sed modo omnes conversi sunt ad Christum, & sapientes, & nobiles, & divites, et potentes, & magni ad praedicationem simplicium, et pauperum, & paucorum praedicantium Christum. Aut ergo hoc est miraculose factum, aut non. Si miraculose, habes propositum. Si non, dico quod non potuit esse majus miraculum, quam quod mundus totus sine miraculis converteretur: non ergo quaerimus aliud. Sic ergo nullus debet dubitare de fide, sed credere ea, quae fidei sunt, magis quam ea, quae videt: quia visus hominis potest decipi, sed Dei scientia nunquam fallitur.

Gentium
conversionis
miraculum.

Nomen,
Deus.

Credo in unum Deum &c. Inter omnia, quae debent credere fideles, hoc est primum, quod debent credere, scilicet quod sit unus Deus. Considerandum autem, quid significet hoc nomen, Deus. Quod quidem nihil est aliud, quam gubernator, & provisor rerum omnium. Ille igitur credit, Deum esse, qui credit, omnes res mundi hujus gubernari, & provideri ab illo. Qui autem credit, quod omnia proveniant a casu, hic non credit, Deum esse. Nullus autem invenitur adeo stultus, qui non credat, quod res natura-

turales gubernentur, provideantur, & disponantur; cum in quodam ordine, et certis temporibus procedant. Videmus enim solem, et lunam, et stellas, et alias res naturales omnes servare determinatum cursum; quod non contingeret, si a casu essent. Unde si aliquis esset, qui non crederet, Deum esse, stultus esset: Psal. 13. *Dixit insipiens in corde suo: Non est Deus.* Sunt autem aliqui, qui licet credant, Deum esse, gubernare, et disponere res naturales; non tamen credunt, Deum esse humanorum actuum providorem, qui scilicet credunt, actus humanos non disponi a Deo. Cujus ratio est, quia vident, in mundo isto bonos affligi, et malos prosperari: quod videtur tollere providentiam divinam circa homines. Unde in persona eorum dicitur Job. 21. *Circa cardines caeli perambulat, nec nostra considerat.* Hoc autem est valde stultum. Nam istis accidit, sicut si aliquis nesciens medicinam, videret medicum propinquantem uni infirmo aquam, alteri vinum, secundum scilicet, quod ars medicinae dictat; crederet quod fiat a casu, cum nesciat artem medicinae, quae ex justa causa hoc facit, scilicet, quod isti dat vinum, illi vero aquam. Sic est de Deo. Deus enim justa causa, et sua providentia disponit ea, quae sunt hominibus necessaria, et sic quosdam bonos affligit, et quosdam malos in prosperitate dimittit. Unde qui credit, hoc provenire a casu, est, et reputatur insipiens, quia non contingit hoc, nisi quia nescit artem, et causam dispositionis divinae: Job. 11. *Utinam ostenderet tibi saecula sapientiae, & quod multiplex esset lex ejus.* Et ideo firmiter credendum

Dei gubernatio quoad naturalia.

Quoad humanos actus.

dum est, quod Deus gubernat, et disponit non solum res naturales, sed etiam actus humanos: Psal. 93. *Et dixerunt: Non videbit Dominus, nec intelliget Deus Jacob. Intelligite insipientes in populo, & stulti aliquando sapite. Qui plantavit aurem non audiet, aut qui finxit oculum non considerat? Dominus scit cogitationes hominum.* Omnia ergo videt et cogitationes, et occulta voluntatis. Unde et hominibus specialiter imponitur necessitas bene facendi, quia omnia, quae cogitant, et faciunt, divino conspectui sunt manifesta: Apostolus Hebr. 4. *Omnia nuda sunt, & aperta oculis ejus.*

Unitas Dei.

Deos induxit
i. Imbecillitas human-
mentis.

Est autem credendum, quod Deus, qui omnia disponit, et regit, sit unus Deus tantum. Cujus ratio est: quia illa dispositio rerum humanarum est bene disposita, in qua multitudo invenitur disponi, et gubernari per unum. Nam multitudo praesidentium inducit saepe disensionem in subditis. Unde cum divinum regimen praecineat regimini humano, manifestum est, quod regnum mundi non est per multos Deos, sed per unum tantum. Sunt autem quatuor, ex quibus homines inducti sunt ad ponendum plures Deos. Primum est, imbecillitas intellectus humani. Nam homines imbecillis intellectus non valentes corporalia transcendere, non crediderunt, aliquid esse ultra naturam corporum sensibilem. Et ideo inter corpora illa posuerunt praeceminere, et disponere mundum, quae pulchriora, et digniora inter ea videbantur: et eis attribuebant, et impendebant divinum cultum, cujusmodi sunt corpora caelestia, scilicet sol, et luna, et stellae.

Sed

Sed istis accidit sicut alicui eunti ad curiam regis , qui volens videre regem , et credit quemcumque bene indutum , vel in officio constitutum , regem esse : de quibus dicitur Sap. 13. *Solem , & lunam , aut gyrum stellarum rectores orbis terrarum Deos putaverunt .* Isa. 51. *Levate in excelsum oculos vestros &c.* Secundo , ^{2. Adulatio.} provenit ex adulatione hominum . Nam et aliqui volentes adulari dominis , et regibus , honorem Deo debitum eis exhibuerunt , obediendo eis , & subiciendo se eis . Unde et aliquos post mortem fecerunt Deos , alios etiam in vita dixerunt Deos : Judith. 5. *Sciat omnis gens , quoniam Nabuchodonosor Deus terrae est , & praeter ipsum alius non est.* Tertio , provenit ex carnali affectu ad filios , et consanguineos . Nam aliqui ^{3. Affectus carnalis .} propter nimium amorem , quem ad suos habebant , faciebant statuas post eorum mortem , et sic ex hoc processum est , quod illis statuis divinum cultum impendebant ; de quibus dicitur Sap. 14. *Quoniam aut affectui , aut regibus deservientes homines , incommunicabile nomen lapidibus , & lignis imposuerunt .* Quarto , ex malitia diaboli . ^{4. Malitia diaboli .} Ipse enim ab initio voluit aequiparari Deo . Unde ipse ait Isa. 14. *Ponam sedem meam ab aquilone , in caelum conscendam , & ero similis altissimo.* Et hanc voluntatem nondum deposuit : et ideo totus conatus suus in hoc exiit , ut faciat se ab hominibus adorari , et sacrificia sibi offerri , non quod delectetur in uno cane , vel cato , qui ei offertur , sed delectatur in hoc , quod ei impendatur reverentia sicut Deo . Unde et Christo dixit , Matth. 4. *Haec omnia tibi dabo , si cadens adq.*

adoraveris me. Inde est etiam, quod intrantes idola, dabant responsa, ut scilicet venerarentur, ut dii: Psalm. 95. *Omnes dii gentium daemones*. Apost. 1. Cor. 10. *Sed quae immolant gentes, daemones immolant, & non Deo*: Licet autem haec sint horribilia, sunt tamen aliqui, et multi, qui

- Idololatra- frequenter incidunt in istas quatuor causas.; Et
rum ex factis licet non ore, aut corde, tamen factis ostendunt,
1. Genus. se credere plures Deos. Nam qui credunt, quod corpora caelestia possunt in voluntatem hominis imprimere, et qui in factis suis certa accipiunt tempora, ii ponunt corpora caelestia esse Deos, et aliis dominari, facientes astrolabia: Jerem. 10. *A signis caeli nolite metnere, quae timent gentes, quia leges populorum vanae sunt*. Item, omnes illi, qui obediunt regibus plusquam Deo, vel in illis, in quibus non debent, constituunt eos Deos suos: Actuum 5. *Obedire oportet Deo magis, quam hominibus*. Item, illi, qui diligunt filios, aut consanguineos plusquam Deum, ostendunt factis, plures esse Deos: vel etiam illi, qui diligunt escam plusquam Deum, de quibus Apostolus Phil. 3. *Quorum Deus venter est*. Item omnes illi, qui insistant veneficiis, et incantationibus, credunt, daemones esse Deos. Cujus ratio est, quia petunt a daemonibus id, quod solus Deus dare potest, scilicet revelationem alicujus rei occultae, et veritatem futurorum. Est ergo primo credendum, quod Deus est unus tantum.

Deus rerum
creator.

Patrem omnipotentem, creatorem caeli, & terrae. Sicut dictum est, primum, quod credere debemus, est, quod sit unus solus Deus. Secundum est, quod iste Deus sit creator, & fa-
ctor

Etor caeli, & terrae, visibilia, & invisibilia.
 Et ut rationes subtiles dimittantur ad praesens,
 quodam rudi exemplo manifestatur propositum, Similitudi-
 quod scilicet omnia sunt a Deo creata, & facta. ne probatur.
 Constat enim, quod si aliquis intraret domum ali-
 quam, & in ipsius domus introitu sentiret ma-
 jorem calorem, & sic deinceps, crederet ignem
 esse interius, etiam si ipsum ignem non videret,
 qui causaret dictos calores. Sic quoque contin-
 git consideranti res hujus mundi. Nam ipse in-
 venit, res omnes secundum diversos gradus pul-
 chritudinis, & nobilitatis esse dispositas, & quanto
 magis appropinquat Deo, tanto pulchriora, &
 meliora invenit. Unde corpora caelestia pul-
 chriora, & nobiliora sunt, quam corpora infe-
 riora, & invisibilia visibilibus. Et ideo creden-
 dum est, quod omnia haec sunt ab uno Deo,
 qui dat suum esse singulis rebus, & nobilitatem :
Sap. 13. Vani sunt autem omnes homines, in qui-
bus non subest scientia Dei, & de his, quae vi-
dentur bona, non potuerunt intelligere eum, qui
est, neque operibus attendentes agnoverunt,
quis esset artifex. Et infra. *A magnitudine enim*
speciei, & creaturae cognoscibiliter poterit crea-
tor horum videri. Sic ergo pro certo debet no-
 bis constare, quod omnia, quae sunt in mundo,
 a Deo sunt. Circa hoc autem debemus vitare
 tres errores: Primus est error Manichaeorum, 1. Error.
 qui dicunt, quod omnia visibilia creata sunt a Manichaeo-
 diabolo: & ideo Deo solum attribuunt creatio- rum.
 nem invisibilia. Et causa hujus erroris est,
 quia ipsi Deum asserunt summum bonum, sicut
 & verum est, & omnia, quae a bono sunt, bo-
 na esse,

na esse. Unde nescientes discernere, quid sit malum, & quid bonum, crediderunt, quod omnia illa, quae sunt aliquid malum, simpliciter essent mala: sicut ignis, quia urit, dicitur ab eis simpliciter malus: & aqua, quia suffocat, et sic de aliis. Unde quia nihil istorum sensibilium est simpliciter bonum, sed aliquid malum, et deficiens, dixerunt, quod visibilia omnia non sunt facta a Deo bono, sed a malo. Contra hos ponit Augustinus tale exemplum. Si aliquis intraret domum fabri, et inveniret instrumenta, ad quae impingeret, et laederent eum, et ex hoc reputaret illum fabrum malum, quia tenet talia instrumenta, stultus esset, cum faber ea teneat ad opus suum: ita stultum est dicere, quod per hoc creaturae sint malae, quia sunt in aliquo nocivae: nam quod uni est nocivum, alteri est utile. Hic autem error est contra fidem Ecclesiae; et ideo ad hunc removendum, dicitur: *Visibilia omnium, & in visibilia.* Gen. I. *In principio creavit Deus caelum, & terram.* Joan. I.

2. Ponendum mundum aeternum.

Omnia per ipsum facta sunt. Secundus est error ponentium mundum ab aeterno, secundum quem modum loquitur Petrus dicens, 2. Pet. 3. *Ex quo patres dormierunt, omnia sic perseverant ab initio creaturae.* Et isti ducti sunt ad hanc positionem, quia nescierunt considerare principium mundi: Unde, sicut Rabbi Moyses dicit, istis contingit sicut puero, qui si statim, cum nascitur, poneretur in insula, et numquam videret mulierem praegnantem, nec puerum nasci, et diceretur isti puero, quando magnus esset, qualiter homo concipitur, portatur in utero, et nasci-

nascitur, nulli crederet sibi dicenti, quia impossibile sibi videretur, quod homo posset esse in utero matris. Sic isti considerantes statum mundi praesentem, non credunt, quod incoeperit. Est etiam hoc contra fidem Ecclesiae. Et ideo ad hoc removendum dicitur: *Factorem caeli & terrae*. Si enim fuerunt facta, constat, quod non semper fuerunt. Et ideo dicitur in Psal. 148.

Dixit, & facta sunt. Tertius est error ponentium, Deum fecisse mundum ex praejacenti materia; et ad hoc ducti sunt, quia voluerunt metiri potentiam Dei secundum potentiam nostram.

3. Ponentium materiam aeternam.

Et ideo, quia homo nihil potest facere, nisi ex praejacenti materia, crediderunt, quod eodem modo & Deus. Unde dixerunt, quod in productione rerum habuit materiam praejacentem. Sed hoc non est verum. Nam homo ideo nihil potest facere sine praejacenti materia, quia est factor particularis, et non potest inducere, nisi hanc formam in determinata materia ab aliquo praesupposita. Cujus ratio est, quia virtus sua est determinata ad formam tantum; et ideo non potest esse causa nisi hujus formae. Deus autem est universalis causa omnium rerum, et non solum creat formam, sed etiam materiam. Unde et de nihilo omnia fecit. Et ideo ad removendum hunc errorem, dicitur: *Creatorem caeli, & terrae*. In hoc enim differunt creare, et facere: quia creare, est de nihilo aliquid facere, facere autem, est de aliquo aliquid facere. Si ergo ex nihilo fecit, credendum est, quod iterum posset omnia facere, si destruerentur. Unde potest caecum illuminare, mortuum suscitare, & cetera

Cogitans
creationem
fertur

1. Ad co-
gnoscedum
Dei majestatem.

2. Ad gratiarum
actionem agen-
dam.

3. Ad sustinen-
dam mala.

opera miraculosa facere: Sap. 12. *Subest enim tibi, cum volueris, posse.* Ex hujusmodi autem consideratione homo dirigitur ad quinque. Primo, ad cognitionem divinae majestatis. Nam factor praecedunt factis. Unde quia Deus est factor omnium rerum, constat, eum eminentiorem omnibus rebus: Sap. 13. *Quorum & si specie delectati Deos putaverunt, sciant, quanto his dominator eorum speciosior est. Aut si virtutem & opera eorum mirati sunt, & intelligant ab illis, quoniam, qui haec fecit, fortior est illis.* Et inde est, quod quicquid potest intelligi, vel cogitari, minus est ipso Deo: Job. 36. *Ecce Deus magnus, vincens scientiam nostram.* Secundo ex hoc dirigitur ad gratiarum actionem; quia enim Deus est creator omnium rerum, certum est, quod quicquid sumus, & quicquid habemus, a Deo est: Apostolus 1. Corinth. 4. *Quid habes, quod non accepisti?* Psal. 23. *Domini est terra, & plenitudo ejus &c.* Et ideo debemus ei reddere gratiarum actiones: Psal. 115. *Quid retribuam Domino pro omnibus, quae retribuit mihi?* Tertio inducitur ad patientiam in adversis. Nam licet omnis creatura sit a Deo, & ex hoc sit bona secundum suam naturam, tamen si in aliquo noceat, & inferat nobis poenam, debemus credere, quod illa poena sit a Deo, non tamen culpa, quia nullum malum est a Deo, nisi quod ordinatur ad bonum. Et ideo si omnis poena, quam homo suffert, est a Deo, debet patienter sustinere. Nam poenae purgant peccata, humiliant reos, provocant bonos ad amorem Dei: Job. 2. *Si bona suscepimus de manu Domini, mala au-*

la autem quare non suslineamus? Quarto induci-
mur ad recte utendum rebus creatis. Nam crea-
turis debemus uti ad hoc, ad quod factae sunt a
Deo. Sunt autem factae ad duo, scilicet ad glo-
riam Dei, qui *universa propter semetipsum*,
idest ad gloriam suam, *operatus est Dominus*,
ut dicitur Proverbior. 16; & ad utilitatem no-
stram: Deuteron. 4. *Quae fecit Dominus Deus*
tuus in ministerium cunctis gentibus. Debemus
ergo uti rebus ad gloriam Dei, ut scilicet in
hoc placeamus Deo, & ad utilitatem nostram,
ut scilicet ipsis utendo, non committamus pec-
catum: 1. Paralip. 29. *Tuasunt omnia, & quae*
de manu tua accepimus, dedimus tibi. Quicquid
ergo habes, siue scientiam, siue pulchritudi-
nem, totum debes referre, & uti eo ad gloriam
Dei. Quinto, ducimur ex hoc in cognitionem
dignitatis humanae. Deus enim omnia fecit pro-
pter hominem, sicut dicitur in Psal. 8. *Omnia*
subiecisti sub pedibus ejus: & homo magis est
similis Deo inter creaturas post Angelos. Unde
dicitur Genes. 1. *Faciamus hominem ad imagi-*
nem, & similitudinem nostram. Hoc quidem non
dixit de caelo, siue de stellis, sed de homine;
non autem quantum ad corpus, sed quantum ad
animam, quae est liberam voluntatem habens
& incorruptibilis, in quo magis assimilatur Deo,
quam ceterae creaturae. Debemus ergo con-
siderare, hominem post Angelos digniorem esse
ceteris creaturis, & nullo modo dignitatem no-
stram diminuere propter peccata, & propter
inordinatum appetitum rerum corporalium,
quae viliores sunt nobis, & ad servitium no-

4. Ad recte
utendum
creaturis.

5. Ad hum.
dignit.
cogno-
scendum

Dignitas
hominis.

strum factae : sed eo modo debemus nos habere, quo Deus fecit nos . Deus enim fecit hominem, ut praeeset omnibus , quae sunt in terra , & ut subsit Deo . Debemus ergo dominari, & praeesse rebus , Deo autem subesse , obedire , ac servire ; & ex hoc perveniemus in fruitionem Dei , quod nobis praestare &c.

Christus verus Dei Filius .

E*t in Jesum Christum Filium ejus unicum, Dominum nostrum .* Non solum est necesse christianis , unum Deum credere , & hunc esse Creatorem caeli , & terrae , & omnium ; sed etiam necesse est , ut credant, quod Deus est Pater , & quod Christus sit verus Filius Dei . Hoc autem , sicut dicit beatus Petrus in canonica sua , 2. Pet. 1. non est fabulosum , sed certum, & probatum per verbum Dei in monte . Unde dicit ibidem : *Non enim doctas fabulas secuti, notam facimus vobis Domini nostri Jesu Christi virtutem, & praescientiam ; sed speculatores facti illius magnitudinis . Accipiens enim a Deo Patre honorem, & gloriam, voce delapsa ad eum hujuscemodi a. magnifica gloria : Hic est filius meus dilectus, in quo mihi complacui, ipsum audite : & hanc vocem nos audivimus de caelo allatam, cum essemus cum ipso in monte sancto .* Ipse etiam Christus Jesus in pluribus locis vocat Deum Patrem suum, & se dicit Filium Dei . Et Apostoli, & sancti patres posuerunt inter articulos fidei, quod Christus est Filius Dei , dicentes : *Et in Jesum Christum Filium ejus, scilicet Dei, supple, credo .* Sed aliqui haeretici fuerunt, qui hoc perverse crediderunt . Photinus enim dicit, quod Christus non est aliter Filius Dei, quam

1. Error Photini .

quam boni viri , qui bene vivendo merentur dici Filii Dei per adoptionem , faciendo Dei voluntatem : & ita Christus, qui bene vixit , & fecit Dei voluntatem , meruit dici Filius Dei. Et voluit , quod Christus non fuerit ante beatam, *Alter ejusd.* Virginem , sed tunc incoepit , quando ex ea conceptus est . Et sic in duobus erravit . Primo, in hoc , quod non dixit eum verum Filium Dei secundum naturam . Secundo , quod dixit eum secundum totum suum esse ex tempore incoepisse ; cum fides nostra teneat , quod Filius sit Dei per naturam , & quod ab aeterno sit . Et de his habemus expressas auctoritates contra eum in sacra Scriptura . Nam contra primum dicitur , quod sit non filius solum , sed etiam unigenitus : Joan. 1. *Unigenitus, qui est in sinu Patris* . Contra secundum : Joan. 8. *Antequam Abraham fieret, ego sum* . Constat autem , quod Abraham ante beatam Virginem fuit : & ideo sancti Patres addiderunt in alio Symbolo contra primum : *Filium Dei unigenitum* . Contra secundum : *Et ex Patre natum ante omnia saecula* . Sabellius vero licet diceret , quod Christus, *21 Sabellii.* fuit ante beatam Virginem , dixit tamen , quod non est alia persona Patris , alia Filii , sed ipse Pater est incarnatus : & ideo eadem est persona Patris, & Filii . Sed hoc est erroneum , quia aufert Trinitatem personarum , & contra hoc est auctoritas Joan. 8. *Solus non sum, sed ego, & qui misit me, Pater* . Constat autem , nullum a se mitti . Sic ergo mentitur Sabellius . Et ideo in Symbolo Patrum additur : *Deum de Deo, lumen de lumine* , idest Deum Filium de Deo

Patre , & Filium, qui est lumen, de lumine Pa-
 3. Arrii. tre esse, credere debemus. Arrius autem licet
 diceret, quod Christus fuerit ante beatam Vir-
 ginem, & quod alia fuerit persona Patris, alia
 Filii, tamen tria attribuit Christo. Primum est,
 Alere ejusd. quod Filius Dei fuit creatura. Secundum est,
 quod non ab aeterno; sed ex tempore factus a
 Alere ejusd. Deo nobilissima creaturarum. Tertium est,
 quod non fuerit unius naturae Deus Filius cum
 Deo Patre: & sic, quod non fuerit verus Deus.
 Sed hoc similiter est erroneum, & contra autho-
 ritates sacrae Scripturae. Dicitur enim Joan. 10.
Ego, & Pater unum sumus, scilicet in natura.
 Et ideo, sicut Pater fuit semper, ita & Filius:
 et sicut Pater est verus Deus, ita et Filius. Ubi
 ergo dicitur ab Arrio, Christum fuisse creatu-
 ram; e contra dicitur in Symbolo a Patribus:
Deum verum de Deo vero. Ubi autem dicitur,
 eum non fuisse ab aeterno, sed ex tempore; e
 contra in Symbolo dicitur: *Genitum, non fa-*
ctum. Contra illud vero, quod dicitur, eum non
 esse ejusdem substantiae cum Patre, additur in
 Symbolo: *Consubstantialem Patri*. Patet ergo,
 quod credere debemus, quod Christus unigen-
 nitus Dei est, et vere Filius Dei: et quod sem-
 per fuerit cum Patre: et quod alia est persona
 Filii, alia Patris: et quod unius est naturae
 cum Patre. Sed hoc credimus hic per fidem,
 cognoscemus autem in vita aeterna per perfec-
 tam visionem.

Et ideo ad consolationem nostram dicemus
 aliquid de his. Sciendum est igitur, quod di-
 versa diversum modum generationis habent.
 Gene

Generatio autem Dei alia est, quam genera-
 tio aliarum rerum, Unde non possumus attin-
 gere ad generationem Dei, nisi per generatio-
 nem ejus, quod in creaturis magis accedit ad
 similitudinem Dei. Nihil est autem Deo ita
 simile, sicut anima hominis, ut dictum est.
 Modus autem generationis in anima est, quia
 homo cogitat per animam suam aliquid, quod
 vocatur conceptio intellectus. Et hujusmodi
 conceptio oritur ex anima, sicut ex patre, & vo-
 catur verbum intellectus, sive hominis. Ani-
 ma igitur cogitando generat verbum suum: Sic
 & Filius Dei nihil est aliud, quam Verbum Dei,
 non sicut verbum exterius prolatum, quia illud
 transit, sed sicut verbum interius conceptum.
 Et ideo ipsum Verbum Dei est unius naturae,
 cum Deo, & aequale Deo. Unde & beatus
 Joannes de Verbo Dei loquens, tres haereses
 destruxit. Primo, haeresim Photini, quae tacta
 est, cum dicit: *In principio erat Verbum*. Secun-
 do, Sabellii, cum dicit: *Et Verbum erat apud
 Deum*. Tertio, Arrii, cum dicit: *Et Deus erat
 Verbum*. Verbum autem aliter est in nobis, &
 aliter in Deo. In nobis, enim verbum nostrum
 est accidens, sed in Deo Verbum Dei est idem,
 quod ipse Deus; cum nihil sit in Deo, quod non
 sit essentia Dei. Nullus autem potest dicere,
 quod Deus non habeat Verbum, quia continge-
 ret, Deum esse insipientissimum. Et ideo, sicut
 fuit semper Deus, ita & Verbum ejus. Sicut
 autem artifex facit omnia per formam, quam
 praecogitavit in corde suo, quod est verbum
 ejus: ita & Deus omnia facit Verbo suo, sicut

Generatio
 divini Verbi
 exponitur.

per artem suam : Joan. 1. *Omnia per ipsum facta sunt*. Si ergo Verbum Dei est Filius Dei, & omnia Dei verba sunt similitudo quaedam istius

Verba Dei audienda. Verbi; debemus primo libenter audire verba Dei. Hoc est enim signum quod diligamus Deum, si verba illius libenter audimus. Secundo debemus credere verbis Dei, quia ex hoc Verbum Dei habitat in nobis, idest Christus, qui est Verbum Dei. Apostolus Eph. 3. *Habitare Christum per fidem in cordibus vestris*. Joan. 5. *Verbum Dei non habetis in vobis manens*. Tertio,

Fide tenenda. oportet, quod verbum Dei in nobis manens continue meditemur; quia non solum oportet credere, sed meditari, aliter non prodesset. Et huiusmodi meditatio valet multum contra peccatum: Psal. 118. *In corde meo abscondi eloquia tua, ut non peccem tibi*. Et iterum de viro iusto dicitur Ps. 1. *In lege eius meditabitur die, ac nocte*. Unde de beata Virgine dicitur Luc. 2. *quod conservabat omnia verba haec conferens in corde suo*. Quarto, oportet quod homo verbum Dei communicet aliis, commonendo, praedicando, & inflammando. Apostolus Eph. 4. *Omnis sermo malus ex ore vestro non procedat, sed si quis bonus ad aedificationem*. Idem Colos. 3. *Verbum Christi habitet in vobis abundanter in omni sapientia docentes, & commonentes vosmetipsos*. Idem 2. Tim. 4. *Praedica verbum, instat opportune, importune &c.* Ultimo, verbum Dei debet executioni mandari: Jac. 1. *Estote factores verbi, & non auditores tantum, fallentes vosmetipsos*. Ista quinque servavit per ordinem beata Maria in generatione Verbi Dei ex se.

Meditatio-ae fovenda.

Aliis tradenda.

Executioni mandanda.

Primo enim audivit : *Spiritus sanctus superve-* R. Virgo ista
niet in te . Secundo , consensit per fidem : *Ecce* servavit .
ancilla Domini . Tertio , tenuit , & portavit in
utero . Quarto , protulit , & peperit eum . Quin-
to , nutrit , & lactavit eum . Unde Ecclesia can-
tat : *Ipsam Regem Angelorum sola Virgo lacta-*
bat ubere de caelo pleno .

Qui conceptus est de Spiritu sancto , natus
ex Maria Virgine . Non solum est necessa-
rium credere Christiano Filium Dei , ut osten-
sum est , sed etiam oportet credere Incarnatio- Christi In-
carnatio .
nem ejus . Et ideo beatus Joannes postquam di-
xerat multa subtilia , & ardua , consequenter in-
finuat nobis ejus incarnationem , cum dicit : *Et*
Verbum caro factum est . Et ut de hoc aliquid
capere possimus , duo exempla ponam in medium . Exemplis
Constat , quod Filio Dei nihil est ita simile , sicut explicatur .
verbum in corde nostro conceptum , non pro-
latum . Nullus autem cognoscit verbum , dum est
in corde hominis , nisi ille , qui concipit : sed tunc
primo cognoscitur , cum profertur . Sic Verbum
Dei , dum erat in corde Patris , non cognosceba-
tur , nisi a Patre tantum ; sed carne indutum , sicut
verbum voce , tunc primo manifestum , & cogni-
tum est : Baruc . 3 . *Post haec in terris visus est ,*
& cum hominibus conversatus est . Aliud exem- Alio exem-
plo .
plum est , quia licet verbum prolatum cogno-
scatur per auditum , tamen non videtur , nec tan-
gitur ; sed cum scribitur in charta , tunc videtur ,
& tangitur . Sic & Verbum Dei : & visibile , &
tangibile factum est , cum in carne nostra fuit
quasi scriptum . Et sicut charta , in qua verbum
regis scriptum est , dicitur verbum regis ; ita
ho-

homo, cui conjunctum est Verbum Dei in una hypostasi, dicitur Filius Dei: Isa. 8. *Sume tibi librum grandem, & scribe in eo stylo hominis.* Et ideo sancti Apostoli dixerunt: *Qui conceptus est de Spiritu sancto, natus ex Maria Virgine.* In quo quidem multi erraverunt. Unde & sancti Patres in alio symbolo in synodo Nicena multa addiderunt, per quae nunc omnes errores

1. Error .
Origenis .
 stus est natus, & etiam venit in mundum, ut etiam salvaret daemones. Unde dixit, daemones omnes esse salvandos in fine mundi. Sed hoc est contra sacram Scripturam. Dicitur enim, Matth. 25. *Discedite a me maledicti in ignem aeternum, qui paratus est diabolo, & Angelis ejus.* Et ideo ad hoc removendum additur: *Qui propter nos homines, non propter daemones, & propter nostram salutem:* in quo quidem magis apparet amor Dei ad nos. Photinus vero voluit, quod Christus natus esset de beata Virgine, sed addit, quod esset purus homo, qui vivendo, & faciendo voluntatem Dei, meruit Filius Dei fieri, sicut & alii sancti. Contra quod dicitur Joan. 6. *Descendi de caelo, non ut faciam voluntatem meam, sed voluntatem ejus, qui misit me.* Constat autem, quod non descendisset nisi ibi fuisset; & si fuisset purus homo, non fuisset in caelo. Et ideo ad hoc removendum additur: *Descendis de caelis.* Manichaeus vero dixit, quod licet Filius Dei fuerit semper, & descenderit de caelo, tamen non habuit veram carnem, sed apparentem. Sed hoc est falsum. Non enim decebat doctorem veritatis, aliquam
falsi-
2. Photini .
3. Manichaei .

falsitatem habere. Et ideo, sicut ostendit veram
 carnem, sic habuit. Unde dixit Lucae 24. *Pal-*
pate, & videte, quia spiritus carnem, & ossa non
habet, sicut me videtis habere. Et ideo ad hoc
 removendum, addiderunt: *Et incarnatus est.*
 Ebion vero, qui fuit genere Judaeus, dixit,
 quod Christus natus est de beata Virgine, sed 4. Ebionis.
 ex commissione viri, & ex virili semine. Sed
 hoc est falsum, quia Angelus dixit Matth. 1.
Quod enim in ea natum est, de Spiritu sancto est.
 Et ideo sancti Patres ad hoc removendum addi-
 derunt: *De Spiritu sancto.* Valentinus 5. Valen-
 licet confiteretur, quod Christus conceptus fue-
 rit de Spiritu sancto, voluit tamen, quod Spi-
 ritus sanctus portaverit unum corpus caeleste,
 & posuerit in beata Virgine: & hoc fuit corpus
 Christi. Unde nihil aliud operata est beata Vir-
 go, nisi quod fuit locus ejus. Unde dixit, quod
 illud corpus transivit per beatam Virginem, sicut
 per aquaeductum. Sed hoc est falsum. Nam An-
 gelus dixit ei Luc. 1. *Quod enim ex te nascetur*
sanctum, vocabitur Filius Dei. Et Apostolus Ga-
 lat. 4. *At ubi venit plenitudo temporis, misit*
Deus Filium suum factum ex muliere. Et ideo
 addiderunt: *Natus ex Maria Virgine.* Arrius 6. Arrii, &
 vero, & Apollinaris dixerunt, quod licet Chri-
 stus fuerit Verbum Dei, & natus ex Maria Vir-
 gine, tamen non habuit animam, sed loco ani-
 mae fuit ibi divinitas. Sed hoc est contra Scri-
 pturam; quia Christus dixit Joan 12. *Nunc ani-*
ma mea turbata est. Et iterum Matth. 26. *Tri-*
stis est anima mea usque ad mortem. Et ideo san-
 cti Patres ad hoc removendum addiderunt: *Et*
homo

homo factus est. Homo enim ex anima, & corpore consistit. Unde verissime habuit omnia, quae homo habere potest, praeter peccatum. In hoc autem quod dicitur, *Homo factus*, destruuntur omnes errores superius positi, & omnes alii, qui dici possent, & praecipue error Eutychetis, qui dixit commissionem factam; scilicet ex divina natura, & humana factam unam naturam Christi, quae nec Deus pure est, nec purus homo. Sed hoc est falsum, quia tunc non esset homo. Et est etiam contra hoc, quod dicitur, quod *homo factus est*. Destruitur etiam error Nestorii, qui dixit, Filium Dei unitum esse homini solum per inhabitationem. Sed hoc est falsum, quia tunc non esset homo, sed in homine. Et quod sit homo, patet per Apostolum Philip. 2. *Et habitu inventus ut homo*. Joan. 3. *Quid quaeritis me interficere, hominem?* &c.

Ex incarnat.

1. Firmatur
nostra Fides.

Possumus autem sumere ex his aliqua ad eruditionem. Primo enim confirmatur fides nostra. Si enim aliquis diceret aliqua de aliqua terra remota, & ipse non fuisset ibi, non crederetur ei, sicut si ibi fuisset. Antequam ergo veniret Christus in mundum, Patriarchae, & Prophetae, & Joannes Baptista dixerunt aliqua de Deo: sed tamen non ita crediderunt eis homines, sicut Christo, qui fuit cum Deo, immo unum cum ipso. Unde multum firma est fides nostra ab ipso Christo nobis tradita: Joan. 1. *Deum nemo vidit unquam, unigenitus Filius, qui est in sinu patris, ipse enarravit*. Et inde est, quod multa fidei secreta sunt manifesta nobis post adventum Christi, quae ante occulta erant.

erant . Secundo , ex iis elevatur spes nostra . <sup>2. Elevatur
Constat enim, quod Dei filius non pro parvo ad spes.</sup>

nos venit , sumens carnem nostram , sed pro magna utilitate nostra . Unde fecit quoddam commercium , scilicet quod assumpsit corpus animatum , & de Virgine nasci dignatus est , ut nobis largiretur suam deitatem , & sic factus est homo , ut hominem faceret Deum : Rom. 5. *Per quem*

habemus accessum per fidem in gratiam istam , & gloriamur in spe gloriae filiorum Dei . Tercio , ex hoc accenditur caritas . Nullum enim

est tam evidens divinae caritatis indicium , quam ^{3. Accenditur caritas .} quod Deus creator omnium factus est creatura ; Dominus noster factus est frater noster ; filius Dei factus est filius hominis : Joan. 3. *Sic Deus dilexit mundum , ut filium suum unigenitum daret .* Et ideo ex hujus consideratione amor reac-

cendi debet , & inflammari ad Deum . Quarto ,

inducimur ad servandam puram animam nostram .

In tantum enim natura nostra fuit nobilitata , &

exaltata ex conjunctione ad Deum , quod fuit

ad consortium divinae personae suscepta . Unde

Angelus post incarnationem noluit sustinere ,

quod beatus Joannes adoraret eum , quod ante

sustinuerat etiam a maximis Patriarchis . Ideo

homo hujus exaltationem recolens , & attendens ,

debet dedignari vilificare se , & naturam suam

per peccatum . Ideo dicit beatus Petrus , ^{4. Servatur puritas animae} 2. Petri 1. *Per quem maxima , & pretiosa nobis promissa donavit , ut per hoc efficiamur divinae consortes naturae , fugientes ejus , quae in mundo est , concupiscentiae corruptionem .* Quinto , ex his inflammatur desiderium nostrum ad perveniendum

ad Christum

dum ad Christum . Si enim aliquis rex esset frater alicujus , & esset remorus ab eo , desideraret ille, cujus frater esset rex , ad eum venire , & apud eum esse , & manere . Unde cum Christus sit frater noster , debemus desiderare , esse cum eo , & conjungi ei : Matth. 24. *Ubi cūq; fuerit corpus , illuc congregabuntur & aquilae .* Et Apostolus desiderium habebat dissolvi, & esse cum Christo : quod quidem desiderium crescit in nobis considerandq; incarnationem ejus .

Passus sub Pontio Pilato , crucifixus , mortuus , & sepultus . Sicut necessarium est Christiano , quod credat incarnationem Filii Dei , ita necessarium , est quod credat passionem ejus , & mortem : quia sicut dicit Gregor. *Nihil nobis nasci profuit , nisi redimi profuisset .* Hoc autem , scilicet quod Christus pro nobis est mortuus , ita est arduum , quod vix potest intellectus noster capere : immo nullo modoq; cadit in intellectu nostro . Et hoc est , quod dicit Apostolus *Actuum 13. Opus operor ego in diebus vestris , opus , quod non credetis , si quis enarraverit vobis .* Et *Abacuch. 1. Opus factum est in diebus vestris , quod nemo credet , cum narrabitur .* Tanta est enim gratia Dei , & amor ad nos , quod plus ipse fecit nobis , quam possumus intelligere . Non tamen debemus credere , quod Christus ita sustinuerit mortem , quod deitas mortua sit ; sed quod humana natura in ipso mortua sit . Non enim mortuus est secundum quod Deus erat , sed secundum quod homo : & hoc patet per tria exempla . Unum est in nobis . Constat enim , quod cum homo moritur , in separatione animae a corpore non moritur anima , sed

Christi passio , & mors ,

Ad humanitatem referenda .

sed ipsum corpus, seu caro: sic & in morte Christi non est mortua divinitas, sed natura humana. Sed si Judaei non occiderunt divinitatem, Judaeorum
videtur, quod non magis peccaverunt, quam si occidissent unum alium hominem. Christum.
Ad hoc est dicendum, quod dato, quod rex esset indutus una scelus.
veste, si quis inquinaret vestem illam, tantum reatum incurreret, ac si ipsum regem inquinasset, Judaei licet non possent Deum interficere, tamen humanam naturam a Christo assumptam occidentes, sunt tantum puniti, ac si ipsam divinitatem occidissent. Item, sicut dictum est superius, filius Dei est Verbum Dei, & Verbum Dei incarnatum est, sicut verbum regis scriptum in charta. Si igitur aliquis dilaniaret chartam regis haberetur ac si dilaniaret verbum regis: pro tanto habetur peccatum Judaeorum, ac si occidissent Verbum Dei.

Sed quae necessitas, ut Verbum Dei pateretur pro nobis? Magna: & potest colligi duplex necessitas. Una est ad remedium contra peccata. Alia est ad exemplum quantum ad agenda. Ad remedium quidem, quia contra omnia mala, quae incurrimus per peccatum, invenimus remedium per passionem Christi. Incurrimus autem quinque mala. Primo, maculam. Homo enim cum peccat, deturpat animam suam; quia sicut virtus animae est pulchritudo ejus, ita peccatum est macula ejus: Baruc. 3. *Quid est Israel, quod in terra inimicorum es, coinquinatus es cum mortuis?* Sed hoc removet passio Christi. Nam Christus sua passione fecit balneum in sanguine suo, quo peccatores lavaret: Apocalyp. 1. Mors Chr.
i. in remedium peccator.
Lavando maculam.
Lavo
vit

*vit nos a peccatis nostris in sanguine suo . Lava-
tur autem anima sanguine Christi in baptismo ,
qui ex Christi sanguine virtutem habet regene-
rativam . Et ideo cum aliquis se inquinat per
peccatum , facit Christo injuriam , & magis
peccat , quam ante : Hebr. 10. Irritam quis fa-
ciens legem Moysi , sine ulla miseratione duobus ,
vel tribus testibus moritur , quanto magis puta-
tis , deteriora mereri supplicia , qui filium Dei con-
culcaverit , & sanguinem testamenti pollutum
duxerit ? Secundo , incurrimus offensam Dei .
Nam sicut carnalis diligit carnalem pulchritudi-
nem , ita Deus spirituales , quae est pulchritu-
do animae . Quando ergo anima per peccatum
inquinatur , Deus offenditur , & odio habet pec-
catorem : Sapien. 14. Odio sunt Deo impius , &*

*Remittendo
offensam .*

*impietas ejus . Sed Christi passio hoc removet ,
qui Deo Patri⁹ satisfecit pro peccato , pro quo
ipse homo satisfacere non poterat , cujus cari-
tas fuit major , & obedientia , quam peccatum primi
hominis , & praevaricatio : Ro. 5. Cum inimici es-
semus Deo , reconciliati sumus Deo per mortem
filii ejus . Tercio , incurrimus in infirmitatem ,
Nam homo semel peccando , credit postmodum a
peccato posse continere . Sed totum contrarium
accidit ; quia per primum peccatum debilitatur ,
& fit pronior ad peccandum , & peccatum magis
dominatur homini , & homo quantum de se est ,
ponit se in tali statu , ut non surgat , sicut qui in
puteum se projicit , nisi ex divina virtute . Un-
de postquam homo peccavit , natura nostra fuit
debilitata , & corrupta , & tunc homo fuit pro-
nior ad peccandum . Sed Christus hanc infirmita-
tem ,*

*Sanando in-
firmitatem .*

tem, & debilitatem diminuit, licet non totam deleverit. Tamen ita est homo ex Christi passione confortatus: & peccatum debilitatum, quod non tantum dominatur ei, & potest homo conari adjutus gratia Dei, quae confertur sacramentis, quae ex Christi passione efficaciam habent, ita quod potest resilire a peccatis. Apost. Rom. 6. *Vetus homo noster simul crucifixus est, ut destruat corpus peccati.* Nam ante passionem Christi pauci inventi sunt sine peccato mortali viventes; sed post, sine peccato mortali multi vixerunt & vivunt. Quarto, incurrimus reatum poenae: hoc enim exigit justitia Dei, ut ^{Auferendo} quicumque peccat, puniatur. Poena autem ^{Poenam,} pensatur ex culpa. Unde cum culpa peccati mortalis sit infinita, utpote contra bonum infinitum, scilicet Deum, cujus praecepta peccator contemnit, poena debita peccato mortali est infinita. Sed Christus per suam passionem abstulit nobis poenam hanc, & sustinuit ipse: 1. Pet. 2. *Peccata nostra*, id est, poenam peccati, *pertulit in corpore suo.* Nam passio Christi fuit tantae virtutis, quod sufficit ad expiandum omnia peccata totius mundi, etiam si essent centum millia. Et inde est, quod baptizati ab omnibus peccatis lavantur. Inde est etiam, quod Sacerdos peccata dimittit. Inde est etiam, quod quicumque magis passioni Christi se conformat, majorem consequitur veniam, & plus meretur de gratia. Quinto incurrimus exilium regni. Nam qui ^{Aperiendo} offendunt reges, exulare coguntur a regno; sic ^{Caelum.} & homo propter peccatum expellitur de Paradiso. Inde est quod Adam statim post peccatum est

ejectus de Paradiso, & clausa est janua Paradisi. Sed Christus sua passione januam illam aperuit, & ad regnum exules revocavit. Aperto enim latere Christi, aperta est janua Paradisi, & fuso sanguine ejus, deleta est macula, placatus est Deus, ablata est debilitas, expiata est poena, exules revocantur ad regnum. Et inde est, quod statim latroni dicitur: *Hodie mecum eris in Paradiso*: hoc non est dictum olim. Non enim dictum fuit alicui, non Adae, non Abrahae, non David; sed hodie, scilicet quando aperta est janua, latro veniam petit, & invenit: Hebr. 10. *Habentes fiduciam in introitu sanctorum in sanguine Christi.* Sic ergo patet utilitas ex parte remedii.

- Chr. mo r s
2. In exem-
plum.
- Sed non minor est utilitas quantum ad exemplum. Nam, sicut dicit beatus Augustinus, passio Christi sufficit ad informandum totaliter vitam nostram. Quicumque enim vult perfecte vivere, nihil aliud faciat, nisi quod contemnat, quae Christus in cruce contempsit, & appetat, quae Christus appetiit. Nullum enim exemplum virtutis abest a cruce. Si enim quaeras exemplum caritatis,
- Caritatis.
- Majorem caritatem nemo habet, ut animam suam ponat quis pro amicis suis,* Joan. 15. & hoc in cruce fecit Christus. Et ideo si pro nobis animam suam dedit, non debet nobis esse grave, quaecumque mala sustinere pro ipso: Ps. 115, *Quid retribuam Domino pro omnibus, quae retribuit mihi?* Si quaeris exemplum patientiae,
- Patientiae.
- excellentissima in cruce invenitur. Patientia enim ex duobus magna ostenditur: aut cum quis magna patienter suffert, aut cum ea suffert, quae

quae vitare posset, & non vitat. Christus autem magna in cruce pertulit: Threnorum 1. *O vos omnes, qui transitis per viam, attendite, & videte si est dolor, sicut dolor meus.* Et patienter, quia cum pateretur, non comminabatur: 1. Petr. 2. Et Isa. 53. *Sicut ovis ad occisionem ducetur, & quasi agnus coram tondente se obtumescet.* Item vitare potuit, & non vitavit: Matth. 26. *An putas, quia non possum rogare Patrem meum, & exhibebit mihi modo plusquam duodecim legiones Angelorum?* Magna est ergo Christi patientia in cruce: Hebraeor. 12. *Per patientiam curramus ad propositum nobis certamen, aspicientes in auctorem fidei, & consummatorem Jesum, qui, proposito sibi gaudio, sustinuit crucem, confusione contempta.* Si quaeris exemplum humilitatis, Humilitatis. respice crucifixum. Nam Deus judicari voluit sub Pontio Pilato, & mori: Job. 36. *Causa tua quasi impii judicata est.* Vere impii, quia morte turpissima condemnemus eum, Sap. 2. Dominus pro servo, & vita Angelorum pro homine mori voluit: Phil. 2. *Factus est obediens usque ad mortem.* Si quaeris exemplum obedientiae, Obedientiae. seque- re eum, qui factus est obediens Patri usque ad mortem: Rom. 5. *Sicut per inobedientiam unius hominis peccatores constituti sunt multi, ita per unius obedientiam iusti constituentur multi.* Si quaeris exemplum contemnendi terrena, Contemptus terrenorum. seque- re eum, qui est Rex Regum, & Dominus dominantium, in quo sunt thesauri sapientiae, cruce amen nudatum, illudum, consputum, caesum, spinis coronatum, & felle, & aceto potatum, & mortuum. Igitur non afficiaris ad vestes, & ad

divitias , quia *diviserunt sibi vestimenta mea* : non ad honores , quia ego *ludibria, & verbera expertus sum* : non ad dignitates , quia *plectentes coronam de spinis , imposuerunt capiti meo* : non ad delicias , quia *in siti mea potaverunt me aceto*. Augustinus supra illud Hebr. 12. *Qui posito sibi gaudio &c.* dicit , *Omnia bona terrena contempsit homo Christus Jesus , ut contemnenda monstraret .*

D *Escendit ad inferos.* Sicuti dictum est, mors Christi fuit in separatione animae a corpore, sicut & aliorum hominum : sed divinitas ita insolubiliter juncta fuit homini Christo , quod licet anima, & corpus separarentur ab invicem, ipsa tamen deitas perfectissime semper & animae , & corpori affuit : & ideo in sepulchro cum corpore fuit filius Dei , & ad inferos cum anima descendit . Sunt autem quatuor rationes , quare Christus cum anima ad infernum descendit . Prima , ut sustineret totam poenam peccati , ut sic totam culpam expiaret . Poena autem peccati hominis non solum erat mors corporis; sed etiam erat poena in anima , quia etiam peccatum erat quantum ad animam , quia etiam ipsa anima puniebatur quantum ad carentiam visionis divinae, pro qua abolenda nondum satisfactum erat . Et ideo post mortem descendebant omnes, etiam sancti patres, ante Christi adventum, ad infernum . Ut ergo Christus sustineret totam poenam peccatoribus debitam , voluit non solum mori , sed etiam secundum animam ad infernum descendere . Unde Psal. 87. *Aestimatus sum cum descendentibus in lacum . Factus sum sicut homo sine adju-*

Descendit
ad inferos
1. Ut ferret
totam poe-
nam peccati.

adjutorio inter mortuos liber. Alii enim erant ibi ut servi, sed Christus ut liber. Secunda ratio est, ut perfecte subveniret suis amicis omnibus. Habebat enim amicos suos non solum in mundo, sed etiam in inferno. In hoc enim sunt aliqui amici Christi, in quantum habent caritatem: in inferno autem multi erant, qui cum caritate, & fide venturi decesserant, sicut Abraham, Isaac, Jacob, Moyses, David, & alii iusti, & perfecti viri. Et quia Christus suos visitaverat in mundo, & eis subvenerat per mortem suam, voluit etiam visitare suos, qui erant in inferno, & subvenire eis descendendo ad eos: *Ecclesiast. 24. Penetrabo omnes inferiores partes terrae, & inspiciam omnes dormientes, & illuminabo omnes sperantes in Domino.* Tertia vero ratio est, ut perfecte de diabolo triumpharet. Tunc enim perfecte triumphat aliquis de aliquo, quando non solum vincit eum in campo, sed etiam invadit eum usque in domum propriam, & aufert ei sedem regni, & domum suam. Christus autem triumphaverat contra diabolum, & in cruce vicerat eum: unde ait Joan. 12. *Nunc iudicium est mundi, nunc princeps huius mundi, scilicet diabolus, ejicietur foras.* Et ideo ut perfecte triumpharet, voluit auferre sedem regni sui, & ligare eum in domo sua, quae est infernus. Et ideo descendit illuc, & diripuit omnia sua, & ligavit eum, & abstulit ei praedam suam: *Coloss. 2. Expolians principatus, & potestates traduxit confidenter, palam triumphans illos in semetipso.* Similiter etiam, quia potestatem, & possessionem acceperat Christus caeli, & ter-

2. Ut subveniret suis.

3. Ut de diabolo perfecte triumpharet.

rac, voluit etiam possessionem accipere inferni, ut sic secundum Apostolum ad Philipp. 2. *In nomine Jesu omne genu flectatur caelestium, terrestrium, & infernorum.* Marc. ult. *In nomine*

4. Ut sanctos liberaret.

meo daemonia ejicient &c. Quarta ratio & ultima est, ut liberaret sanctos, qui erant in inferno. Christus enim, sicut voluit pati mortem, ut liberaret viventes a morte: ita etiam voluit descendere ad infernum, ut liberaret eos, qui erant ibi: Zach. 9. *Tu quoque in sanguine testamenti tui emisisti vinctos tuos de lacu, in quo non est aqua.* Osee 13. *Ero mors tua, o mors, ero morsus tuus, inferne.* Licet enim mortem totaliter destruxerit Christus, infernum tamen non omnino destruxit, sed momordit: quia scilicet non omnes liberavit de inferno, sed illos tantum, qui erant sine peccato mortali. Et similiter sine peccato originali. A quo, quantum ad personam, liberati erant per circumcisionem: vel ante circumcisionem, qui salvati erant in fide parentum fidelium, quantum ad eos, qui non habebant usum rationis: vel per sacrificia, & in fide Christi venturi, quantum ad adultos. Sed erant ibi propter peccatum originale Adae, a quo, quantum ad naturam, non potuerunt liberari, nisi per Christum. Et ideo dimisit ibi illos, qui descenderunt cum peccato mortali, & incircumcisos parvulos. Et ideo dicit: *Ero morsus tuus, inferne.* Sic ergo patet, quod Christus descendit ad inferos, & propter quid.

Qui in inferno remanserint.

Hic descendit.
1. firmam
spem.

Ex iis ad instructionem nostram possumus accipere quatuor. Primo, spem firmam de Deo: nam quantumcumque homo sit in afflictione, semper tamen

tamen debet sperare de Dei adiutorio, & in eo
 confidere. Nihil enim ita grave invenitur, sicut
 esse in inferno. Si ergo Christus illos, qui erant in
 inferno, liberavit, multum debet quilibet, si est
 amicus Dei, confidere, ut liberetur ab eo a qua-
 cumque angustia: Sap. 10. *Haec, scilicet sapientia,
 venditum iustum non dereliquit, descenditque cum
 illo in foveam, & in vinculis non dereliquit eum.*
 Et quia specialiter Deus juvat servos suos, mul-
 tum debet esse securus ille, qui servit Deo: Ec-
 cl. 34. *Qui timet Deum, nihil trepidabit, &
 non pavebit, quoniam ipse est spes ejus.* Secun-
 do, debemus concipere timorem, & propellere
 praesumptionem. Nam licet Christus passus sit
 pro peccatoribus, & ad infernum descenderit,
 non tamen liberavit omnes, sed illos tantum,
 qui sine peccato mortali erant, ut dictum est.
 Illos vero, qui in mortali decesserant, di-
 misit. Et ideo nullus, qui cum peccato mortali
 illuc descendit, speret veniam. Sed tantum in
 inferno erit, quantum sancti patres in paradiso,
 scilicet in aeternum: Matt. 25. *Ibunt hi in sup-
 plicium aeternum, isti autem in vitam aeternam.*
 Tercio, debemus habere sollicitudinem. Nam
 Christus descendit ad inferos pro salute nostra:
 & nos frequenter debemus solliciti esse, illuc de-
 scendere, considerando scilicet poenas illas, sicut
 faciebat ille s. Ezechias, dicens, Isa. 38. *Ego di-
 xi in dimidio dierum meorum, vadam ad portas
 inferi.* Nam qui illuc frequenter per cogitatio-
 nem descendit in vita, non descendit de facili
 in morte, quia huiusmodi consideratio retrahit
 a peccato. Videmus enim, quod homines huius

2. Praesum-
 ptionem tol-
 litur.

3. Curam sa-
 lucis tribuit.

mundi cavent sibi a maleficiis propter temporalem poenam . Quanto ergo magis debent sibi cavere propter poenam inferni , quae major est & quantum ad diuturnitatem , & quantum ad acerbiteriam , & quantum ad multiplicitatem ? Ecclesiast. 7. *Memorare novissima tua , & in aeternum non peccabis* .

4. *Exceitat*
pieratem in
mortuos .

Quarto , provenit nobis ex hoc exemplum dilectionis . Christus enim descendit ad inferos , ut liberaret suos . Et ideo debemus illuc descendere , ut subveniamus nostris . Ipsi enim nihil possunt ; & ideo debemus eis subvenire , qui sunt in purgatorio . Nimis esset durus , qui non subveniret caro suo , qui esset in carcere terreno . Multo ergo magis est durus , qui non subvenit amico , qui est in purgatorio , cum nulla sit comparatio poenarum mundi ad illas : Job. 19. *Miseremini mei , miseremini mei , saltem vos , amici mei , quia manus Domini tetigit me* . 2. Machab. 12. *Sancta , & salubris est cogitatio pro defunctis exorare , ut a peccatis solvantur* .

Suffragia
pro mortuis .

Subvenitur autem eis praecipue per tria , sicut dicit Augustinus , scilicet per Missas , orationes , & eleemosynas . Gregorius addit quartum , scilicet jejunium . Nec est mirum , quia etiam in mundo isto potest amicus satisfacere pro amico . Intelligendum est tamen hoc de illis , qui sunt in purgatorio .

T*ertia die resurrexit a mortuis* . Duo sunt homini necessaria ad cognoscendum : scilicet gloria Dei , & poena inferni . Nam per gloriam illecti , & per poenas territi , cavent sibi homines , & retrahuntur a peccatis . Sed haec sunt valde difficilia homini ad cognoscendum . Unde

de

de de gloria dicitur Sap. 9. *Quae in caelis sunt, quis investigavit ?* Et hoc quidem difficile est terrenis ; quia, ut dicitur Joan. 3. *Qui de terra est, de terra loquitur* . Sed non est difficile spiritualibus ; quia, *qui de caelo venit, super omnes est* , ut dicitur ibidem . Et ideo Deus de caelo descendit , & incarnatus est, ut doceret nos caelestia . Erat etiam difficile cognoscere poenas inferni : Sap. 2. *Non est, qui agnitus sit reversus ab inferis* . Et hoc dicitur in persona impiorum . Et hoc non potest modo dici : quia sicut descendit de caelo, ut doceret caelestia, ita resurrexit ab inferis, ut nos de inferis educeret . Et ideo necesse est, ut credamus, quod non solum homo factus est, & mortuus, sed quod resurrexit a mortuis . Et ideo dicitur : *Tertia die resurrexit a mortuis* . Invenimus autem, quod multi surrexerunt a mortuis, sicut Lazarus, & filius viduae, & filia Archisynagogi . Sed resurrectio Christi differt a resurrectione istorum, & aliorum in quatuor . Primo quantum ad causam resurrectionis, quia alii, qui surrexerunt, non surrexerunt sua virtute, sed vel Christi, vel ad preces alicujus Sancti . Christus vero resurrexit propria virtute, quia non solum erat homo, sed etiam Deus : & divinitas Verbi numquam separata fuit nec ab anima, nec a corpore . Et ideo corpus animam, & anima corpus, cum voluit, resumpsit : Joan. 10. *potestatem habeo ponendi animam meam, & potestatem habeo iterum sumendi eam* . Et licet mortuus fuerit, hoc non fuit ex infirmitate, nec ex necessitate, sed virtute, quia sponte . Et hoc patet, quia, cum *emisit spiritum, clamavit*

Resurrectio
Chr. ab inf.
eduxit nos.

Differt ab
aliis resurr.
1. In causa.

vit voce magna, quod alii morientes nequeunt; quia ex infirmitate moriuntur. Unde Centurio dixit Matth. 27. *Vere Filius Dei erat iste*. Et ideo sicut sua virtute posuit animam suam, ita sua virtute recepit eam. Et ideo dicitur, quia resurrexit, & non quod fuerit suscitatus, quasi ab alio: Psal. 3. *Ego dormivi, & soporatus sum, & exurrexi*. Nec est hoc contrarium ei, quod dicitur Act. 2. *Hunc Jesum resuscitavit Deus*. Nam & Pater resuscitavit eum, & Filius, quia eadem est virtus Patris, & Filii. Secundo, differt quantum

2. In vita.

ad vitam, ad quam resurrexit. Quia Christus ad vitam gloriosam, & incorruptibilem: Apost. Rom. 6. *Christus resurrexit a mortuis per gloriam patris*: Alii vero ad eandem vitam, quam prius habuerant, sicut patet de Lazaro, & de

3. In fructu.

aliis. Tertio, differt quantum ad fructum, & efficaciam, quia virtute resurrectionis Christi resurgunt omnes: Matth. 27. *Multa corpora sanctorum, qui dormierant, surrexerunt*. Apost. 1. Corinth. 15. *Christus resurrexit a mortuis, primitiae dormientium*. Sed vide, quod Christus per passionem pervenit ad gloriam: Luc. 24. *Nonne sic oportuit pati Christum, & ita intrare in gloriam suam?* ut doceat nos, qualiter ad gloriam pervenire possimus. Act. 14. *Per multas tribulationes oportet nos intrare in regnum Dei*.

4. In tempore.

Quarto differt quantum ad tempus, quia resurrectio aliorum differtur usque ad finem mundi, nisi aliquibus ex privilegio ante concedatur, ut beatæ Virgini, & ut pie creditur, beato Joanni Evangelistæ. Sed Christus resurrexit tertia die. Cujus ratio est, quia resurrectio, & mors,

& na-

& nativitas Christi fuit propter nostram salutem: & ideo tunc voluit resurgere, quando salus nostra perficeretur. Unde si statim resurrexisset, non fuisset creditum, quod fuisset mortuus. Item, si multum distulisset, discipuli non remansissent in fide, & sic nulla utilitas fuisset in passione sua: Psal. 29. *Quae utilitas in sanguine meo, dum descendo in corruptionem?* Et ideo die tertia resurrexit, ut crederetur mortuus, & ut discipuli fidem non amitterent.

Possumus autem ex iis quatuor ad nostram eruditionem accipere. Primo, ut studeamus resurgere spiritualiter a morte animae, quam incurrimus per peccatum, ad vitam iustitiae, quae habetur per poenitentiam: Apostolus Eph. 5. *Surge qui dormis, & exurge a mortuis, & illuminabit te Christus.* Et haec est resurrectio prima: Apoc. 20. *Beatus, qui habet partem in resurrectione prima.* Secundo, quod non differamus resurgere usque ad mortem, sed cito, quia Christus resurrexit tertia die: Eccles. 5. *Ne tardes converti ad Dominum, & ne differas de die in diem* &c. quia non poteris cogitare, quae pertinent ad salutem, infirmitate gravatus. Et quia etiam perdis partem omnium bonorum, quae sunt in Ecclesia, & multa mala incurris ex perseverantia in peccato. Diabolus etiam quanto diutius possidet, tanto difficilius dimittit, ut dicit Beda. Tertio, ut resurgamus ad vitam incorruptibilem, ut scilicet non iterum moriamur, idest, in tali proposito, quod ultra non peccemus: Rom. 6. *Christus resurgens ex mortuis, jam non moritur* &c. & infra. *Ita & vos existima-*

Nostra resurrectio esse debet.
1. spiritualis

2. Prompta.

3. Ad vitam incorruptibilem.

mate, vos mortuos quidem esse peccato, viventes autem Deo in Christo Jesu. Non ergo regnet peccatum in vestro mortali corpore, ut obediatís concupiscentiis ejus: sed neque exhibeatis membra vestra arma iniquitatis peccato, sed exhibete

4. Ad vitam novam .

vos Deo tamquam ex mortuis viventes . Quarto, ut resurgamus ad vitam novam, & gloriosam, ut scilicet vitemus omnia, quae prius fuerant occasiones, & causa mortis, & peccati: Roman. 6. Quomodo Christus surrexit a mortuis per gloriam Patris, ita & nos in novitate vitae ambulemus . Et haec nova vita est vita iustitiae, quae innovat animam, & perducit ad vitam gloriae, Amen.

Ascendit ad Caelos, sedet ad dexteram Dei patris omnipotentis . Post Christi resurrectionem oportet credere ejus Ascensionem, quia in caelum ascendit die quadragesima . Et ideo dicit: *Ascendit &c.* Circa quod debes notare tria .

Ascensio
Chr. sublimis fuit
1. super omnes caelos .

Primo scilicet quod fuit Sublimis, Rationalis, & Utilis . Sublimis quidem fuit, quia ascendit ad caelos . Et hoc tripliciter exponitur . Primo super omnes caelos corporeos: Apostolus Eph. 4.

2. Super omnes spiritus .

Ascendit super omnes caelos . Et hoc primo incoepit in Christo: nam antea corpus terrenum non erat nisi in terra, intantum ut etiam Adam fuerit in Paradiso terrestri . Secundo, ascendit super omnes caelos spirituales, scilicet naturas spirituales: Ephes. 1. *Constituens Jesum ad dexteram suam in caelestibus super omnem principatum, & potestatem, & virtutem, & dominationem, & omne nomen, quod nominatur non solum in hoc saeculo, sed etiam in futuro, & omnia subiecit sub pedibus ejus .* Tertio, ascendit

3. Usque ad sedem Patris .

us-

usque ad sedem Patris: Daniel. 7. *Ecce cum nubi-
bus caeli quasi filius hominis veniebat, & usque
ad antiquum dierum pervenit.* Et Marc. ult. *Et
Dominus quidem Iesus postquam locutus est eis,
assumptus est in caelum, & sedet a dextris Dei.*
Non autem accipitur in Deo dextera corporali-
ter, sed metaphorice: quia intantum Deus
dicitur sedere ad dexteram patris, idest ad
aequalitatem patris: inquantum homo sedet ad
dexteram patris, idest, in potioribus bonis.
Hoc autem affectavit diabolus: Isa. 14. *In cae-
lum conscendam, super astra Dei exaltabo solium
meum. Sedebo in monte testamenti, in lateribus
aquilonis: ascendam super altitudinem nubium,
similis ero altissimo:* sed non pervenit nisi Chri-
stus. Ideo dicitur: *Ascendit in caelum, sedet
ad dexteram patris.* Psal. 109. *Dixit Dominus
Domino meo, sede a dextris meis.* Secundo,
Christi ascensio fuit rationalis, quia ad caelos: Rationalis
& hoc propter tria. Primo, quia caelum de- fuit
bebatur Christo ex sua natura. Naturale enim i. ex na-
est, ut unumquodque revertatur, unde trahit ori- tura.
ginem. Principium autem originis Christi est a
Deo, qui est super omnia: Joan. 15. *Exivi a
patre, & veni in mundum: iterum relinquo mun-
dum, & vado ad patrem.* Joan. 3. *Nemo asceh-
dit in caelum, nisi qui descendit de caelo filius
hominis, qui est in caelo.* Et licet sancti in caelum
ascendant, non tamen sicut Christus, quia Chri-
stus sua virtute, sancti vero attracti a Christo:
Cant. 1. *Trabe me post te.* Vel potest dici, quia
nemo ascendit in caelum nisi Christus, quia san-
cti non ascendant, nisi inquantum sunt membra
Chri-

- Christi, qui est caput Ecclesiae: Matth. 24. *Ubi-
cumque fuerit corpus, illuc congregabuntur &*
 1. Ex victo- *aquilae*. Secundo, debebatur Christo caelum
 12. ex sua victoria. Nam Christus est in mundum
 missus ad pugnandum contra diabolum, & vicit
 eum, & ideo meruit exaltari super omnia: Apoc.
 7. *Ego vici, & sedi cum patre meo in throno ejus.*
 3. Ex humi- *Tertio, ex sui humilitate*. Nulla enim humili-
 12. litate. *tas est ita magna sicut humilitas Christi, qui cum*
esset Deus, voluit fieri homo, & cum esset Do-
minus, voluit formam servi accipere, factus
obediens usque ad mortem, ut dicitur Phil. 2. &
descendit usque ad infernum, & ideo meruit
exaltari usque ad caelum ad sedem Dei. Nam hu-
militer via est ad exaltationem: Luc. 14. Qui se
humiliat, exaltabitur. Eph. 4. Qui descendit,
ipse est, qui ascendit super omnes caelos. Tertio,
 Ut ille fuit Christi ascensio fuit utilis. Et hoc quantum ad
 1. quia ducit tria. Primo, quantum ad ductum, nam ad hoc
 12. nos. ascendit, ut nos duceret. Sicut resurrexit ut nos
 resurgere faceret, ita ascendit ut nos duceret.
 Nos enim nesciebamus viam, sed ipse ostendit:
 Mich. 2. *Ascendit iter pandens ante eos.* Et ut
 nos securos redderet de possessione regni caele-
 stis: Joan. 14. *Vado parare vobis locum.* Secundo
 2. Securos quantum ad securitatem: ad hoc enim
 12. reddit. ut interpellaret pro nobis: Hebr. 7. *Accedens*
per semetipsum ad Deum semper vivens ad inter-
pellandum pro nobis. 1. Joan. 2. *Advocatum ha-*
bemus apud patrem Jesum Christum. Tertio ut
 3. Trahit ad ad se corda nostra traheret: Matth. 6. *Ubi est the-*
 12. caelum cor- *saurus tuus, ibi est & cor tuum.* Ut contemna-
 mus temporalia: Ap. 1. Colos. 3. *Si consurrexistis*

cum Christo , quae sursum sunt , quaerite , ubi Christus est in dextera Dei sedens : quae sursum sunt sapite , non quae super terram .

INde venturus est iudicare vivos & mortuos . Ad officium regis, & Domini spectat iudicare: Proverb. 20. *Rex, qui sedet in solio iudicii, dissipat omne malum intuitu suo .* Quia ergo Christus ascendit in caelum , & sedet ad dexteram Dei , sicut dominus omnium , manifestum est , quod spectat ad eum iudicium . Et ideo in regula catholicae fidei confitemur , quod *venturus est iudicare vivos, & mortuos.* Hoc etiam dixerunt Angeli Act. 1. *Hic Iesus , qui assumptus est a vobis in caelum , sic veniet, quemadmodum vidistis eum euntem in caelum .* Sunt autem tria consideranda de hoc iudicio . Primum est forma iudicii. Secundum est, quod iudicium hoc est timendum. Tertium est, qualiter praeparemus nos ad hoc iudicium . Quo ad formam iudicii tria concurrunt , scilicet quis sit iudex , qui iudicandi , & de quibus sit . Christus autem est iudex : Act. 10. *Ipse est, qui constitutus est a Deo iudex vivorum & mortuorum :* sive accipiamus per mortuos, peccatores , & per vivos, recte viventes : sive per vivos ad literam illos , qui tunc vivant , & per mortuos omnes, qui mortui sunt . Est autem iudex non solum inquantum Deus est , sed etiam inquantum homo . Et hoc propter tria . Primo , quia necessarium est ut iudicandi iudicem videant . Divinitas autem est, ita delectabilis , quod nullus potest sine gaudio eam videre . Et ideo nullus damnatus poterit eam videre , quia tunc gauderet . Et ideo necesse est, ut appareat in forma ho-

Forma iudic.
1. Quoad
iudicem .

hominis , ut ab omnibus videatur : Joan. 5. *Potestatem dedit ei iudicium facere , quia filius hominis est*. Secundo , quia ipse meruit hoc officium secundum quod homo. Ipse enim secundum quod homo , fuit iniuste iudicatus , & ex hoc Deus fecit eum iudicem totius mundi : Job. 36. *Causa tua quasi impii iudicata est , causam , iudiciumque recipies*. Tertio , ut cesset desperatio ab omnibus , si ab homine iudicantur. Si enim solus Deus iudicaret , homines territi desperarent : Lucae 21. *Videbunt filium hominis venientem in*

2. Quoad *nube*. Judicandi vero sunt omnes qui sunt , fuerunt , & erunt : Apost. 2. Corinth. 5. *Omnes non manifestari oportet ante tribunal Christi , ut referat unusquisque propria corporis , prout gessit , sive bonum , sive malum*. Est autem , sicut

Differentiae iudicandorum . dicit Gregorius , quadruplex differentia inter iudicandos . Aut enim iudicandi sunt boni , aut mali . Malorum autem quidam condemnabuntur , sed non iudicabuntur , sicut infideles , quorum facta non discutientur , quia , *qui non credit , iam iudicatus est*, ut dicitur Joan. 3. Quidam vero condemnabuntur , & iudicabuntur , sicut fideles , qui decesserunt cum peccato mortali : Apostolus Rom. 6. *Stipendia peccati mors*. Non enim excludentur a iudicio propter fidem , quam habuerunt . Bonorum etiam quidam salvabuntur , & non iudicabuntur , pauperes scilicet spiritu propter Deum , quinimmo alios iudicabunt : Matth. 19. *Vos , qui secuti estis me , in regeneratione cum sederit filius hominis in sede maiestatis suae , sedebitis & vos super sedes duodecim iudicantes duodecim tribus Israel*. Quod qui-

quidem non solum intelligitur de discipulis, sed etiam de omnibus pauperibus; alias Paulus, qui plus aliis laboravit, non esset de numero illorum. Et ideo intelligendum est etiam de omnibus sequentibus Apostolos, & de Apostolicis viris. Ideo Apost. 1. Corinth. 6. *An nescitis quoniam Angelos judicabimus?* Isa. 3. *Dominus ad judicium veniet cum senibus populi sui, & principibus ejus.* Quidam autem salvabuntur, & judicabuntur, scilicet morientes in iustitia. Licet enim in iustitia decesserint, in occupatione tamen temporalium in aliquo lapsi sunt, & ideo judicabuntur, sed salvabuntur. Judicabuntur autem de omnibus factis bonis, & malis: Ecclesiastes 11. *Ambula in viis cordis tui, & scito* ^{3. Quoad facta.} *quod pro omnibus his adducet te Deus in judicium.* Ecclesiastic. 12. *Cuncta, quae sunt, adducet Deus in judicium pro omni errato, sive bonum, sive malum sit.* De verbis etiam otiosis: Matth. 12. *Omne verbum otiosum, quod locuti fuerint homines, reddent rationem de eo in die judicii.* De cogitationibus: Sap. 1. *In cogitationibus impii interrogatio erit.* Et sic patet forma judicii.

Est autem judicium illud timendum propter quatuor. Primo, propter judicis sapientiam. Scit enim omnia, & cogitationes, & locutiones, & operationes: quoniam *omnia nuda, & aperta sunt oculis ejus*, ut dicitur Hebr. 4. Proverb. 16. *Omnes viae hominum patent oculis ejus.* Ipse etiam scit verba nostra: Sap. 1. *Auris zeli audit omnia.* Item, cogitationes nostras. Jerem. 17. *Pravum est cor hominis, & infernabi-*

Judicium timendum.
1. Ob judicis sapientiam.

tabile : quis cognoscet illud ? Ego Dominus scrutans corda , & probans renes , qui do unicuique juxta viam suam , & juxta fructum adinventionum suarum . Ibi erunt testes infallibiles , scilicet propriae hominum conscientiae . Apostolus Rom. 2. Testimonium reddente illis conscientia ipsorum , & inter se invicem cogitationum accusantium , aut etiam defendentium in die , eum ju-

2. Potentiâ. *dicabit Deus occulta hominum . Secundo , propter judicis potentiam , quia omnipotens est in se : Isa. 40. Ecce Dominus Deus in fortitudine veniet . Item , omnipotens est in aliis , quia omnis creatura erit cum eo : Sap. 5. Pugnabit cum illo orbis terrarum contra insensatos . Et ideo dicebat Job 10. Cum sit nemo , qui de manu tua possit eruere . Psalm. 138. Si ascendero in caelum , tu illic es : si descendero in infernum , ades . Tertio , propter operis inflexibilem justitiam . Nunc enim est tempus misericordiae , sed tempus futurum erit solum tempus justitiae : & ideo nunc est tempus nostrum , sed tunc erit solum tempus Dei : Psalm. 74. Cum accepero tempus , ego justitias judicabo . Proverb. 6. Zelus , & furor viri non parcat in die vindictae , nec acquiescet cujusquam precibus , nec suscipiet pro redemptione dona plurima . Quarto , propter judicis iram .*
3. Inflexibilitatem . *Aliter enim apparebit justis , quia dulcis , & delectabilis : Isa. 33. Regem in decore videbunt : aliter malis , quia iratus & crudelis , in tantum ut dicant montibus , Cadite super nos , & abscondite nos ab ira agni , ut dicitur Apocal. 6. Haec autem ira non dicit in Deo commotionem animi , sed effectum irae , poenam scilicet peccato-*
4. Iram .

eatoribus infligam, scilicet aeternalem. Origenes: *Quam angustae erunt peccatoribus viae in iudicio. Desuper erit iudex iratus &c.* Contra autem hunc timorem debemus quatuor habere remedia. Primum est bona operatio: Apostolus Rom. 13. *Vis non timere potestatem? Bonum fac, & habebis laudem ex illa.* Secundum est confessio, & poenitentia de commissis, in quibus debent esse, scilicet dolor in cogitatione, pudor in confessione, & acerbitas in satisfactione: quae quidem expiant poenam aeternam. Tertium est eleemosyna, quae omnia mundat. Luc. 16. *Facite vobis amicos de mammona iniquitatis, ut cum defeceritis, recipiant vos in aeterna tabernacula.* Quartum est caritas, scilicet amor Dei, & proximi, quae quidem caritas operit multitudinem peccatorum, ut dicitur 1. Petr. 4. & Proverb. 10.

Remedia ad iudicium.

1. Bona opera.

2. Poenitentia.

3. Eleemosyna.

4. Caritas.

Credo in Spiritum sanctum. Sicut dictum est, Verbum Dei est Filius Dei, sicut verbum hominis est conceptio intellectus. Sed quandoque homo habet verbum mortuum; scilicet quando homo cogitat, quae debet facere, sed tamen voluntas faciendi non adest ei: sicut quando homo credit & non operatur, fides ejus dicitur *mortua*, ut dicitur Jac. 2. Verbum autem Dei est vivum: Hebr. 4. *Vivus est sermo Dei.* Et ideo necesse est, quod Deus habeat secum voluntatem, & amorem. Unde Augustinus in lib. de Trinit. *Verbum, quod insinuare intendimus, cum amore notitia est.* Sicut autem Verbum Dei est Filius Dei, ita amor Dei est Spiritus sanctus. Et inde est, quod tunc homo habet Spiritum

Spiritus sanctus, amor Dei.

tum sanctum, quando diligit Deum. Apostolus Rom. 5. *Caritas Dei diffusa est in cordibus nostris per Spiritum sanctum, qui datus est nobis.* Fue-

Tres erro-
res in Spiri-
tum sanctū. runt autem aliqui, qui male sentientes de Spiri-
tu sancto, dixerunt: quod erat creatura: &
quod erat minor Patre, & Filio: & quod erat ser-

Refellitur. vus, & minister Dei. Et ideo sancti ad removen-
dum hos errores addiderunt quinque verba in
alio Symbolo de Spiritu sancto. Primum est,
quod licet sint alii spiritus, scilicet Angeli, sunt
tamen ministri Dei, secundum illud Apostoli He-
braeor. 1. *Omnes sunt administratorii spiritus.* Sed
Spiritus sanctus Dominus est: Joan. 4. *Spiritus est
Deus.* Et Apostolus 2. Corinth. 3. *Dominus autem
spiritus est.* Et inde est, quod *ubi est spiritus Do-
mini, ibi est libertas*, ut dicitur 2. Corinth. 3.
Cujus ratio est, quia facit diligere Deum, &
aufert amorem mundi: & ideo dicitur, *In Spi-
ritum sanctum Dominum.* Secundum est, quia
in hoc est vita animae, quod conjungitur Deo,
cum ipse Deus sit vita animae, sicut anima vita
corporis. Deo autem conjungit Spiritus sanctus
per amorem, quia ipse est amor Dei, & ideo
vivificat: Joan. 6. *Spiritus est, qui vivificat.* Un-
de dicitur: *Et vivificantem.* Tertium est, quod
Spiritus sanctus est ejusdem substantiae cum Pa-
tre, & Filio, quia sicut Filius est Verbum Patris,
ita Spiritus sanctus est amor Patris, & Filii, &
ideo procedit ab utroque. Et sicut Verbum Dei
est ejusdem substantiae cum Patre, ita & amor
cum Patre, & Filio. Et ideo dicitur: *Qui ex Pa-
tre, Filioque procedit.* Unde & per hoc patet,

Refellitur. quod non est creatura. Quartum est, quod est
aequa-

aequalis Patri, & Filio quantum ad cultum: Joan. 4. *Veri adoratores adorabunt Patrem in spiritu, & veritate*. Matth. ult. *Docete omnes gentes, baptizantes eos in nomine Patris, & Filii, & Spiritus sancti*. Et ideo dicitur: *Qui cum Patre, & Filio simul adoratur*. Quintum, per quod manifestatur, quod sit aequalis Deo, est quia sancti Prophetæ locuti sunt a Deo. Constat autem, quod Prophetæ fuerint locuti ab eo. Sed Petrus dicit 2. Pet. 1. quod *Spiritu sancto inspirati locuti sunt sancti Dei homines*. Isa. 48. *Dominus Deus misit me, & spiritus ejus*: unde hic dicitur: *Qui locutus est per Prophetas*. Per hoc autem destruuntur duo errores. Error scilicet Manichæorum, qui dixerunt, quod vetus testamentum non erat a Deo, quod falsum est, quia per prophetas locutus est Spiritus sanctus. Item, error Priscillae, & Montani, qui dixerunt, quod Prophetæ non sunt locuti a Spiritu sancto, sed quasi amentes.

Resellitur;

Error Manich. Prisc. & Montan.

Provenit autem in nobis multiplex fructus a Spiritu sancto. Primo, quia purgat a peccatis. Cujus ratio est: quia ejusdem est reficere, cujus est constituere. Anima autem creatur per Spiritum sanctum, quia omnia per ipsum facit Deus. Deus enim diligendo suam bonitatem causat omnia: Sap. 11. *Diligis omnia, quae sunt &c.* Dionys. in 4. c. de divinis nomin. *Divinus amor non permisit eum sine germine esse*. Oportet ergo, quod corda hominum per peccatum destructa reficiantur a Spiritu sancto: Psalm. 103. *Emitte Spiritum tuum, & creabuntur, & renovabis faciem terrae*. Nec mirum, si spiritus purgat, quia

Fructus Spiritus sancti
1. Remissio peccatorum.

omnia peccata dimittuntur per amorem : Luc. 7. *dimissa sunt ei peccata multa , quoniam dilexit multum .* Prov. 10. *Univerſa delicta operit caritas .* Item 1. Petr. 4. *Caritas operit multitudi-*

2. Illumina- *nam peccatorum .* Secundo , illuminat intel-
tio mentis . *ctum ; quia omnia , quae ſcimus , a Spiritu ſan-*
cto ſcimus : Joan. 14. Paracletus autem Spiritus
ſanctus , quem mittet Pater in nomine meo , ille
vos docebit omnia , & ſuggeret vobis omnia,
quaecumque dixerō vobis . Item 1. Joan. 2.

3. Obſervan- *Unctio docebit vos de omnibus .* Tertio , juvat ,
tia mandar. *& quadammodo cogit ſervare mandata . Nullus*
enim poſſet ſervare mandata Dei , niſi amaret
Deum : Joan. 14. Si quis diligit me , ſermonem
meum ſervabit . Spiritus autem , ſanctus facit
amare Deum , ideo juvat : Ezech. 36. *Dabo vo-*
bis cor novum , & ſpiritum novum ponam in me-
dio veſtri : & auferam cor lapideum de carne
veſtra , & dabo vobis cor carneum , & ſpiritum
meum ponam in medio veſtri . Et faciam ut in
praeceptis meis ambuletis , & iudicia mea cu-
ſtodiatis , & operemini . Quarto , confirmat ſpem

4. Confirma- *vite aeternae , quia eſt ſicut pignus haereditatis*
tio ſpei . *illius : Apoſtolus Eph. 1. Signati eſtis ſpiritu pro-*
miſſionis ſancto , qui eſt pignus haereditatis no-
ſtrae . Eſt enim quaſi arrha vitae aeternae . Cujus
ratio eſt : quia ex hoc debetur vita aeterna ho-
mini , in quantum efficitur filius Dei , & hoc fit
per hoc , quod fit ſimilis Chriſto . Aſſimilatur
autem aliquis Chriſto per hoc , quod habet ſpi-
ritum Chriſti , qui eſt Spiritus ſanctus . Apoſto-
lus Rom. 8. *Non enim accepiftis ſpiritum ſervi-*
tutis iterum in timore , ſed accepiftis ſpiritum
ado-

adoptionis filiorum, in quo clamamus, abba pater. Ipse enim spiritus testimonium reddit spiritui nostro, quod sumus filii Dei. Et Galat. 4.

Quoniam autem estis filii Dei, misit Deus spiritum filii sui in corda vestra, clamantem, abba pater. Quinto, consulit in dubiis, & docet nos, Consilium. quae sit voluntas Dei: Apoc. 2. Qui habet aures audiendi, audiat, quid spiritus dicat Ecclesiis. Isa. 50. Audiam eum, quasi magistrum.

S*anctam Ecclesiam catholicam. Sicut videmus, quod in uno homine est una anima, & unum corpus, & tamen sunt diversa membra ipsius, ita Ecclesia catholica est unum corpus, & habet diversa membra. Anima autem, quae hoc corpus vivificat, est Spiritus sanctus. Et ideo post fidem de Spiritu sancto jubemur credere sanctam Ecclesiam catholicam. Unde additur in Symbolo: Sanctam Ecclesiam catholicam. Circa quod sciendum est, quod Ecclesia est idem quod congregatio. Unde Ecclesia sancta idem est quod congregatio fidelium; & quilibet Christianus est sicut membrum ipsius Ecclesiae: de qua dicitur Ecclesiast. 51. Appropriate ad me, indocti, & congregare vos in domum disciplinae.*

Ecclesia definitio.

Haec autem Ecclesia sancta habet quatuor *quatuor* conditiones. Quia est una. Quia est sancta. Quia est catholica, idest universalis. Quia est fortis, & firma. Quantum ad primum sciendum est, quod licet diversi haeretici diversas sectas adinvenerint, non tamen pertinent ad Ecclesiam, quia sunt divisi in partes, sed Ecclesia est una: Cant. 6. *Una est columba mea, perfecta mea. Causatur autem unitas Ecclesiae ex tribus. Primo, ex unitate*

1. Est una.

Fide.

fidei.

Spe .

Caritate .

fidei. Omnes enim christiani, qui sunt de corpore Ecclesiae, idem credunt : 1. Corinth. 1. *Id ipsum dicatis omnes , & non sint in vobis schismata ;* Et Eph. 4. *Unus Deus , una fides , unum baptisma .* Secundo , ex unitate spei : quia omnes firmati sunt in una spe perveniendi ad vitam aeternam. Et ideo dicit Apostolus Ephes. 4. *Unum corpus , unus spiritus , sicut vocati estis in una spe vocationis vestrae .* Tercio , ex unitate caritatis : quia omnes connectuntur in amore Dei, ad invicem in amore mutuo : Joan. 17. *Caritatem , quam dedisti mihi , dedi eis , ut sint unum , sicut & nos unum sumus .* Manifestatur autem huiusmodi : amor si verus est , quando membra pro se invicem sunt sollicita , & quando invicem compatiuntur : Ephes. 4. *In caritate crescamus in illo per omnia , qui est caput Christus , ex quo totum corpus connexum , & compactum per omnem juncturam subministrationis secundum operationem in mensura uniuscuiusque membri augmentum corporis facit in aedificationem sui in caritate .* Quia quilibet de gratia sibi collata a Deo debet proximo servire . Unde nullus debet contemnere , nec pati ab ista Ecclesia abjici , & expelli , quia non est nisi una Ecclesia , in qua homines salventur , sicut extra arcam Noe nullus salvari potuit .

Circa secundum sciendum , quod est etiam alia congregatio , sed malignantium : Psalm. 25. *Odi vi Ecclesiam malignantium &c.* sed haec est mala . Ecclesia vero Christi est sancta : Apostolus 1. Corinth. 3. *Templum Dei sanctum est , quod estis vos .* Unde dicitur : *Sanctam Ecclesiam .*

fiam. Sanctificantur autem fideles hujus congregationis ex tribus. Primo enim, quia sicut Ecclesia cum consecratur, materialiter lavatur, ita fideles loti sunt sanguine Christi: *Apoc. 1. Dilexit nos, & lavit nos a peccatis nostris in sanguine suo. Hebr. 13. Jesus ut sanctificaret per suum sanguinem populum*. Secundo, ex inunctione, quia sicut Ecclesia inungitur, sic & fideles spirituali inunctione unguuntur, ut sanctificentur, alias non essent christiani. Christus enim idem est, quod unctus. Haec autem unctio est gratia Spiritus sancti: *2. Corinth. 1. Qui unxit nos Deus. Apostolus 1. Corinth. 6. Sanctificati estis in nomine Domini nostri Jesu Christi*. Tertio, ex inhabitatione Trinitatis. Nam ubi cumque Deus inhabitat, locus ille sanctus est. Unde *Genes. 28. Vere locus iste sanctus est. Et Psalm. 92. Domum tuam decet sanctitudo, Domine*. Quarto, propter invocationem Dei. *Jerem. 4. Tu autem in nobis es, Domine, & nomen tuum invocatum est super nos*. Cavendum est ergo ne post talem sanctificationem polluamus animam nostram, quae templum Dei est, per peccatum. *Apostolus 1. Corinth. 3. Si quis templum Dei violaverit, disperdet illum Deus*.

Circa tertium sciendum est, quod Ecclesia est catholica, idest universalis. Primo quantum ad locum; quia est per totum mundum, contra Donatistas: *Rom. 1. Fides vestra annuntiatur in universo mundo. Marc. ult. Euntes in mundum universum praedicare Evangelium omni creaturae*. Unde antiquitus Deus erat notus tantum in Judaea, nunc autem per totum mundum.

Habet

Ex lotione.

Inunctione.

Inhabitatione
ac Trinitate.

Dei invocatio.

3. Est universalis.
Quoad locum.

Habet autem haec Ecclesia tres partes. Una est in terra, alia est in caelo, tertia est in purgatorio. Secundo, est universalis quantum ad conditionem hominum, quia nullus abjicitur, nec dominus, nec servus, nec masculus, nec foemina: Gal. 3. *Non est masculus, neque foemina.* Tertio, est universalis quantum ad tempus. Nam aliqui dixerunt, quod Ecclesia debet durare usque ad certum tempus. Sed hoc est falsum, quia haec Ecclesia incoepit a tempore Abel, & durabit usque ad finem saeculi: Matth. ult. *Eccce ego vobiscum sum omnibus diebus usque ad consummationem saeculi.* Sed post consummationem saeculi remanebit in caelo.

4. Est firma.
Quia bene
fundata.

Circa quartum sciendum est, quod Ecclesia Dei est firma. Domus autem dicitur firma, primo si habet bona fundamenta. Fundamentum autem Ecclesiae principale est Christus: Apostolus 1. Corinth. 3. *Fundamentum aliud nemo potest ponere praeter id, quod positum est, quod est Christus Jesus.* Secundarium vero fundamentum sunt Apostoli, & eorum doctrina; & ideo firma est. Unde in Apocal. dicitur, quod *civitas habebat duodecim fundamenta, & erant ibi scripta nomina duodecim Apostolorum*, Apoc. 21. Et inde est, quod dicitur Ecclesia, *Apostolica*. Exinde etiam quod ad significandum firmitatem hujus Ecclesiae B. Petrus dictus est vertex. Secundo apparet firmitas domus, si conquassata non potest destrui. Ecclesia autem numquam potuit destrui, nec a persecutoribus: immo persecutionibus durantibus, magis crevit, & qui eam persequabantur, & quos ipsa persequabatur, deficiebant: Matth.

Matth. 21. *Qui ceciderit super lapidem istum confringetur: super quem vero ceciderit, conteret eum.* Nec ab erroribus: immo quanto magis errores supervenerunt; tanto magis veritas manifestata est: 2. Tim. 3. *Homines mente corrupti, reprobi circa fidem, sed ultra non proficientes &c.* Nec a tentationibus daemonum. Ecclesia enim est sicut turris, ad quam fugit quicumque pugnat contra diabolum & Proverb. 18. *Turris fortissima nomen domini.* Et ideo diabolus principaliter conatur ad destructionem ejus, sed non praevalet, quia Dominus dixit Matth. 16. *Et portae inferi non praevallebunt adversus eam.* Quasi dicat: Bellabunt adversum te, sed non praevallebunt. Et inde est, quod sola Ecclesia Petri, in cujus partem venit tota Italia, dum discipuli mitterentur ad praedicandum, semper fuit firma in fide. Et cum in aliis partibus vel nulla fides sit, vel sit commista multis erroribus, Ecclesia tamen Petri & fide viget, & ab erroribus munda est. Nec mirum, quia Dominus dixit Petro: Luc. 22. *Ego rogavi pro te, Petre, ut non deficiat fides tua.*

S *Anc̃torum communionem.* Sicut in corpore naturali operatio unius membri cedit in bonum totius corporis, ita in corpore spirituali, scilicet Ecclesia. Et quia omnes fideles sunt unum corpus, bonum unius alteri communicatur: Apost. Rom. 12. *Singuli autem alter alterius membra.* Unde & inter alia credenda, quae tradiderunt Apostoli, est, quod communio bonorum bonorum in sit in Ecclesia. Et hoc est, quod dicitur: *Sanctorum Ecclesia communioneu.* Inter alia vero membra Ecclesiae prin-

principale membrum est Christus, quia est caput :
 Ephes. I. *Ipsum dedit caput super omnem Eccle-*
 Est a Christo *siam, quae est corpus ipsius*. Bonum ergo Chri-
 isti communicatur omnibus christianis, sicut vir-
 tus capitis omnibus membris. Et haec communi-
 Per sacra- catio fit per Sacramenta Ecclesiae, in quibus
 menta. operatur virtus passionis Christi, quae operatur
 ad conferendam gratiam in remissionem pecca-
 torum.

Hujusmodi autem Sacramenta Ecclesiae
 Baptismus. sunt septem. Primum est Baptismus, [qui est
 regeneratio quaedam spiritualis. Sicut enim vi-
 ta carnalis non potest haberi, nisi homo carnaliter
 nascatur, ita vita spiritualis, vel gratiae non
 potest haberi, nisi homo renascatur spiritualiter.
 Haec autem generatio fit per baptismum: Joan. 3.
Nisi quis renatus fuerit ex aqua, & Spiritu san-
 cto, non potest introire in regnum Dei. Et est
 Ejus Unitas. sciendum, quod sicut homo non nascitur, nisi se-
 mel, sic & semel tantum baptizatur. Unde &
 sancti addiderunt: *Confiteor unum baptisma*.
 Virtus. Virtus autem baptismi est, quod purgat ab omni-
 bus peccatis & quantum ad culpam, & quan-
 tum ad poenam. Et inde est, quod nulla poe-
 nitentia imponitur baptizatis, quantumcumque
 fuerint peccatores, & si statim moriantur post ba-
 ptismum, immediate evolant in vitam aeter-
 nam. Inde est etiam, quod licet soli Sacerdo-
 tes ex officio baptizent, ex necessitate tamen
 cuilibet licet baptizare, servata tamen forma
 baptismi, quae est: *Ego te baptizo in nomine Pa-*
 tris, & Filii, & Spiritus sancti. Sumit autem hoc
 Minister. Sacramentum virtutem a passione Christi: Ro-
 ma-

manor. 6. *Quicumque baptizati sumus in Christo Jesu, in morte ipsius baptizati sumus.* Et inde est, quod sicut Christus fuit tribus diebus in sepulcro, ita sit trina immersio in aqua.

Secundum Sacramentum est Confirmatio. *Cōfirmatio.*

Sicut enim in illis, qui corporaliter nascuntur, necessariae sunt vires ad operandum, ita spiritaliter renatis necessarium est robur Spiritus sancti. *Virtus.*

Unde & Apostoli ad hoc, quod essent fortes, receperunt Spiritum sanctum post ascensionem Christi: Luc. 24. *Vos autem sedete in civitate, quousque induamini virtute ex alto:* hoc autem robur confertur in sacramento confirmationis. Et ideo illi, qui habent curam puerorum, debent mul-

Pueris conferenda.

tum esse solliciti, quod confirmentur, quia in confirmatione confertur magna gratia. Et si decedat, majorem habet gloriam confirmatus, quam non confirmatus, quia hic habuit plus de gratia.

Tertium Sacramentum est Eucharistia. *Eucharistia.*

Sicut enim in vita corporali, postquam homo natus est, & vires sumpsit, necessarius est ei cibus, ut conservetur, & sustentetur: ita in vita spiritali post habitum robur necessarius est ei cibus spiritualis, qui est corpus Christi: Joan. 6. *Virtus.*

Nisi manducaveritis carnem filii hominis, & biberitis ejus sanguinem, non habebitis vitam in vobis. Et ideo secundum ordinationem Ecclesiae quilibet christianus semel in anno debet recipere corpus Christi, digne tamen, & munde;

Tempus, & modus eam sumendi.

quia, ut dicitur 1. Corinth. 11. *Qui manducat, & bibit indigne, scilicet cum conscientia peccati mortalis, de quo non est confessus, vel non pro-*

proponit abstinere , *iudicium sibi manducat , & bibit .*

Poenitentia. Quartum sacramentum est Poenitentia .

Contingit enim in vita corporali, quod quandoque quis infirmatur , & nisi habeat medicinam , moritur , & ita in vita spiritali quis infirmatur per peccatum ; unde necessaria est medicina ad recuperandam sanitatem , & haec est gratia , quae confertur in poenitentiae sacramento: Psalm. 102.

Virtus .

Qui propitiatur omnibus iniquitatibus tuis , qui sanat omnes infirmitates tuas . In poenitentia autem tria debent esse. Contritio, quae est dolor de peccato cum proposito abstinendi. Confessio peccatorum cum integritate . Et satisfactio, quae est per bona opera .

Partes .

Quintum sacramentum est extrema Unctio .

Uctioextr.

In hac enim vita sunt multa , quae impediunt, propter quae homo non potest perfecte consequi purgationem a peccatis . Et quia nullus potest intrare vitam aeternam , nisi sit bene purgatus , necessarium fuit , aliud Sacramentum , quo homo purgaretur a peccatis , & liberaretur ab infirmitate , & praepararetur ad introitum regni caelestis , & hoc est Sacramentum, extremae Unctionis . Sed quod non semper curret corporaliter , hoc est, quia forte vivere non expedit salutis animae : Jac. 5. *Infirmatur quis in vobis , inducat Presbyteros Ecclesiae , & orent super eum , ungentes eum oleo in nomine Domini , & oratio fidei salvabit infirmum , & alleviabit eum Dominus , & si in peccatis sit , remittentur ei .* Sic ergo patet , quod per quinque Sacramenta , quae praedicta sunt , habetur perfectio vitae .

Virtus .

Sed

Sed quia necessarium est, quod huiusmodi Sacramenta conferantur per determinatos ministros, ideo fuit necessarium Sacramentum Ordinis, cuius ministerio huiusmodi Sacramenta dispensarentur. Nec est attendenda ad hoc eorum vita, si aliquando ad mala declinant, sed virtus Christi, per quam ipsa Sacramenta efficaciam habent, quorum ipsi dispensatores sunt. Apostolus 1. Corinth. 4. *Sic vos existimet homo, ut ministros Christi, & dispensatores mysteriorum Dei*: & hoc est sextum Sacramentum, scilicet Ordinis.

Ordo, &
ejus munus.

Septimum sacramentum est Matrimonium, in quo si munde vivunt homines, salvantur, & possunt sine peccato mortali vivere. Sed interdum declinant conjugati ad venialia, quando eorum concupiscentia non fertur extra bona matrimonii, & si efferatur extra, tunc declinant ad mortale. Per haec autem septem Sacramenta consequimur peccatorem remissionem, & ideo hic statim subditur: *Remissionem peccatorum*. Per hoc etiam datum est Apostolis dimittere peccata. Et ideo credendum est, quod ministri Ecclesiae, ad quos derivata est huiusmodi potestas ab Apostolis, & ad Apostolos a Christo, in Ecclesia habeant potestatem ligandi, atque solvendi. Et quod in Ecclesia sit plena potestas dimittendi peccata, sed gradatim, scilicet a Papa in alios praelatos.

Effectus omnium sacr.

Sciendum est etiam, quod non solum virtus passionis Christi communicatur nobis, sed etiam meritum vitae Christi, & quicquid boni fecerunt omnes sancti communicatur in caritate

Communio
bonorum ex
vitae Christi,
& ss. merito.

tate existentibus, quia omnes unum sunt: Psalm. 119. *Particeps ego sum omnium timendum te*. Et inde est, quod qui in caritate vivit, particeps est omnis boni, quod sit in toto mundo, sed tamen specialius illi, pro quibus specialius sit aliquod bonum. Nam unus potest satisfacere pro alio, sicut patet in beneficiis, ad quae plures congregationes admittunt aliquos. Sic ergo per hanc communionem consequimur duo: unum scilicet, quod meritum Christi communicatur omnibus: aliud quod bonam uniús communicatur alteri. Unde excommunicati per hoc, quod sunt extra Ecclesiam, perdunt partem omnium bonorum, quae sunt: quod est majus damnum, quam damnum alicujus rei temporalis. Est etiam aliud periculum, quia constat, quod per hujusmodi suffragia impeditur diabolus, ne possit nos tentare: unde quando quis excluditur ab hujusmodi suffragiis, diabolus facilius vincit eum. Et inde est, quod in primitiva Ecclesia, cum aliquis excommunicabatur, statim diabolus vexabat eum corporaliter.

Excommu-
nicati.

Carnis resurrectionem. Spiritus sanctus non solum sanctificat Ecclesiam quantum ad animam, sed virtute ejus resurgent corpora nostra: Rom. 4. *Qui suscitavit Jesum Christum Dominum nostrum a mortuis*. Et 1. Corinth. 15. *Quoniam quidem per hominem mors, & per hominem resurrectio mortuorum*. Et ideo credimus secundum fidem nostram, resurrectionem mortuorum futuram. Circa quam quatuor consideranda occurrunt. Primum est, utilitas, quae ex fide resurrectionis provenit. Secundum est, qualitas resur-

Utilitates
humanae re-
surrectionis.

resurgentium quantum ad omnes in generali, Tertium, quantum ad bonos. Quartum quantum ad malos in speciali. Circa primum sciendum, quod ad quatuor est nobis utilis fides, & spes resurrectionis. Primo, ad tollendum tristitias, ^{1. Tollit tristitiam.} quas ex mortuis concipimus. Impossibile est enim, quod homo non doleat de morte cari sui: sed per hoc, quod sperat, eum resurrecturum, multum temperatur dolor mortis: 1. Thessalonicen. 4. *Nolumus vos ignorare, fratres, de dormientibus, ut non contristemini, sicut & ceteri; qui spem non habent.* Secundo, aufert timorem ^{2. Aufert timorem mortis.} mortis. Nam si homo post mortem non speraret aliam vitam meliorem, sine dubio mors esset valde timenda, & potius deberet homo quaecumque mala facere, quam incurrere mortem. Sed quia credimus, esse aliam vitam meliorem, ad quam pervenimus post mortem, constat, quod nullus debet mortem timere, nec timore mortis aliqua mala facere: Hebraeor. 2. *Ut per mortem destrueret eum, qui habebat mortis imperium, idest diabolum, & liberaret eos, qui timore mortis per totam vitam obnoxii erant servituti.* Tertio, reddit sollicitos, & studiosos ad bene ^{3. Movet ad bonum opus.} operandum. Si enim vita hominis esset tantum ista, in qua vivimus, non inesset hominibus magnum studium ad bene operandum: quis quicquid faceret, parvum esset, cum ejus desiderium non sit ad bonum determinatum secundum certum tempus, sed ad aeternitatem. Sed quia credimus, quod per haec, quae hic facimus, recipiemus bona aeterna in resurrectione, ideo studemus bona operari; 1. Corinth. 15. *Si in hac*

4. Retrahit
a malo .

*vita tantum in Christo sperantes sumus , misera-
biliore sumus omnibus hominibus .* Quarto , re-
trahit a malo . Sicut enim spes praemii allicit
ad bonum operandum , ita timor poenae , quam
credimus malis reservari , retrahit a malo :
Joan. 5. *Et procedent , qui bona fecerunt , in re-
surrectionem judicii .*

Qualitates
communes
hum. resurr.
1. Identitas.

Circa secundum sciendum est , quod quan-
tum ad omnes , quadruplex conditio attendi
potest in resurrectione . Prima est ad identita-
tem corporum resurgentium , quia idem cor-
pus , quod nunc est & quantum ad carnem ,
& quantum ad ossa resurget ; licet aliqui dixe-
rint , quod hoc corpus , quod nunc corrumpi-
tur , non resurget : quod est contra Aposto-
lum . Ait enim 1. Corinth. 15. *Oportet , cor-
ruptibile hoc induere incorruptionem : & quia sa-
cra Scriptura dicit , quod virtute Dei idem cor-
pus ad vitam resurget , Job. 19. Rursus circum-
dabor pelle mea , & in carne mea videbo Deum .*

2. Incorru-
ptibilitas .

Secunda conditio erit quantum ad qualitatem ;
quia corpora resurgentia erunt alterius qualita-
tis , quam nunc sint , quia & quantum ad beatos ,
& quantum ad malos corpora erunt incorrupti-
bilia ; quia boni erunt semper in gloria , & mali
semper in poena eorum : 1. Corinth. 15. *Oportet ,
corruptibile hoc induere incorruptionem , & mor-
tale hoc induere immortalitatem .* Et quia cor-
pus erit incorruptibile , & immortale , non erit
usus ciborum , & venereorum : Matth. 22. *In
resurrectione neque nubent , neque nubentur , sed
erunt sicut Angeli Dei in caelo .* Et hoc est con-
tra Judaeos , & Saracenos : Job. 7. *Non rever-
tetur*

tetur ultra in domum suam. Tertia conditio 3. *Integritas*, quantum ad integritatem, quia omnes & boni, & mali resurgent cum omni integritate, quae ad perfectionem hominis pertinet. Non enim erit ibi caecus, vel claudus, nec aliquis defectus: Apostolus 1. Corinth. 15. *Mortui resurgent incorrupti*, idest, impassibiles quantum ad corruptiones praesentes. Quarta conditio est 4. *Aetas perfecta*, quantum ad aetatem, quia omnes resurgent in aetate perfecta, idest triginta trium, vel duorum annorum: cujus ratio est, quia qui nondum pervenerunt ad hoc, non habent aetatem perfectam, & senes hanc jam amiserunt; & ideo juvenibus, & pueris addetur quod deest, senibus vero restituetur: Eph. 4. *Donec occurramus omnes in virum perfectum in mensuram aetatis plenitudinis Christi*.

Circa tertium sciendum est, quod quantum ad bonos erit specialis gloria; quia sancti habebunt corpora glorificata, in quibus erit quadruplex conditio. Primo est claritas: Matthaei 13. *Fulgebunt iusti sicut sol in regno patris eorum*. Secunda est impassibilitas: 1. Corinth. 15. *Seminatur in ignobilitate, surget in gloria*. Apoc. 21. *Absterget Deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra, quia prima abierunt*. Tertia est agilitas: Sap. 3. *Fulgebunt iusti, & sicut scintillae in arundinetis discurrent*. Quarta est subtilitas: 1. Corinth. 15. *Seminatur corpus animale, surget corpus spirituale*; non quod omnino sit spiritus, sed quia erit totaliter spiritui subiectum.

4. Aetas perfecta.

Qualitates corporum.

1. Claritas.

2. Impassibilitas.

3. Agilitas.

4. Subtilitas.

Qualitates
corpor. Dam-
natorum .
1. Obscuri-
tas .

2. Passibili-
tas .

3. Gravitas.

4. Foeditas.

Circa quartum sciendum, quod damnatorum conditio contraria erit conditioni beatorum, quia erit in eis poena aeterna, in qua est quadruplex mala conditio. Nam corpora eorum erunt obscura : Isa. 13. *Facies combustae vultus eorum*. Item, passibilia, licet numquam corrumpantur ; quia semper in igne ardebunt, & numquam consummabuntur : Isa. 66. *Vermis eorum non morietur, & ignis eorum non exstinguetur*. Item, erunt gravia. Anima enim erit ibi quasi catenata : Psal. 149. *Ad alligandos reges eorum in compedibus*. Item erunt quodammodo carnalia & animalia, & corpus : Joel, 1. *Computruerunt jumenta in stercore suo*.

Animae im-
mortalitas .

Vitam aeternam. Amen. Convenienter in fine omnium desideriorum nostrorum, scilicet in vita aeterna finis datur credendi in Symbolo, cum dicitur : *Vitam aeternam. Amen*. Contra quod dicunt illi, qui ponunt, animam interire cum corpore. Si enim hoc esset verum, homo esset ejusdem conditionis cum brutis : & istis convenit illud Psal. 48. *Homo cum in honore esset, non intellexit, comparatus est jumentis insipientibus, & similis factus est illis*. Anima enim humana assimilatur Deo in immortalitate ; ex parte autem sensualitatis assimilatur bestiis. Cum ergo credit quis, quod anima moriatur cum corpore, recedit a Dei similitudine, & bestiis comparatur ; contra quod dicitur Sap. 2. *Neque mercedem speraverunt justitiae, nec judicaverunt honorem animarum sanctarum : quoniam Deus creavit hominem inexterminabilem, & ad imaginem similitudinis suae fecit illum*.

Et

Est autem primo considerandum in hoc articulo, quae vita sit vita aeterna. Circa quod sciendum, vita aeterna;
conjunctio
Deo. quod in vita aeterna primum est, quod homo conjungitur Deo. Nam ipse Deus est praemium, & finis omnium laborum nostrorum: Gen. 15.

Ego protector tuus, & merces tua magna nimis.

Consistit autem haec conjunctio in perfecta visione: 1. In visione: 1. Corinth. 13. *Videmus nunc per speculum*

in aenigmate, tunc autem facie ad faciem. Item

consistit in summa laude: Augustinus in 22. de In laude. Civ. Dei. *Videbimus, amabimus, & laudabi-*

mus. Isa. 51. *Gaudium, & laetitia invenientur in ea, gratiarum actio, & vox laudis.* Item, in

perfecta satietate desiderii. Nam ibi habebit qui- 2. In satietate desider. libet beatus ultra desiderata, & sperata. Cujus

ratio est: quia nullus potest in vita ista implere desiderium suum, nec umquam aliquod crea-

tum satiat desiderium hominis. Deus enim solus satiat, & in infinitum excedit; & inde est,

quod non quiescit nisi in Deo. Augustinus in 1. confes. *Fecisti nos, Domine, ad te, & inquietum*

est cor nostrum, donec requiescat in te. Et quia sancti in patria perfecte habebunt Deum, mani-

festum est, quod satiabitur desiderium eorum, & adhuc gloria excedet. Et ideo dicit Dominus

Matth. 25. *Intra in gaudium Domini tui.* Augustinus: *Totum gaudium non intrabit in gaudentes, sed toti gaudentes intrabunt in gaudium.*

Psal. 16. *Satiabor, cum apparuerit gloria tua.* Et iterum: *Qui replet in bonis desiderium tuum* &c. Quicquid enim delectabile est, totum

est ibi superabundanter. Si enim appetantur delectationes, ibi erit summa, & perfectissima

Delectatio-
num. delectationes, ibi erit summa, & perfectissima

- delectatio, quia de summo bono scilicet Deo: Job. 22. *Tunc super omnipotentem deliciis affluens.* Psalm. 15. *Delectationes in dextera tua usque in finem.* Item, si appetuntur honores, ibi erit omnis honor. Homines praecipue desiderant esse reges quantum ad laicos: & Episcopi, quantum ad clericos; & utrumque erit ibi: Apoc. 5. *Pecisti nos Deo nostro regnum, & Sacerdotes.* Sap. 5. *Ecce quomodo computati sunt inter filios Dei.* Item, si scientia appetitur, ibi erit perfectissima; quia omnes naturas rerum, & omnem veritatem, & quicquid volumus, sciemus, & quicquid volumus habere, habebimus ibi cum ipsa vita aeterna: Sapient. 7. *Venerunt mihi omnia bona pariter cum illa.* Proverb. 10. *Desiderium suum iustis dabitur.* Tertio, consistit in perfecta securitate; nam in mundo isto non est perfecta securitas, quia quanto quis habet plura, & magis eminent, tanto plura timet, & pluribus indiget: sed in vita aeterna nulla est tristitia, nullus labor, nullus timor: Prov. 1. *Abundantia perfruetur, malorum timore sublato.* Quarto, consistit in omnium beatorum jucunda societate, quae societas erit maxime delectabilis, quia quilibet habebit omnia bona cum omnibus beatis: nam quilibet diliget alium sicut seipsum: & ideo gaudebit de bono alterius sicut de suo. Quo fit, ut tantum augeatur laetitia, & gaudium unius, quantum est gaudium omnium: Psalm. 86. *Sicut laetantium omnium habitatio est in te.* Haec autem, quae dicta sunt, & multa ineffabilia habebunt sancti, qui erunt in patria. Mali vero, qui erunt in morte aeterna, non

non minus habebunt de dolore, & poena, quam boni de gaudio, & gloria. Exaggeratur autem poena eorum. Primo ex separatione Dei, & omnium bonorum; & haec est poena damni, quae respondet aversioni, quae poena major est, quam poena sensus: Matth. 25. *Inutilem servum ejicite in tenebras exteriores*. In vita enim ista mali habent tenebras interiores, scilicet peccati, sed tunc habebunt etiam exteriores. Secundo ex remorsu conscientiae: Psal. 49. *Arguam te, & statuam contra faciem tuam*. Sap. 5. *Prae angustia spiritus gementes*: & tamen haec poenitentia, & gemitus erit inutilis, quia non propter odium mali, sed propter dolorem poenae. Tertio, ex immensitate poenae sensibilis, scilicet ignis inferni, qui animam, & corpus cruciabit, quae est acerbissima poenarum, sicut dicunt sancti, & erunt sicut semper morientes, & nunquam morituri. Unde dicitur mors aeterna, quia sicut moriens est in acerbitate poenarum, sic & illi, qui sunt in inferno: Psal. 48. *Sicut oves in inferno positi sunt, mors depascet eos*. Quarto, ex desperatione salutis. Nam si eis daretur spes liberationis a poenis, eorum poena mitigaretur: sed cum subtrahitur eis omnis spes, poena efficitur gravissima: Isa. 66. *Vermis eorum non morietur, & ignis eorum non extinguetur*. Sic ergo patet differentia inter bene operari, & male; quia bona opera ducunt ad vitam, mala autem trahunt ad mortem: & propter hoc homines deberent frequenter reducere haec ad memoriam, quia ex hoc provocarentur ad bonum, & retraherentur a malo. Unde

Mortis aeternae poena
1. Ex separatione Dei.

2. Remorsu conscientiae.

3. Cruciatu ignis.

4. Desperatione salutis.

328 OPUSCULA D. TH. AQUINAT.

de & signanter in fine omnium ponitur: *Vitam aeternam*, ut semper magis memoriae imprimatur, ad quam vitam nos perducatur Dominus Jesus Christus, Deus, benedictus in saecula saeculorum. Amen.

*Explicit Opusculum S. Th. super Symbolo
Apostolorum.*





EJUSDEM S. DOCTORIS

OPUSCULUM

Super Oratione Dominica.



Pater noster. Inter alias orationes oratio Dominica principalior invenitur. Habet enim quinque excellentia, quae in oratione requiruntur. Debet enim esse

Orationis

oratio segura, recta, ordinata, conditiones.

devota, & humilis. Secura quidem, ut cum fiducia adeamus ad thronum gratiae ejus, ut dicitur Hebr. 4. *In fide etiam non discentes.* Dicitur enim Jacob. 1. *Postulet autem in fide nihil haesitans.* Rationabiliter autem haec oratio est securissima: est enim ab advocato nostro formata, qui est sapientissimus petitor, in quo sunt omnes thesauri sapientiae, ut dicitur ad Colossens. 2. De quo dicitur 1. Joan. 2. *Advocatum habemus apud patrem.* Unde dicit Cyprianus in libro de oratione Dominica: *Cum Christum habeamus advocatum apud patrem pro peccatis nostris, quando pro delictis nostris petimus, advocati nostri verba proponamus.* Ulterius securior

Orat. Dom.
a. Segura.

ap-

apparet ex hoc, quod ipse, qui orationem exau-
dit cum patre, docuit nos orare, secundum illud
Psalm. 90. *Clamabit ad me, & ego exaudiam
eum*. Unde dicit Cyprianus: *Amica, familiaris,
& devota est oratio, Dominum de suo rogare*:
unde ab hac oratione nunquam sine fructu rece-
ditur. Nam per eam venialia dimittuntur, ut
dicit Augustinus. Debet etiam esse oratio nostra

2. *Recta*. recta, ut petat orans a Deo, quae sibi conveniunt.
Nam Damascenus dicit: *Oratio est petitio decen-
tium a Deo*. Multoties enim non exauditur ora-
tio, quia indecentia postulantur: Jacob. 4.
Petitis, & non accipitis, eo quod male petatis.
Scire autem quid sit petendum, difficillimum
est, cum difficillimum sit scire, quid sit deside-
randum. Ea enim, quae licite petuntur, in ora-
tione licite desiderantur: & ideo Apostolus dicit
ad Roman. 8. *Nam quid oremus, sicut oportet,
nescimus*. Ipse autem Christus doctor est: nam
ipsum est docere, quid nos orare oporteat. Nam
discipuli dixerunt ei Lucae 11. *Domine, doce nos
orare*. Ea ergo, quae ipse orare docuit, rectis-
sime postulantur. Unde Augustinus: *Quaecumque
autem verba dicamus, nihil aliud dicimus,
quam quod in ista oratione dominica positum est,
si recte, & congruenter oramus*.

3. *Ordinata*. Debet etiam esse ordinata, sicut desiderium;
cum oratio sit desiderii interpres. Est autem hic
debitus ordo, ut spiritualia carnalibus, caelestia
terrenis, desiderando, & orando praeferramus, se-
cundum illud Matth. 6. *Primum quaerite regnum
Dei &c.* Hoc Dominus in hac oratione servare
docuit, in qua primo petuntur caelestia, & post-
modum

modum terrena. Debet etiam oratio esse devota, 4. Devota.
quia pinguedo devotionis facit, sacrificium orationis esse Deo acceptum, secundum illud Psal. 62. *In nomine tuo levabo manus meas: sicut adipe, & pinguedine repleatur anima mea*. Devotio autem plerumque propter prolixitatem orationis obtunditur. Unde Dominus superfluum orationis prolixitatem docuit vitare, dicens Matth. 6. *Orantes autem nolite multum loqui*. Et Augustinus dicit ad Probam: *Absit ab oratione multa locutio, sed non desit multa precatio, si fervens perseveret intentio*. Unde Dominus hanc orationem brevem instituit. Confurgit autem devotio ex caritate, quae est amor Dei, & proximi; quorum utrumque in hac oratione ostenditur. Nam ad insinuandum divinum amorem, vocamus eum Patrem: ad insinuandum autem amorem proximi communiter pro omnibus oramus dicentes: *Pater noster &c. Et dimitte nobis debita nostra &c.* ad quod proximorum dilectio nos inducit. Debet etiam oratio esse humilis, secundum illud Psal. 101. *Respexit in orationem humilium*. Et Luc. 18. de pharisaeo & publicano. Et Judith. 9. *Humilium, & mansuetorum semper sibi placuit deprecatio*. Quae quidem humilitas in hac oratione servatur. Nam vera humilitas est, quando aliquis nihil ex suis viribus praesumat, sed totum ex divina virtute impetrandum expectat.

Nota insuper, quod tria bona facit oratio. Primo enim est efficax, & utile remedium contra mala. Liberat enim a peccatis commissis: Psal. 31. *Tu remisisti impietatem peccati mei: pro* Liberat a peccatis.
bac

hac orabit ad te omnis sanctus. Sic latro in cruce oravit, & remissionem obtinuit, quia audivit a Christo, *Hodie mecum eris in Paradiso*, Luc. 23.

A peccatorum timore.

Sic publicanus oravit, & *justificatus descendit in domum suam*, Luc. 18. Liberat etiam a timore peccatorum, supervenientium a tribulationibus

A persecutionibus.

& tristitiis: Jacob. ult. *Tristatur quis in vobis? oret aequo animo*. Liberat etiam a persecutionibus, & inimicis: Psal. 108. *Pro eo ut me diligere, & traherent mihi, ego autem orabam*

Est efficax ad obtinend.

Secundo, est efficax, & utilis ad omnia desideria obtinenda: Marc. 11. *Omnia quaecumque orantes petitis, credite quia accipietis*. Et si non exaudimur, hoc est, quia non instanter petimus, *Oportet enim semper orare, & numquam deficere*, Luc. 18; vel quia non petimus id, quod magis expedit ad salutem. Augustinus: *Bonus Dominus, qui saepe non tribuit, quod volumus, ut tribuat, quod malleamus*. Et hoc reperitur de Paulo, qui ter petiit a se removeri stimulum, & non est exauditus. Tertio est utilis, quia facit nos familiares Deo: Psalm. 140. *Dirigatur oratio mea sicut incensum in conspectu tuo*. Dicit ergo:

Est utilis.

Pater. Nota hic duo; quomodo scilicet pater sit, & quid debemus ei, quia pater est.

Deus creatione Pater.

Dicitur autem *pater* ratione specialis creationis, quia creavit nos ad imaginem, & similitudinem suam, quam aliis creaturis inferioribus non impressit: Deut. 32. *Ipse est pater tuus, qui fecit, & creavit te*. Item, ratione gubernationis.

Gubernatione.

Quamquam enim omnia gubernet, nos tamen gubernat ut Dominos, alia ut servos: Sap. 14.

Tua,

Tua, pater, providentia cuncta gubernat. Et Sap. 12. Et cum magna reverentia disponis nos. Item, ratione adoptionis, quia aliis creaturis dedit quasi munuscula, nobis autem haereditatem, & hoc, quia filii: sed si filii, & haeredes. Apostolus Rom. 8. Non accepistis spiritum servitutis in timore, sed spiritum adoptionis filiorum, in quo clamamus, Abba pater. De- Deo debe-
mus autem nos ei tria. Primo, honorem: Mal. 1. Si ego pater, ubi est honor meus? qui confisit in tribus, in laudis datione, quo ad Deum: Psal. 49. Sacrificium laudis honorificabit me, 1. honor lau-
quae non solum debet esse in ore, sed etiam in corde: Isa. 29. Populus hic labiis me honorat, cor autem eorum longe est a me. In corporis puritate quo ad seipsum: 1. Corinth. 6. Glorificate, & portare Deum in corpore vestro. In iudicii aequitate, quo ad proximum: Psal. 9. Honor regis iudicium diligit. Secundo, debemus ei 2. Imitatio
imitationem, quia pater est: Jer. 3. Patrem vocabis me & post me ingredi non cessabis: quae perficitur in tribus; in dilectione: Ephes. 5. Estote imitatores Dei sicut filii carissimi, & ambulate in dilectione: & hoc oportet esse in corde. In miseratione: dilectio enim debet esse cum miseratione: Luc. 6. Estote misericordes; & hoc debet esse in opere. In perfectione, quia dilectio, & misratio debet esse perfecta: Matth. 5. Estote perfecti, sicut & pater vester caelestis perfectus est. Tertio, debemus ei obedientiam: 3. Obe-
Heb. 12. Multo magis obtemperabimus patri spiritum: & hoc propter tria. Primo, propter dominium. Ipse enim est Dominus: Exod. 24. Omnia, 3. Obe-
*diencia ob domin; ex-empli; com-
 mod,*

Omnia, quae locutus est Dominus, faciemus, & erimus obediētes. Secundo, propter exemplum, quia verus filius factus est patri obediēsus usque ad mortem, ut dicitur Phil. 2. Tertio, propter commodum: 2. Reg. 6. Ludam ante Dominum, qui elegit me. Quarto, debemus ei patientiam in castigationibus: Proverb. 3. Disciplinam Domini, fili mi, ne abjicias, nec deficias, cum ab eo corripieris. Quem enim diligit Dominus, corripit: & quasi pater in filio complacet sibi.

Proximi
debentur
duo.

Noster. Ex hoc autem ostenditur, quod duo debemus proximis. Primo amorem, quia fratres nostri sunt: nam omnes sunt filii Dei. 1. Joan. 4. *Qui non diligit fratrem suum, quem videt &c.* Item, reverentiam, quia filii Dei sunt: Malach. 2. *Numquid non pater unus omnium nostrum? Numquid non Deus unus creavit nos? Quare ergo decipit unusquisque vestrum fratrem suum?* Rom. 12. *Honore invicem praevinentes.* Et hoc propter fructum, quia ipse factus est omnibus obtemperantibus sibi causa salutis aeternae, Hebr. 5.

Qui es in caelis. Inter cetera, quae oranti sunt necessaria, fiducia plurimum valet: Jac. 1. *Postulet autem in fide, nihil haesitans.* Unde Dominus nos orare docens, ea praemitit, ex quibus in nobis fiducia generetur, scilicet ex benignitate patris. Unde, pater noster dicit, secundum illud Luc. 11. *Si vos, cum sitis mali, nostis bona dare filiis vestris, quanto magis pater vester caelestis de caelo dabit spiritum bonum potentibus se?* Et ex magnitudine po-

potestatis . Unde dicit : *Qui es in caelis* . Unde ^{Deus in coe-} Psal. 112. *Ad te levavi oculos meos, qui habitas* ^{lis dicitur .} *in caelis* . Potest autem hoc ad tria pertinere .
 Primo quidem ad orantis praeparationem , quia ^{1. Ad oran-} dicitur Eccl. 18. *Ante orationem praepara ani- *mam tuam* , ut intelligatur , *in caelis* , hoc est , ^{tis praepa-} *in caelesti gloria* , secundum illud Matth. 5. *Mer-* ^{rationem .} *ces vestra copiosa est in caelis* . Et haec praepara-
 tio debet esse per caelestium imitationem , quia si- ^{Caelestia i-} *lius debet imitari patrem* . Unde dicitur 1. Cor. ^{mitando, eo-} 15. *Sicut portavimus imaginem terreni, porte- ^{templans in-} *mus & imaginem caelestis* . Item per caelestium ^{tendendo .} *contemplationem* , quia homines solent frequen-
 tius cogitationem dirigere , ubi habent patrem & alia , quae diligunt , secundum illud Match. 6. *Ubi est thesaurus tuus , ibi est & cor tuum* . Un-
 de dicebat Apostolus Phil. 3. *Nostra conversatio in caelis est* . Et per celestium intentionem ,
 ut ab eo , qui in caelis est , non nisi caelestia quae-
 ramus , secundum illud Col. 3. *Quae sursum sunt quaerite ubi Christus est* . Secundo , potest per-
 tinere , quod dicitur , *qui es in caelis* , ad au-
 dientis facilitatem ; quia propinquus est nobis ,
 ut intelligatur , *qui est in caelis* , idest in sanctis ,
 in quibus Deus habitat , secundum illud Jer. 14. *Tu in nobis es, Domine* . Sancti enim caeli dicun-
 tur , secundum illud Psalm. 18. *Caeli enarrant gloriam Dei* . Habitat autem Deus in sanctis per
 fidem : Ephes. 3. *Habitare Christum per fidem in* ^{Deus in san-} *cordibus vestris* . Per dilectionem : 1. Joan. 4. ^{ctis habitat.} *Qui manet in caritate , in Deo manet , & Deus in eo* . Per mandatorum impletionem : Joan. 14. *Si quis diligit me , sermonem meum servabit ,*
*& pa-***

3. Ad ejus
efficaciam :

& pater meus diligit eum , & ad eum veniemus ;
& mansionem apud eum faciemus &c. Tertio ,
 potest pertinere quod dicitur , *Qui es in caelis* ,
 ad efficaciam exaudientis , ut per caelos , cor-
 poreos caelos intelligamus , non quod corpora-
 libus caelis includatur , secundum illud 3. Reg. 8.
Caelum , & caeli caelorum te capere non possunt ;
 sed ut significetur , quod Deus est perspicax in
 consideratione , utpote qui de alto videt : Psal.
 101. *Prospexit de excelsu sancto suo : & quod su-*
blimis est in potestate , secundum illud Psal. 102.
Dominus in caelo paravit sedem suam : & quod
stabilis est in aeternitate , secundum illud Psal.
 101. *Tu autem in aeternum permanes ? & anni*
tui non deficiens . Unde & de Christo dicitur
 Psal. 88. *Thronus ejus sicut dies caeli* . Et Philo-
 sophus dicit in 1. de caelo , quod propter in-
 corruptionem caeli , omnes posuerunt caelum
 esse locum spirituum .

Collectio
praedictio-
rum .

Per hoc ergo , quod dicitur , *qui es in caelis* ,
 datur nobis fiducia orandi , quantum ad tria .
 Quantum ad potestatem , et quantum ad familia-
 ritatem ejus , a quo petitur , et quantum ad con-
 gruitatem petitionis . Potestas enim ejus , a quo
 petitur , insinuat , si per caelos intelligantur
 caeli corporei . Et quamvis ipse locis corporali-
 bus non comprehendatur , cum scriptum sit
 Jer. 23. *Caelum & terram ego impleo* , tamen di-
 citur esse in caelis corporeis ad insinuandum
 duo , scilicet potentiae ejus virtutem , & subli-
 mitatem naturae . Primum quidem est contra il-
 los , qui dicunt , omnia ex fato caelestium corpo-
 rum ex necessitate accidere , secundum quam
 opi.

opinionem inutile esset aliquid a Deo orando petere. Sed hoc stultum est, cum Deus in caelis sic esse dicatur, ut caelorum Dominus, & stellarum, secundum illud Psalm. 120. *Dominus in caelo paravit sedem suam*. Secundum vero contra illos est, qui in orando aliquas sibi corporeas phantasias de Deo proponunt, & fingunt: ideo dicitur esse in caelis, ut per id, quod in sensibilibus rebus est altissimum, ostendatur divina sublimitas omnia excedens, etiam hominum desiderium, & intellectum. Unde quicquid cogitari, vel desiderari potest, est minus, quam Deus. Propter quod dicitur in Job. 36. *Ecce Deus magnus vincens scientiam nostram*. Psalm. 112. *Excelsus super omnes gentes Dominus*. Isa. 40. *Cui similem fecistis Deum?* Familiaritas autem Dei ostenditur, si per caelos sancti accipiantur. Quia enim propter ejus altitudinem aliqui dixerunt, quod humana non curat, oportet considerare, quia nobis est vicinus, immo intimus, quia dicitur esse in caelis, idest in sanctis, qui caeli dicuntur, secundum illud Psalm. 18. *Caeli enarrant gloriam Dei*. Jer. 14. *Tu in nobis es, Domine*. Hoc enim affert fiduciam orantibus quantum ad duo. Primo, quantum ad propinquitatem Dei, secundum illud Psalm. 144. *Prope est Dominus omnibus invocantibus eum*. Unde Matth. 6. *Tu autem cum oraveris, intra in cubiculum*, scilicet cordis. Secundo, quia per patrocinium aliorum sanctorum possumus impetrare, quod petimus, secundum illud Job. 5. *Ad aliquem sanctorum convertere*. Jac. 5. *Orate pro invicem, ut salvemini*. Idoneitatem etiam, & congruitatem accipit oratio

Antropo-
morphitae.

ex hoc , quod dicitur esse in caelis , secundum quod per caelos spiritualia bona , & aeterna intelliguntur , in quibus est beatitudo propter duo . Primo , quia per hoc excitatur nostrum desiderium ad caelestia . Tendere enim debet illuc desiderium nostrum , ubi patrem habemus , quia illic est haereditas nostra : Col. 3. *Quae sursum sunt quaerite* . 1. Pet. 1. *In haereditatem inmarcescibilem , conservatam in caelis* Secundo , quia per hoc informatur ut sit vita caelestis , ut simus conformes patri caelesti , secundum illud 1. Cor 15. *Qualis caelestis , & tales caelestes* : & haec duo faciunt idoneum ad petendum , scilicet desiderium caeleste , & vita caelestis , ex quibus oratio congrua fit ,

Prima petitio .

S *Antificetur nomen tuum* . Haec est prima petitio , in qua petitur , ut nomen ejus in nobis manifestetur , & declaretur . Est autem nomen Dei primo mirabile , quia in omnibus creaturis mirabilia operatur : unde Dominus in Evangelio Marc. ult. *In nomine meo dæmonia ejiciunt &c.* Secundo , est amabile : Act. 4. *Non est aliud nomen datum sub caelo , in quo oporteat , nos salvos fieri* . Salus autem est ab omnibus diligenda . Exemplum de beato Ignatio , qui in tantum nomen Christi dilexit , quod , cum Trajanus requireret ab eo , ut nomen Christi negaret , respondit , quod de ore ejus removeri non posset . Et cum ille minaretur , sibi caput abscindere , & Christum de ejus ore removere , dixit : *Et si de ore ab-*

Nomen Dei
1. Mirabile,

2. Amabile,

Exemplum
3. Ignatii M.

abstuleris, numquam tamen de corde eripere poteris: hoc enim nomen cordi meo inscriptum habeo, & ideo ab ejus invocatione cessare non valeo. Quod audiens Trajanus, & probari cupiens, servi Dei abscisso capite, cor ejus extrahi jussit, & inventum est habens nomen Christi in se scriptum litteris aureis. Posperat enim super cor suum hoc nomen quasi signaculum. Tertiq, est venerabile: Apostolus Philip. 2. *Ut in nomine Jesu omne genuflectatur, caelestium, terrestrium, & infernorum*, Caelestium, quantum ad Angelos, & beatos: terrestrium, quantum ad mundanos, qui hoc faciunt ex amore adipiscendae gloriae, vel timore fugiendae poenae: & infernorum, quo ad ad damnatos, qui hoc faciunt ex timore. Quarto, inexplicabile, quia a narratione ejus deficiunt omnes linguae: & ideo explicatur aliquando per creaturas, unde dicitur lapis ratione firmitatis; Matth. 16. *Super hanc petram aedificabo Ecclesiam meam.* Item ignis, ratione purificationis; quia sicut ignis metalla purificat, ita Deus purificat corda peccatorum. Unde Deuter. 4. *Deus tuus ignis consumens est.* Item lux, ratione illuminationis, quia sicut lux illuminat tenebras, ita nomen Dei illuminat tenebras mentis: Psal. 17. *Deus meus illuminat tenebras meas.* Unde istud nomen petimus manifestari, ut cognoscatur, & teneatur sanctum. Sanctum autem tripliciter dicitur. Sanctum enim idem est, quod firmum. Unde omnes beati, qui in caelo sunt, sancti dicuntur, quia sunt aeterna felicitate firmati. In mundo non possunt esse sancti, quia sunt continue mobiles. Augu-

3. Venerabile.

4. Inexplicabile.

Figuris signatur.

Sanctum dicitur.

1. firmum.

linus: *Defluxi, Domine, a te, & erravi nimis, devius factus sum a stabilitate tua.* Secundo, sanctum idem est, quod non terrenum: unde sancti, qui in caelo sunt, nullum habent affectum terrenum. Unde Apostolus Philip. 3. *Omnia arbitratus sum, ut stercora &c.* Per terram autem designantur peccatores. Primo, ratione germinis. Terra enim si non colitur, spinas, & tribulos germinat, sic anima peccatoris nisi colatur per gratiam, non germinat nisi tribulos, & punctiones peccatorum: Genes. 3. *Spinis, & tribulos germinabit tibi.* Secundo, ratione caliginis. Terra enim caliginosa est, & opaca. Sic etiam peccator caliginosus, & opacus est: Genes. 1. *Tenebrae erant super faciem abyssi.* Tertio, ratione conditionis. Terra enim est elementum siccum, quod spargitur, nisi contineatur ab aquae humiditate, nam Deus posuit terram super aquam, juxta illud Psal. 135. *Qui firmavit terram super aquas;* quia ex humiditate aquae continetur ariditas, vel siccitas terrae, sic peccator animam habet siccam, & aridam, juxta illud Psal. 142. *Anima mea sicut terra sine aqua tibi.* Item, tertio dicitur sanctum, idest sanguine tinctum; unde sancti, qui sunt in caelo, sancti dicuntur, eo quod sunt sanguine tincti, juxta illud Apoc. 7. *Isti sunt, qui venerunt ex magna tribulatione, & laverunt stolas suas in sanguine agni.* Item, Apoc. 1. *Lavit nos a peccatis nostris in sanguine suo.*

3. Sanguine
tinctum.

* *Supplendum est in calce hujus petitionis, quod exemplaria non habent: scilicet ejus convenientiam cum dono timoris; quam S. Doctor non vi-*

videtur omisſiſſe , propterea quod in ceteris petitionibus id praeſtitit .

Ex ejus comment. in cap. 9. Matth.

Per hanc petitionem pervenimus ad beatitudinem , de qua Dominus ait Matth. 5: *Beati pauperes spiritu* . Quia ſecundum Auguſt. iſta beatitudo pertinet ad donum timoris , quod timor maxime filialis facit habere reverentiam ad Deum ; & propterea divitias contemnit . Ideo humiliat ſe homo propter nomen Dei mirabile , venerabile , tremendum , ineffabile , & tamen amabile : propter quod dicimus : *Sanctificetur nomen tuum* . Inde eſt quod Spiritus efficit in nobis primo timorem .

Beatitudo ,
& donum
ad hanc petitionem ,

Secunda petitio .

A *Dveniat Regnum tuum* . Sicut dictum eſt , Spiritus ſanctus facit, nos recte amare, deſiderare , & petere ; & efficit in nobis primo timorem , per quem quaerimus , quod *nomen Dei ſanctificetur* . Aliud donum eſt , quod eſt donum pietatis . Et eſt proprie pietas , dulcis & devotus affectus ad patrem , & ad omnem hominem in miſeria conſtitutum . Cum ergo Deus ſit pater noſter , ut patet ; non ſolum debemus eum revereri , & timere , ſed etiam ad eum habere debemus dulcem , & pium affectum . Hic autem affectus facit, nos petere , quod *adveniat Regnum Dei* . Tit. 2. *Pie, & juſte vivamus in hoc ſaeculo expectantes beatam ſpem , & adventum gloriae magni Dei* . Poſſet autem quaeri , *Regnum Dei ſemper fuit* , quare ergo petimus ,

Petere regnum Dei ,
pietas facit .

1. Ut sint
omnia Deo
subiecta.

quod veniat ? Et ideo dicendum est , quod hoc potest tripliciter intelligi . Primo , quia aliquando rex habet ius regni solum , seu dominii , & tamen nondum dominium ipsius regni est declaratum , quia nondum homines regni sunt ei subiecti . Tunc ergo apparebit primo ejus regnum , seu dominium , quando homines regni erunt sibi subiecti . Deus autem ex se , & sua natura est Dominus omnium , & Christus secundum quod Deus , & etiam secundum quod homo habet a Deo , quod sit Dominus omnium : Daniel. 7. *Dedit ei potestatem , & honorem , & regnum .* Oportet ergo , quod sibi sint omnia subiecta . Hoc autem nondum est , sed erit in finem : 1. Cor. 15. *Oportet illum regnare , donec ponat omnes inimicos sub pedibus ejus .* Et ideo petimus & dicimus , *Adveniat regnum tuum .* Et hoc quan-

Scilicet , ut
justi conver-
tantur .

tum ad tria : scilicet ut justi convertantur , peccatores puniantur , & mors destruat . Nam homines dupliciter subiciuntur Christo ; aut voluntarii , aut inviti . Cum enim voluntas Dei sit ita efficax , quod oporteat penitus illam compleri ; & Deus velit , quod omnia subiciantur Christo ; alterum duorum erit necessarium : ut scilicet aut homo faciat voluntatem Dei subiciendo se mandatis ejus , & hoc faciunt justi : aut Deus faciet de omnibus voluntatem suam puniendo eos , & hoc faciet peccatoribus , & ini-

Peccatores
dominantes

cis suis . Et hoc erit in fine mundi : Psal. 109. *Donec ponam inimicos tuos , sub bellum pedum tuorum .* Et ideo sanctis est datum quaerere , quod *adveniat Regnum Dei* , scilicet quod ipsi totaliter subiciantur ei . Sed peccatoribus est hor-

horribile, quia nihil aliud est quaerere, quod
adveniat Regnum Dei, nisi quod de voluntate
 Dei subiciantur poenis: Amos 3, *Propter desideran-*
tibus diem Domini. Sed & ex hoc destruitur Destruatur
 mors. Cum enim Christus sit vita, non potest mors.
 in regno ejus esse mors, quae est vitae contraria.
 Ideo dicitur 1. Corinth. 15. *Novissime autem ini-*
mica destruetur mors. Et hoc erit in resurre-
 ctione: Phil. 3. *Reformabit corpus humilitatis*
nostrae.

Secundo, Regnum caelorum dicitur glo- ae. Ut cae-
 ria Paradisi; nec mirum: nam regnum nihil lum assequa-
 aliud dicitur, nisi regimen. Ibi autem est opti- mur.
 mum regimen, ubi nihil invenitur contra volun-
 tatem regentis. Voluntas autem Dei est salus
 hominum, quia *vult omnes homines salvos fieri*.
 1. Tim. 2. Et hoc potissime erit in Paradiso, ubi
 nihil erit saluti hominum repugnans: Matth. 13.
Auferentur de regno ejus omnia scandala. In
 mundo autem isto sunt multa contra salutem ho-
 minum. Cum ergo petimus: *Adveniat regnum*
tuum, oramus, ut simus participes regni cae- rom. 14.
 lestis, & gloriae Paradisi. Quod quidem regnum eni. 12. 13.
 est valde desiderandum propter tria. Primo, Optandum
 propter summam justiciam, quae est in eo: Isa. ob justiciam
 60. *Populus tuus omnes iusti*. Hic enim mali quae ibi est.
 sunt mixti bonis, sed ibi nullus malus erit, &
 nullus peccator. Item, propter perfectissimam
 libertatem. Hic enim non est libertas, quam Ob liberta-
 quam omnes naturaliter desiderant eam: sed ibi tem.
 erit omnimoda libertas contra omnem servitu-
 tem: Rom. 8. *Ipsa creatura liberabitur a corrup-*
ptione. Et non solum erunt ibi omnes liberi, sed

erunt reges : Apoc. 5. *Fecisti nos Deo nostro regnum* . Cujus ratio est , quia omnes erunt ejusdem voluntatis cum Deo , & Deus volet , quicquid sancti volent ; & sancti quicquid Deus voluerit . Unde cum voluntate Dei fiet voluntas eorum ; & ideo omnes regnabunt , quia omnium voluntas fiet , & Dominus erit corona omnium : Isa. 28. *In die illa erit Dominus exercituum corona gloriæ , & sertum exultationis residuo populi sui* .

Ob desiderium co-
rabitur co-
piam .

Item , propter mirabilem affluentiam : Isa. 64. *Oculus non vidit , Deus , absque te , quæ præparasti expectantibus te* . Psal. 102. *Qui replet in bonis desiderium tuum* &c. Et nota , quod homo inveniet omnia in solo Deo . excellentius , & perfectus omni eo , quod in mundo quaeritur . Si delectationem quaeris , summam invenies in Deo . Si divitias , ibi omnem sufficientiam invenies , propter quam sunt divitiæ ; & sic de aliis . Augustinus in confessionibus : *Anima cum fornicatur ab te , quaerit extra te , quæ pura , & limpida non invenit , nisi cum redit ad te* .

3. Ut non
regnet in
nobis pec-
catum .

Tertio modo , quia aliquando in mundo isto regnat peccatum . Et hoc est , quando homo est ita dispositus , quod statim sequitur , & prosequitur appetitum peccati : Apostolus Rom. 6. *Non ergo regnet peccatum in vestro mortali corpore* . Sed debet Deus regnare in corde tuo : Isa. 52. *Sion regnabit Deus tuus* . Et hoc est , quando paratus es obedire Deo , & servare omnia mandata sua . Cum ergo petimus , quod *veniat regnum* , oramus quod non regnet in nobis peccatum , sed ipse Deus . Per hanc autem petitionem pervenimus ad beatitudinem , de qua dicitur Matth. 5. *Beati mites* .

Nam

Nam secundum primam expositionem, ex quo homo desiderat, quod Deus sit Dominus omnium, non vindicat se de injuria sibi illata, sed reservat eam Deo. Nam si vindicares te, non quaereres, quod adveniret regnum ejus. Secundum vero secundam expositionem, si tu expectas regnum ejus, id est gloriam Paradisi, non debes curare si perdis res mundanas. Item secundum tertiam expositionem, si tu petis, quod Deus regnet in te, & Christus; cum ipse fuerit mitissimus, & tu debes esse mitis: Matth. 11. *Discite a me, quia mitis sum.* Hebr. 10. *Rapinam bonorum vestrorum cum gaudio suscepistis.*

Tertia petitio.

Fiat voluntas tua sicut in caelo, & in Terra. Tertium donum, quod efficit in nobis Spiritus sanctus, dicitur donum scientiae. Ipse Spiritus S. enim Spiritus sanctus non solum efficit in nobis donum, scilicet donum timoris, & donum pietatis, quae est ^{aria} dulcis affectus ad Deum, ut dictum est, sed etiam facit hominem sapientem: & hoc petebat David in Psal. 118. dicens: *Bonitatem, & disciplinam, & scientiam doce me.* Et haec est scientia, qua homo bene vivit, quam docuit nos Spiritus sanctus. Inter alia autem, quae faciunt ad scientiam, & sapientiam hominis, potissima sapientia est, quod homo non innitatur sensui suo: Proverb. 3. *Ne innitaris prudentiae tuae.* Nam illi, qui praesumunt de sensu suo ita, quod non credunt aliis, sed sibi tantum, semper inveniuntur, & judicantur stulti: Proverb. 26. *Vidisti hominem*

nem

nem sapientem sibi videri ? magis illo spem habebit insipiens . Quod autem homo non credat sensui suo , procedit ex humilitate . Unde & locus humilitatis est sapientia , ut dicitur Prov. 17. Superbi aurem sibi ipsis nimis credunt . Docet ergo hoc Spiritus sanctus per donum scientiae ,

Hæc docet ,
ut faciamus
Dei voluntatem .

Exemplo
infirmi .

Exemplo
Christi :

ut scilicet non faciamus voluntatem nostram , sed voluntatem Dei . Et ideo propter hoc donum petimus a Deo , ut fiat voluntas sua sicut in caelo , & in terra . Et in hoc apparet donum scientiae . Unde hoc modo dicitur Deo , *fiat voluntas tua* : sicut si esset unus infirmus , & vellet aliquid a medico , non præcise vult , sed de voluntate medici ; alias si tantum de voluntate sua vellet , esset stultus . Sic nos a Deo nihil petere debemus , nisi quod fiat de nobis voluntas sua , idest ut voluntas sua compleatur in nobis . Tunc enim est rectum cor hominis , quando concordat cum voluntate divina . Hoc Christus fecit : Joan. 5. *Descendi de caelo , non ut faciam voluntatem meam , sed ejus , qui misit me .* Christus enim secundum quod Deus , eandem voluntatem habet cum Patre , sed secundum quod homo , habet aliam voluntatem a Patre : & secundum hanc dicit , se non facere voluntatem suam , sed Patris ; & ideo docet nos , orare , & petere : *Fiat voluntas tua .*

Sed quid est , quod dicitur ? Nonne in Psal. 113. dicitur , *Omnia quaecumque voluit , fecit ?* Si omnia facit , quae vult in caelo & in terra , quid est hoc , quod dicit : *fiat voluntas tua sicut in caelo , & in terra ?* Ad hoc sciendum est , quod Deus tria vult de nobis , & nos petimus , quod hæc

haec impleantur. Primum quidem, quod Deus vult de nobis, est, quod nos habeamus vitam aeternam. Quicumque enim facit aliquid propter aliquem finem, vult de illa re illud, pro quo facit eam. Deus autem fecit hominem, sed non pro nihilo: quia sicut dicitur in Psalm. 88. *Numquid vane constituiisti omnes filios hominum?* Fecit ergo hominem propter aliquid, sed non propter voluptates, quia & bruta habent eas; sed ut habeat vitam aeternam. Vult ergo Dominus, ut homo habeat vitam aeternam. Quando vero aliquid consequitur illud, ad quod factum est, dicitur, quod salvatur: quando vero non consequitur, dicitur, quod res illa perditur. Deus autem fecit hominem propter vitam aeternam. Cum ergo consequitur vitam aeternam, salvatur; & hoc vult Dominus: Job. 6. *Haec est voluntas patris mei, qui misit me, ut omnis, qui videt Filium, & credit in eum, habeat vitam aeternam.* Haec autem voluntas jam completa est in Angelis, & in sanctis, qui sunt in patria, quia vident Deum, & cognoscunt, & fruuntur eo: sed nos desideramus, quod sicut voluntas Dei completa est in beatis, qui sunt in caelis, ita compleatur in nobis, qui sumus in terra. Et hoc petimus, cum oramus, *fiat voluntas tua* in nobis, qui sumus in terra, sicut in sanctis, qui sunt in caelo.

Deus vult
1. Nostram
salutem.

Alia voluntas Dei de nobis est ut servemus mandata ejus. Quando enim aliquis desiderat aliquid, non solum vult illud, quod desiderat, sed omnia, per quae venit ad illud: sicut medicus, ut consequatur sanitatem, vult etiam

2. Ut ser-
vemus ejus
mandata.

etiam dietam, & medicinam, & huiusmodi. Deus autem vult, ut habeamus vitam aeternam; Matth. 19. *Si vis ad vitam ingredi, serva mandata*. Vult ergo, ut servemus mandata: Rom. 12. *Rationabile obsequium vestrum, ut probetis, quae sit voluntas Dei bona, beneplacens, & perfecta*. Bona, quia utilis: Isa. 48. *Ego Dominus docens te utilia*. Beneplacens amanti, & si aliis non sit grata, amanti tamen est delectabilis: Psalm. 96. *Lux orta est iusto, & rectis corde laetitia*. Perfecta, quia honesta: Matth. 5. *Estote perfecti, sicut & pater vester caelestis perfectus est*. Sic ergo, cum dicimus, *fiat voluntas tua*, oramus, ut impleamus mandata Dei. Haec autem voluntas Dei fit in iustis, sed in peccatoribus nondum fit. Iusti autem designantur per caelum, peccatores autem per terram. Petimus ergo, ut fiat voluntas Dei ita in terra, idest in peccatoribus, sicut in caelo, idest in iustis.

Ad salutem
Dei gratia,
& studium
hominis ne-
cessaria.

Notandum autem, quod ex modo loquendi datur nobis doctrina. Non enim dicit, *fac*, nec etiam, *faciamus*: sed dicit, *fiat voluntas tua*, quia ad vitam aeternam duo sunt necessaria, scilicet gratia Dei, & voluntas hominis. Et licet Deus fecerit hominem sine homine, non tamen iustificat eum sine eo. Augustinus super Joan. *Qui creavit te sine te, non iustificabit te sine te*. Quia vult, quod homo coopertur: Zach. 1. *Convertimini ad me, & ego convertar ad vos*. Apostolus 1. Cor. 15. *Gratia Dei sum id, quod sum, & gratia ejus in me vacua non fuit*. Non ergo praesumas de te, sed confidas de gratia Dei: nec negligas, sed adhibeas studium tuum; & ideo

non

non dicit , faciamus , ne videretur , quod nihil faceret gratia Dei : nec dicit , fac , ne videretur quod nihil faceret voluntas ; & conatus noster . sed dicit , fiat , per gratiam Dei , adhibito studio , & conatu nostro .

Tertium quod vult Deus de nobis est , ut restituatur homo ad statum , & dignitatem , in qua creatus fuit primus homo ; quae tanta fuit , ut spiritus , & anima nullam repugnantiam sentiret à carne , & sensualitate . Quamdiu enim anima subiecta fuit Deo , caro ita subiecta fuit spiritui , ut nullam corruptionem mortis , seu infirmitatis , et aliarum passionum sentiret . Sed ex quo spiritus , & anima , quae erat media inter Deum , & carnem , rebellavit Deo per peccatum , tunc corpus rebellavit animae ; & tunc mortem , & infirmitates sentire coepit , & continuam rebellionem sensualitatis ad spiritum : Rom. 7. *Videō aliam legem in membris meis , repugnantem legi mentis meae .* Et Gal. 5. *Caro concupiscit adversus spiritum , spiritus autem adversus carnem .* Sic est continua pugna inter carnem , & spiritum ; et homo continue deterioratur per peccatum . Est ergo voluntas Dei , ut homo restituatur ad statum primum , ut scilicet nihil sit in carne contrarium spiritui : 1. Thessal. 4. *Haec est voluntas Dei , sanctificatio vestra .* Haec aatem voluntas Dei non potest impleri in vita ista , sed complebitur in resurrectione sanctorum , quando resurgent corpora glorificata , et erunt incorruptibilia , et nobilissima : 1. Cor. 15. *Seminatur in ignobilitate , surget in gloria .*

3. Ut restituamur in statum primum .

Deus est in
justorum,
anima, &
corp.

Beatitudo
huj. petitiō.

Est tamen voluntas Dei in iustis quantum ad spiritum per iustitiam, et scientiam, et vitam; & ideo eum dicimus, *fiat voluntas tua*, oramus, ut etiam fiat in carne Nam hoc modo per caelum accipimus spiritum, per terram carnem, ut sit sensus: *Fiat voluntas tua ita in terra*, idest, in carne nostra, *sicut sit in caelo*, idest in spiritu nostro per iustitiam. Per hanc autem petitionem pervenimus ad beatitudinem luctus, de qua Matth. 5. *Beati, qui lugent* &c. & hoc secundum quamlibet trium expositionum. Nam secundum primam desideramus vitam aeternam; unde pro eius dilectione inducimur ad luctum: Psalm. 119. *Heu mihi, quia incolatus meus prolongatus est*. Et hoc desiderium sanctorum est ita vehemens, quod propter hoc desiderant mortem, quae secundum se fugienda est: 2. Cor. 5. *Audemus, & bonam voluntatem habemus magis peregrinari a corpore, & praesentes esse ad Deum*. Item, secundum secundam expositionem illi, qui servant mandata, sunt in luctu: quia licet sint dulcia animae, tamen carni sunt amara, quae continue maceratur: Psalm. 125. *Euntes ibant & flebant*, quantum ad carnem: *venientes autem venient cum exultatione*, quantum ad animam. Item secundum tertiam expositionem ex pugna, quae continue est inter carnem, & spiritum, provenit luctus. Non enim potest fieri, quin anima saucietur ad minus per venialia a carne, & ideo, ut expietur, est in luctu: Psalm. 6. *Lavabo per singulas noctes*, idest obscuritates peccati, *lectum meum*, idest conscientiam meam. Et qui sic plorant perveniunt ad patriam, ad quam nos perducatur &c.

Quar.

Quarta petitio.

Panem nostrum quotidianum da nobis hodie. Multoties accidit, quod aliquis ex magna scientia, & sapientia efficitur timidus: et ideo est ei necessaria fortitudo cordis, ne deficiat in necessitatibus: Isa, 40. *Qui dat lasso virtutem, & his, qui non sunt, fortitudinem, & robur multiplicat.* Hanc autem fortitudinem Spiritus Sanctus dat: Ezech. 2. *Ingressus est in me spiritus, & statuit me super pedes meos.* Est autem haec fortitudo, quam Spiritus sanctus dat, ut cor hominis non deficiat timore rerum necessariarum, sed credat firmiter, quod omnia, quae sunt ei necessaria, ministrentur sibi a Deo. Et ideo Spiritus sanctus, qui hanc fortitudinem dat, docet nos petere a Deo: *panem nostrum quotidianum da nobis hodie.* Unde Spiritus fortitudinis dicitur. Sciendum est autem, quod in tribus praecedentibus petitionibus petuntur spiritualia, quae hic inchoantur in hoc mundo; sed non perficiuntur, nisi in vita aeterna. Cum enim petimus, quod *sanctificetur nomen Dei*, petimus, quod cognoscatur sanctitas Dei. Cum vero petimus, quod *adveniat regnum Dei*, petimus, quod simus participes vitae aeternae. Cum autem oramus, quod *fiat voluntas Dei*, petimus, quod compleatur voluntas eius in nobis. Quae omnia, etsi inchoentur in hoc mundo, non tamen possunt haberi perfecte, nisi in vita aeterna. Et ideo necessarium fuit aliqua petere necessaria, quae perfecte possent haberi in vita praecedent.

Petitio necessaria
est a dono
fortitudinis

Ratio trium
praecedent.
petitionum.

prae-

Panis vitae
necessarius.

praesenti. Et inde est, quod Spiritus sanctus docuit petere necessaria in vita praesenti, quae perfecte hic habentur. Simul etiam ut ostendat, quod etiam temporalia providentur nobis a Deo; et hoc est quod dicit: *Panem nostrum quotidianum da nobis hodie*. In quibus quidem verbis

Huius petitio
docet vitare
1. nimium
studium ter-
renorum.

docuit nos vitare quinque peccata, quae consueverunt contingere ex desiderio rerum temporalium. Primum peccatum est, quod homo per immoderatum appetitum petit ea, quae statum, et conditionem ejus excedunt, non contentus his, quae decent eum. Sicut si desiderat vestes, non vult eas ut miles, si est miles, sed sicut comes: non ut clericus, si est clericus, sed sicut episcopus. Et hoc vitium retrahit homines a spiritualibus, inquantum nimis inhaeret eorum desiderium temporalibus. Hoc autem vitium docuit nos vitare Dominus, docens nos petere panem tantum, idest necessaria ad praesentem vitam secundum conditionem uniuscujusque. Quae omnia sub nomine panis intelliguntur. Unde non docuit delicata petere, non diversa, non exquisita, sed panem, sine quo vita hominis duci non potest, quia omnibus communis est: Ecclesiast. 39. *Initium vitae hominis panis, & aqua*. Apostolus 1. Timot. 6. *Habentes alimenta, & quibus tegamur, his contenti simus*. Secundum

2. Fraudem.

vitium est, quod aliqui in acquisitione rerum temporalium alios molestant, et defraudant. Hoc vitium est adeo periculosum, quo est difficile, bona ablata restitui. Non enim dimittitur peccatum, nisi restituatur ablatum, secundum Augustinum. Quod quidem vitium docuit nos

vitare, docens nos petere *panem nostrum*, non alienum. Raptores enim non comedunt panem suum, sed alienum. Tertium est, superflua sollicitudo. Aliqui enim sunt, qui numquam sunt contenti de eo, quod habent, sed semper plus volunt; quod quidem immoderatum est: quia desiderium debet moderari secundum necessitatem: Prov. 30. *Divitias, & paupertatem ne dederis mihi, sed tantum victui meo tribue necessaria* &c. Et hoc monuit nos vitare, dicens: *Panem nostrum quotidianum*; idest unius diei, vel unius temporis. Quartum vitium est, immoderata voracitas. Sunt enim aliqui, qui tantum volunt consumere uno die, quod sufficeret pluribus diebus; et isti petunt non panem quotidianum, sed decem dierum: et ex hoc, quod nimis expendunt, contingit quod omnia consumunt: Proverb. 23. *Vacantes potibus, & dantes symbola, consumentur*. Eccl. 19. *Operarius ebriofus non locupletabitur*. Quintum vitium est ingratitude. Nam cum aliquis ex divitiis superbit, et non recognoscit a Deo eas, quas habet, hoc est valde malum: quia omnia, quae habemus sive spiritualia, sive temporalia, a Deo sunt: 1. Paral. 29. *Omnia tua sunt, quae de manu tua accepimus*, Ideo ad removendum hoc vitium dicit: *Da nobis*; Et *panem nostrum*; ut sciamus, quod omnia nostra a Deo sunt. Sed de hoc habemus unum documentum; quia aliquando aliquis habet multas divitias, et ex eis nullam utilitatem consequitur, sed damnum spirituale, et temporale. Nam aliqui propter divitias perierunt: Eccles. 6. *Est & aliud malum, quod vidi sub sole*

3. *Anxietas*

tem.

4. *Voracitas*

tam.

5. *Ingratitudo*

tudinem.

Ne divitiae
noceant.

le, & quidem frequens apud homines. Vir, cui dedit Deus divitias, & substantiam, & honorem, & nihil deest animae suae ex omnibus, quae desiderat, nec tribuit ei potestatem Deus, ut comedat ex eo, sed homo extraneus vorabit illud. Item Eccles. 5. Divitiae congregatae in malum Domini sui. Debemus ergo petere, ut divitiae nostrae sint nobis ad utilitatem; et hoc petimus cum dicimus: Panem nostrum da nobis, id est, fac divitias nobis utiles. Job. 20. Panis ejus in utero illius vertetur in fel aspidum intrinsecus. Divitias, quas devoravit, evomet: & de ventre illius extrahet eas Deus. Aliud vitium est in

No animum
turbent.

rebus mundi, scilicet superflua sollicitudo, Nam aliqui sunt, qui hodie sollicitantur de rebus temporalibus, quae erunt usque ad unum annum. Et qui hoc habent, nunquam quiescunt: Matth. 6. Nolite solliciti esse dicentes, quid manducabimus etc. Et ideo Dominus docet nos petere, quod hodie detur nobis panis noster; id est ea, quae sunt nobis necessaria ad praesens tempus.

Panis Sacra-
mental, &
verbi Dei.

Invenitur quidem alius duplex panis, scilicet sacramentalis, et panis verbi Dei. Petimus ergo panem nostrum sacramentalem, qui quotidie in Ecclesia conficitur, ut sicut illud accipimus in sacramento, ita detur nobis ad salutem: Joan. 6. Ego sum panis vivus, qui de caelo descendi. 1. Cor. 11. Qui manducat, & bibit indigne, judicium sibi manducat, & bibit. Item alius panis est verbum Dei: Matth. 4. Non in solo pane vivit homo, sed in omni verbo, quod procedit de ore Dei. Petimus ergo, ut det nobis panem, id est verbum suum. Ex hoc autem provenit homini

mini beatitudo, quae est fames iustitiae. Nam ^{Beatitudo} postquam spiritualia habentur, magis desiderantur ^{hui. petit.}, et ex hoc desiderio provenit fames, et ex fame satietas vitae aeternae.

Quinta petitio,

Et dimitte nobis debita nostra, sicut & nos dimittimus debitoribus nostris. Inveniuntur aliqui magnae sapientiae, et fortitudinis: et quia nimis confidunt de virtute sua, non agunt sapienter, quae agunt, nec perducunt, quod intendunt, ad complementum; Proverb. 20. *Cogitationes consiliis roborantur.* Sed notandum, quod Spiritus sanctus, qui dat fortitudinem, dat enim consilium. Nam omne bonum consilium de salute hominum est a Spiritu sancto. ^{Consilium Spiritu s. ad petend. veniam peccatorum.} Tunc autem consilium est homini necessarium, quando est in tribulatione, sicut consilium medicorum, cum aliquis infirmatur. Unde & homo, cum spiritualiter infirmetur per peccatum, debet quaerere consilium, ut sanetur. Consilium autem peccatori necessarium ostenditur Daniel. 4. cum dicitur: *Consilium meum placeat tibi, rex, Peccata tua elemosynis redime.* Optimum ergo consilium contra peccata, est elemosyna, & misericordia: & id est, quod Spiritus sanctus docet, peccatores petere, & orare: *Dimitte nobis debita nostra.* Debemus autem Deo illud, quod auferimus de iure suo. Jus autem Dei est, ut faciamus voluntatem suam, praeferendo eam voluntati nostrae. Auferimus ergo Deo ius suum, cum praeferimus voluntatem nostram vo-

^{Elemosyna.}

luntati suae , & hoc est peccatum . Peccata ergo sunt debita nostra . Est ergo consilium Spiritus sancti , ut petamus a Deo veniam peccatorum ; & ideo dicimus : *Dimitte nobis debita nostra* .

Haec petitio
fit .

Ut simus in
timore .

Possumus autem in his verbis tria considerare . Primum est , quare fit haec petitio . Secundum , quomodo impleatur . Tertium est , quid requiritur ex parte nostra , ut impleatur . Circa primum sciendum , quod ex hac petitione possumus duo colligere , quae necessaria sunt hominibus in vita ista . Unum est , quod homo semper sit in timore , & humilitate . Aliqui enim fuerunt ita praesumptuosi , qui dicerent , quod homo poterat vivere in mundo isto , ita quod ex se poterat vitare peccata . Sed hoc nulli datum est , nisi soli Christo , qui habuit spiritum non ad mensuram , & Beatae Virgini , quae fuit plena gratiae , in qua nullum peccatum fuit , sicut dicit Augustinus ; *De qua* , scilicet Virgine , *cum de peccatis agitur , nullam volo fieri mentionem* . Sed de aliis sanctis nulli concessum est , quin ad minus veniale peccatum incurreret : Joan. I. *Si dixerimus , quoniam peccatum non habemus , ipsi nos seducimus , & veritas in nobis non est* . Et hoc etiam probatur per petitionem istam , Constat enim , quod omnibus sanctis , & hominibus convenit dicere : *Pater noster* , in quo dicitur , *Dimitte nobis debita nostra* . Ergo omnes recognoscunt , & confitentur se peccatores , vel debitores . Si ergo peccator es , debes timere , & humiliari . Aliud est ; quod semper vivamus in spe . Quia licet simus peccatores , non debemus desperare , ne desperatio ducat nos ad majora ,

Ut vivamus
in spe .

&

& diversa peccata, sicut dicit Apostolus Eph. 4. *Qui desperantes semetipsos tradiderunt impudicitiae &c.* Ergo multum est utile, quod semper speremus: quia quantumcumque homo sit peccator, debet sperare, quod Deus, si perfecte conteratur, & convertatur, dimittet ei. Haec autem spes firmatur in nobis, cum petimus: *Dimitte nobis debita nostra*. Sed hanc spem abstulerunt Novatiani, qui dixerunt, quod qui semel peccabant post baptismum, nunquam consequuebantur misericordiam. Hoc autem non est verum, si verum dixit Christus dicendo; *Omne debitum dimisi tibi, quoniam rogasti me*, Matth. 18. In quacumque ergo die petes, poteris consequi misericordiam, si roges cum poenitudine peccati. Sic igitur ex hac petitione confurgit timor, & spes, quia omnes peccatores contriti, & confitentes misericordiam consequuntur; et ideo necessaria fuit haec petitio.

Circa secundum sciendum est, quod in peccato sunt duo scilicet culpa, qua offenditur Deus, et poena, quae debetur pro culpa. Sed culpa remittitur in contritione, quae est cum proposito confitendi, et satisfaciendi: Psalm. 31. *Dixi, confitebor adversum me iniquitatem meam Domino: & tu remisisti impietatem peccati mei*. Non est igitur desperandum, ex quo ad remissionem culpae sufficit contritio cum proposito confitendi. Sed forte quis dicet. Ex quo dimittitur peccatum in contritione, ad quid necessarius est sacerdos? Ad hoc dicendum est, quod Deus in contritione dimittit culpam, et poena aeterna commutatur in temporalem; sed nihilominus manet adhuc

Error Novatianorum.

Haec petitio impletur

Remissione culpae per contritionem.

Remissione
poenae per
confessionē.

Et per in-
dulgentias.

obligatus ad poenam temporalem. Unde si de-
deret sine confessione, non contempta tamen,
sed praeventa, iret ad purgatorium, cujus poe-
na, sicut dicit Augustinus, est maxima. Quan-
do ergo confiteris, sacerdos absolvit te de hac
poena in clavium virtute, cui te subjeceris in
confessione. Et ideo dixit Christus Apostolis
Jo. 20. *Accipite Spiritum sanctum, quorum re-
miseritis peccata, remittuntur eis* etc. Unde,
quando semel confitetur quis, dimittitur ei ali-
quid de poena huiusmodi: et similiter quando
iterum confitetur: et posset toties confiteri,
quod tota sibi dimitteretur. Invenimus autem
successores Apostolorum alium modum remissio-
nis huius poenae, scilicet beneficia Indulgentia-
rum, quae existenti in caritate tantum valent,
quantum sonant, & quantum pronunciantur.
Quod autem Papa hoc possit, satis patet: Nam
multi sancti multa bona fecerunt, & tamen isti
non peccaverunt ad minus mortaliter, & haec
bona fecerunt in utilitatem Ecclesiae. Similiter
meritum Christi, & Beatae Virginis sunt sicut in
thesauro. Unde summus Pontifex, & illi, qui-
bus ipse committit, possunt huiusmodi merita,
ubi necesse est, dispensare. Sic ergo dimittun-
tur peccata non solum quantum ad culpam in
contritione, sed etiam quantum ad poenam in
confessione, & per indulgentias.

Haec peti-
tio exigit,
ut proximo
dimittamus.

Circa tertium sciendum, quod ex parte nostra
requiritur, ut nos dimittamus proximis nostris of-
fensas factas nobis. Unde dicitur: *Sicut & nos di-
mittimus debitoribus nostris*; aliter Deus non di-
mitteret nobis: Eccl. 28. *Nemo homini servat iram,*

& a Deo quaerit medelam? Luc. 6. *Dimittite, & dimittimini*. Et ideo solummodo in ista petitione ponitur conditio, cum dicitur: *Sicut & nos dimittimus* &c. Si ergo non dimittis, non dimittetur tibi. Sed posses dicere: Ego dicam praecedentia, scilicet *dimitte nobis*, sed illud, scilicet, *sicut & nos* &c. tacebo. Ergo Christum decipere quaeris? sed certe non decipis. Nam Christus, qui hanc orationem fecit, bene recordatur ejus. Unde non potest decipi. Ergo si dicis ore, adimpleas corde. Sed quaeritur, utrum ille, qui non proponit dimittere proximo suo, debeat dicere: *Sicut & nos dimittimus* &c. Videtur quod non, quia mentitur. Dicendum, quod non mentitur, quia non orat in persona sua, sed Ecclesiae, quae non decipitur. Et ideo ponitur ipsa petitio in plurali. Sed sciendum, quod duobus modis dimittitur. Unus est Dimittendi perfectorum, ut scilicet offensus requirat offensam duplex modum: Psalm. 33. *Inquire pacem*. Alius est ^{duplex} communiter omnium, ad quem tenentur omnes, ut scilicet petenti veniam tribuat: Eccles. 28. *Relinque proximo tuo nocenti te, & tunc deprecanti tibi peccata solventur*. Ex hoc sequitur alia Beatitudo beatitudo: *Beati misericordes*. Misericordia, ^{huj. petit.} enim facit, nos misereri proximo nostro.

Sexta petitio.

E *T ne nos inducas in tentationem*. Sunt aliqui, qui licet peccaverint, tamen desiderant veniam consequi de peccatis, unde & confitentur, & poenitent; sed tamen non adhibent totum studium,

In peccata
ne relaba-
mur, petito.

dium, quod deberent, ut iterato in peccata non ruant. Quod quidem non est conveniens, ut scilicet ex una parte ploret quis peccata, dum poenitet; ex alia, unde ploret, accumulet dum peccat. Et propter hoc dicitur Isa. I. *Lavamini, mundi estote* &c. Et ideo, sicut supra dictum est, Christus in praecedenti docuit nos, petere veniam peccatorum. In hac vero docet nos petere, ut possimus vitare peccata; ut scilicet non inducamur in tentationem, per quam labamur in peccatis, cum dixit: *Et ne nos inducas* &c. Circa quod tria quaeruntur. Primo, quid sit tentatio. Secundo, qualiter homo tentatur, & a quo. Tertio vero, quomodo liberatur in tentatione. Circa primum sciendum est; quod tentare nihil aliud est, quam experiri, seu probare. Unde tentare hominem, est probare virtutem ejus. Experitur autem, seu probatur virtus hominis dupliciter, secundum quod

Tentatio
quid.

Qualiter sit
ad bonum.

duo exigit hominis virtus. Unum pertinet ad bene operandum, scilicet quod bene operetur: aliud est, quod caveat a malo: Psalm. 33. *Declina a malo, & fac bonum* &c. Probatur ergo virtus hominis quandoque quantum ad hoc, quod bene facit; quandoque vero quantum ad hoc, quod cessat a malo. Quantum ad primum probatur homo, utrum inveniatur promptus ad bonum, ut ad jejunandum, & hujusmodi. Tunc enim est virtus tua magna, quando promptus inveniris ad bonum. Et hoc modo Deus probat aliquando hominem, non quod lateat eum virtus hominis, sed ut eam omnes cognoscant, & detur omnibus in exemplum. Sic tentavit Deus

Deus hoc
modo tētar.

Abra-

Abraham Genesis 22. & Job. Et ideo Deus saepe immittit tribulationes justis, ut dum patienter sustinent, appareat virtus eorum, & in virtute proficiant: Deuteron. 13. *Tentat vos Dominus Deus vester, ut palam fiat, utrum diligatis eum, an non*. Sic ergo Deus tentat provocando ad bonum. Quantum ad secundum, probatur virtus hominis per inductionem ad malum: & si bene resistit, & non consentit, tunc virtus hominis magna est: si vero homo succumbit tentationi, tunc virtus hominis nulla est. Hoc autem modo nullus tentatur a Deo, quia sicut dicitur Jac. 1. *Deus intentator malorum est* &c. Sed tentatur homo a propria carne, a diabolo, & a mundo. A carne dupliciter. Primo, quia caro instigat ad malum. Caro enim semper quaerit delectationes suas, scilicet carnales, in quibus est saepe peccatum. Qui enim immoratur delectationibus carnalibus, negligit spiritualia: Jac. 1. *Unusquisque tentatur a concupiscentia sua*. Secundo, tentat caro retrahendo a bono. Nam spiritus quantum esset de se, semper delectaretur in spiritualibus bonis, sed caro aggravans impedit spiritum: Sap. 9. *Corpus, quod corrumpitur, aggravat animam*. Rom. 7. *Condelector legi Dei secundum interiorem hominem: video autem aliam legem in membris meis repugnantem legi mentis meae, & captivitatem me in lege peccati, quae est in membris meis*. Sed haec tentatio, scilicet carnis, est valde gravis, quia inimicus noster, scilicet caro, conjunctus est nobis: & sicut dicit Boetius, nulla pestis efficacior est ad nocendum, quam familiaris inimicus. Et ideo

Qualiter fit ad malum.

Deus hoc modo non tentat.

Sed tentat 1. Caro dupliciter.

contra eam vigilandum est: Matth. 26. *Vigilate, & orate, ne intretis in tentationem*. Diabolus fortissime tentat. Nam postquam conculcatur caro, insurgit alius, scilicet diabolus, contra quem est nobis magna colluctatio: Apostolus Ephes. 6. *Non est nobis colluctatio adversus carnem, & sanguinem, sed adversus principes, & potestates &c.* Unde & signanter dicitur tentator 1. Thessal. 3. *Ne forte tentaverit vos is, qui*
Callidissime *tentat &c.* In tentatione autem sua callidissime procedit. Ipse enim sicut bonus dux exercitus, qui obsidet aliquod castrum, considerat infirma ejus, quem impugnare vult, & ex illa parte, unde magis est homo debilis, tentat eum. Et ideo tentat de illis vitiis, ad quae homines, conculcata carne, magis proni sunt; ut de ira, de superbia, & de aliis spiritualibus vitiis: 1. Pet. 5. *Adversarius vester diabolus tanquam leo rugiens circuit quaerens quem devoret.* Facit autem duo diabolus, dum tentat, quia non statim proponit illi, quem tentat, malum aliquod apparens, sed aliquid, quod habeat speciem boni, ut saltem in ipso principio per illud removeat eum aliquantulum a proposito suo principali, quia postmodum facilius inducit ipsum ad peccandum, quando illum vel modicum avertit. Apostolus 2. Corint. 11. *Ipse satanas transfigurat se in angelum lucis.* Deinde postquam induxit eum ad peccandum, sic alligat eum, ut non permittat, eum a peccatis resurgere: Job. 40. *Nervi testiculorum ejus perplexi sunt.* Sic ergo duo facit diabolus: quia decipit, & deceptum detinet in peccato. Sed mundus dupliciter ten-

2. Tentat
diabolus.

3. Mundus
tentat duplic.

tat,

tat . Primo , per nimium , & immoderatum desiderium rerum temporalium : Apostolus 1. Timoth. 6. *Radix omnium malorum est cupiditas* . Secundo , per persecutores , & tyrannos terrendo : Job. 37. *Nos quoque involvitur tenebris* . 2. Tim. 3. *Omnes , qui pie volunt vivere in Christo Jesu , persecutionem patientur* . Matth. 10. *Nolite timere eos , qui occidunt corpus* . Sic ergo patet , quid est tentatio , & qualiter tentatur homo , & a quo .

Sequitur videre , qualiter homo liberatur . Non, tentari, sed vinci, sed vinci malum .
 Circa quod sciendum est , quod Christus docet nos rogare , non ut tentemur , sed ut non inducamur in tentationem . Nam si homo vincit tentationem , meretur coronam . Et ideo dicitur Jacob. 1. *Omne gaudium existimate, fratres, cum in tentationes varias incideritis* . Eccles. 1. *Fili, accedens ad servitutem Dei, praepara animam tuam ad tentationem* . Item , Jac. 1. *Beatus vir, qui suffert tentationem, quoniam, cum probatus fuerit, accipiet coronam vitae : & ideo docet petere, ut non inducamur in tentationem per consensum* : 1. Corint. 10. *Tentatio vos non apprehendat nisi humana* . Nam tentari humanum est , sed consentire , diabolicum est . Sed numquid Deus ad malum tentat , quia dicit : *Et ne nos inducas in tentationem* ? Dico , quod Deus dicitur inducere ad malum , permittendo , in quantum scilicet propter multa peccata subtrahit homini gratiam suam , qua sublata , homo labitur in peccatum : & ideo cantamus in Psal. 70. *Cum defecerit virtus mea , ne derelinquas me , Domine* . Regit autem hominem , ne inducatur in tentationem . Deus ad malum tentat , permittendo . Regit in tentationibus per caritatem .

tentationem per fervorem caritatis : quia quaelibet caritas , quantumcumque parva , potest resistere cuilibet peccato : Cantic. 8. *Aquae multae non potuerunt extinguere caritatem.* Item,

Per donum intellectus. per lumen , quo instruit nos de agendis : quia sicut dicit Philosophus , *omnis peccans est ignorans* . Psal. 31. *Intellectum tibi dabo , & instruam te* . Hoc autem petebat David , qui dicebat : *Illumina oculos meos , ne unquam obdormiam in morte , ne quando dicat inimicus meus , praevalui adversus eum* , Psal. 12. Hoc autem habemus per donum intellectus . Et quia , cum non assentimus tentationi , servamus cor mundum , de quo Marc. 5. *Beati mundo corde , quoniam ipsi Deum videbunt* : ideo ex hoc pervenimus ad visionem Dei , ad quam nos perducatur .

Septima petitio .

S *Ed libera nos a malo* . Supra docuit nos Dominus minus petere veniam peccatorum , & quomodo possumus vitare tentationes : hic vero docet petere praeservationem a malis , & haec petitio est generalis contra omnia mala , scilicet peccata , infirmitates , & afflictiones ; sicut dicit Augustinus . Sed quia de peccato , & tentatione dictum est , dicendum est de aliis malis , scilicet adversitatibus , & afflictionibus omnibus hujus mundi , a quibus Deus liberat quadrupliciter . Primo , ne superveniat afflictio , sed hoc raro contingit : quoniam sancti in mundo isto affliguntur , quia , ut dicitur 2. Tim. 3. *Omnes , qui pie volunt vivere in Christo Jesu , persecutionem patientur* . Sed tamen alicui Deus concedit

A caeteris malis petunt liberatio.

Deus liberat a malis.

1. Ea tollendo .

dit aliquando, ut non affligatur a malo; quando scilicet cognoscit eum impotentem, & non posse resistere: sicut medicus infirmo debili non dat violentas medicinas: Apoc. 3. *Ecce dedi coram te ostium apertum, quod nemo potest claudere, quia modicam habet virtutem*. In patria autem erit generale hoc, quia nullus affligetur ibi: Job. 5. *in sex tribulationibus*, scilicet praesentis vitae, quae per sex aetates distinguitur, *liberabit te, in septima non tanget te malum*. Apoc. 7. *Non esurient, neque sitient amplius*. Secundo liberat, quando in afflictionibus consolatur. Nam 2. Conso-
 nisi Deus consolaretur, non posset homo subsistere: 2. Corin. 1. *Supra modum gravati sumus supra virtutem nostram*. 2. Corin. 7. *Sed qui consolatur humiles, consolatus est nos Deus*. Psal. 93. *Secundum multitudinem dolorum meorum in corde meo consolationes tuae laetificaverunt animam meam*. Tertio, quia afflictis tot bona facit, 3. Bona mi-
 quod tradunt mala oblivioni: Tob. 3. *Post tem- icando.*
pestatem tranquillum facis. Sic ergo afflictiones, & tribulationes huius mundi non sunt timendae, quia facile tolerantur, & propter consolationem admittam, & propter brevitatem. Apostolus 2. Cor. *Id quod in praesenti est momentaneum, & leve tribulationis nostrae, supra modum in sublimitate aeternum gloriae pondus operatur in nobis*, quia ex his pervenitur ad vitam aeternam. Quarto, quia tentatio, & tribulatio converti- 4. In meri-
 tur in bonum; & ideo non dicit; *Libera nos a* tūvertendo.
tribulatione, sed *a malo*; quia tribulationes sunt sanctis ad coronam. Et inde est, quod gloriantur de tribulationibus: Apost. Roman. 5. *Non solum*

*solum autem, sed & gloriamur in tribulationibus, scientes, quod tribulatio patientiam operatur. Tob. 3. In tempore tribulationis peccata dimittis. Liberat ergo Deus hominem a malo, & tribulationibus, eas in bonum convertendo; quod est signum maximae sapientiae, quia sapientis est malum ordinare in bonum: & hoc fit per patientiam, quae habetur in tribulationibus. Ceterae vero virtutes bonis utuntur, sed patientia malis; & ideo solum in malis, idest in adversitatibus est necessaria: Proverb. 19. Doctrina viri per patientiam noscitur. Et ideo Spiritus sanctus per donum sapientiae facit nos petere, & per hoc pervenimus ad beatitudinem; ad quam ordinat pax; quia per patientiam pacem habemus, & in tempore prospero, & adverso; & ideo pacifici dicuntur filii Dei, quia sunt similes Deo. Quia sicut Deo nihil nocere potest, ita nec eis: quia nec prospera, nec adversa: & ideo *beati pacifici, quoniam filii Dei vocabuntur. Amen*, est confirmatio universalis omnium petitionum.*

Donū, & beatitudo hujus petitionis.

Totius Opusculi compendium.

Pater noster. Ut in summa exponatur. Sciendum est, quod in oratione Dominica continentur omnia, quae desiderantur, & omnia, quae fugiuntur. Inter omnia autem desiderabilia illud plus desideratur, quod plus amatur, & hoc est Deus: et ideo primo petis gloriam Dei cum dicis: *Sanctificetur nomen tuum*. A Deo autem desideranda sunt tria, quae pertinent ad te. Primum est, quod pervenias ad vitam aeternam,

nam , et hoc petis cum dicis : *Adveniat regnum tuum* . Secundum est , quod facias voluntatem Dei , et justitiam , et hoc petis cum dicis : *Fiat voluntas tua sicut in caelo , & in terra* . Tertium est , ut habeas necessaria ad vitam , & hoc petis cum dicis : *Panem nostrum quotidianum da nobis hodie* . Et de his tribus dicit Dominus Matth. 6. *Primum quaerite regnum Dei , quantum ad primum : & justitiam ejus , quantum ad secundum : et haec omnia adjicientur vobis , quantum ad tertium* . Illa autem , quae vitanda sunt , et fugienda , sunt illa , quae contrariantur bono . Bonum autem , quod primo desiderabile est , est quadruplex , ut dictum est . Et primum est gloria Dei , et huic nullum malum est contrarium : Job. 35. *Si peccaveris , quid ei nocebis ? si juste egeris , quid donabis ei ?* Nam et de malo inquantum punit , et bono inquantum remunerat , resultat gloria Dei . Secundum bonum est vita aeterna , et huic contrariatur peccatum , quia per peccatum perditur . Et ideo ad hoc removendum dicimus : *Dimitte nobis debita nostra , sicut & nos dimittimus etc* . Tertium bonum est justitia , et bona opera ; et huic contrariatur tentatio , quia tentationes impediunt nos a bono operando . Ei ad hoc removendum petimus : *Et ne nos inducas in tentationem* . Quartum bonum sunt bona necessaria , et huic contrariantur adversitates , et tribulationes . Et ad hoc removendum petimus : *Sed libera nos a malo . Amen* .

*Explicit Opusculum S. Th. super Orationes
Dominica .*



EJUSDEM S. DOCTORIS
OPUSCULUM
Super Salutatione Angelica.

Angelicae
salutationis
partes.



Homo An-
gelum reve-
rebat^{ur} ante
Incarnat.

*VE, Maria, gratia plena: Domi-
nus tecum.* In salutatione ista
continentur tria. Unam fecit
angelus: scilicet, *Ave, gratia
plena: Dominus tecum, bene-
dicta tu in mulieribus.* Aliam
partem fecit Elisabeth mater Joannisⁱ Baptistae,
scilicet: *Benedictus fructus ventris tui.* Ter-
tiam partem addidit Ecclesia, scilicet: *Ma-
ria.* Nam angelus non dixit: *Ave, Maria,*
sed, *Ave, gratia plena.* Et hoc, nomen, sci-
licet Maria, secundum suam interpretationem
convenit dictis Angeli, sicut patebit. Est
ergo circa primum considerandum, quod an-
tiquitus erat valde magnum, quod Angeli
apparerent hominibus: vel quod homines fa-
cerent eis reverentiam, habebant pro maxima
laude. Unde & ad laudem Abrahae scibitur,
quod recepit Angelos hospitio, quod exhibuit
eis reverentiam, Gen. 18. Quod autem angelus
face-

faceret homini reverentiam, nunquam fuit auditum, nisi postquam salutavit Beatam Virginem reverenter dicens: *Ave*. Quod autem antiquitus non reverebatur hominem angelus, sed homo angelum, ratio est: quia angelus erat major homine, & hoc quantum ad tria. Primo, quantum ad dignitatem. Ratio est, nam angelus est naturae spiritualis: Psalm. 103. *Qui facit angelos suos spiritus* &c. Homo vero est naturae corruptibilis. Unde dicebat Abraham ibid. *Loquar ad Dominum meum, cum sim pulvis, & cinis*. Non ergo erat decens, ut spiritualis; & incorruptibilis creatura reverentiam exhiberet corruptibili, scilicet homini. Secundo, quantum ad familiaritatem ad Deum. Nam angelus est Deo familiaris, utpote assistens: Daniel. 7. *Millia millium ministrabant ei, & decies millies centena millia assistebant ei*. Homo vero est quasi extraneus, & elongatus a Deo per peccatum: Psal. 54. *Elongavi fugiens*. Ideo conveniens est, ut homo revereatur angelum, utpote propinquum, & familiarem regis. Tertio, praeminebat propter plenitudinem spendoris gratiae divinae. Angeli enim participant ipsum lumen divinum in summa plenitudine: Job. 25. *Numquid est numerus militum ejus, & super quem non surget lumen ejus?* Et ideo semper apparet cum lumine. Sed homines etsi aliquid participant de ipso lumine gratiae, parum tamen, & in obscuritate quadam. Non ergo decens erat, ut homini reverentiam exhiberet, quousque aliquis inveniretur in humana natura, qui in his tribus excederet angelos: & haec fuit Beata

Quia Angelus major. i. dignitate.

2. Familiaritate div.

3. Gratia.

Angelus Mariam re- veritus est.

370 O P U S C U L A

Virgo. Et ideo ad designandum, quod in his tribus excedebat eum, voluit ei angelus reverentiam exhibere. Unde dixit: *Ave*. Unde Beata Virgo excessit angelos in iis tribus, & primo in plenitudine gratiae, quae magis est in Beata Virgine, quam in aliquo angelo. Et ideo ad insinuandum hoc, angelus ei reverentiam exhibuit, dicens: *Gratia plena*. Quasi diceret:

r. Quia plena fuit gratia quoad animam.

Ideo exhibeo reverentiam, quia me excellis in plenitudine gratiae. Dicitur autem B. Virgo plena gratia quantum ad tria. Primo, quantum ad animam; in qua habuit omnem plenitudinem gratiae. Nam gratia Dei datur ad duo, scilicet ad bonum operandum, & ad vitandum malum, & quantum ad ista duo perfectissimam gratiam habuit B. Virgo. Nam ipsa omne peccatum vitavit magis, quam alius quisquam sanctus post Christum. Peccatum enim aut est originale, & de isto fuit mundata in utero: aut mortale, aut veniale, & de istis libera fuit. Unde Canticorum 4. *Tota pulchra es, amica mea, & macula non est in te*. Augustinus in lib. de natura: *Excepta sancta Virgine Maria, si omnes Sancti, & Sanctae, cum hic viverent, interrogati fuissent, utrum sine peccato essent, omnes una voce clamassent: Si dixerimus, quia peccatum non habemus, ipsi nos seducimus, & veritas in nobis non est. Excepta, inquam, hac sancta Virgine, de qua propter honorem Domini, cum de peccato agitur, nullam prorsus volo quaestionem habere*. Scimus enim, quod ei plus gratiae collatum fuerit ad peccatum ex omni parte vincendum, quae illum concipere, & parere meruit, quem

con-

constat, nullum habuisse peccatum. Sed Christus excellit Beatam Virginem in hoc, quod sine originali conceptus, & natus est: Beata autem Virgo in originali est concepta, sed non nata.

Ipsa etiam omnium virtutum opera exercuit, alii autem Sancti specialia quaedam; quia alius fuit humilis, alius castus, alius misericors: & ideo ipsi dantur in exemplum specialium virtutum, sicut Beatus Nicolaus in exemplum misericordiae &c. Sed Beata Virgo in exemplum omnium virtutum; quia in ea reperis exemplum humilitatis: Luc. 1. *Ecce ancilla*. Et post: *Respexit humilitatem ancillae suae*. Castitatis: *quoniam virum non cognosco*, & omnium virtutum;

ut satis patet. Sic ergo plena est gratia Beata Virgo & quantum ad boni operationem, & quantum ad mali vitiationem. Secundo, plena fuit gratia quantum ad redundantiam animae ad carnem, vel corpus. Nam magnum est in sanctis habere tantum de gratia, quod sanctificet animam, sed anima beatae Virginis ita fuit plena, quod ex ea refudit gratiam in carnem, ut de ipsa conciperet Filium Dei. Et ideo dicit Hugo de S. Victore: *Quia in corde ejus amor Spiritus sancti singulariter ardebat, ideo in carne ejus mirabilia faciebat, in tantum, quod de ea nasceretur Deus, & homo*. Lucae 1: *Quod enim nascetur ex te sanctum, vocabitur Filius Dei*.

Tercio, quantum ad refusionem in omnes homines. Magnum enim est in quolibet sancto, quando habet tantum de gratia, quod sufficit ad salutem multorum; sed quando haberet tantum, quod sufficeret ad salutem omnium hominum de

Quoad corpus.

Quoad refusionem in omnes.

mundo, hoc esset maximum; & hoc est in Christo, & in Beata Virgine. Nam in omni periculo potes salutem obtinere ab ipsa Virgine gloriosa. Unde Canticorum 4. *Mille clypei, idest remedia contra pericula, pendent ex ea*. Item, in omni opere virtutis potes eam habere in adiutorium: & ideo dicit ipsa Ecclesiastici 24. *In me omnis spes vitae, & virtutis*. Sic ergo plena est gratia, & excedit angelos in plenitudine gratiae: & propter hoc convenienter vocatur

Mariae nomen.

Maria, quae interpretatur, illuminata in se. Unde Isa. 58. *Implebit splendoribus animam tuam*: & illuminatrix in alios, quantum ad totum mundum; & ideo assimilatur Soli, & Lunae.

2. Quia excellit Angelos in familiar. div.

Secundo, excellit angelos in familiaritate divina, & ideo hoc designans angelus, dixit: *Dominus tecum*; quasi dicat, ideo exhibeo tibi reverentiam, quia tu familiarior es Deo, quam ego; nam *Dominus est tecum*. Dominus, inquit, Pater cum eodem Filio, quod nullus angelus, nec aliqua creatura habuit: Luc. 1. *Quod enim nascetur ex te sanctum, vocabitur Filius Dei*. Deus Filius in utero: Isa. 12. *Exulta, & lauda habitatio Sion, quia magnus in medio tui sanctus Israel*. Aliter est ergo Dominus cum Beata Virgine, quam cum angelo; quia cum ea ut Filius, cum angelo ut Dominus. Dominus Spiritus sanctus, sicut in templo; unde dicitur: *Templum Domini, sacrarium Spiritus sancti*, quia concepit ex Spiritu sancto: Luc. 1. *Spiritus sanctus superveniet in te*. Sic ergo familiarior cum Deo est Beata Virgo, quam angelus: quia cum ipsa Dominus Pater, Dominus Filius, Dominus

minus Spiritus sanctus, scilicet tota Trinitas. Unde cantatur de ea: *Totius Trinitatis nobile triclinium*. Hoc autem verbum, *Dominus tecum*, est nobilius verbum, quod sibi dici possit. Merito ergo angelus reveretur Beatam Virginem, quia mater Domini, & ideo domina est. Unde convenit ei hoc nomen, Maria, quod Syra

Mariae nomen.

Tertio excedit angelos quantum ad puritatem, quia B. Virgo non solum erat pura in se, sed etiam procuravit puritatem aliis. Ipsa enim purissima fuit & quantum ad culpam, quia ipsa Virgo nec mortale, nec veniale peccatum incurrit. Item, quantum ad poenam. Tres enim maledictiones datae sunt hominibus propter peccatum. Prima data est mulieri, scilicet quod cum corruptione conciperet, cum gravamine portaret, & in dolore pareret. Sed ab hoc immunis fuit Beata Virgo, quia sine corruptione concepit, in solatio portavit, & in gaudio peperit Salvatorem; Isa. 35. *Germinans germinabit exultabunda, & laudans*. Secunda data est homini, scilicet quod in sudore vultus vesceretur pane suo. Ab hac immunis fuit Beata Virgo, quia ut dicit Apostolus 1. Corinth. 7: Virgines solutae sunt a cura huius mundi, & soli Deo vacant. Tertia fuit communis viris, & mulieribus, scilicet ut in pulverem reverterentur. Et ab hac immunis fuit Beata Virgo, quia cum corpore assumpta est in caelum. Credimus enim, quod post mortem resuscitata fuerit, & portata in caelum: Psal. 131. *Surge, Domine, in requiem tuam, tu, & arca sanctificationis tuae*. Sic ergo immunis fuit

3. Quia excelluit angelos puritate.

A maledictis in Adam, & Eva libera.

Mariae non
men .

ab omni maledictione : & ideo benedicta in mulieribus , quia ipsa sola maledictionem sustulit , & benedictionem portavit , & januam paradisi aperuit . Et ideo convenit ei nomen , Maria , quae interpretatur , stella maris . Quia sicut per stellam maris navigantes diriguntur ad portum , ita christiani diriguntur per Mariam ad gloriam .

Benedictus fructus ventris tui. Peccator aliquando quaerit in aliquo , quod non potest consequi , sed consequitur illud iustus : *Prov. 13. Custoditur iusto substantia peccatoris .* Sic Eva quaesivit fructum , & in illo non invenit omnia , quae desi-

Invenit in
suo fructu ,
quae Eva
quaesivit in
vetro .

deravit . Beata autem Virgo in fructu suo invenit omnia , quae desideravit Eva . Nam Eva in fructu suo tria desideravit . Primo id , quod talis promissit ei diabolus , scilicet , quod essent sicut dii , scientes bonum , & malum : *Eritis* , inquit ille mendax , *sicut dii* , sicut dicitur Gen. 3 . Et mentitus est , quia *mendax est* , & *pater ejus* . Nam Eva propter esum fructus non est facta similis Deo , sed dissimilis ; quia peccando recessit a Deo salutari suo , unde & expulsa est de paradiso . Sed hoc invenit Beata Virgo , & omnes christiani in fructu ventris sui , quia per Christum conjungimur , & assimilamur Deo ;

1. Similitu-
dinem Deo .

1. Joan. 3. *Cum apparuerit , similes ei erimus* &c. Secundo in fructu suo Eva desideravit delectationem , quia bonus ad edendum : sed non invenit , quia statim cognovit se nudam , & habuit dolorem . Sed in fructu Virginis suavitatem invenimus , & salutem : Joan. 6. *Qui manducat meam carnem , habet vitam aeternam* . Tertio fructus Evae erat pulcher aspectu : sed pulchrior fru-

2. Suavita-
tem .

OPUSCULA D. TH. AQUINAT. 375

fructus Virginis , in quem desiderant angeli pro- 3. Pulchri-
 spicere . Psalm. 44. Speciosus forma prae filiis tudinem .
 hominum : & hoc est , quia est splendor paternae
 gloriae . Non ergo potuit invenire Eva in fructu
 suo , quod nec quilibet peccator in peccatis . Et
 ideo , quae desideramus , quaeramus in fructu
 Virginis . Est autem hic fructus benedictus a Fructus Ma-
 Deo , quia sic replevit eum omni gratia , quod riae benedi-
 pervenit ad nos exhibendo ei reverentiam : ctus a Deo .
 Eph. 1. *Benedictus Deus , & pater Domini nostri*
Jesu Christi , qui benedixit nos in omni benedi-
ctione spiritali in Christo . Ab Angelis : Apoca- Angelis .
 lyp. 7. *Benedictio , & claritas , & sapientia ,*
& gratiarum actio , honor , & virtus , & forti-
tudo Deo nostro . Ab hominibus : Apostolus Phi- Hominibus .
 lip. 2. *Omnis lingua confiteatur &c. Psalm. 117.*
Benedictus qui venit in nomine domini . Sic er-
 go & Virgo benedicta : sed & magis *benedictus*
fructus ejus .

*Explicit S. Th. Opusculum super Salutatione
 Angelica .*

NIC. ESCHII
EXERCITIORUM SPIRITUALIUM
LIBELLUS.

SECRET

[illegible]

IN EXERCITIA

Divina fere, & quae compendio hominem
in Deum transferre queant, auctore
Nicolao Eschio, magnae apud
Brabantos existimationis,
& pietatis viro

F. LAURENTII SURII

AD PIUM LECTOREM.

PRAEFATIO.

E A quae sequuntur exercitia, amice
lector, cuidam celebris opinionis viro
divinitus revelata, facili compendio homi-
nem bona, ac ferventi voluntate praeditum,
ad familiarem Dei amicitiam, stabilem-
que unionem, & ad ipsum perfectionis
apicem perducunt: idque ita, ut nemi-
nem gravent, nemini, quo minus, quae sui
sunt status ac muneris, exequi possit, ul-
lum praestent impedimentum: quin potius
mirum in modum hominem relevent, &
aptum, atque idoneum efficiant ad externa
internaque omnia, cum Deo & in Deo
prosperè administranda. Unde cum impla-
cabili

cabili in nos odio stimulatus pestifer serpens , non desinat pios ab iis , quae possint illis saluti esse , innumeris pene machinationibus , dolis , ac molestiis avocare , id nobis monepdus es , Christiane lector , ut ne qua illius fraude ab hisce tete exercitiis , revera divinis , atque utilissimis retrahi patiaris : sed contemptis omnibus , quae ille animo tuo ingerere possit , Dei clementiam precibus continuis pulses , ut horum tibi exercitiorum cultum , gustum , fructum , effectus largiatur . Quod ut impetrare sis idoneus , curandum tibi erit , ut perpetuo tibi ipsi observando invigiles , & ut ab orationis studio nunquam discedas . &c. Vale.



DE VIA PURGATIVA

EXERCITIUM PRIMUM.

Ut cognoscas Deum .



Rimo exercebis te in forti , perfecta, & profunda cognitione Domini Dei tui , quantum per gratiam Dei obtinere potueris. Hanc autem cognitionem magis impetrare conaberis fervidis desideriis, & devotis orationibus, quam arduis studiis, & laboribus externis . Dei enim donum est singulare, & preciosum valde . Quapropter saepe numero humili, & profundo corde ipsummet Deum tuum desiderabis possidere : orabisque , ut tibi manifestare dignetur seipsum , suamque voluntatem bene placentem , & perfectam . Attende ejus aeternam & infinitam potentiam , sapientiam , bonitatem , & incomprehensibilem amorem . Considera , quid sit Dominus Deus tuus , Quis , Qualis, & Quantus . Nempe Deus altissimus super omnia , summa veritas , aeterna & immutabilis bonitas , vera & sempiterna substantia , & caritas infinita, qui in seipso adeo existit magnus & ineffabilis , ut multo melius & verius cognoscatur per ablationem, seu abnegationem omnium perfectionum & dignitatum , quae de eo

Quid sit
Deus in se .

382 EXERCIT. SPIRIT.

de eo cogitari, & dici queant, (ut est potentia, sapientia, bonitas, & similia) quam per eorundem affirmationem. Expende insuper, quod
Est centrum quoad animā Deus est verus, proprius, naturalis locus, sedes, centrum, & vita animae tuae, in quo anima tua per suam ideam ab aeterno quievit, a quo tempore creationis effluxit, & in quem redire debet, & in eo & per eum quiescere. Alioquin in aeternum peribit.

S. Trinitatis praesentia. Sanctam quoque Trinitatem devotissime, adorabis & laudabis, hoc vel simili modo: O sanctissima Trinitas, tua dulcissima unitas per amorem fluat, obsecro, in me, & in omnes creaturas te laudare valentes. Contemplare Patrem esse, summum, aeternum, ineffabile, & incomprehensibile bonum, qui ex seipso profert bonum aeternum sibi coaequale, & consubstantiale, quod est ejus unicus Filius, qui duo infinita caritate, & complacentia sese invicem diligunt: & haec caritas Spiritus sanctus est. Assuesce saepius, immo & assidue ad dulcissimum Deum tuum, talemque ac tantum Dominum aspirare, & dicere: O Domine Deus meus, & omnia, ostende mihi teipsum, & sufficit mihi. O dulcissime Deus, infunde mihi lumen tuum, accende cor meum amore tuo, conforta infirmitatem corporis mei praesentia tua. Et similia multa, prout unctio docebit. Meditare etiam quomodo
Ex Deo, per Deū, in Deo omnia. modo ex ipso, per ipsum, & in ipso sunt omnia, cui omnis honor, & gloria sit in secula seculorum. Amen.

Ceterum cum ex noticia, & clara cognitione Domini Dei creatoris nostri, omnia bona in
 ani-

animam promanent, quae diabolus nobis invadens, tota malitiae suae virtute nititur impedire, & nos excaecare; atque ediverfo ex ejus ignorantia omnis tentatio, amaritudo, & damnatio in nobis suboriantur; hinc danda tibi opera est, ut Domini Dei tui omni tempore dulciter, & amorose recorderis, & saltem haec tria, videlicet ejus essentiam sive bonitatem, praesentiam, & dilectionem assidue ob oculos mentis geras. Primo attende infinitam ejus nobilitatem, sublimitatem, justitiam, pulchritudinem, ^{1. Summa Dei} perfectio. potentiam, sapientiam, bonitatem, caritatem, dulcedinem, liberalitatem, misericordiam, & alias innumeras ejus perfectiones, quae re vera adeo in immensum omnem creatum intellectum vincunt, ut quidquid de his creaturae simul omnes capere, aut dicere possint, minus sit, quam gutta una ad universum mare. Et hic tantus Dominus animam tuam ad suam similitudinem nobilissime creavit, sui ipsius per amorem capacem. Cui tres nobiles vires indidit, ut ipsum non solum in futura, sed etiam in praesenti vita per intellectum fide, & contemplatione cognosceres; per voluntatem tuam eligeres, & amares; & per memoriam in eo requiesceres, & unitus maneres, illique fideliter adhaereres, & ejus comparatione omnia alia pro nihilo duceres. Certe nisi a diabolo excaecatus esses, tanta in illum complacentia, & dilectione rapereris, ut prae gaudio, & admiratione deficeres: laeta quoque, & tristitia non curares, neque animadverteres: nec ad momentum quidem ab intuitu, & amore summi istius boni disjungi patereris.

384 EXERCIT. SPIRIT.

1. Praesentia Dei in te.

Secundo, vide ingenti cum laetitia & gratitudine, ut idem tantus ac talis Dominus, ex aeterna caritate sua multo interius, veriusque sese tibi ubique locorum, & maxime in anima tua praesentem exhibeat, quam sis ipse tibi, ut te in esse conservet, regat, faciatque saluum ac beatum: atque ideo magna tibi indicta est necessitas probitatis, si dissimulare nolis, quum agas omnia coram oculis cuncta cernentis. Vide, inquam, carissimum Deum creatorem, & amatorem tuum, tibi perpetuo praesentem, & intentum: & ambula sicut casta sponsa, cum magno timore & reverentia, pudore & humilitate, obedientia & patientia, coram oculis altissimae maiestatis ejus: indefinenter te praeparans, ut illi placeas: & amplecti valeas. O quanta gratiarum affluentia hinc tibi accresceret, si ita ageres!

3. Dilectio Dei erga te.

Vide tertio, ut idem tantus Dominus, tam immensa & aeterna caritate, constanti gratuitaque dilectione perpetuo ad te conversus est, ut omnem etiam angelicum vincat intellectum, & desiderium, Tanta ejus erga immundum vermiculum dignatio, qua tibi intendit, adeoque tui curam gerit, acsi nulla alia, vel in caelis, vel in terris creatura superesset: et a tot et tantis malis, et periculis animae, et corporis te eripuit, et defendit, totque et tantis beneficiis gratis te praevenit, ornat, et prosequitur omni momento temporis, licet ingratisimum, ut vel exiguum illorum partem numerare nunquam sufficias. Ex hac etiam caritate liberrimam tibi vel momentis singulis ad se accedendi copiam praebet,

bet, adeo ut vel solo pio desiderio ipsum summum valeas bonum obtinere, et possidere, ipsique universas necessitates tuas, velut amico omnium fidelissimo, securissime pandere. Inter infinita autem praecordia, quae de Deo tuo scribenda, atque pensanda forent, juvabit te vel maxime, ut indefinenter mediteris Dei creatoris, et redemptoris tui bonitatem, pulchritudinem, pietatem, misericordiam, dulcedinem, amabilitatem, caritatemque perennem, et infinitam: ut per eas, velut per ignitos quosdam carbones, in cor tuum congerendos, ipse in easdem virtutes transformeris, et ad reddendam qualemcumque amoris vicem perpetuo accendaris. O si supradicta tria fideliter, et indefinenter exercerēs, quam dulciter mane ad Deum tuum evigilares, quam cito ab omnibus vitiis, et passionibus, amaritudine quoque, et omni tentatione liberareris, et amore conditoris totus inebriatus, in virum alium mutareris! Immo totus in Deum transformeris: quia nullum isto sanctius, et fructuosius invenitur exercitium, quod D. Augustini, et aliorum Dei amicorum corda jaculo amoris medullitus interdum transfixit, quum illuminatis oculis attenderent stupenda amoris insignia, praefertim in incarnatione, vita, et passione illius, ceteraque innumera beneficia a tanto Domino sibi impensa; iustoque perpenderent iudicio caritatem illam nimiam, quia tantus Dominus sese nascens dedit nobis socium, convalescens in edulium, moriens in precium, et regnas servat in praemium.

386 EXERCIT. SPIRIT.

EXERCITIUM II.

Ut cognoscas teipsum.

- S**ecundo exercebis te in profunda cognitione tui ipsius. Attende ergo quam nobiliter anima tua a Deo creata sit ex nihilo, ad imaginem, & similitudinem illius. Et quam misera, foeda, & abominabilis facta sit per peccatum originale. Et quod inde redemptus sis per ineffabilem amorem, & durissimam satisfactionem Jesu Christi. Postea teipsum iterum, & saepius maculasti, & aversionem a summo bono fecisti per tuam propriam voluntatem, & actualia peccata; & factus es turpior, & vilior quavis irrationali creatura. Eja attende in quanta mala per peccata tua propria lapsus sis; quodque ex teipso nunquam inde resurgere valebis, sed in solo Deo poteris omnia. Nam per veram amoris ad Deum, & omnes virtutes, conversionem, licebit utique redire ad unionem Dei.
- Creatio,** Attende, te idcirco a Deo creatum, uti semper eum ipsum diligere, contemplari, frui, possidere debeas, quodque hic positus sis a Deo, ut ipsi fideliter servias, & gratias agas; ipsumque laudes, benedicas, & honores; ejus quoque gratissimam voluntatem in te, & in omnibus creaturis agnoscas, & exequaris.
- Redemptio,**
- Finis creationis,**
- In exilio vivis,** Considera, te hic secundum animam esse in terra aliena exulem, & peregrinum, multis laqueis, & hostibus circumdatum, & mille periculis expositum: qui si in Deo manseris, nemo te laede-

laedere poterit . Attende , quam incomprehensibiliter nobilis , pulchra⁹ , sapiens a Deo sit condita anima tua ad ipsius imaginem , & similitudinem . Factus es nihilo minus secundum corpus de limo terrae infirmus , miser , vilis , & egenus , ad omnia peccata & vitia pronus , tendensque semper ad interitum . Itaque vide , ne propter vilissimi corporis tui viles , & foedas , citoque transeuntes voluptates nobilissimam animam tuam cogas servire corpori , & ita ipsam cum corpore perdas , & aeternis ignibus addicas .

Considera diligenter omnes cogitationes , verba , & opera tua . An finis & scopus omnium virium , & sensuum tuorum semper ad Deum tendat , vel ad teipsum , sive ad creaturas : & videbis te nunquam fatis (teipsum humiliare , & emendare posse . His addere licebit quidquid tibi ad tuiipsius , & proprii nihili tui cognitionem conferre poterit . Attende saepius , quid , *Quid sis .* qualis , unde , et ubi sis , et quo abiturus . Vide hoc triplex nihilum tuum , videlicet quod per infinita , gravissimaque peccata tua nihil factus sis , et in inferno inferiori , si Deus voluerit , perpetuo torquendus , velut vas foetidum , et cibus ignium . Secundo , quod ex intima corruptione virum , et sensuum tuorum per pronitatem ad omne malum (quod committeres , nisi Deus te praeservaret) factus es abyssus tenebrosa , vas aptum in contumeliam , genitus per immunditiam , vivens in concupiscentia , moriturus in angustia . Tertio , quod comparatione *Quo tendas .* Domini nostri Jesu Christi tu , et omnia nihil sunt , et ex nihilo producta , et ad nihilum re-

388 EXERCIT. SPIRIT.

ditura, nisi continue a Deo conservarentur.

Ama contemni.

Quapropter desidera contemni, despici, et ignorari ab omnibus hominibus, absque tamen tua culpa; et mundo gaudente, tu teipsum cum Christo afflige, et time semper et ubique Deum filiali timore. Humillima quoque profer, cogita, et age, semper credens, instare adventum sponsi tui caelestis, dicentis Mat. 25. *Ecce sponsus venit, exite obviam ei*; sicque in tuum semper resiliens nihilum, cum stupore admiraberis, quod Deus te patitur creaturam tam foedam, & ingratham ad momentum coram oculis suis versari.

Roga Deum ut noveras te.

Clamabisque humilliter ad Dominum ex abyssu miseriae tuae, invocans abyssum misericordiae illius cum frequenti perlustratione conscientiae tuae, quo sua singulari (qua ad hoc indiges) gratia tribuat tibi, clare dignoscere omnia tua vitia, passionisque, et propensiones vitiosas, et peccata universa, quae in viribus et sensibus tuis intus et foris haerent, et abscondita latent, animam tuam misere obcaecantia, et ad interitum trahentia: ut vel sic discas nosse teipsum. Nec tamen, etiam si multum profeceris, ad pravitatis tuae videndum finem penetrare valebis. Adeo *pravum est cor hominis, & instructibile*, teste Propheta Hieremia 17. Cap.

EXERCITIUM III.

Ut per poenitentiam purgeris a peccatis .

Tertio exercebis te in generali contritione ,
 confessione, & emendatione omnium pec-
 catorum tuorum, deflens ea ex vero amore, *Defle tua*
 Dei, & profundo odio tui ipsius, & omnis peccati. *peccata .*
 Ut autem ad perfectum tui ipsius odium pertin-
 gere valeas, persuade tibi nullam in mundo
 creaturam esse, quae tantam Deo injuriam, &
 contemptum irrogarit, atque tu. Quapropter
 omni poena, & contumelia mundi, & inferni te
 dignum judicabis, pro multis gravibusque pec-
 catis tuis, negligentia quoque multiplici, &
 ingratitude tua. Cujus rei gratia voluntatem *Ad poenam*
 tuam adeo obfirmabis in Deo, ut paratus sis *te exhibe .*
 pati omnem injuriam, contumeliam, irrisi-
 onem, improprium, & vilipensionem, quam omnes
 creaturae voluerint, aut potuerint tibi inferre .
 Immo etiam te resignabis ad sufferendum omnes
 poenas inferni pro peccatis tuis .

Et ut ad purum pro peccatis tuis dolorem *Modus flē-*
 pervenias, statue te coram justissimo vultu Dei, *di peccata .*
 bis in die, cogitans, te mortem aeternam me-
 ruisse, & cito judicium tuum in te pronuncian-
 dum esse : sperans nihilo minus, per orationem
 & laborem contritionis, veniam & gratiam
 apud misericordem Deum invenire : doleasque
 lamentabiliter, quod summae potestati, sapien-
 tia, & bonitati Dei tantam injuriam, & con-
 temptum exhibuisti, qui omni honore, & laude

390 EXERCIT. SPIRIT.

dignissimus est; dicens hoc, vel simili modo : O Domine Deus meus, omnipotens, creator, & redemptor animae meae! ecce ego sum peccator ille vilissimus, & miserrimus, qui infinitam bonitatem, sanctitatem, & caritatem tuam innumerabiliter, & gravissime offendi, infinita mala commissi, & bona omisi. Hinc teipsam severe discutere, judicare, & punire curabis, ne a Domino judiceris: attendendo qualiter Dominum Deum fidelissimum patrem tuum in decem, praeceptis, & in septem peccatis mortalibus, et in novem peccatis alienis, et in septem operibus misericordiae tam spiritualibus, quam corporalibus contempseris, offenderisque. Denique de omnibus generatim peccatis tuis, et de quolibet speciatim assumes moerorem intimum, et tantum dolorem, quantum delectationis in peccatis persensisti; ex vera contritione, et profundo corde dicens: O Domine! obsecro te per sanctissimam tui conceptionem, nativitatem, conversationem, durissimum laborem, et omnem sacratissimi sanguinis tui effusionem, et omnem amaram passionem, et acerbissimam mortem tuam: remitte mihi omnia peccata mea. Obsecra quoque gloriosam Virginem misericordiae matrem, cum omnibus sanctis, per omnia, quae propter Deum sustinuerunt, ut Deum pro te interpellent, quo et veniam dare cunctis erratis tuis, et ita in seipso confirmare dignetur, ut nunquam ad peccata redeas. Enimvero tantum peccatorum odium tibi necessarium est, ut potius mortem obire velis, quam rursus vili peccato consentire. Cave autem, ne pusil-

Modus, pe-
rendi veni.

pussillanimis fias, confide infinitae misericordiae Dei, qui paratus est in gratiam te recipere, et originali puritati restituere, si illi pro modulo tuo satis feceris pro peccatis tuis.

Secundo offeres Deo pro peccatis tuis ani- Offer te ad
mam tuam, et corpus, et quidquid habes, de- emendatio-
siderando ea omnia consumere, et quasi in nihi- nem.
lum redigere pro honore ejus, Et ut efficacius
animam tuam totam cum viribus suis Deo im-
molare valeas, ita cogitabis: O Domine! jam
nolo deinceps quidquam gestare in memoria mea,
nisi te Deum, meam originem, in quo ab ae-
terno fui, et ex quo emanavi: neque aliud
cognoscere intellectu meo, quam te solum Deum
meum, et omnes creaturas in te: Ineque aliud
velle, aut desiderare in voluntate mea, quam
soli gratissimae voluntatis tuae executionem.
Corpus quoque tuum Deo offeres hostiam vi-
vam, et perpetuam, quemadmodum in veteri
testamento sacrificaturi ligna ponebant in altari,
et hostiam desuper, supposito igne, cremabant in
holocaustum: ita et tu in altari cordis tui ligna,
id est corpus tuum offeres, quod spiritualiter
moriatur necesse est: orabisque ferventer Do-
minum in hunc modum: O Domine! accende
holocaustum meum, ut totum comburatur, et ab-
sumatur in amore tuo, ut tibi grata, et accepta
hostia fiat ad aeternum honorem tuum. Offeres
etiam Deo temporalem sustentationem tui, de-
siderando rebus huic necessariis non aliter uti,
quam ad aeternum Dei honorem, et animae tuae
salutem, nullam in ea tui ipsius oblectationem,
et commodum spectans. Quin et desiderabis.

392 EXERCIT. SPIRIT.

omnibus , si Deo placuerit , necessariis spoliari , pauperque , et nudus inveniri , sicut ipse pauper , et egenus fuit .

Modus su-
benandi poe-
nam .

Tertio poenam corporalem cum' discretio-
ne assumes , ex magno amore , juxta magni-
tudinem peccatorum tuorum . Statue ergo te
coram cruento corpore Christi Jesu in cruce
pendente , et undique vulneribus , atque dolori-
bus propter peccata tua repleto ; et in corde di-
cito : O Domine ! si tuae gratissimae placitum
esset voluntati , centies me crucifigi permitte-
rem pro peccatis meis . Paratus sum in quolibet
articulo corporis mei pati singularem poenam
ad honorem nominis tui . Hinc propone quaeli-
bet membra corporis tui , quibus ad peccatum
usus es , de cetero tradere , et consumere ad
summum Dei honorem : teque ad hoc compelle-
re , et urgere , quantumvis durum , et molestum
tibi fuerit , ut Deo pro peccatis tuis vicem qua-
lemcumque reddere valeas in poenitentia , & affli-
ctione , quam Deo una cum poenis , & laboribus
status tui , in unione sanctissimae passionis suae ,
cum multis lacrymis , si eas habere potueris ,
quotidie offerre curabis : teque non satis dole-
re , toto corde dolebis , & poenitebit , teipsum
pro meritis tuis sub omnibus hominibus in infer-
no inferiori collocando , quod filium Dei rursus
crucifixeris , & toties conculcaveris , & sangui-
nem testamenti , in quo sanctificatus es , pollu-
tum duxeris , & spiritui gratiae contumeliam
feceris .

Losa , unde
conscientia
examines .

Porro si clarius videre volueris abomina-
tiones tuas , sicuti in iustissimo Dei judicio (nisi
eas

cas hic deleueris) a te requirentur , matura discussione expende , qualiter , quoties , & quantum offendisti , & contemptu affecisti Dominum Deum tuum circa decem ejus praecepta : duodecim consilia Evangelica : duodecim articulos fidei : praecepta , & statuta Ecclesiae catholicae : vota , & instituta ordinis , status , & vocationis tuae : septem peccata mortalia : septem dona spiritus sancti : septem opera misericordiae corporalia , et spiritualia : novem peccata aliena : septem sacramenta Ecclesiae : gratias , et inspirationes bonas : incarnationis , passionis , et alia beneficia Dei , donaque naturae , fortunae , gratiae , et gloriae : virtutes theologicas , et morales : per tres potentias animae tuae : per quinque sensus , et membra corporis tui : in omni aetate , loco , statu , et officio in quibus vixisti : cogitatione , locutione , opere , omissione , temporis perditione : et ingratitude contra Deum , sanctosque , et angelos ejus , et contra omnes cujuscumque status proximos tuos , videlicet contra justos Dei amicos , infirmos quoque , et peccatores , contra benefactores , et amicos , contra superiores , aequales , et inferiores , vivos et defunctos , animasque purgandas , et contra creaturas omnes : teipsum quoque , id est animam et corpus tuum ; quomodo his omnibus abusus es in contumeliam creatoris , in injuriam proximi , et in damnationem animae tuae , ita quod nullum sit momentum vitae tuae , nec ullum Dei donum et beneficium , neque ullum opus bonum , in quo Deum toto corde pure , ut debueras , quaesivisti : quin potius subtili quodam pro-

394 EXERCIT. SPIRIT.

proprii amoris, commodi, voluntatis, aut delectionis veneno illud commaculasti, et quasi continue peccasti toto vitae tuae tempore, saltem omissione, aut imperfecta expletionem omnium, ad quae tenebaris, si secundum iustitiam suam Deus judicare vellet, etiam si commissione nihil unquam mali perpetrasses. Igitur dum misericorditer expectat, praevenias faciem ejus in confessione, lavando per singulas peccatorum noctes lectum conscientiae tuae lacrymis tuis, ne intret in iudicium cum servo suo: quia non justificabitur in conspectu ejus omnis vivens. Clariorem horum omnium explicationem pete ex libris, si non suppetit memoria. Vide saltem profunda consideratione, quam inefabiliter deliqueris tam commissione, quam omissione circa duo illa praecepta: *Diliges Dominum Deum tuum ex toto corde tuo &c. Et proximum tuum sicut teipsum*: qualiter illa impleveris, et inde reliqua peccata tua collige, deplange, et emenda, recogitando Deo omnes annos tuos in amaritudine animae tuae, donec in te descendere dignetur spiritus adoptionis filiorum, testimonium perhibens spiritui tuo, quod filius sis Dei: audiasque mellisfluam ejus vocem, quod vere Deus pater in te complacet sibi. Vanum est enim tibi aliquam consolationem quaerere, sive ad contemplationem surgere, nisi prius manducaveris hunc panem doloris, et in te spiritus adoptionis filiorum delapsus sit.

EXERCITIUM IIII.

De mortificatione quinque sensuum.

Quarto te exercebis in crucifigendis, & mortificandis quinque sensibus tuis, qui valde debilitati sunt per lapsum primi parentis, & deinde multo amplius per tua propria peccata, & sensuum tuorum abusiones. Ut autem reduci possint ad primaevam simplicitatem, in qua fuerunt ante lapsum Adæ, necesse est, ut sensus tuos, scilicet visum, auditum, gustum, loquelam, odoratum, tactum in crucifixa humanitate Jesu, juxta ejus exemplum, tanta vi includas & refroenes, quasi jam defunctus, & mundo totus mortuus esses: discasque continue in teipsum intro respicere, sicut hactenus foras respexisti: tradasque te in disciplinam dulcis Jesu, eligens illum in magistrum, & te totum illi ad obediendum in omnibus cogens, & resignans, ita ut tuum velle, & nolle perfecte a te abjicias, & Domino Deo carissimo magistro tuo in omnibus placere, & stricte obedire satagas. Hinc nihil tibi amplius agere licebit quantumlibet exiguum, absque ipsius permisso. Nam ad quodlibet verbum, quod loqui voles, ad quamque buccellam, quam sumpturuses, ad quemcumque oculi aspectum, & ad cujusvis membri, sive articuli motionem specialiter licentia corde ab eo tibi petenda erit. Quam si intus, teste conscientia seipsam non quaerente, obtinueris, tum demum licebit id agere, vel dicere, & alias non.

Reformatio
tui.

Introspectio
tui.

Ne-

396 EXERCIT. SPIRIT.

Intentio **ad Deum.** Necessaria quoque & debita opera tua , licet de se nota sint Deo placere , singula tamen nova intentione ad laudem Dei perages , & offeres , in unione sanctissimorum operum & meritum suorum , ad salutem omnium hominum . Inter dicendum autem, vel agendum aliquid foris, continue uno oculo respicias intus teipsum , advertasque quando tacendum , aut cessandum fuerit , ut tunc statim taceas , & cesses. **Oratio.** Quapropter assuesceas continue, ut omni hora, Deum medullitus , & ferventer obsecrare per seipsum , & per omnes perfectiones , & miserationes , quae in ipso sunt , immo quae ipse est , & per sanctam humanitatem , suam , & per sanctos quinque sensus suos , qui tam fortiter obediebant rationi , & ab anima sua absorpti , & dirissimis poenis pro salute nostra afflicti erant , quasi sensus non habuisset ; ut sensualitatem tuam , quam habuisti , habes , & habere poteris , absorbere dignetur in merita sanctissimorum sensuum suorum ; sensusque tuos ita absorbere , unire , & sanctificare in sanctissima anima sua , quasi sensus non haberes , qui sensualitati locum dare possent . Et in hac inclusione, & unione ita cruci affixus maneat in Domino Jesu , ut nunquam inde egrediaris , ambulans reverenter honestis & maturis moribus , & gestibus corporis , & sensuum , semper & ubique in conspectu Dei praesentis . **Custodia** **tui.** Et omni custodia Dominum Deum tuum , & quinque sensus tuos , cum tota anima tua custodias : sicque agas , ut putes te nihil videre , audire , sentire , olfacere , gustare , tangere , edere , vel bibere , nisi Dominum Deum tuum , & in omnibus pure Deum ,

Deum, & non teipsum quaeras, & creaturis propter Deum, & in Deo, cum timore, & reverentia utaris. Et curam tui ipsius, & omnium rerum in omni etiam necessitate, & periculo, cum plena fiducia, in ipsius fidelissimam providentiam jactes, qui omnia suaviter disponet, & pugnabit pro te, reputesque omnia creata extra Deum penitus esse nihil. Et sic recipies mirabiles illuminationes, & influxus a Deo tuo, si pro illius amore teipsum, & omnia perfecte crucifigere, abnegare, & relinquere non dubitaveris.

Istud exercitium est fundamentum spiritualis vitae, quod oportet valde diu exercere, donec assuescas teipsum in omnibus vincere, & abnegare, teque, & Deum observare, & custodire, cum non sit major labor, quam Deum, ejusque voluntatem gratam, ac placitam perpetuo observare.

DE VIA ILLUMINATIVA.

EXERCITIUM V.

Ut tres animae vires reformes.

Quinto exerce te in profunda, & omnimoda circumcissione, reformatione, & mortificatione virium animae tuae, videlicet intellectus, voluntatis, & memoriae, quae valde debilitatae, & corruptae sunt per lapsum primi parentis: a quo posteaquam per mortem filii Dei Jesu Christi redempti sumus, eas rursus a Deo

*Corruptio
potentiari.*

398 EXERCIT. SPIRIT.

Deo abalienavimus per nostra propria, & actualia peccata. Ut autem restitui possint in gradum pristinum, in quem Dominus noster Jesus Christus eas reduxit, & cujus gratia animae ab initio donatae fuere, necesse est, ut Deum continue toto corde obsecrare, firmaque fiducia pulsare non cesses, uti per merita sanctissimarum virium benedictae, & crucifixae humanitatis suae purificare, reformare, regere, & illuminare dignetur vires animae tuae, ut stabili cognitione, amore, & cogitatione semper fluere possis in Deum, & omnia alia cognoscere, illisque uti in Deo.

Ora, ut facias.

Conare intellectu.

Voluntate.

Memoria.

Ut autem id muneris obtineas, intellectus tuus multo, & continuo tibi labore acuendus est, ad intelligendum sublimiter, & profunde, quid Deus sit, & habeat. Cumque hoc pacto cognoveris, esse eum optimum, nobilissimum, sanctissimum, tum accedens voluntas amare conabitur eum, quem optimum intelligentia sua deprehendit. Sed voluntatem ipsam circumcidere, abstrahere, & crucifigere oportebit ab omnibus extra Deum, ut Deum solum toto, & nudo corde diligas, & desideres, ceteraque omnia propter Deum, & in Deo. Deinde voluntatem tuam fortissima unione adeo divinae conformabis voluntati, ut si illi placeret, infernum in te creare, aut in inferno te ponere, paratum te exhibeas pro sua aeterna gloria, & honore, tuisque peccatis, ad sufferendum illum per suam gratiam. Tertio, memoriam tuam expedies, atque idoneam reddes ad fruendum in ea in aeternum, Domino Deo tuo, absque omni medio. Haec enim

enim instar thalami munda servanda est ab omnibus imaginibus, & extraneis cogitationibus, & ornanda sanctis meditationibus, & virtutibus crucifixae vitae Christi, ut Deus in ea perpetuo & indefinenter valeat quiescere, quoties & quando, & quamdiu visum ipsi erit. Hinc eadem ipsa assuefacienda est amorosis, iisdemque perpetuis fere desideriis, & affectionibus sanctis erga Dominum Deum suum. ut ipse solus pure in ea, & ipsa in solo Deo suo nude semper includi, ac circumferri queat.

Ceterum in hoc exercitio diutius versaberis, Deum tuum pro auxilio, ut dixi, frequentius obsecrando. Idipsum quoque per sacratissimas gloriosae Virginis matris vires, & sanctae Mariae, & sanctorum devote efflagitabis. Quod si tam cito ^{ss. precibus} non impetraveris, (quum aliqui homines sint naturae viscosae, atque tenacis, & phantasmatibus deditae) noli taedio vinci, noli cessare: tantummodo persevera, & Domino fortiter confide, qui nusquam deseruit sperantes in se, quia summe bonus est, qui in simplicitate cordis melius invenitur, quia unus est: qui etiam per amorem, & sancta desideria citius obtinetur, quia Deus ipse amor infinitus est.

E X E R C I T I U M VI.

De XII. mortificationibus.

Sexto exercebis te in plena mortificatione, & abnegatione omnium, quae tibi aliquod impedimentum, vel obstaculum praebere possent, quominus

400 EXERCIT. SPIRIT.

minus appropinques, & amorose jungaris, ac uniaris Deo: hoc est, omnium, quae Deus non est, non vult, neque amat: quae satis explicantur per D. Henricum Herp, in XII. mortificationibus suis, in quibus meditando, et orando te diligenter exercebis, attendendo circa quolibet sanctissimum exemplar crucifixi Jesu, illudque cordi tuo imprimendo, quousque inferiores animae tuae vires nullum de cetero impedimentum praestent superioribus, quo liberius fluere possint ad Deum, et in Deum.

1. Contem-
nae terrena

Harum prima est perfecta mortificatio omnis affectus, sollicitudinis, et amoris ad res caducas, et fragiles, ut eas quieto corde resignare noveris in Dei beneplacitum, sive ea dederit, sive abstulerit: non desideres illa retinere, aut erogare, nisi pure ad Dei honorem: immo et omnia optabis relinquere, ut cor tuum imperturbatum, ac nudum Deo semper valeas offerre, et inter quosvis casus, secundum superiorem salutem rationem, quietus permanere. Hinc non solum superflua quaeque, et curiosa tibi sunt abjicienda: sed etiam in his, quae tibi necessaria videntur, nullo affectu requiescere licebit, si nolis esse proprietarius coram Deo. Immo ipsa, etiam naturae necessaria cum taedio, et nausea suscipere conaberis, ut eo melius pauperi Christo conformari, et intra nuda ipsius brachia evolare queas. Secunda est mortificatio omnium

2. Abnega-
te ipsum.

affectuum propriae quaestionis, qua multi seipsum nimis amant, et in omnibus bonis, quae agunt, et malis, quae vitant, ex servili amore suam spectant, et aucupantur utilitatem, consolationem,

nem, et honorem, tam in externis, quam internis Dei donis, et bonis : suum quoque damnum, confusionem, et punitionem evadere quaerunt, tam in praesenti seculo, quam in futuro. Sua quoque opera, et exercitia reputant magna, caduntque ex donis Dei in superbiam, avaritiam, et gulam spiritualem. Verum contra haec gravissima pericula, studebis ex filiali amore, intentione recta, Dei in omnibus honorem, gratiam, et beneplacitum pure quaerere: et intentione simplici instituere, atque dirigere, et referre opera tua ad placendum, et coram Deo fruendam semper, quiescendumque in eo cum omnibus viribus tuis, absque multiplicitate, in amoroso quodam effluxu, et amanti inclinatione interni spiritus in Deum, illuminata Divina cognitione fide, spe, et caritate; quandoquidem hoc est fundamentum vitae spiritualis. Intentione quoque deiformi studebis etiam occultam consolationem spiritus non quaerere, sed omnem derelictionem, & adversitatem desiderare, ut unum cum Deo fieri, ipsoque Deo cum Deo perfrui merearis.

Tertia est mortificatio omnium affectuum, propriae sensualitatis ultra rationabilem necessitatem, in delectatione cibi, potus, vestium, & aliarum rerum: in voluptate cogitationum, verborum, gestuum, & fabulationum cum hominibus, ex sensuali amore: in appetitu habendi curiosa, videndi pulchra, audiendi nova, & fruendi ubique sensuum vanitate. Haec, & omnia naturae solatia mortificabis per plenam aversionem ab omnibus, in quibus sensualitas solet

3. Rejice
voluptates.

402 EXERCIT. SPIRIT.

quiescere ; quia devotionem & spiritalia exercitia insipida reddunt , & difficilia : cavebisque tota virtute , ne aliquem affectum ad quodvis solatium , vel peccatum , licet minimum , in corde retineas , quem non funditus extirpare coneris . Ita enim expedit , ut sensualitas simpliciter moriatur , ne tota congeries bonorum operum pessum eat . Quarta est mortificatio omnis affectus amoris secularis (qui ut hominibus placeat , & ab illis commodum , vel honorem accipiat , seu ut illis non displiceat , neque ab illis confusione , aut damnum sustineat , multa admittit , seu admittere paratus est vitia , & peccata , & plura facit virtutum opera) & amoris naturalis ad consanguineos : & acquisiti amoris ad amicos , pro eorum beneficiis ; ita ut sine personarum acceptione in omnibus hominibus , & etiam in hostibus tuis , solum Deum , Deique imaginem , gratiam , & virtutes pure diligas , & nullius vitia palpes , ames , aut dissimules ; sed omnium salutem toto corde sitias , omnem quoque inordinatum amorem , qui tibi inquietudinem , distractionem , & desiderium ad alicujus hominis praesentiam , vel amicitiam habendam generat , & cor tuum imaginibus depingit praesertim tempore orationis , aut quando te ad Deum convertis , tanquam venenum divini amoris cor tuum maculans , & inficiens , penitus enecabis ; solum Deum amando , & ejus amore omnibus creaturis renunciando , ut divina imagine depingaris , ejusque amore sursum traharis , & in ejus abyssum absorbearis . Quinta est mortificatio omnis affectus , & societatis rerum creaturarum , & cogitationum

4. Cohibere affectus .

5. Pelle varias cogitat.

sum inanium, quae homini multipliciter incidere solent ex defectu fervoris, instar maris fluctuantis, licet affectui non inhaereant: cogitationum quoque noxiarum, quae cum oblectatione sensuali intro admittuntur, quae licet ad consensum peccati mortalis non perveniant, cor tamen maculant, Spiritum sanctum contristant, & ingens animae damnum inferunt. Porro tam istae, quam priores cogitationes ex nostra oriuntur incuria, & immortificatione, quod cor nostrum non studemus ad sanctas cogitationes etiam vi quadam cogere, sed illud ad superflua, & noxia permittimus evagari, non curantes tempus fructuose deducere. Ideoque dum nos introvertere volumus, cor innumeris distractionibus invenimus oneratum, quae nostrum profectum dissipant. Non solum igitur has, quas praediximus, sed etiam licitas quasdam cogitationes sive de temporali cura licita, sive de scrupulis conscientiae, sive de secretis & curiosis perscrutationibus, abscindere oportet per impressionem imaginis Jesu in cruce pendentis, ejusque profundissimae humilitatis, paupertatis, mansuetudinis, & omnium virtutum in exteriori homine, & imaginis infinitae caritatis ejus, qua omnia creavit, & te sic redemit, in interiori homine tuo, ut cognitiones tuae transeant in affectiones, & cognitio in amorem. Etenim amor operatur mortificationem naturae, vitam spiritus, operationem superiorum virium, influxum in Deum, & secessum ab omni creatura. Facies quoque affectuosam conversionem ad omnimodam solitudinem, non tantum secundum corpus, sed

404 EXERCIT. SPIRIT.

multo amplius secundum cor, & affectiones, & ad simplicem cordis quietem, quae maxime nutrit amorosum in Deum effluxum. Nam solitudo, silentium, & arcta cordis custodia sunt fundamentum proficientis vitae.

6. Vita curas, & passionis.

Sexta est mortificatio omnis curae, quae non est de iusta necessitate, utilitate, aut obedientia: omnium quoque passionum, immoderatae laetitiae, tristitiae, spei, timoris, amoris, odii, & pudoris, ut nihil extra Deum in corde tuo quiescat, & omnia externa opera tua, & occupationes, quas a te postulat necessitas, absque multiplicitate, et sollicitudine cordis perficias, cum resignato, et elevato intellectu, et affectu in Deum. Enimvero per distrahentem occupationem cordis, etiam in licitis, obscuratur intellectus, et tepescit affectus, ut omne spirituale exercitium tibi desipiat, et inferiores vires orationis tempore colligere vix, aut aegre possis. Quapropter si vis omnes tentationes faciliter vincere, stude omni tempore ferre internum, et elevatum animum, et desiderium in Deum, semper magis sequendo internum amoris exercitium, quam externa opera virtutum. Ad quod tamen nemo pervenire potest, nisi affectus ejus expeditus sit ab omni re infra Deum existente, et adeo in Deum raptus sit, ut seipsum contemnere sciat in omnibus propter amorem Dei. Nam purus amor facit spiritum purum, simplicem, et ab omnibus liberum, ut sine labore sese recipere possit in Deum. Ubi namque amor, ibi est oculi memoriae, et cordis affectus.

7. Tolle rancorem.

Septima est mortificatio omnis amaritudinis
cor-

cordis, quae variis ex causis oriri solet. Primo ex praesumptione propriorum meritorum, quae nonnulli proni sunt ad temere iudicandum, et aspernandum ceteros, falsa iustitia pleni, quae indignationem parit, non compassionem. Secundo ex immortificatis eorum desideriis, quae inflammant eos ad murmurandum contra superiores suos, et alios, qui eorum vitiis non acquiescunt, sed resistunt. Tertio ex rancore, et odio propter aliquas praecedentes offensiones, propter quas facta illorum, quos odiant, pervertere cupiunt, et invenire in illis, quod vituperent. Quarto ex invidia, qua alienas virtutes, quibus ipsi carent, extinguere vel obscurare quaerunt, ut illis praeferrant, aut aequari possint. Quinto ex mala, et exasperata conscientia, qua instar basilisci alios laedere cupiunt, et secum ad peccata trahere, quibus gratiam Dei invident, et ex malitia, qua ipsi pleni sunt, omnia in pejus interpretantur, et peccant in Spiritum sanctum. Has et omnes alias amaritudines tam perfecte vinci, et consumi necesse est in suavitate divini amoris, ut etiam persecutores, et inimicos nostros tam pleno cordis amplexamur affectu, ac si nostri optimi forent amici, uti et reverantur, quandoquidem ad grandia nos merita perducunt,

Octava est mortificatio omnium affectuum 8. Fuge in-
nam gloriæ.
vanae gloriae, propriae complacentiae, honoris, atque superbiae de teipso, de tuis verbis, et operibus, gratiis, et donis, idque per claram cognitionem tuae vilitatis, et desiderium omnis contemptus, ut soli Deo placere possis. Hinc

406 EXERCIT. SPIRIT.

omnia bona soli divinae gratiae, filiali fidelitate adscribes, reputans te omnibus illis indignum, et cunctis viventibus viliorē, propter magnitudinem, turpitudinem, et multitudinem peccatorum tuorum, et ingratitude tuae. Secundo, propter infinita peccata, in quae incidisses, nisi sola Dei miseratio te praeservasset. Tertio, quia non est peccator in mundo, si tantas gratias, et occasiones benefaciendi habuisset, ut tu, qui non fidelius Deo servivisset, quam tu. Sicque Deo, cujus est omne bonum, eris gratus ex una parte, et teipsum valde humiliabis ex altera. His bene expensis, secundo loco desiderabis toto corde ab omnibus contemni, illudi, conculcari, et omnem confusionem amore Dei pleno affectu suscipias; quia haec est vita compendiosa ad maxima merita, qua tamen paucissimi ingredi volunt.

9. Ne quae-
ras consolati-
ones.

Non est mortificatio omnium affectuum; oblationum internarum spiritualium; & sensualium, in gratia, devotione, dilectione, & dulcedine sensibili in viribus inferioribus animae: quae quidem non sunt vera sanctitas, vel caritas, sed sunt quaedam Dei dona, nobis ut fortius moriamur, non ut in illis quiescamus, in subsidium infirmitatis nostrae data. Porro quantum tibi ipsi in istis duodecim punctis morieris, tantum habes veri amoris, nec quidquam amplius. Immo omnia, quae a Deo desiderare potes, nec refers ad nudam tui mortificationem propter amorem Dei, permixta sunt cum natura, seipsam fere in omnibus, etiam in Deo, & in divinis quaerente adeo subtiliter, ut repulsa ab una par-

parte, mox occulte revertatur ad alteram, priusquam id ipsi deprehendere valeamus. Et ideo paucissimi seipsos vere agnoscunt, & perfecte evincunt. Deinde secundo loco morieris omni curiosae investigationi, speculationi, cognitioni, & visioni intellectus in rebus, & scientiis tum divinis, tum humanis, in quibus misere tempus & laborem suum multi perdunt, semper discentes, & nunquam ad scientiam veritatis pervenientes: quam vita perfecte Christiana non in alta scientia, sed in profunda humilitate, sancta simplicitate, & ardenti amore Dei fundetur, quo semper anhelare debemus ad moriendum nobis in omni derelictione, ut Deo perfecte uniri, & ab illo absorberi valeamus.

Decima est mortificatio omnis scrupulositatis cordis, per plenam confidentiam erga divinam bonitatem. Haec scrupulositas interdum vexat nonnullos propter inordinatum amorem sui, quo magis timent Dei vindictam, infernum & iustitiam, quam ament ejus bonitatem. Et ideo ex servili timore sua cuncta agunt bona, & vitant mala. Quapropter non emendant fideliter defectus suos, ob quorum aculeos, & remorsum anguntur, nec Deo plene confidere possunt. Cum enim amor eorum ad Deum modicus sit, parvam generat confidentiam: sicut ediverso amor magnus magnam parit fiduciam. O beata spes! dummodo ex ea non tepeasca, sed ad majorem tui mortificationem, & omnium adversitatum tolerantiam, & gratitudinem exciteris.

Undecima est mortificatio omnis impatientiae cordis in omni externa adversitate, infans.

10. Ne angaris formulis.

11. Patiens.

408 EXERCIT. SPIRIT.

mia, derisione, contumelia, damno rerum, infirmitate, & poena corporis, persecutione, & derelictione mentis, quae tibi permissione divina accidere possit, quibus Deus cariores suos amicos probare solet: idque ex maxima caritate, pro ipsorum aeterna salute. In quibus & ipse dominus Jesus multipliciter probatus est, qui mansueto corde omnem sustinuit contumeliam, irrisionem, verbera, sputa, flagella, & crucis tormenta: quin & pro inimicis suis oravit, nec poterant tanta illi tormenta inferre, quin multo plura desideraret pati ob Patris honorem, & animarum salutem. Igitur haec omnia tibi quoque: toleranda sunt in primis, ne corde, verbo, aut opere ullum prae te feras rancorem, sive vindictam: secundo; ne amaritudinem, sive tristitiam, quae ex proprio oritur amore, in corde geras; sed gravioribus te malis dignum arbitrans, omnia humiliter sufferas, teque ad omnem futuram adversitatem voluntarie offeras: & tertio, ut per patientiam affectionis, quo conformeris dominicae passioni, omnia adversa cum magno desiderio expectes, & suscipias, plura semper tolerare paratus. Hinc magnam obtinebis divini amoris abundantiam, cunctas animae tuae vires penetrantem: adeo ut dolorem non sentias, sed persecutores tuos, velut intimos amicos magno amore prosequaris.

12. Volun-
tatem resi-
gna.

Duodecima est perfecta mortificatio omnis propriae voluntatis, cum plena tui resignatione ad omnem internam derelictionem, & pressuram sustinendam pro amore Dei. Quia igitur nihil homo pretiosius habet libero arbitrio, ex
cu-

cujus abusu mox omnia pullulant vitia , ideo si illud Deo resignaverit , protinus , subverso hoc fundamento , corrueant omnia vitiorum germina . Porro imperfectos juvat vovere alicui obedientiam , & se tradere alterius voluntati . Perfectis autem necesse est habere voluntatem submittendi se aliis , quando Deo placuerit . Omnibus autem hominibus expedit beneplacitam Dei voluntatem indefinenter intrinsecus observare & exequi . Obedientia igitur voti debet esse foris in operibus : & obedientia conformitatis intus in prompta voluntate conformandi se voluntati superioris sui ; idque pure pro amore Dei , absque ullo respectu gratiae humanae , ita ut inde exoptet potius abjici , & contemni , quam laudari , aut muneris quidpiam capere . Tertia autem obedientia , quae dicitur unionis cum Deo , tam perfecte unit voluntatem nostram divinae voluntati , ut una jam sit voluntas effecta : ita ut quidquid Deus circa nos fieri permittit , etiam in omni interna pressura , & desolatione , totum ex constitutione immensi amoris , & misericordiae Dei provenire fateamur , & summo suscipiamus affectu , quantumvis etiam arduum , ignominiosum , aut molestum sit in tempore , & aeternitate , juxta exemplar dulcis Jesu , qui ab agonia in horto usque ad mortem crucis omni affluentia sensibilis gratiae , quasi inimicus Dei fuisset , undique destitutus erat , stans in maximis poenis , in nudo dumtaxat essentiali amore perfecte resignatus .

His duodecim mortificationibus adeptis , jam sponte absque ullo medio vires animae nostrae

410 EXERCIT. SPIRIT.

strae fluere poterunt, & quiescere in Deo sua origine. Verum ut clarius dignoscas, qualiter verum amorem, et stabilem unionem inter Deum, & animae tuae vires possidere queas, videlicet in ornatu vitae activae per humilitatem, obedientiam, ceterasque virtutes morales, & in ejusdem profectu per fidem, spem, & dilectionem: atque in vita contemplativa spirituali per ignitas aspirationes, & dona Spiritus sancti, aliaque pia exercitia, observa diligenter quae in subiectis breviter explicata offendes.

AD VULNERA DOMINI JESU.

EXERCITIUM VII.

De odio omnium peccatorum, & acquisitione virtutum omnium D. Jesu.

Odi peccata

SEptimo exerceas te in vero, constantique odio omnium peccatorum, ita ut nunquam illa admittere velis, quantumvis etiam minuta fuerint, pro quocumque damno, vel scandalo, sive tormento evadendo. Omne namque vitium extirpatum sit oportet, antequam succedat virtus, & antequam in cor Jesu ad unionem spiritus intrare permittaris. Nihil ergo ita odies, sicut peccatum etiam exiguum, quia dividit inter Deum, & animam tuam.

Cole virtutes.

Secundo exercebis te in assidua perquisitione, & amore omnium, & singularum virtutum, quamlibet mirae, ac multiplices fuerint: immo si scires, singulas guttas maris esse virtutes, labo-

börandum tibi foret pro iis omnibus obtinendis , pro summo Dei honore . Enimvero totum corpus tuum Christo crucifixo semper , & ubique , quantum tibi possibile fuerit , conformando , virtutibus exornes , et crucifigas oportet , juxta exemplar corporis Christi Jesu , qui semper crucifixus vixit , et crucifixus ex hoc seculo migrare voluit , idque ex suo infinito ad nos amore , qui semper in eo recens fuit , instar amoris novi sponsi . Idcirco noster amor semper recens esse debet erga ipsum , instar novi amoris , quem gerit fidelis sponsa erga amantissimum sponsum . Et ex isto amore sugere , et in nos attrahere debemus ex illius corpore has quinque nobilissimas virtutes cum filiabus suis , easque ita fortiter imprimere in animam , et corpus nostrum , ut instar stellarum semper reluceant ex nobis .

Primam virtutem , videlicet veram humilitatem , portabis in pedibus tuis : rogabisque dominum Jesum per vulnera sanctissimorum pedum suorum , et per infinitam humilitatem suam , quam semper exhibuit , praesertim in assumpta humanitate , ut tibi concedat in omnibus tam humilem existere , quantum ejus gratissima voluntas a te exigit . Hanc autem humilitatis virtutem tum demum perfecte adeptus eris , cum semper ingemiscis , plangis , et contristaris , quoties tibi beneficium aliquod , aut honor exhibetur , quo te nimirum indignum recognoscas : et cum perfectum in te desiderium omnis contemptus perseverat inter omnia scandala , injurias , contumelias , poenas , et dolores , quae tibi irrogantur , quibus te dignissimum judicabis .

I. Humilitatem .

Hu-

412 EXERCIT. SPIRIT.

Et ejus filias .

Humilitas deinde parit tres filias , videlicet Obedientiam , Patientiam , Custodiam linguæ . Verus obediens , non solum obedit suo superiori , et promissis , seu votis suis , sed etiam omnibus creaturis . Verus patiens portat , et suffert omnia pro honore et amore Dei , quantumvis aspera sint , quæ Deus ipsi evenire permittit . Etenim attendit , quam patienter Dominus Jesus omnes suas cruces pertulerit nostra salute . Humilis interdum non multa loquitur , quamvis sit sapiens , et eruditus , quia locutione non omnia obtinentur , meliusque fuerit bene vivere , et paucis dicere quod noris . Et ideo verus humilis parum loquitur , obediens , et patiens est , atque custodit linguam suam .

2. Sapientiam .

Secunda principalis virtus est vera sapientia , in omnibus cogitationibus , verbis , et operibus tuis exercenda : quæ tam fortiter ac rationabiliter te gubernabit , ut nihil liceat tibi cogitare , loqui , neque agere , quantumvis etiam paruum sit , ut est articulum aliquem corporis movere , nisi ex vera ratione , et permissu Dei . Hanc sapientiae virtutem portabis in capite tuo , imprimesque caput tuum in transfixum caput Jesu Christi , obsecrando eum per dolorem sanctissimi capitis sui , ut tuum caput sua divina sapientia exornare velit , quantum ipsi visum erit , et sciverit tibi necessarium fore , pro suo summo honore , tuaque , et proximi tui salute . Enimvero sapientia maxime necessaria est ad omnem spirituales vitam , ordine , ac juxta rationem instituendam , et consummandam .

Et ejus filias

Sapientia generat tres filias , videlicet Ti-

morem Domini, Discretionem, & Simplicitatem. Sapiens Deum nunquam offendit: quia qui peccat, sapiens non est: & ubicunque vera habitat sapientia, ibi etiam timor domini invenitur. Et hoc timore oportet nos semper ornatos esse, more filiali, non servili. Inde suapte sponte sequitur Discretio, quae medium virtutis, modumque, & mensuram in omnibus servare contendit, ne quid nimis, minusque justo agens, Deum offendant. Sancta autem simplicitas est, omnem duplicitatem, & multiplicitatem, & curiositatem vitare, & uni summo bono inhaerere, & omnia bona, & mala immediate a Deo, & non a creaturis recipere, & rursus in Deum referre, sapienterque in omnibus voluntatem & ordinationem Dei observare, Deoque, & omnibus creaturis propter Deum obedire, simpliciter & perfecte omnia in Deo resignato animo faciendo, cum suavitate, non cum impetu: quia Deus omnia operatur, si ei locum demus. Absque simplicitate sapientia esset nimis curiosa, & superba. Ubi autem verus timor, prudens discretio, & pura simplicitas possidentur, error, aut peccatum haud facile subrepere poterit.

Tertia principalis virtus est vera Caritas ^{3. Caritatē.} Dei. Hanc virtutem portabis in corde tuo: attendensque transfixum cor Jesu Christi, cor tuum in illud imprimes, obsecrabisque eundem per amorem divini cordis sui, & per humanum transfixum cor suum, ut per eadem largiri tibi dignetur perfectum sui amorem.

Caritas Dei parit has tres filias: Fidem, Et ejus filias
Spem, & in omnibus virtutibus Perseverantiam.

Sed

414 EXERCIT. SPIRIT.

Sed hinc omnis nostra exoritur defectio , quæ non perseveramus , eo quod caritas nostra satis magna non est, quæ perseverantiam parere possit . Nam qui ex vera caritate rem aggreditur , quantumvis arduam, & mirabilem , non cessabit donec eam obtinuerit : quia caritas gignit fidem , qua mira operari possumus, sicuti etiam per spem firmam in Deum , qua habitamus confidentes in adiutorio altissimi , non in nostris viribus .

4. Justitiam.

Quarta virtus principalis est Justitia , quam portabis in manu tua dextera : attendesque dexteram Jesu Christi , quomodo propter justitiam clavis affixa fuit cruci : obsecrans ipsum ferventer per acerbissimam poenam , quam sustinuit in vulnere manus suæ dexterae propter justitiam , & per amorem , qui ipsum hanc sustinere coegit, ut tibi dare dignetur veram justitiam in omnibus operibus tuis : ut reddas Deo , quæ illi debentur , videlicet omnem honorem, & gloriam , & gratiarum actionem in omnibus cogitationibus, verbis, & operibus tuis : similiter tuo superiori , & aequali , & inferiori , quæ illis debentur : & corpori tui in cibo , potu , vestibus, & aliis necessariis non plus , nec minus , quam tenearis .

Et ejus filias

Justitia parit tres filias , Misericordiam , Veritatem , & Gratitude[m] . Justitia est mirabilis virtus , quæ dat unicuique, quod illi debetur , & parit misericordiam . Vera misericordia primum misereretur animæ proximi , ut si verbi gratia, pauper eleemosynam a te petierit , principio ipsi , si opportune potueris, & fructum spesces , cognoverisque illum aliquo vitio laborare, aut

aut periclitari, spiritualement eleemosynam imper-
tiri teneris pro cibo animae, quae primo loco
tibi pascenda est, ubi defectum, vel penuriam
patitur, quae melior est corpore. Justitia etiam
veritatem parit, quae in omnibus Deum quae-
rit. Parit etiam gratitudinem. Nec enim fieri
potest, quin justus gratias agat Deo, & omni-
bus, qui ipsi viam monstrarunt ad Deum, & coo-
perati sunt pro salute animae saae.

Quinta virtus est vera, & divina fortitudo
in omnibus virtutibus adimplendis, & in omni-
bus vitiis eradicandis. Vera fortitudo nihil cu-
rat, neque timet diabolum, nec homines, ne-
que mundum, neque propriam carnem, sed
confidenter procedens, & pertransiens, facile
contemnere potest omnia propter Deum, a
quo fortitudinem illam accepit. Quum autem
tentatio aliqua hominem apprehenderit, qua
pene in ruinam impellitur, tum divina fortitu-
do homini succurrit, suggeritque dicens: quid-
nam vis agere? Vis Deum tuum offendere?
Quorsum tendis? Ubi, & sicuti jam bene es, ita
permaneam, ne deteriora tibi contingant. Hanc
verae fortitudinis virtutem portabis in sinistra
manu tua: attendensque sinistram manum Jesu
Christi, ipsum obsecrabis per dolorem hujus
vulneris sui, & per mirabilem fortitudinem, quam
in omnibus operibus suis exhibuit, ut veram ti-
bi fortitudinem infundere dignetur, quanta tibi
necessaria est pro ejus summo honore, & tua sa-
lute.

§. Fortitu-
dinem.

Fortitudo has tres generat filias, videlicet Et ejus filias
Castitatem, Sobrietatem, Paupertatem. Ho-
mo

416 EXERCIT. SPIRIT.

mo fortis nusquam haeret, neque moratur, sed fortiter pertransit universa, quae in mundo sunt, quasi ad eum non pertinerent: neque veretur aquam adire, & ignem, divino adjutorio fretus, donec obtinuerit, quod desiderat. Homo fortis facile in omnibus contentus est, etiam frusto panis, vestitu simplici, & vili supellectili: quandoquidem itudet aequabiliter Deo omni tempore adhaerere. Idcirco castitatem generat, quia omnem immunditiam Deo exosam detestatur. Sobrietatem quoque parit, quia nullam sciens admittit superfluitatem. Paupertatem autem, producit, quia nullam omnino rem mundi vult possidere. Et revera paupertas voluntaria mirabile, & optimum est medium ad Deum possidendum.

Et has, quas praediximus, virtutes omnes domini nostri Jesu Christi, per totam vitam tuam ab ipso postulare, & tuo corpori, et animae imprimere debes: conformando te in his virtutibus domino Deo tuo pro te crucifixo, quantum tibi possibile fuerit: semper et ubique imaginem crucifixae vitae, et mortis suae in ipsis, quas praediximus, virtutibus, aut saltem in quinque illarum praecipuis contemplando, et imitando, teque in ejus cruce extendendo, et configendo: ita ut quocunque te vertas ad dextram, sive ad sinistram, semper unam ex virtutibus Jesu, in ea, quam tunc attendis, parte corporis tui videas collocatam, et tibi imitandam. Neque enim Dominus Jesus ullum suae mortis vult facere participem, qui propter ipsum carnem cum vitiis, et concupiscentiis suis crucifigere, et mori re-

recusaverit . Porro quamvis nostrae vilissimae carnis crucifixio, et mors nihil penitus sit comparatione crucis, et mortis Dei nostri, dignatur tamen mitissimus Dominus ex infinita pietate sua gratas habere modicas cruces, quas amore sui sponte tollimus, aut ipsius promissione per internas derelictiones, et tentationes, aut per externas injurias, pressuras, et dolores nobis impositas portamus . Nam aequè gratum illi est, undecunque super nos cruces ceciderint, modo propter ipsum nostrae propriae voluntati, siue cupiditati moriamur .

Istud vero VII. exercitium, una cum VIII. exercitio sequenti, postquam semel diligenter peregeris, et bene imbiberis, deinceps usque ad finem vitae tuae non deseres . Quinimo habitualiter in animo tuo omni loco, et tempore circumferes : et semel in die devote exercebis : et tempore tentationis, aut ariditatis, pro scuto, et excitamento fervoris arripere non negliges : ut sic Christum induere, in ipsum transformari, et per ejus humanitatem in divinitatem intrare merearis : ut tu de cetero maneat in Deo, et Deus in te . Inspice igitur, et fac omnia secundum exemplar, quod tibi in monte Calvariae monstratum est a monte montium, sancto sanctorum, summo sacerdote Christo Jesu, imprimendo perfectissimas virtutes ejus exteriori homini, et infinitam caritatem ejus tuo homini interiori,

418 EXERCIT. SPIRIT.

IDEM EXERCITIUM

In orationis formulam practice redactum ,
mente tamen exercendum , pro
virtutibus Jesu impetrandis .

Ad pedes Jesu ,

Petitio Hu-
militatis ,

O Dulcissime Domine Jesu Christe , obsecro
te per vulnera , et dolorem sanctissimorum
pedum tuorum , et per amorem , qui te hunc pro
nobis sustinere coegit , et per profundissimam
humilitatem tuam , quam semper exhibuisti ,
praesertim in assumpta humanitate tua , da mihi
intimam cordis mei in conspectu tuo submissio-
nem , qua tuae infinitae majestatis dignitatem ,
et humiliationem , et eregione extremae vili-
tatis meae abyssum , meumque nihilum clare
cognoscens , omni tempore , sub omnibus crea-
turis , corde , et animo , et etiam quoties expe-
dit , opere me profundissime humiliem , odiam ,
et adnibilem , et ab omnibus hominibus , velut
turpissimum lutum platearum , contemni , et con-
culcari cupiam ; et aliquid beneficii , aut honoris
a creaturis recipere doleam , et refugiam . Hu-
millima quoque verba proferam , et meam mul-
tiplicem culpam libenter absque ulla excusatione
agnoscam . Et de mea virtute desperans , haec
verba mihi medullitus infixata retineam , videli-
cet : Nihil sum : Nihil habeo : Nihil praeter unum
concupisco ; in vilissimum meum nihilum , in
infernum inferiorem me justissime , et profundis-
sime demergens , et collocans .

Da

Da etiam mihi imitari tuam simplicem obedientiam per flexibilem promptae voluntatis meae subjectionem, ita ut nunquam fatiger in abnegando meam propriam voluntatem, in subdendo carnem spiritui, & in observando, & adimplendo humiliter tuum beneplacitum intus, & in obediendo non solum superioribus meis, sed etiam omnibus creaturis, quantum licuerit foris: ita ut nihil unquam cum proprietate, & adhaesione faciam, sed perpetua quadam mentis submissione ad pedes tuos jacens, nihil de me, & creaturis omnibus in tempore, & aeternitate desiderem, nisi tuam sanctissimam nosse, & exequi voluntatem, dicendo semper in desiderio animae; Domine, quid me vis facere? omni mea voluntate in tuam voluntatem transfusa, penitus amissa, & ad nihilum redacta,

Petitio Obedientiae.

Da quoque mihi imitari tuam stupendam patientiam, & mansuetudinem, qua omnem paupertatem, contumeliam, poenam, & dolorem de manu paternae providentiae tuae aequali, & grato animo suscipiam, & majoribus malis me dignissimum agnoscens, graviora semper pati desiderem, & adeo longanimiter ex desiderio conformitatis crucifixae vitae, & mortis tuae ea omnia sufferam, ut nihil in me notetur humanum, sed sit vita mea tecum abscondita in Deo.

Petitio Patientiae.

Da mihi tui exemplo humilem taciturnitatem, qua intus tua verba diligenter auscultans, foris ab omni otioso, mendaci, & noxio verbo loquendo, vel audiendo stricte abstineam: & sola necessaria, & utilia paucis humiliter dicam, magisque cures bono exemplo docere, quam verbo.

Custodiae linguae.

Ad Caput Jesu .

Petitio Sa-
pientiae ,

O Dulcissime Domine Jesu Christe , obsecro te per acerbissimum dolorem vulnerati capitis tui , & infinitum amorem , qui hunc te subire coegit , imprime caput meum in spinis compunctum caput tuum : & exorna caput meum tua divina sapientia , quantum mihi expedit pro tua gloria , et mea salute ; (nam haec virtus mihi ad spiritualem vitam maxime necessaria est) : et per eandem me foris , et intus ita gubernare digneris , ut nihil unquam cogitem , dicam , agam , aut patiar , quantumvis exiguum , nisi expensis primum illius circumstantiis , et sine , ex illuminata per te ratione , et interna tua licentia , hoc tibi placitum cognovero . Intellectum quoque meum per eandem clara tuae bonitatis , et voluntatis , et eregione meipsius , et omnium rerum vilitatis , ac nihili cognitione illustra . Et affectum meum tuae dilectionis , et dulcedinis gustu , insatiabili quoque te honorandi , et me contemnendi desiderio inebria : et terrena omnia mihi in amaritudinem converte , meque surdum , caecum , et mutum ad omnia , quae tu non es , potenter effice , tanquam mox ex hoc seculo migraturum .

Petitio Ti-
moris Dei ,

Da mihi filialem tui timorem , perpetuum-
que odium omnis peccati etiam minimi , stric-
tamque mei interioris , et exterioris hominis cu-
stodiam , ut semper uno oculo introverso
verba , et opera mea praecogitem , et ante singu-
la tuum divinum auxilium devotus invocem : et
mox

mox ubi aliquid rationi contrarium deprehendero , statim cessem , ne gratiam tuam amittam , aut oculos tuae pietatis offendam .

Da mihi claram spirituum discretionem , Petitio Discretionis .
qua omnes laqueos diaboli , proprias quoque naturae quaesitiones , errores , & excessus limpi-
de cognoscere , & vitare , & universa , quae mihi incumbunt , prudenter advertere , recte discernere , & suis debitis modo , ordine , tempore exequi valeam : & inter plus , & minus , medium virtutis attingam .

Da mihi sanctam parvulorum simplicitatem , Petitio simplicitatis .
qua ab omni duplicitate , & multiplicitate , curiosa quoque perscrutatione in intellectu ; proprio amore , & quaesitione in voluntate ; cogitationibus , curis , & imaginibus in memoria denudatus , clausisque , & introversis sensibus , & viribus meis , sedulus mei ipsius inhabitator effectus , simplici cogitatione , & desiderio , uni tibi simplici Deo adhaeream , reverenterque in praesentia tua ambulem , sollicitus servare unitatem spiritus in vinculo pacis . Et sic omnes cogitationes , verba , & opera mea diligenter observem , & ex simplici sub te , & aliis hominibus obedientia , absque adhaesione , in te , & per te perficiam . Et omnia accidentia bona , & mala de manu providentiae tuae immediate suscipiam , & referam in te : & ad singula me statim in meum nihilum introrecipiam , & tibi primum ex illis laudem debitam offeram : deinde attendens , quid per ea a me fieri velis , sive quorsum haec mihi serviant , aut me moveant , videlicet ut orem , aut gratias tibi agam pro aliis , aut pro me propter bona data ;

422 EXERCIT. SPIRIT.

aut mala permissa, sive ablata: vel ut meipsum humilem, custodiam, & resignem, aut certe ut agnoscam, & emendem culpam, infirmitatem, aut negligentiam: sive ut aliud quippiam faciam: (nam sine causa nihil mihi, aut ulli creaturae permittis accidere); haec, inquam, vigilanter advertens, aliquam ex singulis eventibus virtutem hauriam, et tuam voluntatem in omnibus sapienter, et simpliciter adimpleam, omnem propriam quaesitionem semper, et ubique repudiando.

Ad Cor. Jesu.

Peritio Caritatis.

O Dulcissime Domine Jesu Christe, obsecro te per ardentissimum divini cordis tui amorem, et per humanum transfixum cor tuum, et pressuras ejus, imprime cor meum in transfixum cor tuum, et reple illud perfectissima caritate, quae omnem privatum amorem erga meipsum, et creaturas in me funditus occidat: et sagitta tui igniti amoris adeo vulneret, et accendat, ut te dulcissimum Dominum Deum meum ex toto corde, ex tota anima, ex tota mente, et ex omnibus viribus meis, pure propter bonitatem tuam, absque ulla retributionis contemplatione, perfectissime diligere, magna dimittere, operari, et pati valeam ex amore propter te, et in his perseverare usque in finem. Et flammigeris, infinitisque desideriis, et orationibus, pro perfecta mei abnegatione, et amorosa tecum unione obtinendis, ad te indefinenter suspirem, clamem, et pulsem: teque semper cogitem, te loquar, te esuriam, et sitiam,

te

te quaeram, et inveniam, donec totus in te transformatus unus tecum spiritus fiam, in te perpetuo manens, et tu in me. Da mihi quoque eadem caritate diligere omnem hominem in te, et propter te, sicut meipsum.

Da mihi fidem vivam, et fortem, quae mi- *Peritio Fi-*
ra, et grandia operetur pro honore tuo: atque dei. *intentionem rectam fidei lumine illustratam, Intentionis.*
intentionem rectam fidei lumine illustratam, quae in cunctis agendis, sive tolerandis, simplicem purae mentis oculum ad tuam gloriam, et beneplacitum dirigat, et omnem quaestionem naturae ad seipsam reflexae protius rescindat, rejiciatque.

Da mihi firmam ad te spem, et confidentiam; *Spei.*
qua anima mea supra omnem labentium rerum vicissitudinem in te levata, universos motus suos absque sollicitudine, et imaginum attractione, adeo pure in te manens exequatur, ut amorosum in te influxum nunquam impediat, vel amittat, sed etiam inter adversa, et pericula quaecunque plena fiducia tuam providentiam longanimiter expectet: atque orationes suas propter infinitam bonitatem tuam exaudiendas humiliter speret, absque haesitatione ulla habitans in adiutorio, et protectione tua.

Da mihi stabilitatem, et perseverantiam ex *Perseverantia.*
forti amore procedentem, qua continuo proficiendi studio juxta sanctissimae vitae tuae speculum saepius attendendum, quae retro sunt, oblitus, me in anteriora extendam, frequenter discutiam, et saepius distractus, novo fervore ad te revertar, et per aquam, et ignem transiens, usque in finem perseverem.

Ad Dexteram .

Petitio Ju-
stitiae .

O Dulcissime Domine Jesu Christe , obsecro te per acerbissimum dolorem , quem sustinuisti in vulnere manus tuae dexterae , et per infinitum amorem , qui hunc te sustinere coegit propter justitiam , pro nostri redemptione da mihi perfectam justitiam , qua tibi Deo meo omnem attribuiam honorem , gloriam , et gratiarum actionem , atque obedientiam in omni cogitatione , verbo , et opere meo : et meis superioribus , aequalibus , et inferioribus , animae quoque , et corpori meo reddam , quae illis debentur . Omnia vero debita , quae juxta statum meum mihi solvenda incumbunt , tempore congruo summa cum devotione persolvam , et prohibita fugiam : atque pro omnibus peccatis , et negligentis meis , poenitentiae , et amoris lacrymis quotidie me ipsum mactans , in hoc saeculo per meritum passionis tuae expurger : sicque digne ambulem vocatione , qua vocatus sum , ut creaturam decet rationalem .

Petitio Mi-
sericordiae .

Da mihi quoque imitari propensissimam misericordiam , compassionem , benignitatem , et liberalitatem tuam erga omnes homines etiam meos adversarios , ut nemini unquam irascar , sive succenseam : neminem odiam , judicem , contemniam , contristem , neque laedam ; sed omnes sine personarum acceptione , materno affectu in te diligam , et honorem : omnibusque , praesertim afflictis , tentatis , et inimicis , fideliter serviam , benefaciam , et oratione , et subsidio quocun-

cunque pro viribus succurram : animarum salutem ante omnia sitiam, et quaeram, atque pro eorum malis intime doleam, et orem; et pro bonis gratias agam, sicut pro meipso fieri optarem.

Da mihi imitari tuam veritatem, et strenuum zelum contra mea, et aliorum vitia, qui pro tui honore, et animarum salute me totum comedat, et vitam meam, et opera cum corde, et verbis apte consentire faciat, et sanctissimae vitae tuae virtutibus ubique conformet.

Petitio Veritatis, & Zelus.

Da mihi intimam gratitudinem, qua omnia beneficia abs te, et a creaturis mihi impensa humaniter recognoscam, digne ponderem; et summa devotione te laudando, tibi gratias agendo, tuae bonitati (ex qua manarunt) pure absque ulla subtractione adscribere illa, et accepta referre studeam, et me velut omnibus indignum, et abutentem, in profundum meum nihilum demergam, in nullo prorsus dono tuo vel modicum oblectari, aut requiescere praesumens.

Gratitudo.

Ad Sinistram.

O Dulcissime Domine Jesu Christe, obsecro te per dolorem, quem sustinuisti in sinistra manu tua, & per mirabilem fortitudinem tuam, quam exhibuisti in omnibus operibus tuis, infunde mihi tantam fortitudinem, quanta mihi necessaria est pro tua gloria, & mea salute, qua dominari valeam animo meo, viribus quoque, & sensibus meis, ita ut neque homines, neque daemones, nec mundum, nec carnem propriam timens, confidenter pertranscam, & con-

Petitio Fortitudinis.

te-

426 EXERCIT. SPIRIT.

temnam universa, tanquam ad me non pertinentia, propter te, qui mihi hanc fortitudinem dedisti, & nunquam haeream, neque cessem, donec obtinero, quod desidero, videlicet ut unus tecum spiritus sim, & maneam.

Petitio Castitatis.

Da mihi tuam amabilem imitari castitatem corporis, & puritatem cordis, qua omnem immunditiam vehementer detestans, universas cogitationes, & sensus meos ab omni peccato, & ejus occasionibus, & ab omni impuritate, & adhaesione creaturarum indefinenter custodiam, & ab immundis incidentiis, sine mora, forti ad te cordis conversione, quoties inciderint, integra voluntate semper recurram, atque sic nudo intellectu, & affectu tibi semper adhaeream.

Petitio Sobrietatis.

Da mihi imitari tuam sanctissimam sobrietatem, qua omnes vires, & affectus animae, & sensus corporis mei ab omni inordinata delectatione, & superfluitate restringam, & mortificem: & sola necessaria, absque desideriiis, cum magno tui timore, & affectus aversione moderate usurpem, supremis animae viribus in amorosa tui unione fortiter permanentibus, & ad te suspirantibus.

Petitio Paupertatis.

Da mihi imitari quoque tuam voluntariam paupertatem, quae mirabili compendio hominem in Deum ducit, & da mihi per illam ab omni amore, adhaesione, & delectatione in donis tuis spiritualibus intrinsicis, & ab omni affectu rerum temporalium extrinsecus adeo nudum, & absolutum, & pauperem spiritu fieri, & manere, ut etiam rebus necessariis utar cum dolore, & fastidio: & nihil unquam possidere desiderem, sed

sed nudus intra nuda brachia tua crucifixus requiescam, nihil in me reservans, nisi intentionem tibi placendi, & locum dandi, quo id poterō, modo perfectissimo.

IDEM, SED BREVIUS.

Ad vulnera pedum Jesu.

G Ratias tibi ago humillimè, Jesu, pro incomprehensibili amore, & dolore vulnerum, sanctissimorum pedum tuorum: simulque in ea projicio meipsum totum, et omnia peccata, et delicta totius anteaetæ vitæ meæ præsertim omnem meam

1. Superbiam, vanam gloriam, et arrogantiam:
2. Voluntatem propriam, inobedientiam, irreverentiam erga te, tuosque vicarios:
3. Impatientiam, iracundiam, et rancorem:
4. Loquacitatem, detractionem, vitiaque his cognata: ut aboleantur, et expientur precioso sanguine tuo; obsecrans te per ineffabilem humilitatem, obedientiam, patientiam, et taciturnitatem tuam, ut has easdem virtutes, et omnes earum species mihi largiri digneris: quo per gratiam tuam in cunctis deinceps verbis, cogitationibus, et operibus meis sim vere
1. Humilis, subtus omnem creaturam, ad nihilum me redigendo:
2. Obediens, sub te, et omni homine, propriam voluntatem meam abnegando:
3. Patiens, omnia adversa de manu tua avidè recipiendo:
4. Ta-

428 EXERCIT. SPIRIT.

4. Taciturnus , solis tuis verbis in silentio intus auscultando :

Atque in omni vita , maxime terribili mortis hora , sit mihi certum in his sacris vulneribus refugium .

Ad Caput .

Gratias tibi ago, sapientissime Jesu, pro amore, et dolore sacrosancti capitis tui crudelissime spinis compuncti, et dire caesi: simulque in ejus innumera vulnera infirmum caput meum cum viribus, et sensibus meis, et omnia peccata, et delicta mea projicio, praefertim

1. Omnem proprii sensus, & prudentiae pertinaciam, sensuum abusum, & dissolutionem :
2. Timoris tui neglectum, adulationem, & timorem hominum :
3. Indiscretionem, & immoderationem meam, multam :
4. Impuram intentionem, & propriam quaestionem, vitiaque cuncta huc pertinentia : ut expientur precioso sanguine tuo . Obscuroque te per ineffabilem sapientiam, timorem, discretionem, & simplicitatem tuam, ut has eadem virtutes, & omnes earum species mihi largiri digneris : quo per gratiam tuam in cunctis deinceps cogitationibus, verbis, & operibus meis sim vere
1. Sapiens, nudis intellectu, & affectu tibi adhaerendo :
2. Pie metuens, ne te offendam, foris, & intus me observando .
3. Di-

3. Discretus , inter extrema medium virtutis attingendo :

4. Simplex , & introversus , in te uno habitando , teque solum pure quaerendo :

Atque in omni vita , praesertim mortis angustiis , sit mihi certum in tuo vulntrato capite refugium ,

Ad dulcissimum cor Jesu .

G Ratias tibi ago , amantissime Jesu , pro infinito amore , & dolore dulcissimi cordis tui lancea militari sub aspectu tristissimae matris tuae dire confossi : simulque in ipsum totius boni fontem , totum cor meum cum omnibus affectibus suis commendo , projicio , & resigno , atque una omnia peccata , & delicta mea , praesertim

1. Omnem amorem privatum , & vitiosum quarumlibet rerum creatarum ; Sacramentorum , donorumque tuorum abusum , & negligentiam :
2. Dissidentiam , infidelitatem , et errores :
3. Temeritatem , pusillanimitatem , et desperationem :
4. Eorum , quae status mei sunt , incuriam , & instabilitatem , viciaque cuncta huc pertinentia : ut aboleantur , et expiantur precioso sanguine tuo . Obsecroque te per ineffabilem caritatem , fidem , spem , et constantiam tuam , ut has easdem virtutes tuas , et omnes earum species mihi largiri digneris : quo per gratiam tuam , in cunctis deinceps cogitationibus , verbis , et operibus meis sim vere

430 EXERCIT. SPIRIT.

1. Fervidus, te unum totis viribus diligendo, et suspirando :
 2. In prosperis, et adversis plena fide, et spe tibi innitendo, et adhaerendo :
 3. Stabilis, continuo proficiendi studio me extendendo :
- Atque in omni vita mea, maxime tremenda, mortis hora, sit mihi securum in hoc fidissimi cordis tui vulnere refugium .

Ad dexteram .

G Ratias tibi ago, justissime Jesu, pro incomprehensibili amore, et dolore vulneris sanctissimae dexterae tuae : atque in ipsum me totum projicio, ac omnia peccata, et delicta mea : praesertim

1. Omnem meam injustitiam erga te, et creaturas tuas :
 2. Cordis asperitatem, displicentiam, et invidiam :
 3. Falsitatem, mendacium, et hypocrisim :
 4. Ingratitudinem erga tua, et tuorum beneficia : ut aboleantur et expiantur precioso sanguine tuo . Obsecroque te per ineffabilem justitiam, misericordiam, veritatem, et gratitudinem tuam, ut has easdem virtutes, et omnes earum species mihi largiri digneris : quo per gratiam tuam in cunctis deinceps cogitationibus, verbis, & operibus meis sim
1. Justus, unicuique jus suum tribuens :
 2. Misericors, omni creaturae bene volens, et faciens :

3. Verax , et zelosus , me totum tuo exemplo conformans :
 4. Gratus , te semper benedicens , et benefactoribus vicem retribuens :
- Atque in omni vita mea , maxime pavenda mortis hora , sit mihi certum in hoc sacro vulnere refugium ,

Ad laevam .

G Ratias tibi ago, fortissime Jesu, pro incomprehensibili amore , et dolore vulneris sinistrae manus tuae : atque in ipsum me totum projicio , et omnia peccata , et delicta mea , praesertim

1. Omnem ignaviam , torporem , et temporis perditionem :
2. Impuritatem mentis , et corporis :
3. Intemperantiam cibi , potus , et aliorum necessariorum ,
4. Avaritiam , et cupiditatem , vitiaque huc pertinentia : ut aboleantur , et expientur precioso sanguine tuo . Obsecroque te per ineffabilem fortitudinem , puritatem , temperantiam , et paupertatem tuam , ut has easdem virtutes , et omnes earum species mihi largiri digneris : quo per gratiam tuam , in cunctis deinceps cogitationibus , et verbis operibus meis sim vere
1. Fortis , nusquam haerens , sed caduca omnia despiciens :
2. Castus , sensus , et vires meas in puritate custodiens :

432 EXERCIT. SPIRIT.

3. Sobrius , sola necessaria cum timore percipiens :

4. Pauper spiritu et rebus , in te solo quiescens :
Atque in omni vita mea , praesertim tremenda mortis hora , sit mihi certum in hoc sacro vulnere tuo refugium .

Ut autem jam dicta omnia impetrare dignus sis , efficiat apud te , Deus meus , singulare praesidium infirmitatis nostrae dulcissima mater tua , semperque virgo Maria , cujus ista sanctissimis , ac nitidissimis manibus commendo , ut per eam admitti mereantur in conspectum tuum , mihiue veniam reportent , & gratiam . Amen .

EXERCITIUM VIII.

*De pleniori conformatione, & transformatione
in Crucifixum .*

O Ctavo exercebis te in integra , acutaque meditatione vitae , & passionis Christi , imprimendo vitam , passionem , & mortem ejus profunde in animam , & carnem tuam , ut semper , sicut lucerna , ex te relucere possint , & de illis semper cogites , & loquaris . Quia Christus Iesus per easdem nos redemit , quando diabolus nos ut servos possedit , ut nunc ad patrem pertineamus , qui nos per unigenitum filium suum emit , solvendo per eundem debita nostra , quibus illi eramus obligati . Et hujus maximi beneficii gratia perpetuo manemus illi debitores . Quod si debitum hoc grate , ac pie eidem solvere veli-

velimus, vitam, passionem, & mortem ipsius in animae nostrae vires, corporisque sensus, & carnem imprimamus, assumamus, & imitemur oportet, quasi unum cum vita, & passione ipsius effecti. Et sic debitum, quod ipse pro nobis solvit, illi utcumque rependimus. Ut autem, **Christo passio conformare.** perfecte idipsum implere valeas, necesse est, ut omnes cogitationes, verba, opera, & mores tuos adeo conformes cogitationibus, verbis, operibus, & moribus Jesu Christi, ut ubicunque visus, auditus, sive tactus fueris, nihil in te inveniatur, nisi quod fuit in Christo Jesu. Et tum demum videbitur in te, quod sis vere Christianus.

Insuper quoniam illi similes sumus in humana natura, oportet ut nostram naturam ejus **Cum illo te crucifige.** exemplo crucifigamus, eo quod ipsa peccatum sponte elegerit: quemadmodum idem nos hortatur in evangelio, dicens: *Abnega te ipsum, & tolle crucem tuam, & sequere me.* Per hoc enim jubet, ut corpus, naturam, & sensualitatem nostram per veras virtutes crucifigamus. Animas quoque nostras conformabimus tristissimae animae Christi, dolentes semper de inhonoratione Dei, animarum perditione, ac nostris, & omnium hominum peccatis: quia, quantum in istis deficimus, tantum manemus Domino Deo nostro debentes. Certe fidelis amator Jesu tam profunde sese immergere, & imprimere debet in vitam, & passionem ejus, ut eandem semper sentiat sibi magis praesentem, & infixam, quam suam propriam crucem, & afflictionem. Immo si singulari poena ipse in aliquo

E c

mem-

434 EXERCIT. SPIRIT.

membro torqueretur , magis tamen sentire deberet passionem Christi , quam dolorem , quem in praesentiarum in ejusmodi suo ipsius membro pateretur . Idcirco magno desiderio orare non desinet Dominum Jesum , ut ipsum per ardentem , elevatum , & resignatum spiritum , tristem , compatiëntem , & mortificatam animam , per afflictum , laboriosum , & excruciatum corpus suae sanctissimae crucifixae humanitati perfectissime conformare dignetur : et ad minus aliquo continuo dolore corporali omni monere tempore , ut suae passionis nunquam obliviscatur , ut ipse in eo requiescere , et operari delectetur absque ullo impedimento ,

• Beatissimam igitur Domini Jesu passionem exercere debemus primo ad imitandum , secundo ad compatiendum , tertio ad admirandum , quarto ad exultandum , quinto ad resolvendum ,
x. Imitando, sexto ad quiescendum . Primo eam consideremus ad imitandum , quia ipsa est summa , et perfectissima Christiani hominis imitatio , Haec est enim summa , et sanctissima religio , et religiosa perfectio : haec est regula , et exemplar perfectionis omnis vitae , et virtutis , imitari Christum in passione , et morte sua . Sit ergo regula nostrae vitae passio Salvatoris , in qua tanto amplius consolemur , quanto perfectius Christo conformamur : et tanto amplius desolemur , quanto longius ab hoc exemplari , & regula separamur . Semper ergo , quantum in nobis est , optemus , ab omnibus conculcari , deijci , vilipendi , illudi , affligi , flagellari , & in divinis obsequiis ab omnibus exprobrari . Simus nudi cum nudo , & nihil
 omni-

omnino habere cupiamus ; immo habere aliquid sit nobis gravissima poena , & dolor immensus : nihil vero habere , perfecta exultatio . Abhorreamus dulcia , & delectabilia degustare ; & potius velimus vilibus , & amaris refici , & desideremus , quod quaelibet cibaria felleum potius , quam melleum nobis adferant saporem , quia Christus Jesus felle , & aceto pro nobis fuit potatus . Et ut breviter dicam , consideremus qualiter ipse in passione sua se habuit , & conformemus nos eidem pro modulo nostro , quantum poterimus : ea tamen servata ubique moderatione , ut ne excedamus mensuram infirmitatis nostrae .

Secundo exerceamus nos ad compatiendum Domino nostro innocentissimo , considerantes ipsius flagella , illusiones , & opprobria , & in corde nostro ruminantes , quanta fuit in ejus passione dejectio , & contemptus erga Dominum nostrum Jesum Christum , quantus dolor , quanta afflictio in corpore , & corde Jesu tam ratione propriae passionis , quam erga nos compassionis ob peccata nostra . Consideremus quanta tunc amaritudine repleta fuit angelorum dulcedo , quantumque aggravabat eum non tantum poenae illatio , & nostra ingratitude , sed & assistentis matris afflictio , quam tenerrime diligebat , & quasi deficere prae compassionis dolore videbat . Ibi filius crucifigebatur cum matre , quia propter nimiam , & ardentissimam dilectionem ex compassione mutua erat nimia afflictio utriusque : idque maxime cum pro se invicem paterentur . Sciebat mater , quod filius pateretur pro se . i . matre , sicut pro reliquis redimen-

2. Comp
tiendo .

436. EXERCIT. SPIRIT.

dis : sciebat filius , quod suus gladius matris animam ex compassione pertransiret . Unde passio filii erat passio matris. Eja ergo, Christiane, haec volve , ac revolve in corde tuo , & totum cor tuum reple conviciis, & poenis Domini, & sponsi tui , videns illum tanta innocenter propter te sustinere . Si enim illi per amorem bene unitus fueris , tunc valde compatieris eidem . Si autem non sentis dolorem capitis tui, quomodo es unum cum illo ? Certe sicut plus compatiendum est capiti , quam ceteris membris : ita illi incomparabiliter plus compati debes , quam ulli etiam dilectissimo parenti, filio, vel amico , immo plus quam tibi ipsi , si haec omnia praedicta pateris . Nunc ergo , carissimi , felle , absynthio , & myrrha jugiter inebriemur , & sola ejus vulnera sentiamus , atque transfigant cordis nostri intima ejus convicia , flagella , & vulnera , nec in nobis quidquam remaneat , quod non perfundatur compassionis dolore , & intense affligatur .

3. Mirando.

Quis passus.

Quanta .

Tertio attendamus passionem Domini ad admirandum , considerantes , quis , quanta , & pro quibus passus est . Quis patitur ? Nimirum filius Dei , summe potens , sapiens , & bonus , idque adeo , ut quidquid bonitatis , & nobilitatis ei attribuas , nihil sit respectu magnitudinis suae ; omnia quantumlibet bona sint , & magna , velut favilla sunt , immo quaedam vanitas in comparatione illius . Quanta autem sunt quae patitur ? Certe peregrinationem , fugam , famem , sitim , frigus , & aestum , tentationes , horrores , persecutiones , observationes , sputa opprobria , vincula , flagella , illusiones , & dolores , plagas ,
vul-

vulnera , & mortem . Conspuitur enim gloria , condemnatur iustitia , iudex judicatur , offensus inculpatur , innocens infamatur , Deus blasphematur , Christus conculcatur , occiditur vita , obscuratur sol , luna denigratur , sidera disperguntur . Et haec omnia tolerat patienter , ut agnus , qui solo nutu omnem ingratam creaturam demergere posset in profundum inferni . Sed pro quibus tanta patitur? Pro vilissimis man- Pro quibus .
cipiis , pro sceleratissimis inimicis , immo pro diabolicis viris , & per imitationem diaboli filijs , pro contemptoribus divinae majestatis , & divinae bonitati ingratis . Mirare igitur , quod talis , ac tantus , talia & tanta , pro vilissimis , & abjectissimis passus sit . Ceterum a quibus passus est ? A quibus .
A suis electis , & praedilectis , quibus omnem benignitatem ostenderat , a vilissimis optimus , a stultis sapientissimus , (quia Dei verbum , et sapientia) ab impiis piissimus , a sanie foedissima splendor aeternus . In his omnibus in divinae benignitatis , et largitatis admirationem gratamente elevemur .

Quarto imprimamus nobis dominicam pas- 4. Laetando .
sionem ad exultandum . Exultare autem in ea debemus cum intima gratiarum actione de redemptione humana , restauratione angelica , et divina clementia . De redemptione humana sine Pro redem-
ptione hum.
dubio nimis gaudere debemus per Christi passionem , et mortem completa . Quis , quaeso , non exultabit , et gaudebit , cernens seipsum per hanc beatissimam passionem liberatum a morte aeterna , a culpae ignominia , a potestate diabolica ? Et quis non exultabit in immensum ,

438 EXERCIT. SPIRIT.

cernens Deum altissimum ipsum intantum diligere, ut tantae vilitati, et afflictioni subjecerit seipsum pro se redimendo? Non quod gaudebit de Domini sui abiectione, et passione, sed de ejus effectu, affectusque, et amoris manifestatione. Quis princeps in regno, vel imperio alicujus imperatoris, vel regis, cernens, tantum a Domino suo se diligi, ut paratus sit mori pro se, non magnopere gauderet, et exultaret? Quanto magis nos vilissimi homines, et nefarii peccatores, et servi mali gaudere debemus, et exultare, videntes regem regum, et Dominum dominantium, et creatorem nostrum Jesum nos tanto amore diligere, ut immolarit seipsum pro nobis in tam turpem, et vilissimam mortem? Gaudeamus igitur immensa exultatione, quod sine comparatione plus quemlibet nostrum diligit, quam quisque seipsum. Gaudeamus, et exultemus, quod per Christi passionem restaurata est angelica ruina. Magna jucunditas debet nobis inesse, quum videmus per Christi mortem tam nobile collegium reparari, ut fiat unum ovile, et unus pastor, et unum in uno. In hoc enim debet tota caelestis curia, et militans Ecclesia jure gratulari. O amabilis, et revera venerabilis passio Salvatoris! quae sic distincta conjungit, sequestrata conglutinat, et firmissime simul unit, stringitque vinculo consummati amoris, et felicitate gaudii sempiterni. Praecipue autem gaudere, et exultare debemus, videntes in supradictis omnibus miram, summamque clementiam Dei, et Domini nostri Jesu Christi. Et hanc puto summam esse gloriam bonorum

Pro reparatione Ang.

Pro clementia div.

norum tam hominum , quam angelorum , perfectius contemplari clementiam , set benevolentiam Dei , et immensitatem bonitatis ejus. Haec etiam debet esse cujusvis contemplantis exultatio maxime interna in ipsis animae medullis. Ubi enim , quaeſo , magis apparet diffusio bonitatis divinae , et benignissimae clementiae dulcissimi , et amantissimi patris , et domini nostri Jesu Christi , quam in passione sua , ubi talia , ac tanta , tam turpia , & gravia sustinere voluit pro inimico suo liberando , et glorificando , pro vanitate quadam digna morte aeterna redimenda ? In istud gaudium intret homo , et reficiatur magnificentia bonitatis divinae. *Accedat homo ad cor altum* , et in corde suo exaltetur excellentissima , et inenarrabilis clementia Christi passi .

Quinto etiam consideremus beatissimam , 5. Inhaerendo .
Christi passionem ad cordium nostrorum resolutionem , et perfectam transformationem in ipsum . Quod fit , quando homo non solum imitatur , compatitur , admiratur , exultat , sed etiam totus homo convertitur in ipsum Dominum nostrum Jesum Christum crucifixum , ut jam quasi ubique , et semper sibi crucifixus occurrat . Immo tunc vere in ipsum resolvitur , quando exiens ex seipſo , et omnia supergrediens , immo supra seipſum abstractus ab omnibus , totus est conversus in Dominum suum passum , ut nihil videat , nihil sentiat intra seipſum , nisi Christum crucifixum , illuſum , probris affectum , et passum pro nobis ex amore .

Sexto consideremus eandem beatissimam 6. Quietem .
Domini passionem ad quietem dulcoris interni , scendo .

440 EXERCIT. SPIRIT.

quod fit, quando homo sic, ut dixi, resolutus, sitibundo corde eandem passionem ruminare non cessat, et intrans secundum posse suum infinitum illum passionis thesaurum, humiliter et devote liquefcit amore devoto, et fervida devotione, et ardenti dilectione deficit a se, et requiescit in Christo crucifixo. Sed quanto illi plus inhaeret, et innititur, tanto amplius devotissimo amore in se deficit, et liquefcit: et quanto plus a se deficit per amorem, et devotionem, tanto amplius eidem dilecto pro se mortuo inhaeret, unitur, et requiescit in eo. Et sic mutuo sese augent adhaesio amoris, et devotio, donec sponsa, id est, anima tota absorbeatur ab ardentissimo illo camino amoris, et passionis (sponsi praedilecti, in cujus amplexibus obdormiens requiescit. Meditare igitur domini passionem: imitando, ad purgationem mentis, et dilectionem: compatiendo, ad amorem et unionem: admirando, ad cordis elevationem: exultando, ad cordis dilatationem: resolvendo, ad perfectam conformationem: quiescendo, ad devotionis conservationem.

EXERCITIUM IX.

Ut quaeque superflua, & impedimenta abjicias.

Nono circumcide animam severe ab omni cognitione, amore, et recordatione creaturarum, exceptis illis dumtaxat, quibus carere non potueris propter Deum, et in Deo utendis. Et custodi sensus tuos, omni tempore stricte

astrictæ ab omni superfluitate , vanitate , et ocio .
 Et conserva corpus tuum semper in simplicitate ,
 sobrietate , et paupertate . Et perfecte semel
 abjice omnia , quæ tibi umquam medium ali-
 quod præstare potuerint inter Deum , et animam
 tuam vel unico temporis momento . Ubi au-
 tem istud fructuose implere valeas , attende dili-
 genter omnia media visibilia , & invisibilia , crea-
 turasque sensibiles , et insensibiles , quæ tibi me-
 dia et impedimenta pepererunt , & adhuc parere
 possent , et tunc veram , integramque ab illis fac
 aversionem , abscissionemque , et perfectam tui ad
 Deum conversionem . Expendes quoque an in
 tali sis loco , et statu , in quo perfectus fieri queas :
 quem si nondum elegisti , adhuc eligas oportet .
 Abscindenda nihilominus , et resignanda tibi sunt
 omnia extrema , quibus uteris ultra veram ,
 et justam necessitatem : qua sola paupertatis
 Christi amore contentus sis , videlicet binis , id
 est mutatoriis tunicis , et aliis iisque tantum
 necessariis vestibus , libris paucis , sobria refe-
 ctione unica , vel bina in die , juxta temporis ra-
 tionem , eligendo in omnibus viliora , ut humi-
 lis simplicitas ubique ex te , tuisque studiis re-
 luceat . Nam exterior desiderata paupertas mi-
 rum in modum cooperatur vero profectui , & pa-
 ci cordis , quando etiam necessariis libenter ca-
 res , illisque cogente necessitate cum taedio , et
 aversione affectus , in simplicitate uteris . Ad
 hæc valde conducunt abdicatio omnis quaesitæ
 delectationis , voti emissio , si consultum vide-
 bitur , creaturarum omnium fuga , ad Deum
 fortis adhaesio , obedientia simplex voci Dei ,
 et su-

Adminicula
 perfectionis

442 EXERCIT. SPIRIT.

et superioris tui , diligens custodia cordis , oris ; et operum tuorum , et id genus alia , quae velut opportuna adminicula sunt assumenda et impedimenta refecanda , testimonio conscientiae tuae , aut moderatoris tui ; facta diligenti perscrutatione , ne intus aliquod stabile , et inhaerens vitium licet minimum , aut foris quidquam superfluum , aut curiosum tibi maneant . Nam illo stante , Spiritus sanctus perfecte in te operari nunquam poterit . Nam peccata etiam graviora , in quae ex improviso incidimus , et deplangimus , facilius remittit Deus , quam minimum vitium inhaerens , quod non agnoscimus , aut emendare non curamus .

EXERCITIUM X.

Ut omnem hominem diligas sicut teipsum .

DEcimo exerce te in vera dilectione omnium hominum juxta exemplum , & caritatem Jesu Christi , qui summa , & ardentissima dilectione , & desiderio omnibus sese totum impendit hominibus , docuitque , & praemonstravit illis viam salutis , & perfectionis , idque vera , & perfecta vita , sanctaque & divina doctrina . Dedit quoque seipsum voluntarie , & amorose in omnem poenam , contumeliam , & confusionem , quae , propterea super ipsum cadere poterant . Quapropter si vere vitam ejus assumere volueris , ipsum in hoc imiteris oportet : ducasque semper sanctam , & deiformem vitam coram omnibus hominibus , ut per tuam vitam trahantur ad imitationem .

Doc eas
Opere .

tionem vitae Jesu Christi . Ostendes insuper, & ^{Docceas} docebis proximum tuum bonis exhortationibus ^{verbo .} viam salutis aeternae. Hinc interdum accedens ad proximum tuum loqueris cum eo de virtutibus, ex quibus melior fiat , ut attendere , & imitari velit vitam, & amorem Jesu Christi . Consideret quoque nobilitatem animae suae, quomodo Deus suam ipsius imaginem illi impressit, eam per se ipsum redemit , quodque amor Dei vita sit animae , quemadmodum anima ipsa vita est corporis : & sicut corpus moritur migrante ex ipso anima, ita anima mortua est absque amore Dei . Haec, & alia proximis suggeres , quae Spiritus sanctus docebit , praesertim tibi commissis , vicinis, aut doctrinae capacibus : credens Deum animas illorum , quas salvare potueris , a te requisitum tanquam membra tua . Neminem ^{Vites con-} igitur judices , contemnas , contristes, aut laedas : ^{traria dile-} sed dilige omnem hominem , tanquam teipsum , ^{ctioni .} immo plusquam teipsum , utpote te meliorem . Quod ut citius obtineas , persuade tibi omnem hominem esse teipsum , quia sumus invicem membra ; illique congaudeas , condoleas , servias , & benefacias . Opera quoque misericordiae corporalia & spiritualia toto corde impendas , sicut tibi ipsi . Quamobrem assuesce , quam cito senseris , aliquem motum displicentiae , aut amaritudinis contra quemcumque hominem, seu quodvis aliud vitium tibi incidere , statim levato dulciter in Deum corde, id a te repellere , tanquam virus diaboli , quo nititur caritatem in te necare, vel minuere , aut saltem tepidum facere, & a cursu proficiendi remorari . Nam ex nostra

in-

444 EXERCIT. SPIRIT.

interdum tepiditate contingit, quod noxiae cogitationes a nobis repulsae saepe redeunt, & magnum nobis spiritualis lucri impedimentum parturiunt, tametsi illis non consentiamus, quando dissimulamus totis nos viribus in anteriora extendere, & divinis nos desideriis continue pro viribus occupare: ideo ex nostra tepiditate aditum redeundi ad nos facile inveniunt hostes animarum nostrarum: quanquam etiam interdum non nostra culpa, sed solo Dei permisso ad nostri exercitationem hujusmodi nos cogitationes fatigent.

DE VIA UNITIVA

EXERCITIUM XI.

*Ut vivas absque omni creatura, peccato,
& delectatione.*

UNdecimo exercebis te ad perfectam cum Deo tuo unionem obtinendam. Haec autem unio perfectam requirit denudationem & expositionem ab omni creatura, ab omni peccato, & ab omni delectatione. Ab omni creatura in affectu, & intellectu, quantum possibile est, nudatus vivere satagas oportet: ita ut etiam a teipso & omnibus rebus ita nudus fieri, & permanere ferventer desideres, sicut nudus ante tribunal Christi stabis, & sicut anima tua nude, & pure ex Deo fluxit, ut sic absque ullo medio creatori valeas uniri. Vivas etiam absque peccato, aut si hoc vix possibile est, forti averfione ab omni peccato,

Exue creaturarum affectum.

Abstine a peccato.

to, & ferventi conversione ad omne bonum, quod Deus est, sic vivere desiderabis: quia omne peccatum, quamlibet minimum, impedit hanc unionem. Quapropter animam, & corpus tuum ita custodias, ut nullum membrum moveas, nisi in Deo. Vivas etiam necesse est absque omni delectatione. Et hoc similiter affectu, & desiderio supplebis, quod opere praestare non vales: quia quando delectationem aliquam habueris in teipso, Deus propterea negabit tibi delectationem, & suavitatem, quae ipse, & in ipso est. Talis autem vita sit tibi semper in desiderio, ut extremum posse tuum impendas huic viae. Et tunc per hoc exercitium invenies te in multis haerere, a quibus te immunem putaveras. Idcirco semper cavere stude, ne peccata etiam minima delectent te propter se. Pro te quidem desiderabis, quod panis non plus tibi sapiat, quam lapis: sed pro Creatoris panis gloria placebit tibi, quod panis plus sapiat, quam lapis: moxque debes in panis sapore, & delectatione transire ad Deum, & gustare creatorem panis. Et tunc fit tibi insipidus panis. Pari modo faciendum est cum omni delectatione, cui non est annexum per se peccatum: quia creatoris admirabilis suavitas delectationem infundit omnibus rebus creatis. Nullum ergo medium ex creaturis in te residere patieris, sed ab omnibus exutus, atque nudatus nudam divinitatem absque medio aliquo creaturae (ut est creatura) accedes, quia Deus absque medio te uti desiderat. Nec in hoc sanctorum invocatio (quae propter Deum, & in Deo fit) te impediet, quia

A delectationibus.

446 EXERCIT. SPIRIT.

quia ipsi sunt unus spiritus cum eo . Praecipuum tamen tuum studium versabitur circa contemplationem Dei tui , quem videbis omnia bona in omnibus hominibus operantem , quantumvis etiam minuta , ut est movere articulum unum ad bonum . Nam haec ipsa motio Dei est , qui est vita animae . Igitur continua introversione stude , quantum potueris , vivere in omnimoda abstractione , & nuditate intellectus , & affectus ab omni creatura , peccato , & delectatione : quia haec tria fideliter , & diu exercitata faciunt hominem vere caelestem , & angelicum , ita ut liberrime frui possit Deo suo , prout sola experientia docebit . Idcirco intellectum tuum , & affectum semper magis purificare studeas omnibus phantasmatibus , & imaginibus , exemplo crucifixi Jesu , magis eligens amara , quam dulcia , contumeliam , quam honorem , penuriam , quam abundantiam : ut sic puro corde Deo adhaerens , unus cum eo spiritus efficiaris . Aliter tamen exercitium istud usurpabit superior , aliter incipiens , aliter perfectus .

Ut autem facilius ad omnium rerum abnegationem , divinae bonitatis , & tuae indignitatis cognitionem , & fraternae dilectionis dulcedinem pertingas , & brevi tempore obtineas , quod multis annis , immo tota vita sua proprietarii magnis laboribus non percipiunt , revolvere satage in memoria tua studio indefesso , vel saltem habitu , & intentione tua circumfer binas has nobilissimas virtutes , videlicet humilitatem , & dilectionem , diutissime ruminando , & tibi imprimendo haec verba : Nihil sum : Nihil habeo :

Humilitatē
cole .

beo: Nihil præter verum concupisco. Humilitas vera dicit: Nihil sum, (ex conditione & vitio meo): Nihil habeo, (nam quidquid in creaturis, aut donis Dei extra Deum habeo, aut habere possem, quidquid video, audio, vel percipio, in me prorsus nihil est) impotens, insipiens, & nihil sum, nihil valeo, plenus peccato, & miseria: ideo de meipso penitus despero. Amor autem, sive dilectio Dei dicit: Nihil nisi unum solum Deum meum desidero. Confide ergo, o anima mea, Jesu Christo, & bonitati illius, & fige totam cogitationem, & desiderium tuum in consideratione ejus: quia quanto minus videris te habere a temetipso, tanto plus cupies habere amoris a Domino tuo Jesu Christo,

Est autem duplex humilitas. Una, quae ex agnitione peccatorum, & propriae vilitatis, ex dictamine rationis oritur, quam maxime erga proximum tuum exercere convenit, cujus comparatione te ad nihilum rediges, & omnibus hominibus viliorem, & inferiorem te ex animo reputabis: & tam pro illorum, quam tuis peccatis a Deo tuo tibi praesente humiliter veniam postulabis: ipsosque excusabis, non credens quod alii peccatores tantum a Deo sint elongati, quin saepe, etsi non semper, sese ad Deum convertant, & sinceriori ipsum affectu diligant, & honorent, & fidelius de peccatis suis doleant, & sese emendare proponant juxta gratiam sibi a Domino datam, quam tu. Nec credas inveniri hominem, si tot & tanta peccata commisisset, ut tu, totque gratias & beneficia a Deo recepisset, ut tu, qui non multo ferventius Deo serviret, quam

Quae oritur
ex ratione.

448 = EXERCIT. SPIRIT.

quam tu . Quod si hoc pleno corde sentire non potueris , eo ipso te repures superbissimum , & omnibus aliis hominibus viliorem propter tuam hypocrisim , insanamque superbiam , Deo maxime odibilem : quae te revera excaecavit , ut teipsum non agnoscas , neque videas , quod, quod plura a Deo recepisti dona , eo graviora sint tua peccata, & negligentiae , & eo strictior a te exigetur ratio de singulis . Et hanc , ut dixi , humilitatem operatur dilectio per rationem , qua seipsum homo aestimat omni creatura viliorem , omnique tormento, & contumelia dignissimum . Estque incipientium, & proficientium ; ac praecedere debet, & confirmare hanc sequentem humilitatem .

Quae oritur
ex amore .

Alteram humilitatem, quae est perfectiorum, operatur dilectio per semetipsam : quam in se sentit anima per visionem, & cognitionem spirituales Jesu Christi . Enimvero quando Spiritus sanctus illuminat rationem in visione Jesu Christi ad considerandum perspicue sanctae humanitatis ejus humilitatem , & ad gustandum utcumque de bonitate divinitatis illius , mox anima tantam dilectionem , & gaudium percipit in illa visione spiritali (quae vera , sancta , & delectabilis est) quod obliviscitur sui ipsius , & omnium rerum , & tota innititur dulcissimo suo Jesu Christo ex tota dilectione , qua fertur ad considerandum eundem . Non attendit hic sua peccata prius commissa , nec propriam indignitatem , sed pro nihilo putat seipsam cum omnibus peccatis , & bonis operibus , quae umquam fecit, ac si nulla alia res esset , nisi Dominus noster Jesus Christus .

Stu-

Stude ergo per considerationem humilitatis, Te quasi nihilum judi-
ces .
& caritatis Jesu , vel plena fide , vel etiam senti-
endo, te ipsum non solum miserrimum, sed etiam
quasi nihilum judicare , & cum omnibus tuis
exercitiis, & operibus bonis transactis ad nihilum
redigere , & ab omnibus denudare : & in pau-
pertate spiritus sentire , te nihil esse , & omnia
bona tua soli domino Jesu Christo adscribere , ut
substantia tua sit tanquam nihil ante illum , non
jam deinceps te existimans aliquid esse , quum
nihil sis : quia comparatione haud dubio increa-
tae , & incommutabilis divinae substantiae do-
mini Jesu , (qui solus veram habet essentiam ,
& est omnia in omnibus) tu , & omnia nihil
sunt . Nam omnes gentes quasi non sint , sic sunt
coram eo . Et hoc pacto non judicabis proximos
tuos bonos , vel malos , sed aequaliter omnes
creaturas respectu domini Jesu , ejusque humi-
litis , et dilectionis , misericordiae , et glo-
riae senties tecum esse nihil , cum ex nihilo
factae sint, et in nihilum redirent , si ab eo non
conservarentur .

Quando ergo dilectio per donum Spiritus
sancti aperit interiorem oculum ad consideran-
dum hanc veritatem cum aliis circumstantiis ,
tunc anima vere fit humilis , quia videt se ipsam
sicut est . Et tunc non considerat se , nec inaiti-
tur sibi ipsi , sed tota tendit in cognitionem , et
dilectionem Jesu, stabili meditatione, et desiderio
ipsum assidue considerans . Et tunc multo perfe-
ctius operatur magna opera tum interna , tum
externa , quam antea solebat . Ista visio animam
etiam confortat , et elevat tam mirabiliter , et

450 EXERCIT. SPIRIT.

suaviter , quod non potest gaudere de hujus mundi aliquo gaudio , neque de ejus adversitate contristari : quia manet immobilis , et insensibilis ad omnia , in solo Jesu requiescere cupiens : habensque oculos suos semper ad ipsum : qui ab omnibus laqueis , et tentationibus evellit pedes ejus , destruitque omnes motus superbiae , et vitiorum valde occulte : protegens eam a timore nocturno , a sagitta volante in die , a negotio perambulante in tenebris , ab incursu , et daemonio meridiano : et per sanctam simplicitatem , quae est occulta quaedam semita , deducens eam ad stabilem secum unionem , qua manebit in Deo , et Deus in ea . Ut autem pro hac felici unionem obtinenda ignitis aspirationibus , cum profundissima sui resignatione , continue laborare debeat , nihil nisi unum , quod solum est necessarium , desiderans , in sequentibus latius explicabitur ,

EXERCITIUM XII.

*De aspirationibus , resignatione ,
& postulatione .*

DUODECIMO fortiter te exercebis in exercitio quadriformi aspirantis , & unientis amoris , utens in tua operatione affectu potius quam intellectu : consurgensque magis per aspirationes ferventes , quam per meditationes .

Meditatio .

Quod tamen ut obtineas , principio opus tibi erit meditatione devota colligere fasciculum quendam divini amoris ex beneficiis , quae Christus

stus tam secundum divinitatem, quam humanitatem suam tibi praestitit, ad inflammandam videlicet cordis tui igniculum; quorum maximum est ejus passio, cujus opus inspicias ad compatendum, modum ad imitandum, & causam, id est caritatem illius ad te infinitam ad inflammandum cor tuum: donec assuefactus, tandem absque praevia meditatione in primo reflexu mentis affectus tuus valide erga Deum incalescat quoties volueris. Et haec inflammatio est unicum instrumentum, & radix vitae contemplativae, unde consurgit aspiratio ad amorem unientem, qua scilicet fidelis anima aspirat flammigeris desideriis, ut per amorem uniri possit infinito amori, qui Deus est, & ab eo penitus absorberi.

Inflam-
tio.

Ut autem ad illius amoris consuetudinem pervenias, assuesces omni loco, & tempore orationes ignitas, & ejaculationes ad Deum mille modis magno cum fervore emittere, atque ex humili, abstracto, resignatoque corde in cor Dei conjicere, ut det tibi perfectum tuipsum, & omnium rerum contemptum, teque totum unire, & absorbere dignetur in immenso amoris sui incendio. Hoc namque exercitium unientis amoris initium est, & finis omnis perfectionis: quod cum magna violentia spiritus exercendum est, per quod omnes tentationes, & media inter Deum, & animam statim auferuntur, & ipsa magno impulsu perurgetur festinare ad altissimam Dei similitudinem, perfecta scilicet omnium vitiatorum mortificatione, & virtutum ademptione: penetratque omnes tentationes, & occupationes, & quidquid infra Deum est, in

Orationes
ejaculatoriae

452 EXERCIT. SPIRIT.

momento, & animam ante nudam Dei praesentiam constituit, cui sese immediate unire desiderat.

Diu pulsandum.

Attamen oportebit, te diu prae foribus stare, antequam Deus te volet ad unionem intromittere. Et tunc discrete pulsabis janua pietatis suae his quatuor exercitationum malleis, qui sunt: Offerre, Exigere, Conformare, & Unire; quibus dilectum tuum excitabis ad intromittendum te in unitatem Spiritus, servando te longanimiter in praesentia Dei per aspirationem unientis amoris. Nullum tamen unquam exercitium cum proprietate possidebis, sed quando senseris, te alia via per gratiam trahi, statim dimissis propriis, sequeris, & exercebis te juxta tractum Spiritus sancti.

I. Oblatione

Primo igitur in tua ad Deum conversione Deo liberaliter in holocaustum laudis offeres omnia, quaecumque spiritus Dei per inspirationem suam a te exigere potest, maxime perfectam abnegationem, & contemptum tui ipsius, abscissionem omnium sensualium oblectationum, quibus cor tuum inordinate posset affici, & maculari, licet sint res parvae, ut verba ociosa, vana societas, levitas, curiositas sensuum, & similia. Offeres etiam te ad mortificationem naturalium passionum, ut sunt inordinata tristitia, gaudium, ira, amor, odium, spes, timor, pudor. Etiam ad carendum voluntarie omni sensibili gratia, devotione, & donis Dei ad salutem proprie non necessariis. Similiter ad tolerandum prompta voluntate propter Deum, omnem adversitatem in fama, bonis, & amicis tuis,

tuis : omnem quoque aegritudinem , poenam , afflictionem , confusionem , & pressuram cordis : & generaliter ad universa , quae alicui in tempore accidere possint ; resignabis te hilariter , & cupide . Insuper offeres te divino beneplacito , etiam si te ponere vellet ad tolerandum aeternae pro amore , & honore suo omnes poenas inferni , dumtaxat quo ad ipsas poenas , non autem quo ad amoris separationem instar damnatorum : hoc enim non licet . Et quamvis Deus istud nunquam ab amicis suis exigere possit , vult tamen , ut ad omnia etiam impossibilia sese resignent suo beneplacito sine retractione cordis : sicut Abraham fecit , ut probentur , quantum sibiipsis mori velint propter Deum . Hoc autem facile poteris , si teipsum agnoveris esse quasi vas perditum , peccatis plenum , quae Deus opt. max. sua infinita bonitate tibi auferre , & consumere paratus est , si te cum illis perfecte eidem resignare , & relinquere volueris , quum ipse sit mons quidam amoris , abyssus bonitatis , & fons caritatis . Quapropter nimis stolidus est , qui vile tugurium corporis , & animae suae illi offerre dubitat pro tabernaculo pretiosissimo , quod Deus est .

Cum vero in his omnibus te perfecte resignatum inveneris , tunc poteris plena fiducia ad aliud hujus exercitii membrum transire , quod est exigere , sicut Christus monet : *Petite , & accipietis* . Exiges igitur a Domino Deo tuo secundo loco non solum omne , quod habet , sed etiam omne , quod ipse est . Ante omnia enim petere debes ipsum nudum dilectum Deum tuum ,

454 EXERCIT. SPIRIT.

ad fruendum eo solo in suo immenso nudo amore: quia in nullo dono Dei licet homini fruendo requiescere absque peccato, quantumvis nobile, divinum sit, praeterquam in solo Deo: sed uti duntaxat debet donis Dei, ad hoc ut ad majorem ipsum perfectionem evehant, ac perducant. Nam quando in Dei donis quiescit, statim incipit tepescere a desiderio proficiendi. Post hoc exiges a Deo tuo purissimam intellectus illuminationem ad cognoscendum plenissime divinum beneplacitum: atque ad illud exequendum offeres te tam prompte, atque perfecte sine tetractione cordis, sicut umbra movetur ad motum corporis unde sit; juxta exemplar, & similitudinem vitae Christi. Secundo ad cognoscendum plene te ipsum, hoc est, incomprehensibilem tuam vilitatem, ingratitude, indignitatem, ut per hoc te possis perfecte contemnere & humiliare. Tertio ad habendum perfectam notitiam omnium verarum virtutum. Magna quoque orationis instantia laborabis pro ipsis veris virtutibus acquirendis, & possidendis, & maxime, pro nudo Dei amore in te magis, ac magis augendo. Exiges autem ista serio valde: desideriumque augmentandi amorem tuum, fruendique increato amore tam aëstuans inter Deum, & animam tuam erit, uti est coruscatio vehemens. Iste quoque impulsus adeo continuus erit in te, sicut anhelitus tuus; qui ut absque cessatione intrat in te, & exit, si debeas vitam servare: ita etiam vita creati amoris consistit in sedula reversione animae cum aëstuantis desiderio in suam originem, id est amorem increatum, ut illi
unice

unice inhaereat, & fruatur, sicut radii inhaerent soli. Cetera dona Dei ad salutem, proprie non necessaria, ut est liberatio a temptationibus, periculis, & pressuris, revelatio secretorum, devotio, & gratia sensibilis, non sunt absolute exigenda, sed cum conditione, si ita expedit pro Dei gloria, & nostra salute.

EXERCITIUM XIII.

De conformatione, & unione cum Deo.

Tertiodecimo loco exercebis reliqua duo supra dicti aspirantis exercitii membra, laborando, ut dilecto tuo magis ac magis conformeris, hoc modo: Videlicet quum ignis amoris fuerit in corde tuo accensus, principio exures in ipso omnem tuam dissimilitudinem, hoc est, omnia vitia, & defectus tuos, omnes naturales passiones, & immortificationes tuas, omnem sensuum propensionem, seu affectum, & impatientiam. Non tamen illas singulatim recoles, sed in uno fasciculo fumes omnes tuas imperfectiones, & projicies in immensum ignem divini amoris, ut ibidem consumantur. Deinde ardenti desiderio deformitatis consurgens, & scintillantibus, ac perurgentibus postulationibus exiges a dilecto, ut eisdem virtutibus nudam animam tuam adornare dignetur, quibus ipse ornatus est in omnibus perfectionibus suis tam in divinitate, quam humanitate sua. Et has multo citius per flammigeras assiduas orationes obtinebis, quam per ullum alium laborem externum.

456 EXERCIT. SPIRIT.

Specialiter vero te conformabis humanitatis Christi virtutibus, quae in despectissima, & acerbissima morte illius emicuerunt, per affectum scilicet profundissimae humilitatis, vilitatis, abjectionis, paupertatis, patientiae, & caritatis: in quibus tam diu te exercebis, subinde renovando, ac repetendo flammigeros ad Deum affectus, & quasi violentas quasdam orationes, per quae Deus potissimum dare solet suae plenitudinem gratiae, & amoris, donec per experientiam damnis, injuriis, & poenis provocatus, etiam tempore subtractae gratiae, prima, & ultima cogitatione tua senseris desiderium illud patiendi pro Christo, ut illi conformeris, usque in finem in te perseverare.

4. Unione.

Quartum denique membrum hujus exercitii est, unire, & transfundere voluntatem tuam in divinum beneplacitum. Ut enim exercitium praecedens aspirationis, & unientis amoris ideo continue agitur, ut quiescas in solo Deo, quo flammigeris desideriis in spiritu unum cum eo fias, ad quod nos perducit actuosus, & experiens amor: ita in isto unionis exercitio acutis, aestuantibusque desideriis eniti debes plenissime, absque ulla cordis retractione, voluntatem tuam unire, atque transfundere in gratissimum Dei beneplacitum: ita ut ex impulsu nudi amoris, ipsum divinum beneplacitum semper sit summum tuum desiderium, jucunditas, & solatium in omnibus, siue sint exteriores adversitates, infirmitates, persecutiones, oppressiones, & poenae: siue interiores pressurae, subtractiones gratiae, frigus cordis, obnubilatio sensuum, aut tentatio quae-

quaecumque. Et in tali tempore obductionis, & tentationis maxime tibi cavendum est, ne aliquas consolationes per sensus tuos quaeras, aut leviter te extrovertas, vel occupes, seu otio marcescas. Sed semper quoad poteris, ad bona exercitia te cogas, aut bonis forinsecus operibus saltem te occupes: quae licet tibi sint tunc insipida, sunt tamen Deo magis accepta, cum fideliter, quod in te fuerit, feceris. Quapropter statue fixum in corde tuo, omnia haec adversa idcirco tibi Dei permisso accidere, ut probet fidelitatem tuam, & habeat occasionem copiosius te ditandi omnibus donis, & gratiis spiritualibus, si fideliter perseveraveris.

Ex his breviter permixtis, ac velut in quendam fasciculum pariter collectis, ulterius con- Absorptio
in Deum. scendere debes per amorem unientem in ipsam caritatem increatam, quae Deus est: ut sic ibidem anima feliciter liquefacta, omnium eorum, quae petiit a domino, quasi signo factam impressionem recipere mereatur. Ceterum quisquis haec crebro exercitaverit, & illis perseveranter inhaeserit, impossibile est ut ad vitae perfectionem non perveniat.

Hinc cum tanto fervore Dei incipies ho- Zelus hono-
ris divini. norem quaerere in omnibus, ut quasi tui ipsius oblitus, pro nihilo ducas te mille pro eo periculis exponere, & non sentias differentiam inter honorem tuum, & contumeliam, gaudium, & dolorem; sed quidquid ad ejus honorem spectare noveris, quantumvis difficile, cum impetu quodam amplectaris. Quum autem omnia feceris, quae potueris, quasi nihil te fecisse, im-

458 EXERCIT. SPIRIT.

mo defecisse existimabis, erebescens, & teipsum perfecto odio detestans, quod tali ac tanto Domino tam misere obsecutus sis. Quapropter majora, & perfectiora quolibet momento temporis agere, et pati desiderabis. Et quia a Dei dilectione vehementer impedit amor proprius, seu

Odium tui. dilectio sui, ideo debes teipsum perfecte odire, et pleno corde petere ab omnibus despici, conculcari, flagellari, vilissimus reputari, et ad nihilum redigi. Nec pro magno habebis, si in tuis injuriis delecteris, et in tuis doloribus consoles, nisi etiam cupias alios credere, te istis, et omnibus poenis, et contumeliis esse dignissimum, et teipsum adeo abomineris, ut vix tolerare te queas, factus tibi ipsi execrationi, adeo ut etiam ab irrationalibus creaturis impugnari, & puniri cupias. Et quum aliquid delectabile tibi sumendum fuerit, illud cum moerore, & horrore tui ipsius sumas, ita tamen, ut ne interim necessaria indiscrete tibi subtrahendo naturam destruas, quum sola vitia tibi sint persequenda, & destruenda. Quod si hoc pacto animam tuam oderis, ad perfectam Dei dilectionem facile pertinges. Veruntamen scias perfectissimum hoc proprii odii tui ipsius donum solum Deum dare posse, & dare paratum, si id instanter postulaveris. Nec affirmo tamen, quod tibi pro se pati dabit: quia hoc non omnibus dare solet, sed ad minus dabit tibi velle pati.

Conformatio.

Porro si praedicta creatoris dilectione bene inebriatus fueris, alterum etiam quod in supradicto exercitio postulasti, adjiciet, videlicet ut suae crucifixae imagini perfectius conformeris: ut

ut nihil in omnibus, & per omnia quaeras eorum, quae tua sunt, sed quae Jesu Christi, quomodo illi possis ferventius semper servire, placere, & conformari, atque perfectius tuam voluntatem abnegare, & ipsum diligere: obliviscens quodammodo tui, & omnium rerum, & prae amoris magnitudine non advertens dulce, & amarum, tempus, & locum, personarumque distinctionem: sed in omnibus creaturis solum quaerens, & considerans Deum creatorem, & ejus voluntatem, & honorem, & aspiciens plena fide Christum in membris suis. Sicque in activa vita contemplativam duces, si te totum recolligens intres in cor tuum, & ejus intima penetrans resolves, resignes, & amittas te in Deum. Et tunc quodammodo deificatus, & in Deum transformatus ad quodcunque te converteris, nihil nisi Deum considerabis. Et quidquid boni operis feceris, non hominem, sed Deum solum id facere aestimabis. Sicque Deum invenies in omnibus. Et hoc ipsum oratione magis, quam industria tua a divina impetrabis largitate.

Porro si ea, quae supra diximus, nimis **Conatus in-** tibi ardua fuerint visa, incipiens saltem conare **scipientium.** semper id eligere, quod fuerit magis honorificum Deo, conforme Christo, utile proximo, adversum tuae voluntati, cruciabile, & ignominiosum tuo corpori: indefinenter cordis desiderio clamando ad Dominum his verbis, videlicet: Nihil sum, Nihil habeo, Nihil praeter dilectionem Jesu desidero. Et si sic fideliter perseveraveris in operatione spiritali, tandem te Dominus

460 EXERCIT. SPIRIT.

nus misericorditer liberabit a tumultu cogitationum , & affectionum terrenarum , quas nulla arte melius fugabis , quam continuo desiderio dilectionis Jesu Christi. Sed & hoc ipsum desiderium necesse est , ut idem ipse Dominus Jesus inspiret , det , & operetur in te , non tu : sed te interim opus ejus petente , suscipiente , & non impediante . Enimvero quanto perfectius omnem tui ipsius amorem , & mundanam cupiditatem abjeceris , tanto profundius Deo unieris , & ejus amore inebriaberis : sicut pulchre Esaias , postquam hortatus est nos , ut dissolvamus colligationes impietatis , & solvamus fasciculos deprimentes , & exhibeamus proximis opera caritatis , & misericordiae , & sabbathum Domini custodiamus , promittens dicit : “ Orietur in tenebris lux tua , & tenebrae tuae erunt sicut meridies : & requiem dabit tibi Dominus semper , & implebit splendoribus animam tuam , & ossa tua liberabit , (Et post pauca:) “ Dum non facis vias tuas , & non invenitur voluntas tua , ut loquaris sermonem , tunc deiectaberis super Domino , et sustollam te super altitudines terrae , et cibabo te haereditate Jacob patris tui . Os enim Domini locutum est . Ecce non est abbreviata manus Domini , ut salvare nequeat , „ et reliqua , quae sequuntur Isaiae 58. et 59. Capp.

EXERCITIUM XIII.

*Ut semper in Deo vivas , & quotidie
unionem renoves .*

Post omnia haec , quae praediximus , exercitia gradatim , et singulatim tempore suo fideliter expleta , super omnia discas vere , et perfecte in Deo vivere , et manere . Et hoc fieri In Deo man-
neas per fi-
dem , & ca-
ritatem . oportet . per duas virtutes , videlicet veram , vividamque fidem , et per purum , et ardentem Dei amorem : Quia parum est te Deum in te habere , quem cito amittere potes , nisi tu ipse quoque in Deo sis totus absconditus , absorptusque . Primo quidem firmiter credas , te esse in Deo , et Deum intra te , ut sacrum testatur Evangelium , et scriptura divina . “ Qui manducat (inquit Dominus) meam carnem , et bibit meum sanguinem , in me manet , et ego in illo . Manete in me , et ego in vobis . Qui manet in me , et ego in eo , hic fert fructum multum : quia sine me nihil potestis facere . Manete in dilectione mea . Si praecepta mea servaveritis , manebitis in dilectione mea . Rogo , pater , ut omnes unum sint , sicut et nos unum sumus . Deus caritas est , et qui manet in caritate , in Deo manet , et Deus in illo , „ Attamen ut id clare perspicueque cognoscas , magnum est donum Dei , quod merito ab eo petere debebis . Deinde ubi jam liquido credideris , senserisque esse te in Deo , discendum tibi est vivere , et permanere in illo , quod est homini maxime salutiferum .

462 EXERCIT. SPIRIT.

rum. Cum enim in Deo vivis, vires animae tuae, et sensus semper Deo inclusa serves oportet, ubi semper multa gaudent securitate. Ut si verbi gratia, teipsum in conclavi includas, nihil illic videre, audire, gustare, vel tangere potes, nisi quod sit in conclavi: et quotquot foris sunt, neque contingere, neque laedere te possunt. Ita, et quando in Deo vivis, quidquid sive tangas, sive aspicias, sive audias, sive gustes, Deum tibi exhibes praesentem, qui tibi factus est omnia in omnibus. Ideo etiam omnia bona, et mala non a creaturis, sed in sancta simplicitate, absque omni multiplicitate, et curiositate, immediate a solo Deo humiliter recipis, et rursus in Deum refers: quaerendo ex omnibus honorem, et beneplacitum Dei, proximorum salutem, et tui ipsius humiliationem, et emendationem elicere, et fideliter implere, Deoque, et omnibus creaturis propter Deum, non contra Deum, maxime autem superioribus tuis, humiliter obedire, abnegata in omnibus tua propria voluntate: quandoquidem te, et omnes creaturas cognoscis esse in Deo, nec ulla te potest creatura contingere, nisi prius Deum contingas: eo quod teipsum totum exueris, abnegaveris, transuleris, et incluseris in Deo. Et

In praesentia divina, hac de causa Deum semper magis audias, videas, tangas, gustes oportet, quam ullam aliam rem. Ubi ergo Deo sic teipsum unitum cognoveris, ut anima tua Deo, quam tuo corpori conjunctior sit: quodque Deus sit aeternum, unicum, incomprehensibile, et ineffabile bonum, et ex ipso anima tua profluxerit, tantamque habeat

In simplici-
tate vitae.

In praesentia
divina.

beat Dei similitudinem; ut creatura nulla, immo nec ipsa dignissima creaturarum omnium Virgo semper Maria, animae nobilitatem plene capere, et scire possit, divino tunc succensus amore, ad divinitatem accedendo, quotidie matutino tempore ista te poteris ratione exercere, quando videlicet per Christum intrare, et Deo in spiritu intime te unire volueris.

Coram crucifixi imagine procumbens, *Exercitium*
miter credes, sedere te coram nudo, crucifixo, *unionis*.

cruentoque Jesu Domino tuo. Et licet eum non videas oculis externis, interioribus tamen eum fideliter aspicere debebis. Cum enim te illi unire, ipsumque supra omnia diligere appetas, *Praesentem*
Deū sentias

re, ipsumque supra omnia diligere appetas, re vera praesens illic adest, haud minus, quam pependit in cruce, & nunc est in sinu Patris sui. Et quia quotidie post gratiosam cum Deo unionem laboris in aliquem defectum, & Deus minimum peccatum non patitur in homine, cui se unire debet prae nobilitate, & sanctitate sua: ideo per sacratissima Jesu vulnera ascendes, quae eam ob causam suscepit, retinuitque, ut per ejus humanitatem ad divinitatem accedamus, sicut ipse ait: *Ego sum ostium: si quis per me introierit, pascua inveniet*. Et primo quidem profunda cum humilitate ad sacros illius *Veniam*
petas.

collapsus pedes, duo illic facies. Principio lacrymis illos rigabis, & dulciter deplanges, prorsusque immerges te ipsum, & omnia peccata tua, omnesque defectus parvos, & magnos, quibus ipsum fidelissimum patrem tuum in conscientia tua inveneris te rursus offendisse, in sacra illa pedum vulnera. Aeterna nanque bonitas

Dei,

454 EXERCIT. SPIRIT.

Imposterum
ne pecces.

Dei, nullum (ut dixi) patitur medium, quantumvis exiguum, ne unam quidem vanam cogitationem, aut morsellum unum aliter, quam oportuit, sumptum, nisi per poenitentiam huiusmodi expurgetur. Secundo sacros hos Domini pedes exterges capillis tuis, id est, perfecta voluntate peccata omnia, quamlibet parva, devitandi, ita ut mori potius velis, quam peccatum admittere. Deinde ardenti cum desiderio virtutes omnes amplecteris, cunctis vitiis moriendo, eisdemque virtutibus crucifiges corpus tuum juxta Christi pro te crucifixi similitudinem, uti supra in VII. exercitio latius habetur, ut sic honorem illi suum, quo eum peccando privasti, restituere possis. Tum vero Deo tuo ex animo confidere debebis, cunctos illum defectus tuos in aeternum, ac immensum exuberantium meritorum suorum pelagus absorpsisse, eosque penitus tibi condonasse.

Collige te
in Deo.

Et tunc quidem omnibus peccatis tuis, quae cum incipientibus ita deplanxisti, inferius prorsus derelictis, ad sanctas illius manus, quas carioribus amicis suis in signum amicitiae porrigit, cum proficientibus ascendes. Hic vero jam propius accedens ad Deum, tamquam amorem cum illo unionem petiturus, (quod si semel ad minus in die non facit, nescio si Christianus dicendus sit) principio quidem curas omnes, distractiones, & creaturas excludas oportet, a corde, & in Deum, cui nihil perire potest, projicias: Deumque tibi re vera praesentem, teque ardentissime diligentem, expectantem, pulsantem attendas: atque ita & te in Deo, & Deum

Deum in te , ut ita dicam , includas , collectis
pariter universis viribus , & sensibus tuis intra
sacratissima manuum vñlnera . Deinde patrem **Ora Pa-**
orabis caelestem , ut sua infinita potentia è me- **trem .**
moria tua cunctas amoveat imagines , & affectio-
nes extraneas , ipsamque & seipso , & divinis re-
pleat imaginibus , & desideriiis . Rogabis & filium , **Filium .**
ut aeterna sua sapientia intellectum tuum agni-
tione summi , & increati boni , beneficiorumque
suorum , ac suae voluntatis , & tui proprii ni-
hili clementer illustret . Orabis etiam sacro- **Spiritum S.**
sanctum spiritum , ut sua incomprehensibili bo-
nitate voluntatem tuam , & affectus omnes pror-
sus in se rapiat , absorbeat , & ardentissima ca-
ritate inflammet . Denique et crucifixum Jesum **Crucifixi .**
instante , humiliterque precaberis , ut per san-
ctissimas vires animae sensusque corporis sui
omnes vires , sensusque tuos cunctis nudare ,
phantasmatibus , et vitiis , restituereque eas in
locum suum , et illas in seipso , et seipsum to-
tum in illis nude , et pure unire , et includere
dignetur .

Hinc jam duae animae vires , intellectus
videlicet , et voluntas , quoties Deo uniri vis ,
denuo tibi non absque labore excitandae sunt , &
acuendae . Intellectum quippe extendes ad co- **Excita men-**
gnoscendum summam Dei bonitatem , et infini- **tem in Deu .**
tam caritatem , nobilitatem , sanctitatem : et ad
sentiendum cruciatum omnem , et poenam , quae
idem ex maxima caritate pro nobis sustinuit : et
ad mirandum stupenda dilectionis opera , quae
tibi exhibere dignatus est , colligendo omnia il-
lius beneficia velut in fasciculum quendam , id

466 EXERCIT. SPIRIT.

Excitata voluntatem. est quaecunque caelestis pater per unigenitum filium suum tibi praestitit. Hinc jam voluntas accedens amare eum vult, quem novit summum esse bonum, seque aeterna caritate tantopere dilexisse. Et hic toto affectu redamabis illum vehementissimum amatorem, immo infinitum amorem te perpetuo amantem, eum-

Ut nude ames. que triplici diliges amore: Videlicet amore nudo, ut sis nudus, et expeditus ab omni creaturatum dilectione, amicorum quoque, et cognatorum, vestium, liberorum, et quarumlibet rerum; quandoquidem simul haec cum Deo diligere non possunt, cum Deus totum amorem nostrum solus sibi optimo jure vendicat: et Dominus noster Jesus Christus ejus unigenitus pro nobis pauper, et nudus mortuus est in cruce. Et istud adhuc ad externa pertinet, ideoque nec dum satis est. Sed secundo etiam puro amore nobis diligendus est Deus. Enimuero sunt quidem nonnulli extrinsecus pauperes, sed quamvis nihil habeant, multa tamen habere concupiscunt. Necessarium proinde est, ut et intrinsecus pauperes, et puri simus. Haec autem interna puritas potissimum consistit in mortificatione cunctarum naturalium passionum, et vitiorum, et in vera ordinatione, et puritate omnium virium animae, ut sint mundaе, et absolutae a mediis quibuslibet, et imaginibus, Deumque suum mundo, ac puro complectantur amore. Tertio

Ut vehementer ames. demum vehementi, et efficaci Deus amore diligendus est, qui utrumque jam dictum amorem fere consumat, absorbeatque, et te unum cum Deo faciat, et ad omnia alia velut insensibilem red-

reddat , ut nihil amplius sentias , quam amorem tuum Jesum dulcissimum : quo fiet , ut semper in Deo permanere queas ubicunque , vel apud quoscunque te esse contingat. Hic namque amor nunquam te ab amando , & teipsum totum in Dei gloriam impendendo quiescere finet : sed ex ipso est , ut ex singulis quibusque foliis , vel gramineis herbulis tuo conspectui se offerentibus , praeclaram optares facere creaturam , quae tecum amaret , landaretque Deum creatorem tuum : immo si possibile foret , ut ex quibuslibet hominibus caelos condere posses , eosque illi offerre ad suam laudem , & gloriam , id tibi perquam gratum esset , libenterque faceres ,

Hoc jam triplici amore ornatus , & accensus , totusque ignita dilectione plenus , sensus corporis , viresque animae tuae fortiter intra te colliges , & intrahes introrsus in teipsum , quasi rebus omnibus mortuus : atque ita ad dignissimum , atque dulcissimum cor Jesu ignito amore plenus accedens , in illud velut in immensum quoddam summae bonitatis pelagus , & in infinitae caritatis abyssum , his 4. exercitiis ingredieris. Primo teipsum totum cum universis creaturis in simplicitate cordis tui cum anima , corpore , & tota substantia tua liberrime in amabilissimam Dei voluntatem in tempore , & aeternitate , ad omnem etiam adversitatem , & pressuram cordis , & dolorem corporis , & ad omnia , quae tibi evenire volet , etiam ad poenam inferni tuo pro amore sufferendam , te offeres paratum : ut te talem efficiat , possideatque , ut illi placuerit , haud secus , quam cum necdum creatus esses .

Exerce te
I. Oblatione

468 EXERCIT. SPIRIT.

2. Postulatione .

Secundo libere exiges a Domino Deo tuo non solum omnes gratias, & dona, quae Deus habet, quibusque tu indiges, sed etiam totum, quod Deus est, ut eo solo fruaris in suo nudo, & infinito amore. Postulabis etiam tibi nudum, & perfectum spiritum, claram cognitionem divinae bonitatis, & voluntatis, & tuae indignitatis, & omnium virtutum notitiam, & perfectionem, fortemque in omni virtute perseverantiam. Denique & omnia alia necessaria pro salute tua, & tuorum specialium, & totius Ecclesiae, & animarum in Purgatorio. Et quia Deus aeterna caritas est, qui te ab aeterno in sua gestavit divinitate, idcirco tertio illi te conformabis, vide-

3. Conformatione .

licet desiderando, si ei gratum foret, in tanta derelictione, cruciatu, ignominia, paupertate, & miseria vivere, ut Christus ipse vixit, eisdemque virtutibus nudam animam tuam vestiri, & ornari, quibus ipse ornatus fuit. Sic & quia ipse aeterna caritas est, & te quoque in amorem transformari oportet, antequam in ipsum pervenire queas; idcirco ardenti te desiderio erigens postulabis ea dilectione ornari, qua Christus ornatus fuit: ut sis illi secundum divinitatem, & humanitatem suam conformis,

4. Unione .

& Deiformis effectus. Quarto demum loco fortiter desiderare queas, ut illi possis absque ullo medio felicissime uniri. Tum vero illi jam unitus, ad divinitatem ipsam accedes: ubi quidquid creatum est, foris relinquens, & nec te ipsum quidem sentiens, aut cogitans, tam profunde te immerges, abscondes, & transferes in dulcissimum Deum tuum, immo in ipsum aeternum

amorem tuum, ipse quoque ignito amore plenus, ut nunquam dehinc a creaturis inveniaris ceu fragilis creatura. Hic ergo desiderabis a summo bono absorberi, & illud vicissim absorbere: quum bonum illud incommutabile nihil aliud sit, quam abyssus quaedam immensa aeterni, & infiniti amoris. Sicque in corde Jesu liquefias ex superadmirabili amore, & bonitate Domini Dei, & sponsi tui: rogans eundem, ut aperiat tibi pulcherrimum, lucidissimum, & amoenissimum regnum divinitatis suae, in illud te prorsus immergi, & transformari permittens: dicesque hoc vel simili modo: O superadmirabilis potentia, sapientia, & bonitas Domini Dei mei!

Opta in Deum absorberi.

Aspiratio in Deum.

O superadmirabile mirum, & superadmirabile bonum! quando me totum transformabis, & abscondes in te, & te in me? Quod enim est mari absorbere unam guttam, hoc tibi est absorbere me. O Domine Deus meus, & omnia! utinam possem ex qualibet creatura facere animam, & ex qualibet anima, maxime autem mea, facere tibi regnum caelorum, in quo pacem, & gaudium haberes: pro omni dolore, & tristitia tua, quae pro me sustinuisti, libentissime haec omnia tibi darem. Patiar, quaeso, pro honore tuo, si vis, poenam omnium damnatorum, & laudem te laude omnium beatorum. Aperi mihi, quaeso, deliciosissimas divitias superardentissimae divinitatis tuae, & abscondas me in te, ut a nulla unquam creatura inveniri queam.

Quod sic hic ulla adhuc tibi creati intellectus scintilla superest, attendas paulisper aeternam Dei tui potentiam, sapientiam, & caritatem,

470 EXERCIT. SPIRIT.

tem, donec mirabili quodam modo velut in ecstasi cogitando fias absque cogitatione, cognoscendo absque cognitione, amando sine amore: efficiarisque per gratiam, quod Deus est per naturam. Denique si sic in corde Jesu conversantem divinitas te absorbuerit, felix eris, sentiesque, quae nec dici, nec scribi possunt, nec in cor hominis ascenderunt bona Domini, quae solus expertus utcunque intelligit.

Porro hoc XIV. exercitium instar aliorum duabus in die horis observabis, per XXXIII. dies continuos, ad honorem annorum vitae Christi: & interim quotidie communicabis. Et postea quoad vixeris omni die semel caelesti sponso tuo per hoc idem exercitium mane, aut alio congruo tempore te resignabis, offeres, & absque ullo medio purissime unies: septimum nihilominus exercitium etiam supra dictum, nunquam deserturus: ad laudem Dei sublimis, & gloriosi, in secula benedicti. Amen.

F I N I S.

HYMNUS



H Y M N U S S. C A S I M I R I

A D

B. VIRGINEM MARIAM

Per dies hebdomadae distributus .

D O M I N I C A .

O Mni die dic Mariae
Mea laudes anima .
Ejus festa , ejus gesta ,
Cole splendidissima .
Contemplant , & mirare
Ejus celsitudinem ;
Dic felicem genitricem
Dic beatam Virginem ,
Ipsam cole , ut de mole
Criminum re liberet :
Hanc appella , ne procella
Viriorum superet .
Haec persona nobis dona
Contulit caelestia .
Haec regina nos divina
Collustravit gratia .
Lingua mea , dic trophaea
Virginis puerperae ;
Quae infictum maledictum
Miro transfert germine .
Sine fine dic Reginae
Mundi , laudum cantica .

Ejus bona semper sona ,
Semper illam praedica .
Omnes mei sensus ei
Personate gloriam :
Frequentate tam beatae
Virginis memoriam .
Nullus certe tam disertae
Hactar eloquentiae ,
Ut condignos promat hymnos
Ejus excellentiae .
Omnes laudent , unde gaudent ,
Matrem Dei Virginem :
Nullus fingat , quod attingat
Ejus celsitudinem .
Nemo dicet , quantum licet ,
Laudum ejus merita :
Ejus cuncta sunt creata
Ditioni subdita :
Sed necesse , quod prodesse
Piis constat mentibus ,
Ut intendant quod impendant
In ipsius laudibus .

G g 4 Quam-

Quamvis sciam, quod Mariam
 Nemo digne praedicet;
 Tamen vanus, & infanus
 Quisquis illam recitet.
 Cujus vita erudita,
 Disciplina caelica
 Argumenta, & figmenta
 Destruit haeretica.
 Cujus mores, tanquam flores
 Exornant Ecclesiam:
 Actiones, & sermones
 Miram praestant gratiam.
 Evae crimen nobis limen
 Paradisi clauferat:
 Haec dum credit, & obedit,
 Caeli claustra reserat.
 Propter Evam homo saevam
 Accepit sententiam:
 Per Mariam habet viam,
 Quae ducit ad patriam.
 Haec amanda, & laudanda
 Cunctis specialiter:
 Venerari, praedicari
 Eam decet jugiter.
 Ipsam posce, quam agnosce,
 Posse prorsus omnia:
 Ut evellat, & repellat,
 Quae sunt nobis noxia
 Ipsa donet, ut quod monet
 Natus ejus, faciam.
 Ut finita carnis vita,
 Laetus hunc aspiciam.
 O cunctarum foeminarum
 Decus, atque gloria!
 Quam electam, & erectam
 Scimus super omnia.
 Clemens audi, tuæ laudi
 Quos intentos conspicias.
 Munda reos, & fac eos

Donis dignos caelicis.
 Virgo Jesse, spes oppressae
 Mentis, & refugium.
 Decus mundi, lux profundæ,
 Domini Sacrarium.
 Vitae forma, morum norma,
 Plenitudo gratiae:
 Dei templum, & exemplum
 Totius justitiae.
 Virgo salve, per quam valvae
 Caeli patent miseris,
 Quam nec flexit, nec allexit,
 Fraus serpentis veteris.
 Generosa, & formosa,
 David proles inclita,
 Quam elegit rex, qui regit;
 Et creavit omnia,
 Gemma decens, rosa recens,
 Castitatis liliū,
 Castum chorum ad caelorum
 Quae perducis gaudium,
 Actionis, & sermonis,
 Facultatem tribue,
 Ut tuorum meritum
 Laudes promam strenue.
 Opto nimis, & imprimis,
 Des mihi memoriam,
 Ut decenter, & frequenter
 Tuam cantem gloriam.
 Quamvis muta, & polluta
 Mea sciam labia,
 Praesumendum, nec silendum
 Est de tua gloria.
 Virgo gaude, omni laude
 Digna, & praeconio;
 Quae damnatis libertatis
 Facta es occasio.
 Semper munda, & foecunda
 Virgo tu puerpera:

Mater alma, velut palma
 Florens, & fructifera.
 Cujus flore, & odore
 Recreari cupimus;
 Cujus fructu nos a luctu

Liberari credimus.
 Pulehra tota, sine nota
 Cujuscumque maculae,
 Fac nos mundos, & jucundos
 Te laudare sedule.

F E R I A S E C U N D A.

O Beata, per quam data
 Nova mundo gaudia,
 Et aperta fide certa
 Regna sunt caelestia.
 Per te mundus laetabundus
 Novo fulget lumine,
 Antiquarum tenebrarum
 Expulsa caligine.
 Nunc potentes sunt egentes,
 Sicut olim dixeris:
 Et egeni sunt pleni,
 Ut tu prophetaveras.
 Per te morum nunc pravorum
 Relinquantur devia:
 Perversarum doctrinarum
 Nulla sunt praestigia;
 Mundi fluxus, atque luxus
 Docuisti spernere,
 Deum quaeri, carnem teri,
 Vitiis resistere.
 Mentis cursum tendi sursum
 Pietatis studio:
 Corpus angeli, motus frangi
 Pro caelesti praemio.
 Tu portasti intra casti
 Ventris claustra dominum
 Redemptorem, ad honorem
 Nos reformans pristinum.
 Mater facta, sed intacta
 Genuisti filium,
 Regem verum, atque rerum

Creatorem omnium.
 Benedicta, per quam victa
 Mortis est versutia:
 Desitit spe salutis
 Datur indulgentia.
 Benedictus rex invictus,
 Cujus mater diceris:
 Qui creatus ex te natus
 Nostri salus generis.
 Reparatrix, consolatrix
 Desperantis animae:
 A pressura, quae ventura
 Malis est, nos redime.
 Pro me pete, ut quiete
 Semper eterna perfruar:
 Ne tormentis comburentis
 Stagni miser obruar.
 Quod requiro, quod suspiro,
 Mea sana vulnera:
 Et da menti tu poscenti
 Gratiarum munera.
 Ut sim castus, & modestus,
 Dulcis, blandus, sobrius,
 Pius, rectus, circumspectus,
 Simultatis nescius.
 Eruditus, & munitus
 Divinis eloquiis,
 Timoratus, & ornatus
 Sanctis exercitiis,
 Constans, gravis, & suavis,
 Benignus, amabilis,

Sim-

Simplex, purus, & maturus,
 Patiens, & humilis.
 Corde prudens, ore studens
 Veritatem dicere.
 Malum nolens, & eum colens
 Pio semper opere.
 Esto turix, & adiutrix
 Christiani populi,
 Pacem praesta, ne molesta
 Nos perturbent saeculi.
 Salutaris stella maris
 Summis digna laudibus:
 Quae praecellis cunctis stellis,
 Atque luminaribus,
 Tua dulci prece fulci
 Supplices, & refove;
 Quidquid gravat, vel depravat
 Mentis nostras, remove.
 Virgo gaude, quod de fraude
 Daemonis nos liberas,
 Dum in vera, & sincera
 Carne Deum generas.
 Illibata, sed dotata
 Caelesti progenie,
 Gravidata, nec privata

Flore pudicitiae.
 Nam quod eras perseveras,
 Dum intacta generas:
 Illum tractans, atque lectans,
 Per quem facta fueras.
 Mihi maestum nunc adesto,
 Dans perenne gaudium.
 Dona quaeso mihi laeso
 Optatum remedium.
 Commendare me dignare
 Christo tuo filio.
 Ut non cadam, sed evadam
 De mundi naufragio.
 Fac me mitem, pelle litem,
 Compesce lasciviam:
 Contra crimen da munimen
 Et mentis constantiam.
 Non me liger, nec fatiget
 Saeculi cupiditas,
 Quae indurat, & obscurat
 Mentis sibi subditas.
 Numquam ira, nunquam dira
 Me vincat elatio;
 Quae multorum fit malorum
 Frequenter occasio.

FERIA TERTIA.

ORa Deum, ut cor meum
 Sua server gratia;
 Ne antiquis inimicus
 Seminet zizania.
 Da levamen, & juvamen
 Tuum illis jugiter,
 Tua festa, sive gesta
 Qui colant alacriter.
 Da virtutum mihi scutum,
 Ne in bello concidam:
 Fidem rectam, spem robustam,

Charitatem fervidam.
 Maris stella, interpella
 Quem portasti utero;
 Ut hoc mare transire
 Cursu donet prospero.
 Det timorem, & amorem
 Sui semper nominis:
 Donet pacem, & fornacem
 Extinguat libidinis.
 Castitatis, pietatis
 Munimenta conferat.

Ad-

Adsit rector , & protector
 Ne me umquam deferat .
O praeclara , viam para
 Ad caelestem patriam .
Sic me sana , ut mundana
 Gaudia despiciam .
Mater bona , meis dona
 Requiem parentibus :
Ora cunctis pro defunctis
 Notis , & affinis .
Nunc egenum fac ad plenum
 Pervenire gaudium :
Ut amare , & laudare
 Tuum possim filium .
Meos notos fac devotos
 Piis semper actibus :
Ut mandatis veritatis
 Totis insint viribus .
Mala pelle , & refelle
 Daemonum versutias .
Spirituales , & carnales
 Compesce nequitas .
Virgo lenis de carenis
 Criminum nos eripe ,
Ut soluti simus tui ,
 Viso mortis principe .
Adjutricem , & nutricem
 Te ubique sentiant ,
Qui foelicem genitricem
 Dei te pronunciant .
Splendor patris, factor matris,
 Jesu , nostra gloria ,
Da ut sim per Mariam
 Tua dignus gratia .
Mater Christi , quae tulisti
 Sacris hunc visceribus ,
Absque viro , partu miro ,
 Quo pax datur gentibus ,
Condescendens, & impendens

Miseris auxilium ;
 Hunc aspectum, hunc affectum
 Dirige propitium .
Virgo mitis , quae contritis
 Spem largiris veniae ,
Posce Deum , ut trophaeum
 Suae det Ecclesiae .
Dona pacem , & fallacem
 Inimicum contere ,
Ne ignitis hic sagittis
 Possit nos elidere .
Jucundare , quae portare
 Meruisti dominum ,
Mundi lucem , vitae ducem ,
 Salvatorem omnium .
Alter partus gravat artus ,
 Invenit suspiria :
Finem ruus pellit luctus
 Dans aeterna gaudia .
Aliarum foeminarum
 Proles steru funditur :
Partus iste nil scit triste ,
 Ubi Deus nascitur .
O quam laetis a prophetis
 Es laudata vocibus ,
Hoc secretum, quod complet
 In te est , mirantibus .
Te beatam , te praeclatam
 Cunctis esse docuit ,
Cum suave illud Ave
 Gabriel aperuit .
Tu portasti , & lactasti ,
 Benedicta domina ,
Quem adorat , quem honorat
 Trina rerum machina .
Adorabas , & lactabas
 Deum factum hominem .
Qui nos lavit , & salvavit
 Suum ponens sanguinem

Vagientem, & lactentem
 Confovebas gremio.
 Servi ille, tu ancillae
 Functa es officio.
 Tu vefcentis, & docentis
 Ufa es praefentia:

Te fcientie, & vidente,
 Fecit mirabilia.
 Te praefente, & monente
 Consecravit nuptias:
 Quando vino repentino
 Sex implevit hydrias.

F E R I A Q U A R T A .

TU divinae disciplinae
 Pascebaris gratia:
 Cum in crucem suum ducem
 Gens levavit pessima.
 Quot lamenta, quot tormenta,
 Quanti tui gemitus!
 Cum Rex caeli tam crudeli
 Morti esset traditus.
 Corde tristi pertulisti
 Passionis gladium;
 Cum irrisum, & occisum
 Tuum cernis filium.
 Nam Rex magnus velut agnus
 Immolari voluit:
 Et per cruce[m] nobis lucem;
 Et salutem attulit.
 Cujus poena nos ad regna
 Provehit caelestia.
 Crux virtutis, & salutis
 Fit certa fiducia.
 Mundum regens velut egens
 Visus est incredulis:
 Ut per formam servi normam
 Vitae daret servulis.
 Rex immensus est suspensus
 Crucis in patibulo;
 A poenarum aeternarum
 Nos salvans periculo.
 Pius Iesus flagris caesus,
 Et corona spinea

Coronatus, & in latus
 Est transfixus lancea.
 Qui effingens chaos ingens
 Spoliavit inferos:
 Fractis portis dirae mortis,
 Vinclos fecit liberos.
 O quam laeta es effecta,
 Die facta tertia;
 Cum Rex fortis victae mortis
 Attulit indicia.
 Nam antiquum inimicum
 Diris stringens vinculis,
 Se videndum, & tangendum
 Praebuit discipulis.
 Quis mirari, quisve fari
 Tuum posset gaudium:
 Quando moestis Rex caelestis
 Pacis dedit nuncium?
 Unde tibi laus ascribi
 Debet, atque gloria
 Quod tantorum gaudium
 Facta es materia.
 Post tot signa, quae tu digna
 Meruisti cernere,
 Ad paternum vides thronum
 Filium ascendere:
 Cui juncta super cuncta
 Potestatem obtines,
 Omnes soli, omnes poli
 Supergressa ordines.

O Regina huc inclina
 Piae mentis lumina ;
 Et excusa prece fusa
 Servulorum crimina .
 Jam sublimis facta nimis
 Manes juxta filium
 Celsa sede , intercede
 Pro salute omnium .
 Nos conforra , & reporta
 Munus indulgentiae ;
 Et reformes nos enormes
 Ad statum justitiae .
 Maris stella , Dei cella ,
 Virtutisque speculum ;
 Quam miratur , & precatur
 Universum saeculum ,
 Da ut queam mentem meam
 Emundare vitiis ;
 Exercendo , & colendo
 Sacris eam studiis .
 Dona , inquam , ut jam vincam
 Tentamenta daemonum :
 Nec permittas , per sagittas
 Me perire criminum .
 O decora , Deum ora ,
 Ut det mihi gratiam :

Adsit custos , ne robustos
 Meos hostes sentiam .
 Curam habe , ut a labe
 Criminum purificer .
 Fac me rectum , & perfectum ,
 Fac beatum jugiter .
 Prævus hostis nos intortis
 Inquietat jaculis :
 Tu resiste , nec nos iste
 Suis trahat vinculis .
 Dona pacem , per quam vacem
 Divini obsequiis :
 Ne per curas perituras
 Veris priver gaudiis .
 O quam pravi , & ignavi
 Sunt , qui mundum diligunt !
 Nec attendunt cui se vendunt
 Hi , qui Deum negligunt .
 Vere caecus , & ut pecus
 Expers est scientiae ,
 Quæ delectat hoc , quod spectat
 In valle miseriae .
 Nam quæ fructum nisi luctum
 Praestant mundi gaudia ?
 Cujus cura gignit dura
 Miseris supplicia .

FERIA QUINTA.

Rex virtutū , cujus nutū
 Nihil potest fallere :
 Nos tuere , atque verae
 Lucis dita munere .
 En , jejunus a te munus
 Peto , ne deficiam ;
 Ut sacrarum Scripturarum
 Mihi des scientiam .
 Micas panis velut canis
 Mihi dari postulo ;

Et quod quaero , tuo spero
 Te daturum servulo .
 Rex benigne , fac me digne
 Matrem tuam colere ;
 Quae portavit , & lactavit
 Te sacro ubere .
 Da virtutem , ut refutem
 Omnem immunditiam :
 Fac me mitem , ut devitem
 Iram , & stultitiam .

He-

Moneſtorum mihi morum
 Praeſta elegantiam ;
 Ut honeſtus , & modeſtus
 In bono proficiam .
 Sic nociva incentiva
 Sopiantur corporis ,
 Quod frigeſcant , & queſcant
 Pravi motus peſtoris .
 Sit ſerena mens , & plena
 Spirituali gaudio ,
 Illuſtrata , & purgata
 Veræ lucis radio .
 Stella maris , quæ ignavis
 Subvenis , & perditis :
 In hoc ſolo nos a malo
 Salva tuis meritis .
 Nec a maris patiaris
 Abſorberi fluctibus ,
 Qui extollunt , atque colunt
 Te devotis mentibus .
 Virgo mitis ab ignitis
 Jaculis nos libera :
 Quibus cadit , qui non vadit
 Per tua itinera .
 Clamat reus , vide , Deus ,
 Daemonis aſtutiam :
 Pelle dolum , ut te ſolum
 Pura mente cupiam .
 Jeſu bone , ſic diſpone
 Horam mei tranſitus :
 Ut ad chorum electorum
 Meus pergat ſpiritus .
 Dux ſanctorum , ſpes lapſorum
 Virgo mater Domini ;
 Per quam vita reſtituta
 Eſt pereantis homini ,
 Gemebundo corde , fundo
 Preces ad te , Domina .
 Namque gravi , quam patravi ,

Valde premor ſarcina .
 Solve moles , ſicut ſoles ,
 Quibus preſſus teneor ,
 Et exſenſa , prece fuſa ,
 Lapſus , quos confiteor .
 Dolor ingens me ſtringens
 Vehementer cruciat .
 Culpæ reſum cor anhelum
 Siquidem dilaniat .
 Parce flenti , & dolenti ,
 Summe rerum arbiter ;
 Nam mandata per te data
 Sum tranſgreſſus nequiter .
 Rubefco , & tabefco
 Tuam timens faciem .
 Cum meorum delictorum
 Perpendo congeriem ,
 Ingens fletus atque metus
 Meam turbat animam :
 Pavet ſenſus , dum ſuſpenſus
 Horam penſat ultimam .
 Quis futurus eſt ſecurus
 In illo examine ,
 Quādo patet , quæ nunc latet ,
 Arguente lumine ?
 Quo dolore , quo moerore
 Detinentur miſeri ,
 Qui abyſſis pro commiſſis
 Submergentur inferi !
 Rex , quid egi , quo impegi
 Quo inſoelix cecidi ?
 Quæ deducunt , quæ ſeducunt
 Fraudes hoſtis perſidi .
 Ad quæ tendā , ut tremendam
 Evadam ſententiam ?
 Quæ requiram , per quæ iram
 Iudicis eſſugiam ?
 Beatarum foeminarum ,
 Virgo beatiſſima ,

Illū gerens, qui nos quaerens
 Visitavit infima;
 O Maria, qua sophia
 Prodiit altissimi,
 Ut credendo, & sequendo
 Possset homo redimi,
 Formidandum redde blandum

Judicem supplicibus,
 Ne iratus, ob reatus
 Saevis tradat ignibus.
 Caeli scala, fac me mala,
 Quae impugnant, vincere,
 Et in bono, quod propono,
 Constanter persistere.

F E R I A S E X T A .

NUnquā finas in me spinas
 Virtutum crescere;
 Sed ad fructum nos virtutum
 Dones semper tendere.
 Clemens dona, ut patrona
 Velis esse misero,
 Ut sis mecum, cum ad aequum
 Tribunal processero.
 Supplicando me commendo,
 Tuo patrocinio,
 Ne rex fortis dirae mortis
 Tradat me supplicio.
 Preces funde, & responde
 Pro me ante judicem.
 Nam offensae sunt immensae
 Quae accusant supplicem.
 Desperarem, si pensarem
 Mea tantum merita,
 Nec audissem, nec sensissem
 Tanta bona praestita.
 Mater alma, tuis salva
 Precibus hunc miserum,
 Quem subegit, & confregit
 Magna moles scelerum.
 A peccatis, & a mortis
 Libera praepositis,
 Te poscentem, & habentem
 Spem in tuis meritis.
 Virgo lenis, a terrenis

Munda nos affectibus:
 Ac cunctorum delictorum
 Nos absolve nexibus.
 Paradisi, quo dimissi
 Exulamus, aditum
 Nobis pande, quod ob grande
 Nimis potes meritum.
 Illic patrem, atque matrem
 Mecum fac constitui,
 Et bonorum aeternorum
 Ubertate perfrui.
 Mater agni, qui tyranni
 Victor coepit spolia,
 Quo elisi, paradisi
 Caremus laetitia,
 Noxas dele parentelae
 Meae ruis precibus;
 Et da cunctis mihi junctis
 Frui bonis omnibus.
 Virgo sancta, mater casta,
 David proles incluta.
 Pia prece nos de faece
 Peccatorum suscita.
 Proles Jesse, per quam fessae
 Roborantur animae:
 Fac nos fortes, & cohortes
 Tenebrarum comprime.
 Ab his relis tu nos velis
 Supplices defendere,

Qui-

Quibus perit, quisquis quaerit
 Carni satisfacere.
 Virgo lenis, nos a poenis
 Salva gehennalibus;
 Nec inferni nos subterni
 Sinas cruciatibus.
 Vitam lacram, & quietam
 Fac nos semper agere:
 Vt virtutis, & salutis
 Gaudeamus manere.
 Supplex oro, ut in choro
 Te sanctorum videam,
 Vt divinae sine fine
 Dono lucis gaudeam.
 O quam grata, & beata
 Tua est memoria!
 Actiones, & sermones
 Tui sunt remedia.
 Gratulamur, & conamur
 Laudes tuas canere,
 Quamvis totum cor devotum
 Nequeat exprimere:
 Sic est densa, sic immensa
 Laudis tuae copia,
 Vt profunda, & foecunda
 Succumbant ingenia.
 Nemo praebet quantum debet

Laudes tuae gloriae,
 Qua processit, qui repressit
 Authorem malitiae.
 Benedicta, quae devicta
 Vana carnis gloria,
 Aeternorum gaudiorum
 Extitisti nuncia.
 Benedictus, qui affixus
 Crucis in patibulo
 Nos salvavit, & donavit
 Pacem suo populo.
 Virgo mitis, infinitis
 Praedicanda laudibus,
 Tuum natum fac placatum
 Cunctis te colentibus.
 Da perfectum intellectum
 Quo devitem noxia.
 Fac me nosse, & da posse
 Quaeque sunt utilia.
 Curam gere, ut sincere
 Conversari studeam,
 Vt devotus, carnis motus
 Spiritu coerceam,
 Mater Dei, preces ei
 Funde, qui nos muniat.
 Preces snade, ut secundae
 Quaeque res eveniant.

S A B A T O.

Virgo lenis, a venenis
 Draconis me libera:
 Cujus doli celsa poli
 Labefactant sydera.
 Pensa, pensa, quam immensa
 Mihi sit fragilitas.
 Quam antiquum inimicum
 Mea fert humanitas.
 Dei aula, circumvalla

Tuo nos munimine.
 Reos solve, justos fove,
 Imbecilles sustine.
 Judex iuste, rogamus te
 Vt des cunctis veniam,
 Qui Mariae matris tuae,
 Diligunt memoriam.
 Jesse proles, solve moles,
 Quae me premunt, scelerum.

In-

Inuere, & medere
 Morbis te poscentiam.
 Truculentus, & cruentus
 Hostis inflat nimium.
 Nempe certat, ut subvertat
 Me per carnis vitium.
 Nunc latenter, nunc patenter
 Non cessat irruere:
 Querens artē, querens partē,
 Quam possit subrepere.
 Conservare me dignare
 Gloriosa domina:
 Et elide homicidae
 Furentis conamina.
 Sermo vanus, & insanus,
 Mihi non subripiat.
 Non auditus, non pruritus
 Gulae me deiciat.
 Non me tactus, aut olfactus
 Ad peccandum provocet.
 Non me visus, non me risus,
 Vel furor praecipitet.
 Gemebundus fero pondus
 Culparum ingentium.
 His solum ad virtutum
 Trahe me fastigium.
 Alma Virgo, supplex rogo
 Tuam excellentiam,
 Ut aeternam per te cernam
 Tui nati gloriam.
 Fons virtutum, da ut lutum
 Virtutum deferam.
 Mentis visum, atque nifum
 Ad supernam transferam.
 O Maria, vitae via,
 Plena Dei gratia,
 Inter Deum, & hunc reum
 Precor ut sis media.
 Funde preceam, ne in necem

Decidam perpetuam.
 Ut sim castus, atque sacrus
 Mundi hujus respuam.
 Ille ductor, & instructor
 Adsit mihi spiritus,
 Qui te mundam, & foecundam
 Fecit esse caelitus.
 Ille, inquam, ne delinquam,
 Me conservet gratia,
 Qua replevit te, qui flevit
 Inter tua brachia.
 Meum pectus sic affectus
 Charitatis impleat:
 Ut ab eo, quidquid Deo
 Displicet, removeat.
 Maris stella, feda bella,
 Seda malos homines.
 Ne nos mergant, aut dispergant
 Mundi hujus turbines.
 Corde laeto, tuo peto
 Salvari suffragio;
 Et postremo, in supremo
 Collocari gaudio.
 Dei mater fac gratanter
 Tua nos solemnia
 Celebrare, & vitare
 Carnis desideria.
 Meam vitam fac munitam
 Fide, & operibus:
 Ut ad coenam intrem plenam
 Bonis immortalibus.
 Mater Dei, nostrae spei
 Causa, & exordium,
 Posce natum, ut opus
 Nobis det remedium.
 De mortalis vitae malis
 Me dignanter erue:
 Et post mortem dona sortem
 Quietis perpetuae.

Pro meorum propinquorum
 Salute te postulo;
 Ut laetentur, & salventur
 Ab omni periculo.
 Meis charis largiaris
 Iam defunctis veniam;
 Et cunctorum commodorum
 His, qui vivunt, copiam.
 Illis precum dona mecum
 Tuarum suffragia.
 Ut moderna, & aeterna
 Fruantur laetitia.
 O Maria, mater pia,

Tuum da subsidium,
 Quo vivamus, & vivamus
 In terra viventium.
 Da medolam, & tutelam
 Cunctis te colentibus,
 Pacem bonam, & coronam
 Cum supernis civibus.
 Pater Deus, Fili Deus,
 Deus alme spiritus,
 Per aeterna nos gubernas
 Deus unus saecula.
 Amen.

F I N I S.


63412562


ERRA-

ERRATA CORRIGE

Pag. 287. l. 2. marg. Christum	in Christum
355. l. 2. marg. spiritu	a Spiritu
447. l. 1. verum	unum









2



